

Selections from Hindi Literature

BOOK III

TULSÍDÁS

Compiled by

LALA SITA RAM, B A., Sahityaratna.

**Member of the Royal Asiatic Society of Great Britain
and Ireland, etc., etc.**

Published by the

University of Calcutta

1923

**Sole Agents
The University of Calcutta**

ALLAHABAD :

PRINTED AT THE RAJPALI PRESS.

The story of his renunciation has been amplified by planting on it the incidents in the legend of Bilwamangal. This legend appears in the *Bhaktamál*, page 350 of the book edited with a commentary by the greatest modern saint of Ajodhyá, Sitá Rám Saran Bhagwán Prasád and printed at the Newal Kishore Press, Lucknow in 1913. For those who have not read the *Bhaktamál*, I shall reproduce it in brief:—"On the banks of the Krishnavena (now called Krishná in Madras Presidency) there lived a Brahman named Bilwamangal. He fell in love with a prostitute, Chintámani, who dwelt on the other side of the river. Bilwa was lost to all sense of shame and censure and used to go to her every night. One day he was delayed on account of his father's *sráddha*. It was late in the night but he was restless and resolved to go to his mistress at any cost. The river was in flood and no boat was available. He jumped into the river and was carried away by the stream when he caught hold of a dead body, made a float of it and crossed the river only to find Chintámani's door closed. How was he to enter the house? A large serpent was hanging from the wall. He took hold of it, climbed the wall and leaped into the open yard. His mistress was surprised and asked him how he had contrived to come at that hour of the night. As soon as she was apprised of the facts, she exclaimed:—

जैसे मन मेरे हाड़ चाम सेां लगायो, तैसे श्याम सेां लगावै तो
पै जानिये सयान कै ।

“If you attach your heart to the Lord as you have done to my skin and bones I would consider you wise.”*

Bilwamangal was immediately converted and became one of the greatest votaries of the Lord.

I would only note here that the rebuke administered to Tulsī by his wife was precisely in the same words :—

अस्थिचर्ममय देह यह तासों जैसी प्रीति ।
तैसी जो श्रीराम महं होत न तौ भवभीति ॥

* Another part of this story has been planted on Surdas and some books have lately been published in which Bilwamangal has been identified with Surdas. The story runs that Bilwamangal with a view to punish his eyes for yielding to temptation, blinded himself by poking needles and was travelling in that condition towards Brindaban when the sun set. The Lord in His mercy took him by the hand and seated him under a tree. The devotee found out at once that his hand was held by no other than the Lord Krishna and when therefore He wanted to release Himself Bilwa held Him firmly. The votary however, was no match for the Lord and when the Lord at last got out of his hold, Bilwa cried in the words of Nabhaṇ,

कहा भयो कर छुटै वदौं जो हियते जाई ।

“What matters it if the hand is released, I shall bet anything if thou canst tear thyself from my heart.”

The legend concerning Surdas is given at page 24 of the *Modern Vernacular Literature of Hindustan* and I reproduce it in Sir George Grierson's own words.

Subsequently to his becoming blind, during the absence of his amanuensis, Kṛishṇ came himself and wrote down for him the words which welled forth from the unsuspecting poet's mouth. At length Surdas perceived that the writer was outstripping his tongue, and was writing down his thoughts before he had uttered them. Recognising the *Antaryami* God by this, Surdas seized him by the hand, but Krishna thrust him away and disappeared. Surdas then uttered the following verse :—

कर छुटकाये जात हो निबैल जानी मोहि ।
हृदय सें जो जाहुगे मरद बखानौं तोहि ॥

“Thou thrustest away my hand and departest, knowing that I am weak. But not till Thou depart from my heart, will I confess Thee to be brave.”

This in the words of Sir George Grierson is the poet's highest flight, “the leading idea of which is that though a mortal might thrust him away, no one but God could tear himself from the poet's heart.”

It is a significant fact that two *bhaktas* of the Lord should receive their inspiration in the same way but we have no doubt about Tulsídás, though the prostitute Chintámaní has excelled Ratnáwalí. When the majesty of love dawned upon her, her heart was affected and illuminated first as she cried,

मैं तो भये भोर भनों युगुलकिशोर अब,
तेरी तुही जानै चाहौ करौ मतमानिकै ॥

‘As soon as the morning dawns, I shall devote myself to the Lord (lit. the Holy Couple), you may do as you may like.’

Tulsidas is said to have gone over at once to Benares. To me it appears that he joined a company of Sádhus and went over to Síkarkhet or the Varahakshetra at the confluence of Sarju and Ghogra in Gonda district, and not Soron in Etah district as Mr Growse thinks. Here he was initiated in the principles of Vaishnavá religion by Narhari Das who told him the story of the *Rámáyan*. We can not believe that in his childhood he was picked up by an itinerant sádhu and taken to Paska and staying there for some time went back to Rájápur to be married. The excessive attachment to his wife and the sudden change are all indicative of an impulsive prime of youth and it is on this assumption that we can get a reasonable explanation of the statement in *Bal Kand* *doha* 37.

सो मैं निज गुरु सें सुनी कथा सुसुकरखेत ।
समुझ नहीं तस बालपन तब अति रहों अचेत ॥

“As for myself, I heard the story from my master at Sukar-khet, not understanding it, when I was quite a child and had no sense.” (*Growse's translation*)

He next went over to Ajodhya and fixed his residence in the place since known to posterity as Tulsí Chaura and it was here that on the Ram Navami of 1631 V.E. which according to Sir George Grierson's calculations fell on Tuesday, the 30th March, 1674, he published his *Ráma Charita Mánasa*

He had travelled far and wide and some account of his journeys is given in the *Tulsidás ka Jwan Charita* by Baijnath appended to the Khadga Bilás Press edition of the *Rámayan* as also to the *Rámayan* with the commentary of Rám Charan Das as published by the Newal Kishore Press, Lucknow*. His longest stay appears to have been in Malihabad in Lucknow district where a temple of Rama consecrated by him is still in existence. Nearer home he seems to have spent some years in Chitrakút. In his old age according to the popular belief that Kashi is the *Smashána Bhúmi*, (the cemetery) of Ajodhya, he retired to Benares and settled at the confluence of Asi and Ganges where his house is still shown, in which he breathed his last on the 7th day of the bright half of Sawan, 1680 V.E. corresponding to Thursday, July 24th, 1623.

The following works are attributed to him in *Misra Bandhu Vinod*—

1. *Rámacharita-mánasa*.
2. *Kavitávalí Rámáyan*.
3. *Gítávalí Rámáyan*.
4. *Chhandávalí Rámáyan*.
5. *Barwar Rámáyan*.

* For a fuller account of the life and teachings of Tulsidas the reader is referred to *Sri Goswami Tulsidas ka Jwan Charita* by the late B. Sheonandan Sahai of Arrah.

6. *Padawali Rámáyan.*
7. *Kundaliyá Rámáyan.*
8. *Chhappai Rámáyan.*
9. *Karkhá Rámáyan.*
10. *Rolá Rámáyan.*
11. *Jhúlná Rámáyan.*
12. *Ankávalí.*
13. *Dhruva Prashnīwali.*
14. *Ram Lalá Nahachchhu.*
15. *Jánki Mangal.*
16. *Párbatí Mangal*
17. *Krishna Gítáwali.*
18. *Hanúmánbahuk.*
19. *Sankalmochan.*
20. *Hanúmán Chálísá.*
21. *Rám Salaká.*
22. *Rám Satsaí.*
23. *Bairagya Sandípaní.*
24. *Vinaya Patriká.*
25. *Tulsídás kí báni.*
26. *Kalidharmadharmanirúpan.*
27. *Doháwali*
28. *Gyán ko parikaran*
29. *Mangal Rámáyan*
30. *Gítá Bháshá.*
31. *Súrya Purán*
32. *Rám Mukhtáwali*
33. *Gyán Dípiká.*

Hindi scholars doubt the claims of some of these to be the compositions of Tulsídás. There is, however, no doubt about the genuineness of most of them and a short account of the principal works is therefore given below :—

Before proceeding to describe his works it may be noted that there are three ways of looking at Rama; we may look at the tender side of his character (*mādhurya*), its majestic side (*aishvarya*) and its complex side (*misrita*), in which tenderness and majesty are combined. There are four ways of singing his praises; as a *māgadha* or panegyrist, as a *vandin* or bard, as a *sūta* or *pauranika*, i. e. historical poet, and as an *arthin* or suppliant.

A work in which the complex view of Rama's character, together with his glory and his power, is celebrated, is called a *charita* and is sung by a *sūta*. His tenderness should be sung by a *māgadha* and his majesty by a *vandin* while entreaties addressed to him should be sung by an *arthin*.

1. We shall begin with the most important work.

The *Ramacharita-manasa* commonly known as the *Tulsikrit Rāmāyan*. "Its name shows that it is a *charita*. The poet writes in the character of a *sūta* and deals with the complex side of his hero's character." It is the poet's greatest work and was commenced in V.E. 1631 (1574). It has been described as the Bible of ninety millions of people, and is "more popular and more honoured by the people of the North Western Provinces than the Bible is by the corresponding classes in England." "There is not a Hindu of Hindustan proper, whether prince or cottar, who does not know, its most famous verses and whose common talk is not coloured by it. Its similes have entered even into the language of Indian Muslims, some of whose most ordinary idioms, though they

know it not, made their first appearance in this work."

"The life of Rámchandra, considered as an incarnation of the Supreme, is here dealt with in a formal epic. The subject is the same as that of the celebrated Sanskrit *Rámáyan* of Válmiki, but the epic of Tulsí Dás is in no way a translation of that work. We have an independent story, built on the same foundation, but differing from it in the treatment of episodes and in important details. The author himself states that he has taken his account from many different sources, and it has been shown that the principal of these besides Válmiki's work, were the *Adhyátma Rámáyan* (a section of the *Brahmánda Purána*), the *Bhusundi Rámáyan*, the *Vasishtha Samhitá* and *Prasanna-rághava* attributed to Jayadeva."*

In my article referred to in the footnote to the last extract I have shown that Tulsí Dás himself acknowledges his debt to the authors of some of these books by saluting them in the introductory Sanskrit verses. I have not yet been able to trace the *Bhusundi Rámáyan*. The *Anand Rámáyan* also appears to have been requisitioned for some of the scenes.

The *Rámcharita-mánasa* is one of the great epics. "Its style varies with the subject. There is the infinite pathos of the passage describing Ráma's farewell to his mother, the rugged language describing the horrors of the battlefield, and, when occasion

* See L. P. Tessitori, K. *Ramacharitamánasa e il Ramayan*, reprinted from *Giornale della Società Asiatica Italiana*, xxiv (1911) reviewed by G. A. Grierson, in *JRAS*, 1912 p. 794 ff. and Sita Ram, in *JRAS*, 1914, P. 419 ff. — *Encyclopaedia of Religion and Ethics* p. 472

requires it, a sententious, aphoristic method of dealing with narrative, which teems with similes drawn, not from the traditions of the schools, but from nature himself, and better than Kalidása at his best. His characters, too, live and move with all the dignity of a heroic age. They are not colourless phantoms which he clothes with beautiful imagery, but are real beings each with his well-defined personality. Ráma, perhaps too perfect to enlist all our sympathies; his impetuous and loving brother Lakshmana; the tender, constant Bharata; Sítá, the ideal of an Indian wife and mother; Rávan, destined to failure, and fighting with all his demon force against his fate—all these are characters as lifelike and distinct as any in Occidental literature."

It is, however, not as a great poet that Tulsídás is so famous. "He towers above others not merely by reason of the majesty and sweetness of his poetry but because he thought of high things and clothed his thoughts in fitting language"* He is the great religious reformer of Upper India. "He was a follower of Rámánand but he developed the doctrines of his master in a way peculiarly his own. His great claim to attention is that while other Indian reformers have taught elevated doctrines, he not only taught them but succeeded in getting his teaching accepted by the nationalities which he addressed. We judge of a prophet by his fruits, and I give much less than the usual estimate when I say that fully ninety millions of people base their theories of moral and religious conduct upon his writings. If we take the

*JRAS January, 1923, page 147.

influence exercised by him at the present time as our test, he is one of the three or four great writers of Asia."

There is, however, one peculiarity in this extraordinary work which has made it acceptable even to those Hindus who claim to be "protestants". The Muhammadan bigotry had only attempted to make forcible conversions and to destroy Hindu temples. The substratum of our religion was however, left undisturbed and there was nothing in the teachings of Islám which could sap the foundations of our *Dharma* edifice like the modern university education. In the reign of Akbar there were three religions prevalent in this country :

1. The Adwaitaváda of Sankaráchárya, with Siva as the tutelary deity.
2. The Vishishtadwaitváda of Rámánujáchárya, commonly known as the Shri Vaishnava.
3. The Smárta Vaishnava sect of Rámánand which, in spite of the agitation set up within the last three years in Ajodhya, I hold is a branch of the Shri Vaishnava sect considerably modified to meet the needs of the time.

A close study of the *Rámcharita-mánasa* will show that Siya in the book represents Sankara, Lakshmana is Rámánuja and Bharata is a personification of Rámánand. It is not possible to give in the short space of introduction a full account of the teachings of each sect as reflected in this book but this fact has escaped the notice of the most careful readers of Tulsidás and a knowledge of this is abso-

lutely necessary to explain some of the knottiest points in the *Rámcharita mánasa*. Tulsidas has seldom expressed his own religious views. He always puts religious dogmas in the mouth of some important speaker. It is only at the end of Ajodhya-kánd that he impliedly says that he is follower of Rámánand. Growse's translation of this stanza is given below :—

“If Bharat had never been born, full of the ambrosia of devotion to Ráma and Sítá, who would have practised such self-restraint and penance, such composure, patience and rigorous fasting, transcending every imagination of the saints ? Who in legendary disguise would have removed our burning sorrows and poverty, our arrogance and sin ? What poor wretch like Tulsí now in this iron age would have ventured to set Ráma before you ?”

The last line should have been more accurately rendered as follows : “And who in this iron age should have perforce compelled wretches like Tulsí to appear before Ráma”. This evidently means that it was Bhārat (Rámánand) whose teachings inspired him with love and devotion to Lord Ráma.

2. *Kavīttāvali*.—“Here the poet in the character of a *vandín* or a bard tells of the glory of Rama so as to encourage the faithful with a picture of the Deity's power.” The language is Awadhi mixed with Braja Bhákhá. No work of Tulsídás shows the extraordinary mastery of vocabulary so well as this. His subject is heroic and without any needless recourse to Sanskrit he writes in a heroic style. In the battle-field the words themselves by their very

sounds echo the clash of arms and the cries of the combatants.

The account of the burning of Rávana's city, Lanká is remarkably vivid in its descriptive power. We hear the crackling of the flames, the shouts of the citizens, and the cries of the helpless women as they call for water. This is one of his versés:—

“Fire ; Fire ; Fire ,” They flee, they run hither and thither for their lives. Mother knows not her own daughter. Father helps not his son. Girls, with their hair dishevelled, nay, their garments torn open, blind in the darkness, children, old men, cry and cry again and again for ‘water, water.’ The horses neigh, the elephants trumpet as they break forth from their stalls. In the vast mob, men shove and trample, one crushing the other as he falls beneath his feet. Calling each other's names, children shriek, lamenting distraught, crying, ‘My father, my father, I am being scorched, I am being burnt alive in the flames.’ (*Kavittavali* V. 15 Venkateshwar Press edition, page 58.) .

The narrative closes with the sixth book. The seventh, which is nearly half of the whole, consists of a number of short poems in the *kavitta* metre written at different times and here collected by their author. They have no direct connexion with the preceding books and being full of personal allusions form a valuable source of information as to the poet's times and experiences. It is here that we learn about his birth and parentage and about the persecutions to which he was subjected, and from one

verse* we gather that the date of the compilation was some where between A.D. 1612 and 1614.†

3. *Gita-ali*—Tulsi Dás here appears in a new character, that of a *mágadha*, or panegyrist. It is a book of songs intended to increase in his readers their love for a tender, loving God. Again, as elsewhere, the love which he teaches is that of a child to his father. For the songs he has used the Braja Bhákhá dialect as the traditional vehicle of expression, and the dominant tone is not, as in the *Vinaya-pattriká*, passion, but sweetness and charm. In this he gives the whole history of Rámachandra in a delightful style, quite different from that of his formal epic. There is no verse in the book which is not a complete little picture, and most attractive of all are these in the first book, in which he tells of the baby life of his hero and his brothers. It is a true gospel of the infant Ráma.

Here is one of his pretty pictures :

“Full of happiness Kausalyá caresses her little darling. She lets him cling to her finger as she teaches him to walk in the fair courtyard of the palace, *Runu jhunu, runu jhunu*, sweetly tinkles the bell-girdle on his waist, sweetly tinkle the anklet-bells on his feet; as she helps him along.....His bonny face is a picture, with two little teeth peeping out behind his dawn-rosy lips, and stealing away the hearts of all.....His bright eyes, henna-darkened, put to shame the glancing silver-fish.....As he hears

* एक तो कराल कलिकाल मूलमूल तामें
कोद में की खाजु सी सनीचरी है मीनकी ।

† For detailed explanation vide Notes p. 23. Newul Kishor Press Edition.

his mother snap her fingers, he crows and springs with delight, and anon he fills her with dismay when he lets her finger go. He tumbles down and pulls himself up upon his knees, and babbles with joy to his brothers when his mother shows him a piece of cake, and she, as she looks at his pretty baby ways, is drowned in love and cannot bear her happiness..... Saith Tulsi Das, the man that loveth not this sweetness, hath no soul, and his life in this world is in vain." (*Gītāvalī* 1.32)

The *Vināya-pāṭṭrika* (Petition) is one of the most important works of the poet, in which his most intimate feelings towards the Deity and that Deity's relations to the human soul are displayed with a freedom from reticence and poetic fervour that have rarely been equalled.

An interesting legend accounts for its origin. Tulsi, harassed and terrified by persecution, writes this petition to Rāmachandra the loving, almighty, God, appealing for His protection. The whole forms a series of prayers, addressed, one by one, to the various minor gods as door-keepers and courtiers of the Supreme and then, in an outburst of passionate entreaty and self-humiliation, to the Deity Himself. The final verse tells how, as in the case of an earthly monarch, the petition was granted under Rama's own signature.

"The *Vināya-pāṭṭrika* is one of the most admired works of the poet but the difficulties of its language have discouraged many readers. In spite of the occasional use of highflown words and phrases, this ad-

mirable work deserves the closest study from any one who would become acquainted with the religious history of India. We have here a man whose influence for good over generations of Indians cannot be exaggerated, lying bare the inmost recesses of his heart, and openly proclaiming that at which other writers with the same experience have only dared to hint. It is a book of confessions, but the confessions of a pure and faithful soul."

Here is one of his prayers to Ráma in the *Vinaya Pattriká*.

"Look, look thou upon me,—naught can I do of myself. Wither can I go? To whom but thee can I tell my sorrow?.....Oft have I turned my face from thee and grasped the things of this world; but thou the fount of mercy, turn not thou thy face from me.....When I looked away from thee, I had no eyes of faith to see thee where thou art; but thou art all-seeing.....I am but an offering cast before thee; what prayer can the reflection on the mirror make to him who lives and is reflected in it? First look upon thyself and remember thy mercy and thy might; then cast thine eyes upon me and claim me as thy slave, thy very own. For the name of the Lord is a sure refuge, and he who taketh it is saved. Lord, thy ways ever give joy unto my heart; Tulsí is thine alone, and, O God of mercy, do unto him as seemeth good unto thee." (*Vinaya Pattrika*-149).

Barwai Rámáyan—A history of Ráma in *barwai* metre in an extremely condensed and often enigmatic form.

Rám-lalá-Nahachhú—A short poem describing the nailparing ceremony of Lord Ráma previous to his marriage. This ceremony is still observed on such occasions among all classes of Hindus and the metre employed is therefore the *sohar* metre.

Vairágya-Sandípini—It as its name implies, advocates *vairágya* and the perfect peace resulting from absolute self-surrender to the Deity. The book is divided into three *prakáshas* or lectures with an introductory invocation, as detailed below :

Prakasa I., Invocation, 1—7. Sant-swabháva-barnan., an account of the true nature of a holy man. I., 8—33 Metre dohá, sorathá and chaupái.

Prakasa II., Sant-mahimá-barnan, an account of the true greatness of a holy man. II., 1—9. Metre, as above.

Prakasa III., Sánti-barnan, an account of the true Peace. III., 1—20. Metre, as above.

The whole book has been translated by Sir George Grierson and appears at pages 46-54 of the Notes.

Jámkí-Mangal—The marriage-song of Sítá. The poem describes the journey of Ráma with Vishwámitra from Ajodhyá to Mithlá, the breaking of Siva's bow and Ráma's marriage to Sítá.

Párvatí-Mangal—The marriage-song of Párvatí. Describes the marriage of Párvatí to Siva. It is a favourite subject with Tulsídás who makes skilful use of the contrast between the snowy purity and grace of the daughter of Himálaya and the terrifying horrors of Siva's appearance.

Rámajñá—A collection of verses in seven adhyáyas of seven saptakas each containing 7 pairs of dohás. Each adhyáya forms a sort of running commentary or summary of the corresponding kánda of the *Rámáyana*. Each verse or pair of dohás is used as a means of foretelling the success or otherwise of anything undertaken. It is a kind of Sortes Virgilianæ. The inquirer takes three handfuls of lotus seed. He counts the first handful out by sevens, and whatever number remains over, is called the number of the adhyáya. Again he counts out the second handful in the same way, and whatever is over is the number of the saptaka; and similarly, whatever number is over from the third handful is the number of the dohá. Thus if there are 53 seeds in the first heap, the number of the adhyáya is 4, *i.e.* $53 = 7 \times 7 + 4$. If there are 108 in the second heap the number of the saptaka is 3 ($15 \times 7 + 3 = 108$), and if there are 15 in the third heap the number of the dohá is one. In this case the verse which is to be accepted as an omen is the first verse of the third septad of the fourth lecture. If the number of any handful is exactly divisible by seven, then the remainder is considered to be seven.

Krishna-gitáwálí—A collection of songs in honour of Krishna. The first portion deals with Krishna's babyhood and boyish pranks in Gokula and the latter portion with the lamentations of the herdmaidens during his visit to Muttra. It is one of the least read of the poet's works, but well-repays perusal, as it contains many beautiful passages. He has entirely avoided debasing religion by the associa-

ation with eroticism which spoils so much of the literature devoted to Krishna.

Dohāvalī—A collection of verses in the dohā metre. Out of a total of 572 verses 258 have been identified as occurring in the *Rām-charita-mānasa*, the *Rāmajna* and *Rām Satsaī* which though it contains a number of verses of Tulsidās's composition, is generally believed to be the compilation of another Tulsidās. It is also surmised that Tulsidās composed *Rām Satsaī* on the lines of Sūrdās's *Drishtakūt*, a class of composition much in request in those days.

It is unnecessary to describe the other works of the great poet. They are fully described in Sir G. Grierson's *Notes on Tulsidās* published in the Indian Antiquary for 1893, reprinted by the Newal Kishore Press, Lucknow, from which, as already remarked, most of the above extracts have been taken.

In the accompanying selections, the extracts from the *Rāmāyan* have been taken from what I believe to be authoritative texts such as the Khadga Vilās Press edition of the *Rām-charita-manas*, my own edition of the Rājāpur manuscript of the Ajodhyākānd and the Newal Kishore Press edition with the commentaries of Rām Charan Dās and Baijnāth. The *Vinaya Patrikā*, the *Gītāvalī* and the *Kavtāvalī* are based on the texts printed in Benares sixty years ago.

रामायण तुलसीकृत

बालकाण्ड

बंदना

सोरठा

जेहि सुमिरत सिधि होइ गननायक करिवरवदन ।
करौ अनुग्रह सोइ बुद्धिराशि शुभगुनसदन ॥
मूक होइ बाचाल पंगु चढ़ै गिरिवर गहन ।
जासु कृपा सो दयाल द्रवौ सकलकलिमलदहन ॥
नीलसरोरुहश्याम तरुनअरुन वारिजनयन ।
करौ सो मम उर धाम सदा छीरसागरशयन ॥
कुन्द इन्दु सम देह उमारमन करुनाअयन ।
जाहि दीन पर नेह करौ कृपा मर्दनमयन ॥
बंदउं गुरपदकंज कृपासिंधु नररूप हरि ।
महामोहतमपुंज जासु वचन रविकरनिकर ॥

चौपाई

बंदउँ गुरुपद-पदुम परागा । सुखचि सुवास सरस अनुरागा ॥
अमिअं मूरि-मय चूरनु चारू । समन सकल भवरुजपरिवारू ॥
सुकृतसंभुतन विमल विभूती । मंजुल मंगलमोदप्रसूती ॥
जनमनमंजुमुकुर मलहरनी । किये तिलक गुनगन बसकरनी ॥
श्रीगुरुपदनष मनिगनजोती । सुमिरत दिव्य दृष्टि हियँ होती ॥

दलन मोहतम सो सुप्रकासू । बड़े भाग उर आवइ जासू ॥
 उघरहिं विमल विलोचन हीके । मिटहिं दोष दुष भवरजनीके ॥
 सुभहिं रामचरित मनिमानिक । गुप्त प्रकट जहँ जो जेहि षानिक ॥

दोहा

जया सुअंजन अंजि दृग सायक सिद्ध सुजान ।
 कौतुक दोषहिं सैलवन भूतल भूरिनिधान ॥

चौपाई

गुरपदरज मृदु मंजुल अंजन । नयनअमिय दृगदोष विभंजन ॥
 तेहि करि बिमलविवेक विलोचन । वरनउँ रामचरित भवमोचन ॥
 बंदुं प्रथम महीसुरचरना । मोहजनित संसय सब हरना ॥
 सुजनसमाज सकल गुनषानी । करौ प्रनाम सप्रेम सुबानी ॥
 साधुवरित सुभ सरिस कपासू । निरस विसद गुनमय फल जासू ॥
 जो सहि दुषु परछिद्र दुरावा । बंदनीय जेइ जग जसु पावा ॥
 मुदमंगलमय सन्तसमाजू । जो जग जंगम तीरथराजू ॥
 रामभगति जहँ सुरसरिधारा । सरसइ ब्रह्मविचारप्रचारा ॥
 विधिनिषेधमय कलिमलहरनी । करमकथा रविनन्दिनिवरनी ॥
 हरिहरकथा विराजति बेनी । सुनत सकल मुदमंगलदेनी ॥
 वटु विस्वासु अचल निज धरमा । तीरथराजसमाज सुकरमा ॥
 सबहिं सुलभ सब दिन सब देसा । सेवत सादर समनकलेसा ॥
 अकथ अलौकिक तीरथराज । देइ सद्य फल प्रगट प्रभाज ॥

दोहा

सुनि समुझहिं जन मुदितमन मज्झहिं अति अनुराग ।
 लहहिं चारि फल अछुततनु साधुसमाजप्रयाग ॥

चौपाई

सुनि आचरजु करै जनि कोई । सतसंगतिमहिमा नहिं कोई ॥
 बालमीकि नारद घटयोनी । निज निज मुषनि कही निजहोनी ॥
 मज्जनफल पेषिअ ततकाला । काक होहिं पिक वकड मराला ॥
 जलचर थलचर नभचर नाना । जे जड चेतन जीव जहाना ॥

मति कीरति गति भूति भलाई । जब जेहि जतन जहाँ जेहिँ पाई ॥
 सो जानब सतसंग प्रभाऊ । लोकहु वेद न आन उपाऊ ॥
 बिनु सतसंग विवेक न होई । रामकृपा बिनु सुलभ न सोई ॥
 सतसंगति मुदमंगलमूला । सोइ फलसिधि सब साधनफूला ॥
 सठ सुधरहि सतसंगति पाई । पारस परसि कुशातु सुहाई ॥
 विधिवस सुजन कुसंगति परहीं । फनिमविसम निज गुन अनुसरहीं ॥
 विधि हरि हर कविकोविदबानी । कहत साधुमहिमा सकुचानी ॥
 सो मो सन कहि जात न कैसे । साकवनिक मनिगनगुन जैसे ॥

दोहा

बंदुं सन्त समानचित हित अनहित नहिँ कोइ ।
 अंजुलिगतसुभसुमन जिमि सम सुगन्ध कर दोइ ॥
 सन्त सरलचित जगत हित जानि सुभाव सनेहु ।
 बालविनय सुनि करि कृपा रामचरनरति देहु ॥

चौपाई

बहुरि बंदि षलगन सतिभार्ये । जे बिनु काज दाहिनहु बायें ॥
 परहितहानि लाभ जिन केरे । उजरे हरष विषाद बसेरे ॥
 हरिहरजसराकेस राहु से । परअकाज भट सहसबाहु से ॥
 जे परदोष लषहिँ सहसांषी । परहितघृत जिनके मन माषी ॥
 तेज कृसानु रोष महिषेसा । अघ अवगुनअन धनी धनेसा ॥
 उदयकेतु सम हित सबही के । कुम्भकरन सम सेवत नीके ॥
 परअकाज लागि तनु परिहरहीं । जिमि हिमउपल कृषीदल गरहीं ॥
 बंदुं षल जस सेष सरोषा । सहसवदन बरनइ परदोषा ॥
 पुनि प्रनवौ पृथुराज समाना । परअघ सुनइ सहसदश काना ॥
 बहुरि सक्र सम बिनवौ तेही । सन्तत सुरानीक हित जेही ॥
 बचनबज्र जेहि सदा पिआरा । सहसनयन परदोष निहारा ॥

दोहा

उदासीन अरि मीत हित सुनत जरहिँ षलरीति ।
 जसुपनिशुष जोरि जस विनती कइ सप्रीति ॥

चौपाई

मैं अपनी दिसि कीन निहोरा । तिन्ह निज ओर न लाउब भोरा ॥
 वायस पलिअहिं अति अनुरागा । होहि निरामिष कबहुँ कि कागा ॥
 बंदुं सन्त असज्जन चरना । दुखप्रद उभय बीच कछु बरना ॥
 बिछुरत एक प्राण हरि लेई । मिलत एक दारुन दुषु देई ॥
 उपजहिं एक संग जग माहीं । जलज जोंक जिमि गुन बिलगाहीं ॥
 सुधा सुरा सम साधु असाधू । जनक एक जग जलधि अगाधू ॥
 भल अनभल निज निज करतूती । लहत सुजसु अपलोक विभूती ॥
 सुधा सुधाकर सुरसरि साधू । गरल अनल कलिमल सरि व्याधू ॥
 गुन अवगुन जानत सब कोई । जो जेहि भाव नीक तेहि सोई ॥

दोहा

भलो भलाइहि पै लहै लहै निचाई नीचु ।
 सुधा सराहिय अमरता गरल सराहिअ मीचु ॥

चौपाई

षलअथ अगुन साधुगुनगाहा । उभय अपार उदधि अवगाहा ॥
 तेहि ते कछु गुन दोष बषाने । संग्रह त्याग न बिनु पहिचाने ॥
 भलेउ पोच सब विधि उपजाये । गनि गुन दोष वेद बिलगाये ॥
 कहहिं वेद इतिहास पुराना । विधिप्रपंच गुन अवगुनसाना ॥
 दुष सुष पाप पुण्य दिनराती । साधु असाधु सुजाति कुजाती ॥
 दानव देव ऊंच अरु नीचू । अमिअ सजीवनु माहुरु मीचू ॥
 माया ब्रह्म जीव जगदीसा । लछि अलछि रंक अवनिसा ॥
 कासी मग सुरसरि कविनासा । मरु मालव महिदेव गवासा ॥
 सरग नरक अनुराग विरागा । निगमअगम गुनदोष विभागा ॥

दोहा

जड़ चेतन गुनदोषमय विस्व कीन करतार ।
 सन्त हंस गुन गहहिं पय परिहरि वारि विकार ॥

चौपाई

अस विवेक जब देखि विधाता । तब तजि दोष गुनहिं मनु राता ॥

काल सुभाव करम बरिआई । भलेउ प्रकृतिवस चुकइ भलाई ॥
 सो सुधारि हरिजन जिमि लेहीं । दलि दुख दोष विमल जस देहीं ॥
 षलउ करहिं भल पाइ सुसंगू । मिटहि न मलिनसुभाव अभंगू ॥
 लषि सुवेष जगवंचक जेऊ । वेष प्रताप पूजिअहि तेऊ ॥
 उघरहिं अन्त न होइ निबाहू । कालनेमि जिमि रावन राहू ॥
 कियहु कुवेष साधु सनमानू । जिमि जग जामवन्त हनुमानू ॥
 हानि कुसंग सुसंगति लाहू । लोकहु वेद विदित सब काहू ॥
 गगन चढ़ै रज पवनप्रसंगा । कीचहि मिलइ नीच जल संगी ॥
 साधुअसाधु सदन सुक सारी । सुमिरहिं राम देहिं गनि गारी ॥
 धूम कुसंगति कारिष होई । लिषिअ पुराण मंजु मसि सोई ॥
 सोइ जल अनल अनिल संघाता । होइ जलद जगजीवनदाता ॥

दोहा

ग्रह भेषज जल पवन पट पाइ कुयोग सुयोग ।
 होइ कुवस्तु सुवस्तु जग लषहिं सुलच्छन लोग ॥
 समप्रकाश तम पाष दुहुँ नामभेद विधि कीन्ह ।
 शशि पोषक शोषक समुक्ति जग जस अयजस दीन्ह ॥
 जड़ चेतन जग जीव जत सकल राममय जानि ।
 बंदउं सबके पदकमल सदा जोरि जुग पानि ॥
 देव दनुज नर नाग षग प्रेत पितर गन्धर्व ।
 बंदउं किन्नर रजनिचर कृपा करहु अब सर्व ॥

चौपाई

आकर चारि लाष चौरासी । जाति जीव जल थल नभ वासी ॥
 सीयराममय सब जग जानी । करौं प्रनाम जोरि जुग पानी ॥
 जानि कृपा करि किंकर मोहू । सब मिलि करहु छांड़ि छल छोहू ॥
 निज बलबुधि भरोस मोहिं नाहीं । ताते विनय करौं सब पाहीं ॥
 करन चहौं रघुपतिगुनगाहा । लघु मति मोरि चरित अवगाहा ॥
 सूझ न एकउ अंग उपाऊ । मन मतिरंक मनोरथ राऊ ॥
 मति अति नीच ऊंच रुचि आछी । चाहिय अमिय जग जुरै न छाछी ॥

छुमिहहिं सज्जन मोरि ढिठाई। सुनिहिं बालवचन मन लाई ॥
 जो बालक कह तोतरि बाता। सुनहि मुदित मन पितु श्ररुमाता ॥
 हँसिहहिं कूर कुटिल कुविचारी। जे परदूषन भूषनधारी ॥
 निज कवित्त केहि लाग न नोका। सरस होउ अथवा अति फीका ॥
 जे परभनित सुनत हरषाहीं। ते वर पुरुष बहुत जग नाहीं ॥
 जग बहु नर सुरसरिसम भाई। जे निज बाढ़ि बढ़हिं जल पाई ॥
 सज्जन सुकृतसिन्धु सम कोई। देषि पूर विधु बाढ़इ जोई ॥

दोहा

भाग छोड अभिलाष बड़ करौं एक विस्वास ।

पैहहिं सुख सुनि सुजन जन षल करिहैं उपहास ॥

चौपाई

षलपरिहास होइ हित मोरा। काक कहहिं कलकण्ठ कठोरा ॥
 हंसहि बक दादुर चातकही। हँसहि मलिन षल विमल बतकही ॥
 कवित रसिक न रामपदनेहू। तिनकहँ सुषद हासरस एहू ॥
 भाषा भनित मोरि मति मोरी। हँसिबे जोग हँसे नहिं खोरी ॥
 प्रभुपदप्रीति न सामुझि नीकी। तिनहिं कथा सुनि लागिहि फीकी ॥
 हरिहरपदरति मति न कुतरकी। तिनकहँ मधुर कथा रघुवर की ॥
 रामभक्तिभूषित जिय जानी। सुनिहहिं सुजन सराहि सुबानी ॥
 कवि न होउ नहिं बचनप्रवीनू। सकल कला सब विद्याहीनू ॥
 आपर अरथ अलंकृत नाना। छन्द प्रबन्ध अनेक विधाना ॥
 भाव भेद रस भेद अपारा। कवित दोष गुन विविध प्रकारा ॥
 कवितविवेक एक नहिं मोरे। सत्य कहौं लिषि कागद कोरे ॥

दोहा

भनित मोरि सब गुन रहित विश्वविदित गुण एक ।

सो विचारि सुनिहहिं सुमति जिनके विमल विवेक ॥

चौपाई

इहि महुं रघुपति नाम उदारा। अतिपावन पुरानश्रुतिसारा ॥
 मंगलभवन - अमंगलहारी। उमा सहित जेहि जपत पुरारी ॥

भनित विचित्र सुकवि कृत जोऊ । राम नाम बिनु सोह न सोऊ ॥
 विधुवदनी सब भाँति सँवारो । सोह न बसन बिना बरनारी ॥
 सब गुनरहित कुकविकृत बानी । रामनामजसु अंकित जानी ॥
 सादर कहहिं सुनहिं बुध ताही । मधुकर सरिस सन्त गुनग्राही ॥
 यदपि कवित रस एकउ नाही । रामप्रताप प्रकट इहि माहीं ॥
 सोइ भरोस मोरे मन आवा । केहि न सुसंग बड़प्पन पावा ॥
 धूमउ तजै सहज करुवाई । अगर प्रसङ्ग सुगन्ध बसाई ॥
 भनित भदेस वस्तु भलि बरनी । रामकथा जगमङ्गल करनी ॥

छंद

मंगलकरनि कलिमलहरनि तुलसी कथा रघुनाथकी ।
 गति कूरकविता सरित की ज्यों सहित पावन पाथकी ॥
 प्रभुसुजससंगतिभनितभलि होइहि सुजनमन भावनी ।
 भवअंग भूति मसानकी सुमिरत सुहावनि पावनी ॥

दोहा

प्रिय लागिहि अति सबहिं मम भनित रामयश संग ।
 दारुविचार कि करइ कोउ बन्दिद्य मलयप्रसंग ॥
 श्यामसुरभिपय विशदअति गुनद कहहिं सब पान ।
 गिराग्राम सियरामजस गावहिं सुनहिं सुजान ॥

चौपाई

मनि मानिक मुक्ताझुबि जैसी । अहि गिरि गजशिर सोह न तैसी ॥
 नृपकिरीट तरुनीतनु पाई । लहहिं सकलशोभा अधिकारी ॥
 तैसेहि सुकवि कवित बुध कहहीं । उपजहिं अनत अनत झुबि लहहीं ॥
 भक्तहेतु विधि भवन विहारी । सुमिरत शारद आवत धारी ॥
 रामचरितसर बिनु अन्हवाये । सो अम जाइ न कोटि उपाये ॥
 कवि कोविद अस हृदय बिचारी । गावहिं हरिजस कलिमलहारी ॥
 कीन्हे प्राकृत जनगुनगाना । शिर धुनि गिरा लगत पछिताना ॥
 हृदयसिन्धु मति सीप समाना । खाती शारद कहहिं सुजाना ॥
 जो वरवै वरवारि विचारू । होहिं कवितमुक्तामणि चारू ॥

दोहा

जुगति बेधि पुनि पोहिये रामचरितवरताग ।
पहिरहिं सज्जन विमल उर शोभा अति अनुराग ॥

चौपाई

जे जनमे कलिकाल कराळा । करतब बायस वेष मराळा ॥
चलत कुपन्थ वेदमग छाँड़े । कपट कलेवर कलिमल भाँड़े ॥
वंचक भक्त कहाइ राम के । किंकर कंचन कोह काम के ॥
तिन महुँ प्रथम रेष जग मोरी । धिग धर्मध्वज धंधरक धोरी ॥
जो अपने अवगुन सब कहऊँ । बाढै कथा पार नहिं लहऊँ ॥
ताते मै अति अलप बषाने । थोरे महुँ जानिहहिं सयाने ॥
समुझि विविधविधि बिनती मोरी । कोउ न कथा सुनि देखि घोरी ॥
एतेहु पर करिहहिं जे शंका । मोहिं ते अधिक ते जड़ मतिरंका ॥
कवि न होउँ नहिं चतुर कहाऊँ । मति अनुरूप रामगुन गाऊँ ॥
कहुँ रघुपति के चरित अपारा । कहुँ मति मोरि निरत संसारा ॥
जेहि मारुत गिरि मेरु उड़ाहीं । कहहु तूल केहि लेषे माहीं ॥
समुझत अमित राम प्रभुताई । करत कथा मन अति कदराई ॥

दोहा

शारद शेष महेस विधि आगम निगम पुरान ।
नेतिनेति कहि जासु गुन करहिं निरन्तर गान ॥

चौपाई

सब जानत प्रभु प्रभुता सोई । तदपि कहेबिनु रहा न कोई ॥
तहां वेद अस कारण राषा । भजनप्रभाव भांति बहु भाषा ॥
एक अनीह अरूप अनामा । अज सच्चिदानन्द परधामा ॥
व्यापक विश्वरूप भगवाना । तेइ धरि देह चरित कृत नाना ॥
सो केवल भक्तन हित लागी । परम कृपालु प्रनतअनुरागी ॥
जेहि जन पर ममता अरु छोड़ । जेहि करुना करि कीन्ह न कोइ ॥
गई बहोरि गरीबनिवाजू । सरल सबल साहिब रघुराजू ॥
बुध बरनहिं हरिजस अस जानी । करहिं पुनीत सुफल निज बानी ॥

तेहि बल मैं रघुपतिगुनगाथा । करिहँउ नाइ रामपद माथा ॥
मुनिन प्रथम हरिकीरति गाई । तेहि मग चलत सुगम मोहिं भाई ॥

दोहा

अति अपार जे सरितवर जो नृप सेतु कराहिं ।
चढ़ि पिपीलिकउ परम लघु बिनु भ्रम पारहि जाहिं ॥

चौपाई

यहि प्रकार बल मनहिं देखी । करिहौं रघुपतिकथा सुहाई ॥
व्यास आदि कविपुंगव नाना । जिन सादर हरिसुजस बषाना ॥
चरनकमल बंदउं तिनकेरे । पुरवहु सकल मनोरथ मेरे ॥
कलि के कविन करउं परनामा । जिन वरने रघुपतिगुनग्रामा ॥
जो प्राकृत कवि परम सयाने । भाषा जिन हरिचरित बषाने ॥
भये जे हहिं होइहैं जे आगे । प्रनवउं सबहिं कपट सब त्यागे ॥
होउ प्रसन्न देहु बरदानू । साधुसमाज भनितसनमानू ॥
जो प्रबन्ध बुध नहिं आदरहीं । सो भ्रम बादि बालकवि करहीं ॥
कीरति भनित भूति भलि सोई । सुरसरिसम सब कहँ हित होई ॥
रामसुकीरति भनित भदेश । असमञ्जस अस मोहिं अँदेशा ॥
मुम्हरी कृपा सुलभ सोउ मोरे । सियनि सुहावनि टाट पटोरे ॥
करहु अनुग्रह अस जिय जानो । विमल जसहि अनुहरहि सुबानो ॥

दोहा

सरल कवित कीरति विमल सेइ आदरहिं सुजान ।
सहज बैर बिसराइ रिपु जो सुनि करहिं बषान ॥
सो न होइ बिनु विमलमति मोहिं मतिबल अति थोरि ।
करहु कृपा हरिजस कहौं पुनिपुनि करहुँ निहोरि ॥
कवि कोविद रघुवरचरितमानस मंजु मराल ।
बाल विनय सुनि सुरुचि लषि मो पर होहु कृपाल ॥

सोरठा

बंदउं मुनिपदकंजु रामायन जेइ निर्मयउ ।
सषर सकोमल मंजु दोष रहित दूषनसहित ॥

बंदुं चारिउ वैद भवचारिधि बौहित सरिस ।
 जिन्हहि न सपनेहुँ वैद वरनत रघुबरविसदजस ॥
 बंदुं विधिपदरेनु भवसागर जहि कीन्ह जह ।
 सन्त सुधा ससि घेनु प्रकटे पल विष वारुनी ॥

दोहा

विविधविप्रबुधप्रहचरन बंदि कहीं कर जोर ।
 होइ प्रसन्न पुरवहु सकल मंजु मनोरथ मोर ॥

चौपाई

पुनि बंदुं सारद सुरसरिता । जुगल पुनीत मनोहरचरिता ॥
 मज्जन पान पाप हर एका । कहत सुनत एक हर अविवेका ॥
 गुर पितु मातु महेस भवानी । प्रनवउं दीनबन्धु दिनदानी ॥
 सेवक स्वामि सषा सियपीके । हितनिरुपधि सब विधि तुलसीके ॥
 कलि विलोकि जगहित हरगिरिजा । सावरमन्त्रजाल जिन सिरिजा ॥
 अनमिल आषर अर्थ न जापू । प्रकट प्रभाउ महेसप्रतापू ॥
 सोउ महेस मोहिं पर अनुकूला । करिहि कथा सुदमंगलमूला ॥
 सुमिरि सिवासिक्पाइपसाऊ । वरनउं रामचरित चित चाऊ ॥
 अनित मोरि सिक्कपा विभाती । ससिसमाज मिलि मनहुँ सुराती ॥
 जो पहि - कथहि सनेह समेता । कहिहंहिं सुनिहंहिं समुभि सचेता ॥
 होइहंहिं रामचरनअनुरागी । कलिमलरहित सुमंगलभागी ॥

दोहा

सपनेहुँ सांचहु मोहिं पर जो हरगौरिपसाउ ।
 तौ फुर होउ जो कहेउं सब भाषाभनित प्रभाउ ॥

चौपाई

बंदुं अवधपुरी अति पावनि । सरजूसरि कलिकलुषनशावनि ॥
 प्रनवौ पुरनरनारि बहोरी । ममता जिन्हपर प्रभुहि न थोरी ॥
 सियनिन्दकअघबोध नसाए । लोक विसोक बनाइ बसाए ॥
 बंदुं कौशल्या दिशि प्राची । कीरित जासु सकल जग माची ॥
 प्रकटेउ जहँ रघुपति ससि चारू । विश्वसुषद बलकमलतुषारू ॥

इसरथराउ सहित सब रानी । सुकृत सुमंगलमूरति मानी ॥
 करौ प्रनम कर्म मन बानी । करहु कृपा सुतसेवक जानी ॥
 जिनहि विरचि बड़ भयउ विधाता । महिमाअवधि रामपितुमाता ॥

सोरठा

बंदउ अवधभुआल सत्य प्रेम जेहि रामपद ।
 बिलुरत दीनदयाल प्रिय तन तुन इव परिहरेउ ॥

चौपाई

प्रनवौं परिजन सहित विदेह । जेहि रामपद गूढ़ सनेह ॥
 जोग भोग महँ राखेउ गोई । राम बिलोकत प्रगटेउ सोई ॥
 प्रनवौं प्रथम भरत के चरना । जसु नेम घत जाइ न बरना ॥
 रामचरनपंकज मन जसु । लुबुध मधुप इव तजै न पासु ॥
 बंदउं लक्ष्मिनपदजलजाता । सीतल सुभग भगतसुषडाता ॥
 रघुपतिकीरनि विमल पताका । दण्ड समान भयउ जस जाका ॥
 सेष सहस्र-सीस जग कारन । जो अवतरेउ भूमिभयटारन ॥
 सदा सो सानुकूल रह मोपर । कृपासिन्धु सौमित्रि गुनाकर ॥
 रिपुसूदनपदकमल नमामी । शूर सुसील भरतअनुगामी ॥
 महावीर बिनवौं हनुमाना । राम जासु जस आपु बषाना ॥

सोरठा

प्रनवौं पवनकुमार षलवनपावक ग्यानघन ।
 जसु हृदयआगार बसहि राम सरचापधर ॥

चौपाई

कविपति रीछु निसाचरराजा । अंगदादि जे कीससमाजा ॥
 बंदउं सबके चरन सुहाये । अधम सरीर राम जिन्ह पाये ॥
 रघुपतिचरनउपासक जेते । षग मृग सुर नर असुर समेते ॥
 बंदउं पदसरोज सब केरे । जे बिनु काम रामके चेरे ॥
 सुक सनकादि भयत मुनि नारद । जे मुनिवर विग्यान विसारद ॥
 प्रनवौं सबहि धरनि धरि सीसा । करहु कृपा जन जानि मुनीसा ॥
 जनकसुता जगजननि जानकी । अतिसयप्रिय कखानिविधान की ॥

ताके जुग पदकमल मनावौ । जासु कृपा निर्मल मति पावौ ॥
 पुनि मन चचन कर्म रघुनाथक । चरनकमल बंदउं सब लायक ॥
 राजिवनयन धरे धनुसायक । भगत बिपतिभंजन सुषदायक ॥

दोहा

गिरा अर्थ जल बीचि सम कहिअत भिन्न न भिन्न ।
 बंदउं सोतारामपद जिन्हहिं परमप्रिय भिन्न ॥

चौपाई

बंदउं नाम राम रघुवर को । हेतु कृसानु भानु हिमकर को ॥
 विधि हरिहरमय वेद प्राणसो । अगुन अनूपम गुननिधान सो ॥
 महामंत्र जोइ जपत महेसू । कासी मुक्तिहेतु उपदेसू ॥
 महिमा जासु जान गनराऊ । प्रथम पूजिअत नाम अभाऊ ॥
 जान आदिकवि नाम प्रतापू । भयउ सुद्ध करि उलटा जापू ॥
 सहसनाम सम सुनि सिवबानी । जपि जेई पिय संग भवानी ॥
 हवै हेतु हेरि हरहीको । किय भूषन तियभूषन तीको ॥
 नाम प्रभाव जान सिव नीके । कालकूट फल दीन अमीको ॥

दोहा

वरषा रितु रघुपतिभगति तुलसी सालि सुदास ।
 रामनामवर वरनजुग सावन भादवं मास ॥

चौपाई

आषर मधुर मनोहर दोऊ । वरनविलोचन जन जिय जोऊ ॥
 सुमिरत सुलभ सुषद सब काहु । लोरु लाहु परलोकनिबाहु ॥
 कहत सुनत सुमिरत सुठि नीके । रामलषन सम प्रिय तुलसी के ॥
 वरनत वरन प्रीति बिलगाती । ब्रह्म जीव सम सहज सँधाती ॥
 नर नारायण सरिस सुभ्राता । जगपालक विशेष जनत्राता ॥
 भगति सुतिअकलकरनविभूषन । जगहितहेतु विमल विधु पूषन ॥
 खादतोष सम सुगति सुधा के । कमठ सेष सम धर वसुधा के ॥
 जन मन मंजु कंज मधुकर से । जीह जसोमति हरि हलधर से ॥

दोहा

एक छत्र इक मुकुटमनि सब वरनन पर जोड ।

तुलसी रघुवरनाम के वरन विराजत दोड ॥

चौपाई

समुक्त सरस नाम अरु नामी । प्रीति परस्पर प्रभु अनुगामी ॥
नाम रूप दोड ईसउपाधी । अकथ अनादि सुसामूक्त साधी ॥
को बड़ छोट कहत अपराधू । सुनि गुनभेद समुक्तिहिं साधू ॥
देखिअहिं रूप नामआधीना । रूप ज्ञान नहिं नाम बिहीना ॥
रूप विसेष नाम बिनु जाने । करतलगत न परहिं पहिंचाने ॥
सुमिरिअ नाम रूप बिनु देखे । आवत हृदय सनेह विसेषे ॥
नाम रूप गति अकथ कहानी । समुक्त सुषद न परति बषानी ॥
अगुन सगुन बिच नामसुसाणी । उभयप्रबोधक चतुर दुभाषी ॥

दोहा

रामनाम मनिदीप धरु जीह देहरी द्वार ।

तुलसी भीतर बाहिरहु जो चाहसि उजियार ॥

चौपाई

नाम जीह जपि जागहिं योगी । विरति विरंचिप्रपंचवियोगी ॥
ब्रह्मसुषहि अनुभवहिं अनूपा । अकथ अनामय नाम न रूपा ॥
जानी चहहिं गूढ़गति जेऊ । नाम जीह जपि जानहुं तेऊ ॥
साधक नाम जपहिं लय लाये । होहिं सिद्ध अनिमादिक पाये ॥
जपहिं नाम जन आरत भारी । मिटहिं कुसंकट होहिं सुषारी ॥
रामभगत जग चारि प्रकारा । सुकृती चारिउ अनघ उदारा ॥
चहुँ चतुरन कहँ नाम अधारा । ग्यानी प्रभुहिं विसेष पियारा ॥
चहुँयुग चहुँश्रुति नामप्रभाऊ । कलि विसेषि नहिं आन उपाऊ ॥

दोहा

सकल कामनाहीन जे रामभगति रसलीन ।

नाम सुप्रेम पियूष हृद तिन्हहुँ किये मनमीन ॥

चौपाई

अगुन सगुन दुइ ब्रह्मस्वरूपा । अकथ अगाध अनादि अनूपा ॥
 मोरे मत बड़ नाम दुइ ते । किय जेहि जुग निजवस निज बूते ॥
 प्रौढ़ सुजनजन जानहिं जनकी । कहहुं प्रतीति प्रीति रुचि मनकी ॥
 एक दाह गत देषिअ एक । पावक सम जुग ब्रह्म विवेक ॥
 इभय अगम युग सुगम नामते । कहेउ नाम बड़ ब्रह्म रामते ॥
 व्यापक एक ब्रह्म अविनासी । सतचेतनघन आनँदरासी ॥
 अस प्रभु हृदय अछुत अविकारी । सकल जीव जन दीन दुषारी ॥
 नाम निरूपन नाम जतन ते । सोउ प्रकटत जिमि मोल रतन ते ॥

दोहा

निर्गुनते इहि भाँति बड़ नाम प्रभाउ अपार ।

कहउँ नामु बड़ राम ते निज विचार अनुसार ॥

चौपाई

राम भगतहिन नरतनु धारी । सहि संकट किय साधु सुषारी ॥
 नाम स्वप्ने जपत अनयासा । भगत होहिं मुद मंगलवासा ॥
 राम एक तापसतिय तारी । नाम कोटि षलकुमति सुषारी ॥
 ऋषिहित राम सुकेतुसुताकी । सहितसेन सुत कीन्ह विवाकी ॥
 सहित दोष दुष दासदुरासा । दलै नाम जिमि रवि निसिनासा ॥
 भंजेउ राम आपु भवचापू । भवभयभंजन नामप्रतापू ॥
 दंडकवन प्रभु कीन्ह सुहावन । जनमन अमित नाम किय पावन ॥
 निसिचरनिकर दले रघुनंदन । नाम सकलकलिकलुषनिकंदन ॥

दोहा

सबरी गीध सुसेवकनि सुगति दीन्ह रघुनाथ ।

नाम उधारे अमित षल वेदविदित गुनगाथ ॥

चौपाई

राम सुकंठ विभीषन दोऊ । राषे सरन जान सब कोऊ ॥
 नाम गरीब अनेक निवाजे । लोक वेद वर बिरद बिराजे ॥
 राम भालु कपि कटकु बटोरा । सेतु हेतु श्रम कीन्ह न थोरा ॥

नाम लैत भवसिन्धु सुषाहीं। करहु बिचार सुजन मन माहीं ॥
 राम सकुल रन रावन मारा। सीय सहित निजपुर पगु धारा ॥
 राजा राम अवध रजधानी। गावत गुन सुर मुनि वरबानी ॥
 सेवक सुमिरत नाम सप्रीती। बिनु भ्रम प्रबल मोहदलु जीती ॥
 फिरत सनेह मगन सुबु अपने। नाम प्रताप सोच नहि सपने ॥

दोहा

ब्रह्म रामते नाम बड़ वरदायक वरदानि।
 रामचरित सत कोटि महँ लिय महेस जिय जानि ॥

चौपाई

नाम प्रसाद शम्भु अविनासी। साज अमंगल मंगलरासी ॥
 सुकसनकादि सिद्ध मुनि योगी। नाम प्रसाद ब्रह्मसुष भोगी ॥
 नारद जानेउ नाम प्रतापू। जगप्रिय हरि हरिहरप्रिय आपू ॥
 नाम जपत प्रभु कीन्ह प्रसादू। भगतशिरोमनि भे प्रहलादू ॥
 ध्रुव सगलानि जप्यो हरिनाऊं। पायउ अचल अनूपम ठाऊं ॥
 सुमिरि पवनसुत पावन नामू। अपने वस करि राखे रामू ॥
 अपर अजामिल गज गनिकाऊ। भये मुकुत हरि नाम प्रभाऊ ॥
 कहउँ कहाँ लगि नाम बड़ाई। रामु न सकहि नामगुन गाई ॥

दोहा

नाम।राम को कल्पतरु कलिकल्यान निवासु।
 जो सुमिरे भयो भांग ते तुलसी तुलसीदासु ॥

चौपाई

चहुंयुग तीनिकाल तिहुं लोका। भये नाम जपि जीव विसोका ॥
 वेद पुरान सन्त मत येहू। सकल सुकृत फल राम सनेहू ॥
 ध्यानु प्रथम जुग मष जुग दूजे। द्वापर परितोषत प्रभु पूजे ॥
 कलि केवल मलमूल मलीना। पाप।पयोनिधि जनमनमीना ॥
 नाम कामतरु काल कराला। सुमिरत समन सकल जगजाला ॥
 रामनाम कलि अभिमतदाता। हित परलोक लोक पितु माता ॥
 नहि कलि करम न भगति विवेकू। राम नाम अवलम्बन एकू ॥

कालनेमि कलि कपटनिधानू । नाम सुमति समरथ हनुमानू ॥

दोहा

राम नाम नरकेसरी कनक कसिपु कलिकाल ।

जापक जन प्रह्लाद जिमि पालहिं दलि सुरसाल ॥

चौपाई

भाय कुभाय अनष आलसहू । नाम जपत मंगल दिसि दसहू ॥
 सुमिरि सो नाम राम गुनगाथा । करौ नाइ रघुनाथहि माथा ॥
 मोरि सुधारहिं सो सब भांतो । जासु कृपा नहिं कृपा अघातो ॥
 राम सुखामि कुसेवक मोसो । निज दिसि देषि दयानिधि पोसो ॥
 लोकहुं वेद सुसाहिब रीती । विनय सुनत पहिंचानत प्रीती ॥
 गनी गरीब ग्रामनर नागर । परिडत मूढ़ मलीन उजागर ॥
 सुकवि कुकवि निजमति अनुसारी । नृपहिं सराहत सब नरनारी ॥
 साधु सुजान सुसोल नृपाला । ईसअंसभव परम कृपाला ॥
 सुनि सनमानहिं सबहिं सुवानो । भनित भगति नति गति पहिंचानी ॥
 यह प्राकृत महिपाल सुभाऊ । जानिसिरोमनि कोसलराऊ ॥
 रीभूत राम सनेह निसोते । को जग मंद मलिन मति मो ते ॥

दोहा

शठ सेवक की प्रीति रुचि रषिहिं राम कृपालु ।

उपलकिये जल जान जिन सचिव सुमति कपि भालु ॥

महं कहावत सब कहत राम सहत उपहास ।

साहिब सीतानाथ से सेवक तुलसीदास ॥

चौपाई

अति बड़ि मोरि ढिठाई खोरी । सुनि अघ नरकहु नाक सिकोरी ॥
 समुझि सहमि मोहिं अपडर अपने । सो सुधि राम कीन्ह नहिं सपने ॥
 सुनि अवलोकि सुचित चषु चाही । भक्ति मोरि मति स्वामिसराही ॥
 कहत नशाइ होइ अति नीकी । रीभूत राम जानि जन जीकी ॥
 रहत न प्रभुचित चूक कियेकी । करत सुरति सौ बार हियेकी ॥
 जैहि अघ बधेड व्याध जिमि बाली । फिरि सुकंठ सोइ कीन्ह कुचाली ॥

सोइ करतूति विभीषन केरी। सपनेउ सो न राम हियँ हेरी ॥
ते भरतहि भेंटत सनमानें। राजसभा रघुराज बषानें ॥

दोहा

प्रभु तरु तर कपि डार पर ते किय आपु समान ।
तुलसी कहँ न राम से साहिब सीलनिधाम ॥
राम निकाई रावरी है सबही को नीक ।
जो यह सांची है सदा तौ नीको तुलसी क ॥
यहि विधि निज गुन दोष कहि सबहिँ बहुरि सिर नाय ।
बरनउं रघुबर विशदजसु सुनि कलिकलुष नसाय ॥

चौपाई

यागवल्क्य जो कथा सुहाई। भरद्वाज मुनिवरहिँ सुनाई ॥
कहिहौँ सोइ संवाद बषानी। सुनहु सकल सज्जन सुषु मानी ॥
संभु कीन्ह यह चरित सुहावा। बहुरि कृपा करि उमहिँ सुनावा ॥
सो शिव कागभुशुण्डिहि दीन्हा। रामभगति-अधिकारी चीन्हा ॥
तेहि सन यागवल्क्य मुनि पावा। तिन पुनि भरद्वाज प्रति गावा ॥
ते बकता श्रोताबकता सम शीला। समदर्शी जानहिँ हरिलीला ॥
जानहि तीनिकाल निज ग्याना। करतलगत आमलक समाना ॥
औरौ जे हरिभगत सुजाना। कहहिँ सुनहिँसमुझहिँ विधिनाना ॥

दोहा

मैं पुनि निज गुरु सन सुनी कथा सु सूकरपेत ।
समुझी नहिँ तसि बालपन तब अति रहेउँ अचेत ॥
स्रोता बकता ग्याननिधि कथा राम कै गूढ़ ।
किमि समुझै यह जीव जड़ कलिमलप्रसित विमूढ़ ॥

चौपाई

तदपि कही गुरु बारहिँ बारा। समुझि परी कछु मति अनुसारा ॥
आषावद्ध करब मैं सोई। मोरे मन प्रबोध जेहि होई ॥
जस कछु बुधि विवेक बल मेरे। तस कहिहौँ हियँ हरिके प्रेरे ॥
निज संदेह मोह भ्रम हरनी। करौँ कथा भवसरितातरनी ॥

बुध विश्राम सकलजनरंजनि । रामकथा कलिकलुषविभंजनि ॥
 रामकथा कलिपद्मगभरणी । पुनि विवेकपावक कहूँ अरनी ॥
 राम कथा कलिकामद गाई । सुजन सर्जीविनिमूरि सुहाई ॥
 सोइ बसुधातल सुधातरंगिनि । भयभंजनि भ्रमभैकभुञ्जनि ॥
 असुरसेन सम नरकनिकंदिनि । साधु विबुध कुलहित गिरिनंदिनि ॥
 सन्तसमाजपयोधि रमा सी । विश्वभारभर अचल छमा सी ॥
 जमगनमुहँमसि जग जमुनासी । जीवनमुकुति हेतु जनु कासी ॥
 रामहिं प्रिय पावनि तुलसी सी । तुलसिदास हित हिय हुलसी सी ॥
 शवप्रिय मेकलसैलसुतासी । सकल सिद्धि सुखसम्पतिरासी ॥
 सदगुन सुरगन अंब अदिति सी । रघुवरभगत प्रेमपरमिति सी ॥

दोहा

रामकथा मंदाकिनी चित्रकूट चित चारु ।
 तुलसी सुभग सनेहबन सियरघुवीरविहार ॥

चौपाई

रामचरित चिंतामनि चारु । संतसुमति तिअ सुभग सिंगारु ॥
 जग मंगल गुन ग्राम राम के । दानि मुकुति धन धरम धाम के ॥
 सदगुर ग्यान विराग जोग के । विबुध बैद भवभीमरोग के ॥
 जननि जनक सियरामपेम के । बीज सकल व्रत धरम नेम के ॥
 समन पाप संताप सोक के । प्रिय पालक परलोक लोक के ॥
 सचिव सुभट भूपति विचार के । कुंभज लोभउदधि अपार के ॥
 काम कोइ कलिमल करिगन के । केहरिसावक जनमन बन के ॥
 अतिथि पूज्य प्रियतम पुरारि के । कामद घन दारिद दवारि के ॥
 मंत्र महामनि विषयव्याल के । मेढत कठिन कुञ्जक भाल के ॥
 हरन मोहतम दिनकरकर से । सेवकसालिपाल जलधर से ॥
 अभिमत दानि देवतरुवर से । सेवक सुलभ सुषद हरि हर से ॥
 सुकवि सरद नभ मन उडगन से । रामभगत जन जीवनधर से ॥
 सकल सुकृत फल भूरिभोगसे । जगहित निरुपधि साधु लोग से ॥
 सेवकमनमातस मराल से । पावन गंगतरंगमाल से ॥

दोहा

कुपथ कुतरक कुचाल कलि कपटदंभ पाषंड ।
 दहन रामगुनग्राम जिमि इंधन अनल प्रचंड ॥
 रामचरित राकेसकर सरिस सुषद सब काहु ।
 सज्जनकुमुद चकोर चित हित विसेषि बड़लाहु ॥

चौपाई

कीन्ह प्रश्न जेहि भांति भवानी । जेहिबिधि शंकर, कहा वषानी ॥
 सो सब हेतु कहब मैं गाई । कथा प्रबंध विचित्र बनाई ॥
 जेहि यह कथा सुनी नहि होई । जनि आचरज करें सुनि सोई ॥
 कथा अलौकिक सुनहिं जे ग्यानी । नहिं आचरज करहिं अस जानी ॥
 राम कथा कै मिति जग नाही । अस प्रतीति तिनके मनमाहीं ॥
 नाना भांति रामअवतार । रामायन सतकोटि अपारा ॥
 कलपभेद हरिचरित सुहाये । भांति अनेक मुनीसन्ह गाये ॥
 करिय न संसय अस उर आनी । सुनिअ कथा सादर रति मानी ॥

दोहा

राम अनंत अनंतगुन अमित कथा विस्तार ।
 सुनि आचरजु न मानिहहिं जिनके विमल विचार ॥

चौपाई

जेहिबिधि सब संसय करि दूरी । सिरधरि गुरपदपंकजधूरी ॥
 पुनि सबही बिनवौं कर जोरी । करतु कथा जेहि लागु न षोरी ॥
 सादर शिवहिं नाइ अब माथा । बरनउँ विसद रामगुनगाथा ॥
 संबत सोरह सै इकतीसा । करौं कथा हरिपद धरि सीसा ॥
 नौमी भौमवार मधु मासा । अवधपुरी यह चरित प्रकासा ॥
 जेहि दिन रामजनम श्रुति गावहिं । तीरथ सकल तहां चलि आवहिं ॥
 असुर नाग षग नर मुनि देवा । आय करहिं रघुनायकभेवा ॥
 जन्ममहोत्सव रचहिं सुजाना । करहिं रामकलकीरति गाना ॥

दोहा

मज्जहिं सज्जनवृन्द बहु पावन सरजूनीर ।

जयहिं राम धरि ध्यान उर सुंदर स्थाम सरीर ॥

चौपाई

धरस परस मज्जन अरु पाना । हरै पाप कह वेद पुराना ॥
नदी पुनीत अमित महिमा अति । कहि न सकै सारदा विमलमति ॥
रामधामदा पुरी सुहावनि । लोक समस्त विदित जगपावनि ॥
चारि षानि जगजीव अपारा । अवय तजे तनु नहि संसारा ॥
सब विधि पुरी मनोहर जानी । सकलसिद्धिप्रद मंगलपानी ॥
विमल कथा कर कीन्ह अरंभा । सुनत नसहिं काममदंभा ॥
रामचरितमानस यहि नामा । सुनत श्रवन पाइय विश्रामा ॥
मनकर विषय अनल बन जरई । होइ सुषी जो यहि सर परई ॥
रामचरितमानस मुनिभावन । बिरचेउ संभु सुहावन पावन ॥
त्रिविधदोषदुषदारिद दावन । कलिकुचाल कलिकलुषनसावन ॥
रचि महेस निज मानस राषा । पाइ सुखमउ सिवा सन भाषा ॥
ताते रामचरितमानस वर । धरेउ नाम हिअ हेरि हरषि हर ॥
कहाँ कथा सोइ सुषद सुहाई । सादर सुनइ सुजन मन लाई ॥

दोहा

जस मानस जेहि विधि भयो जग प्रचार जेहि हेतु ।

अब सोइ कहौ प्रसंग सब सुमिरि उमा वृषकेतु ॥

चौपाई

संभुप्रसाद सुमति हिअ हुलसी । राम चरितमानस कवि तुलसी ॥
करइ मनोहर मति अनुहारी । सुजन सुचित सुनि लेहु सुधारी ॥
सुमति भूमिथल हृदय अगाधू । वेद पुरान उदधि घन साधू ॥
धरहिं राम सुजस वर वारी । मधुर मनोहर मंगलकारी ॥
लीलासगुन जो कहहि बषानी । सोइ स्वच्छता करै मलहानी ॥
प्रेम भगति जो बरनि न जाई । सोइ मधुरता सुसीतलताई ॥
सो जल सुकृतसालि हित होई । रामभगति जन जीवन सोई ॥
मेधा महिगत सो जल पावन । सकलि श्रीवर्णमगु चलेउ सुहावन ॥
भरेउ सुमानस सुथल थिराना । सुषद सीत रुचि चारु चिराना ॥

दोहा

सुठि सुन्दर संवादवर बिरचेउ बुद्धि विचारि ।
तेई यहि पावन सुभग सर घाट मनोहर चारि ॥

चौपाई

सत प्रबंध सुभग सोपाना । ग्याननयन निरषत मनमाना ॥
रघुपतिमहिमा अगुन अबाधा । बरनब सोइ वरवारि अगाधा ॥
रामसीयजस सलिल सुधासम । उपमा वीचिविलास मनोरम ॥
पुरइनि सधन चारु चौपाई । जुगुति मंजु मनि सीप सुहाई ॥
छन्द सोरठा सुंदर दोहा । सोइ बहुरंग कमलकुल सोहा ॥
अरथ अनूप सुभाव सुभासा । सोइ पराग मकरन्द सुबासा ॥
सुकुतपुंज मंजुल अलिमाला । ग्यान विराग विचार मराला ॥
धुनि अवरेव कबित गुनजाती । मीन मनोहर ते बहु भांती ॥
अर्थ धर्म कामादिक चारी । कहब ग्यान विग्यान विचारी ॥
नवरस जपतप जोग विरागा । ते सब जलचर चारु तड़ागा ॥
सुकुती साधु नाम गुनगाना । ते विचित्र जलविहंग समाना ॥
सन्तसभा चहुँदिसि अँबराई । श्रद्धा रितु वसंत सम गाई ॥
भगति निरूपन विविध विधाना । छमा दया दम लता विताना ॥
सम यम नियम फूलफल ग्याना । हरिपद रस बर वेद बषाना ॥
औरौ कथा अनेक प्रसंगा । तेइ सुक पिक बहु वरन विहंगा ॥

दोहा

पुलक घाटिका बागवन सुष सुविहंग विहार ।
माली सुपन सनेहजल सीचत लोचन चार ॥

चौपाई

जे गावहि यह चरित सँभारे । तेइ यहि ताल चतुर रषवारे ॥
सदा सुनहि सादर नर नारी । ते सुरवर मानस अधिकारी ॥
अतिषल जे विषयी वक कागा । यहिसरनिकट न जाहि अभागा ॥
संबुक भेक सिवार समाना । इहां न विषयकथारस नाना ॥
तेहि कारन आवत हिअंहारे । कामी काक बलाक विचारे ॥

आवन यहि सर अति कठिनाई । रामकृपा बिनु आई न जाई ॥
 कठिन कुसंग कुपंथ कराला । तिन के बचन बाध हरि व्याला ॥
 गृहकारज नाना जंजाला । तेइ अतिदुर्गम सैल विसाला ॥
 बन बहु विषय मोइ मदमाना । नदी कुतर्क भयंकर नाना ॥

दोहा

जे श्रद्धासंबल रहित नहि संतन्ह कर साथ ।

तिनकहँ मानस अगम अति जिनहि न प्रिय रघुनाथ ॥

चौपाई

जो करि कष्ट जाइ पुनि कोई । जातहि नीद जुडाई होई ॥
 जडता जाड विषम उर लागा । गयहु न मज्जन पाव अभागा ॥
 करि न जाइ सर मज्जन पाना । फिरि आवहि समेत अभिमाना ॥
 जो बहोरि कोड पूछन आवा । सर निंदा करि ताहि बुभावा ॥
 सकल विघ्न व्यापहि नहि तेही । राम सुकृपा विलोकहि जेही ॥
 सोइ सादर सर मज्जन करई । महाघोर त्रयताप न जरई ॥
 ते नर यह सर तजहि न काऊ । जिन्ह के रामचरण भलभाऊ ॥
 जो नहाइ चह यहि सर भाई । सो सतसंग करै मन लाई ॥
 अस मानस मानसचष चाही । भइ कविवुद्धि विमल अवगाही ॥
 भयो हृदय आनंद उछाड़ । उमगेउ प्रेम प्रमोद प्रधाड़ ॥
 चली सुभग कविता सरिता सो । राम विमलयश जलभरिता सो ॥
 सरजू नाम सुमंगल मूला । लोक वेद मत मंजुल कूला ॥
 नदी पुनीत सुमानसनंदिनि । कलिमलत्रिनतरुमूलनिकंदिनि ॥

दोहा

श्रोता त्रिविध समाजपुर ग्रामनगर दुहुंकूल ।

सन्तसभा अनुपम अवध सकल सुमंगल मूल ॥

चौपाई

रामभगति सुरसरितहि जाई । मिली सुकीरति सरजू सुहाई ॥
 सानुज राम समर जस पावन । मिलेउ महानदु सोन सुहावन ॥
 जग बिच भगति देवधुनिधारा । सोहति सहित सविरति बिचार ॥

त्रिविध ताप त्रासक त्रिमुहानी । रामसरूप सिंधु समुहानी ॥
 मानस मूल मिली सुरसरिही । सुनत सुजनमन पावन करही ॥
 बिच बिच कथा विचित्रविभागा । जनु सरितीर तीरचनु बागा ॥
 उमा महेस विवाह बराती । ते जलचर अगनित बहु भाँती ॥
 रघुवर जनम अनंद बधाई । भँवर तरंग मनोहरताई ॥

दोहा

बालचरित चहुँ बंधुके वनज विपुल बहुरंग ।
 नृप रानी परिजन सुकृत मधुकर वारिविहंग ॥

चौपाई

सीयस्वयंवर कथा सुहाई । सरित सुहावनि सो छवि छाई ॥
 नदी नाव पटु प्रश्न अनेका । केवट कुसल उतर सविवेका ।
 सुनि अनुकथन परस्पर होई । पथिकसमाज सोह सरि सोई ॥
 घोर धार भृगुनाथ रिसानी । घाट सुबद्ध रामबरबानी ॥
 सानुज रामविवाह उछाहू । सो सुभ उमग सुषद सबकाहू ॥
 कहत सुनत पुलकत हरषाहीं । ते सुकृती मन मुदित नहाहीं ॥
 राम तिलकहित मंगल साजा । परब जोग जनु जुरे समाजा ॥
 काई कुमति केकयी केरी । परो जासु फल विपति घनेरी ॥

दोहा

समन अमित उतपात सब भरत चरित जपयाग ।
 कलिअथ षलअवगुनकथन ते जलमल वक काग ॥

चौपाई

कीरति सरित छहूँ ऋतु रूरी । समय सुहावनि पावनि भूरी ॥
 हिम हिमसैलसुता सिवव्याहू । सिसिरसुषद प्रभुजनमउछाहू ॥
 बरनब राम विवाह समाजू । सो मुदमंगलमय रितुराजू ॥
 प्रीषम दुसह रामवनगवनू । पंथकथा घर आतप पवनू ॥
 घर्षा घोर निसाचररारी । सुरकुलसालि सुमंगलकारी ॥
 रामराजसुष विनय बड़ाई । विसद सुषद सोइ सरद सुहाई ॥
 सतीसिरोमनिसिय गुनगाथा । सोइ गुन अमल अनूपम पाथा ॥

भरत सुभाउ सुसीतलताई । सदा एकरस बरनि न जाई ॥

दोहा

अवलोकनि बोलनि मिलनि प्रीति परसपरहास ।

भाषप भलि चहुँ बंधु की जलमाधुरी सुवास ॥

चौपाई

आरति विनय दीनता मोरी । लघुता ललित सुवारि न षोरी ॥

अद्भुत सलिल सुनत सुषकारी । आस पियास मनोमलहारी ॥

राम सुप्रेमहिं पोषत पानी । हरत सकल कलिकलुषगलानी ॥

भवसमसोषक तोषक तोषा । शमन दुरित दुष दारिद दोषा ॥

काम क्रोध मद मोह नसावन । विमल विवेक विराग बढ़ावन ॥

सादर मज्जन पान किये ते । मिटत पाप परिताप हिये ते ॥

जिन यहि वारि न मानस धोये । ते कायर कलिकाल विगोये ॥

गुणित निरषि रविकरभववारी । फिरहिं मृग जिमि जीवदुषारी ॥

दोहा

मति अनुहारि सुवारिगुनगन गनि मन अन्हवाइ ।

सुमिरि भवानी संकरहि कह कवि कथा सुहाइ ॥

रामक्याह

चौपाई

चले राम लङ्घिमन मुनि संग । गये जहाँ जगपावनि गंगा ॥

गाधिसूनु सब कथा सुनाई । जेहि प्रकार सुरसरि महि आई ॥

तब प्रभु ऋषिन्ह समेत नहाये । विविधदान महिदेवन पाये ॥

हरषि चले मुनिवृंद सहाया । वेगि विदेहनगर नियराया ॥

। पुररम्यता राम जब देखी । हरषे अनुज समेत विशेषी ॥

बापी कूप सरित सर नाना । सलिल सुधासम मनिसोपाना ॥

गुंजत मंजु मत्त रस भृंगा । कूजत कल बहु बरन विहंगा ॥

बरन बरन बिकसे बनजाता । त्रिविधि समीर सदा सुषदाता ॥

दोहा

सुमन घाटिका बाग बन विपुल विहंगनिवास ।

फूलत फलत सुपल्लवित सोहत पुर चहुं पास ॥

चौपाई

बनै न बरनत नगरनिकाई । जहाँ जाई मन तहई लुभाई ॥
 चारु बजार विचित्र अंवारी । मनिमय विधि जनु स्वकर सँवारी ॥
 धनिक वनिक वर धनद समाना । बैठे सकल वस्तु लिये नाना ॥
 चौहट सुन्दर गली सुहाई । संतत रहहि सुगंध सिंचाई ॥
 मंगलमय मंदिर सब केरे । चित्रित जनु रतिनाथ चितेरे ॥
 पुर नर नारि सुभग सुचि संता । धर्मसील ज्ञानी गुनवंता ॥
 अति अनूप जहँ जनकनिवास । विथकहि विबुध विलोकि विलास ॥
 होत चकित चित कोट विलोकी । सकलभुवन सोभा जनु रोकी ॥

दोहा

धवल धाम मनि पुरटपट सुघटित नाना भांति ।

सियनिवास सुन्दरसदन सोभा किमि कहि जाति ॥

चौपाई

सुभग द्वार सब कुलिसकपाटा । भूप भीर नट मागध भाटा ॥
 बनी विसाल वाजिगजसाला । हयगजरथ संकुल सब काला ॥
 सूर सचिव सेनप बहुतेरे । नृपगृह सरिस सदन सब केरे ॥
 पुरबाहिर सर सरित समीपा । उतरे जहँ तहँ विपुल महीपा ॥
 देखि अनूप एक अमराई । सब सुपास सब भांति सुहाई ॥
 कौसिक कहेउ मोर मन माना । यहाँ रहिय रघुवीर सुजाना ॥
 भलेहि नाथ कहि कृपानिकेता । उतरे तहँ मुमिबुंद समेता ॥
 विश्वामित्र महामुनि आये । समाचार मिथिलापति पाये ॥

दोहा

संग सचिव सुचि भूरि भट भूसुर वर गुरु ज्ञाति ।

चले मिलन मुनिनायकहि मुदित राउ यहि भांति ॥

चौपाई

कीन्ह प्रनाम चरन धरि माथा । दीन्ह असीस मुदित मुनिनाथा ॥
 विप्रवृंद सब सादर बंदे । जानि भाग्य बडि राउ अनंदे ॥
 कुसलप्रश्न कहि बारहि बारा । विश्वामित्र राउ बैठारा ॥
 तेहि अवसर आये दोउ भाई । गये रहे देखन फुलवाई ॥
 स्याम गौर मृदु वयस किसोरा । लोचन सुखद विश्वचितचोरा ॥
 डठे सकल जब रघुपति आये । विश्वामित्र निकट बैठाये ॥
 भे सब सुषी देषि दोउ भ्राता । बारि विलोचन पुलकित गाता ॥
 मूरति मधुर मनोहर देषी । भये विदेह विदेह विशेयी ॥

दोहा

प्रेममगन मन जानि नृप करि विवेक मतिधीर ।
 बोलेउ मुनिपद नाइ सिर गदगद गिरा गंभीर ॥

चौपाई

कहहु नाथ सुन्दर दोउ बालक । मुनिकुलतिलक कि नृपकुलपालक ॥
 ब्रह्म जो निगम नेति कहि गावा । उभय वेष धरि सोइ कि आवा ॥
 सहज विरागरूपमन मोरा । थकित होत जिमि चंद्र चकोरा ॥
 ताते प्रभु पूछौ सतिभाऊ । कहहु नाथ जनि करहु दुराऊ ॥
 इनहि विलोकत अति अनुरागा । बरबस ब्रह्मसुषहि मन त्यागा ॥
 कह मुनि विहंसि कहेहु नृपनोका । वचन तुम्हार कि होइ अलीका ॥
 ये प्रिय सबहि जहां लागि प्राणी । मन मुसुकाहि राम सुनि बानी ॥
 रघुकुलमनि दसरथ के जाये । मम हित लागि नरेस पठाये ॥

दोहा

राम लषन दोउ घन्धुवर रूप शील बलधाम ।
 मष राषेउ सब साधि जग जीति असुर संग्राम ॥

चौपाई

मुनि तव चरन देषि कह राऊ । कहि न सकौं निज पुन्य प्रभाऊ ॥
 सुन्दर स्याम गौर दोउ भ्राता । आनंदहु के आनंददाता ॥
 इनकी प्रीति परस्पर पावनि । कहि न जाय मन भाव सुहावनि ॥

सुनहु नाथ कह मुदित विदेह । ब्रह्म जीव इव सहज सनेह ॥
 पुनि पुनि प्रभुहि चितव नरनाह । पुलकमात उर अधिक उछाह ॥
 मुनिहि प्रसंसि नाइ पद सीसू । चले लिवाय नगर अवनीसू ॥
 सुंदर सदन सुषद सब काला । तहां वास लै दीन्ह भुआला ॥
 करि पूजा सब विधि सेवकाई । गयउ राउ गृह बिदा कराई ॥

दोहा

श्रृषय संग रघुवंशमनि करि भोजन विश्राम ।
 बैठे प्रभु भ्राता सहित दिवस रहा भरि जाम ॥

चौपाई

लषनहृदय लालसा विशेषी । जाय जनकपुर आय देषी ॥
 प्रभुभय बहुरि मुनिहिं सकुचाहीं । प्रकट न कहहिं मनहिं मुसुकाहीं ॥
 राम अनुजमन की गति जानी । भगतबल्लता हिय हुलसानी ॥
 परम विनीत सकुचि मुसुकाई । बोले गुरुअनुसासन पाई ॥
 नाथ लषन पुर देखन चहहीं । प्रभुसकोच उर प्रकट न कहहीं ॥
 जो राउर आयस मैं पाऊं । नगर दिषाय तुरत लै आऊं ॥
 सुनि मुनीस कह वचन सप्रोती । कस न राम तुम राषहु नीती ॥
 धर्मसेतुपालक तुम ताता । प्रेमविवस सेवकसुषदाता ॥

दोहा

जाइ देषि आवहु नगर सुषनिधान दोउ भाइ ।
 करहु सफल सबके नयन सुन्दर बदन दिखाइ ॥

चौपाई

मुनिपदकमल बंदि दोउ भ्राता । चले लोकलोचनसुष दाता ॥
 बालक वृंद देषि अति सरेभा । लगे संग लोचन मनु लोभा ॥
 पीत बसन परिकर कटि भाथा । चारु चाप सर सोहत हाथा ॥
 लनु अनुहरत सुचन्दन षोरी । स्यामल गौर मनोहर जोरी ॥
 केहरि कंधर बाहु बिसाला । उर अति रुचिर नगमनिमाला ॥
 सुभय श्रौन सरसीरुह लोचन । वदनमयंक तापत्रयमोचन ॥
 कानन्हि कनकफूल छवि देहीं । चितवत चितै चोरि चित लेहीं ॥

चितवनि चारु भृकुटिवर बाँकी । तिलकरेण सोभा अनु चाँकी ॥

दोहा

रुचिर चौतनी सुभग सिर मेचक कुंचित केस ।

नख सिष सुन्दर बंधु दोउ सोभा सकल सुदेस ॥

चौपाई

देषन नगर भूपसुत आये । समाचार पुरवासिन्ह पाये ॥

धाये धाम काम सब त्यागा । मनहुं रंक निधि लूटन लागा ॥

निरषि सहज सुन्दर दोउ भाई । होहिं सुषी लोचन फल पाई ॥

जुषती भवन भरोखनि लागी । निरषहिं रामरूप अनुरागी ॥

कहहिं धरस्पर बचन सप्रीती । सषि इन कोटि काम छुबि जीती ॥

सुर नर असुर नाग मुनि माहीं । सोभा असिकहुं सुनियत नाहीं ॥

विष्णु चारिभुज विधि मुष चारी । विकट वेष मुष पच पुरारी ॥

अपर देव अस को जग आही । यहि छुबि सषि पटतरिये जाही ॥

दोहा

वष किसोर सुषमासदन स्याम गौर सुषयाम ।

अंग अंग पर चारिये कोटि कोटि सत काम ॥

चौपाई

कहहु सषी अस को तनुधारी । जो न मोह यह रूप निहारी ॥

कोउ सप्रेम बोली मृदु वानी । जो मैं सुना सो सुनहु सयानी ॥

ये दोऊ दसरथ के ढोटा । बाल मरालन के कल जोटा ॥

मुनिकौसिक मष के रषवारे । जिन रनअजिर निसाचार मारे ॥

स्यामगात कलकञ्ज विलोचन । जोमारीच सुभुजमदमोचन ॥

कौसल्यासुत सो सुषयानी । नामु राम धनु सायक पानी ॥

गौर किसोर वेष धर काछे । कर शर चाप राम के पाछे ॥

लछिमनु नामु रामलघुआता । सुनु सषि तासु सुमित्रा माता ॥

दोहा

विप्रकाज करि बन्धु दोउ मग मुनिबधू उधारि ।

आये देषन चापमष सुनि हरषी सब नारि ॥

चौपाई

देखि रामछवि कोउ इक कहई । जोगु जानकिहि यह वर अहई ॥
 जो सखि इनहि देखि नरनाह । पनु परिहरि हठ करहि विवाह ॥
 कोउ कह ए भूपति पहिचाने । मुनि समेत सादर सनमाने ॥
 सखि परंतु पनु राउ न तजई । विधि बस हठि अविवेकहि भजई ॥
 कोउ कह जो भल अहै विधाता । सब कहँ सुनिअ उचित फलदाता ॥
 तौ जानकिहि मिलिहि घर येह । नाहिंन आलि इहां सन्देहु ॥
 जो विधिवश यह बनै संजोगू । तौ कृति कृत्य होहि । सब लोगू ॥
 सखि हमरे अति आरति ताते । कबहुंक ये आवहि यहि नाते ॥

दोहा

नाहित हमकहँ सुनहु सखि इनकर दर्शन दूरि ।
 यह संघट तब होइ जब पुन्य पुराकृत भूरि ॥

चौपाई

बोली अपर कहेउ सखि नोका । यह विवाह अतिहित सबही का ॥
 कोउ कहें शंकरचाप कठोरा । ये स्यामल मृदुगात किसोरा ॥
 सब असमंजस अहै सयानी । यह सुनि अपर कहै मृदुबानी ॥
 सखि इन कहँ कोउको अस कहहीं । बड़ प्रभाव देखत लघु अहहीं ॥
 परसि जासु पदपकजधूरी । तरी अहल्या कृतअघभूरी ॥
 सो कि रहैं बिनु शिवधनुतोरैं । यह प्रतीति परिहरिय न भोरैं ॥
 जेहि विरंचि रचि सीय सँवारी । तेहि श्यामल वर रचेउ विचारी ॥
 तासु वचन सुनि सब हरषानो । ऐसेइ होउ कहई मृदु बानी ॥

दोहा

हिय हरषहिं वरषहिं सुमन सुमुखि सुलोचनिवृंद ।
 जहँ जहँ जाहिं बन्धु दोउ तहँ तहँ परमानंद ॥

चौपाई

पुर पुरबदिशि गे दोउ भाई । जहाँ धनुषमष भूमि बनाई ॥
 अति विस्तार चारु गच ढारी । विमल वेदिका रुचिर सँवारी ॥
 अहुंदिशि कंचनमंच विसाला । रचे जहाँ बैठहि महिपाला ॥

तेहि पाछे समीप चहुं पासा । अपर मंच मंडली विलासा ॥
 कछुक ऊंच सब भाँति सुहाई । बैठीं नगर लोग जहँ जाई ॥
 तिनके निकट विसाल सुहाये । धवल धाम बहु वरन बनाये ॥
 जहँ बैठी देशहि सब नारी । यथा जोग निजकुल अनुहारी ॥
 पुरवालक कहि कहि मृदु वचना । सादर प्रभुहिँ देशावहिँ रचना ॥

दोहा

सब सिसु इहि मिसु प्रेमवस परसि मनोहर गात ।
 तनुपुलकहिँ अतिहरष हिय देशि देशि दोउ भ्रात ॥

चौपाई

सिसु सब राम प्रेमवस जाने । प्रीति समेत निकेत बषाने ॥
 निज निज रुचि सब लेहिँ बुलाई । सहित सनेह जाहिँ दोउ भाई ॥
 राम देशावहिँ अनुजहिँ रचना । कहि प्रिय मधुर मनोहर वचना ॥
 लव निमेष महँ भुवननिकाया । रचै जासु अनुसासन माया ॥
 भगत हेतु सोई दोनदयाला । चितवत चकित धनुष मषशाला ॥
 कोतुक देशि चले गुरु पाहीं । जानि विलंब त्रासु मनमाहीं ॥
 जासु त्रास डरकहँ डर होई । भजनप्रभाव देशावत सोई ॥
 कहि बातें मृदुमधुर सुहाई । किये बिदा बालक बरिआई ॥

दोहा

समय सप्रेम विनीत अति सकुच सहित दोउ भाइ ॥
 गुरुपदपंकज नाई सिर बैठे आयसु पाइ ॥

चौपाई

निसिप्रवेस मुनि आयसु दीन्हा । सबही संध्यावंदन कीन्हा ॥
 कहत कथा इतिहास पुरानी । रुचि रजनी जुगजाम सिरानी ॥
 मुनिवर सयन कीन्ह तब जाई । लगे चरन चापन दोउ भाई ॥
 जिनके चरनसरोरुह लागी । करत विविध जपजोग विरागी ॥
 तें दोउ बन्धु प्रेम जनु जीते । गुरुपदकमल पलोटत प्रीते ॥
 बार बार मुनि अग्या दीन्हा । रघुबर जाइ सयन तब कीन्हा ॥
 चापत चरन लषन डर लाये । समय सप्रेम परम सबु पाये ॥

पुनि पुनि प्रभु कह सोवहु ताता । पौढ़े धरि उर पद जलजाता ॥

दोहा

उठे लषन निसि विगत सुनि अरुनशिषाधुनि कान ।

गुरु ते पहिले जगतपति जागे राम सुजान ॥

चौपाई

सकल सौच करि जाय नहाये । नित्य निबाहि मुनिहिं सिर नाये ॥

समय जानि गुरु आयसु पाई । लेन प्रसून चले दोउ भाई ॥

भूप बाग बर देषेउ जाई । जहँ वसंतऋतु रहै लुभाई ॥

लागे विटप मनोहर नाना । वरन वरन वर बेलिविताना ॥

नव पल्लव फल सुमन सुहाये । निजसंपति सुररूष लजाये ॥

चातक कोकिल कीर चकोरा । कूजत विहग नचत कल मोरा ॥

मध्यबाग सर सुभग सुहावा । मनि सोपान विचित्र बनावा ॥

विमल सलिल सरसिज बहुरंगा । जलषग कूजत गुंजत भृंगा ॥

दोहा

बागतड़ाग विलोकि प्रभु हरषे बन्धु समेत ।

परमरम्य आराम यह जो रामहिं सुष देत ॥

चौपाई

घहुं दिसि चितै पूछि मालोगन । लगे लेन दल फूलि मुदित मन ॥

तेहि अबसर सीता तहँ आई । गिरिजा पूजन जननिपठाई ॥

संग सषी स्रव सुभग सयानी । गावहिं गीत मनोहर बानी ॥

सरसमीप गिरिजा गृह सोहा । वरनि न जाय देषि मन मोहा ॥

मज्जन करि सर सषिन समेता । गई मुदित मन गौरिनिकेता ॥

पूजा कीन्ह अधिक अनुरागा । निज अनुरूप सुभग वर माँगा ॥

एक सखी सिय संग विहाई । गई रही देषन फुलवाई ॥

ते दोउ बन्धु विलोकेउ जाई । प्रेम विवस सीता पहुँ आई ॥

दोहा

तासु दसा देषी सषिन पुलकगात जलनैन ।

कहु कारन निज हरषकर पूछहि सब मृदुबैन ॥

चौपाई

देषन बाग कुंवर दुइ आये । वयकिसोर सब भांति सुहाये ॥
 स्याम गौर किमि कहौं बषानी । गिराअनयन नयन बिनुवानो ॥
 सुनि हरषीं सब सषो सयानी । सियहिय अति उतकंडा जानी ॥
 एक कहहिं नृपसुत ते आली । सुने जे मुनि सँग आये काली ॥
 निज निजरूप मोहनो डारो । कीन्हे खवश नगर नरनारी ॥
 धरनत छवि जहँ तहँ सब लोगू । अवसि देखिये देषनजोगू ॥
 तासु वचन अति सियहि सुहाने । दरसलागि लोचन अकुलाने ॥
 चली अग्रकरि प्रिय सषि सोई । प्रीति पुरातनि लषै न कोई ॥

दोहा

सुमिरि सीय नारदवचन उपजी प्रीति पुनीत ।
 चकित विलोकति सकल दिशि जनु सिसुमृगीसभोत ॥

चौपाई

कंकन किंकिनि नूपुरधुनि सुनि । कहत लषन सन राम हृदय गुनि ॥
 मानहुं मदनदुंदुभो दीन्ही । मनसा विश्वविजय कहँ कीन्ही ॥
 अस कहि फिरि चितए तेहि ओरा । सियमुषससि भए नयन चकोरा ॥
 भये विलोचन चारु अचंचल । मनहुं सकुचिनिमि तजेउ दगंचल ॥
 देखि सीयसोभा सुष पावा । हृदय सराहत वचन न आवा ॥
 जनु विरंचि सब निज निपुनाई । विरचि विश्व कहँ प्रकट दिखाई ॥
 सुन्दरता कहँ सुन्दर करई । छविगृह दीपसिषा जनु बरई ॥
 सब उपमा कवि रहे जुठारी । किहि पटतरिय विदेहकुमारी ॥

दोहा

सियसोभा हिय वरनि प्रभु आपनि दसा विचारि ।

। बोले सुचिमन अनुजसन वचन समय अनुहारि ॥

चौपाई

तात जनकतनया यह सोई । धनुषजग्य जेहि कारन होई ॥
 पूजन । गौरि सषी लै आई । करति प्रकास फिरति फुलवाई ॥
 जासु विलोकि अलौकिक सोभा । सहज पुनीत मोर मन छोभा ॥

सो सब कारन जान विधाता । फरकहिँ सुभग अंग सुनु भ्राता ॥
 रघुवंसिन कर सहज सुभाऊ । मन कुपंथ पग धरै न काऊ ॥
 मोहिँ अतिसय प्रतीति मन केरी । जेहि सपनेहु परनारि न हेरी ॥
 जिनके लहहिँ न रिपु रन पीठी । नहिँ लावहिँ परतिय मनुदीठी ॥
 मंगन लहहिँ न जिनके नाहीं । ते नरवर थोरे जगमाहीं ॥

दोहा

करत बतकही अनुज सन मन सियरूप लुभान ।

मुखसरोजमकरन्द छवि करत मधुप इव पान ॥

चौपाई

चितवत चकित चहुँ दिसि सीता । कहँ गये नृपकिसोर मनचीता ॥
 जहँ विलोक मृगसावकनैनी । जनु तहँ धरष कमलसितश्रेनी ॥
 लता ओट तब सखिन लषाये । स्यामल गौर किसोर सुहाये ॥
 देखि रूप लोचन ललचाने । हरषे जनु निज निधि पहिँचाने ॥
 थके नयन रघुपतिछवि देखी । पलकनहुँ परिहरी निमेषी ॥
 अधिक सनेह देह भइ भोरी । सरदससिहि जनु चितव चकोरी ॥
 लोचनमगु रामहिँ उर आनी । कीन्हे पलककपाट सयानी ॥
 जब सिय सखिन प्रेमबस जानी । कहि न सकहिँ कछु मन सकुचानी ॥

दोहा

लताभवन ते प्रगट भे तेहि अवसर दोउ भाइ ।

निकसे जनु जुग विमल विधु जलदपटल बिलगाइ ॥

चौपाई

सोभासीव सुभग दोउ बीरा । नील पीत जलजात सरीरा ॥
 काकपद्म सिर सोहत नीके । गुच्छा बिचबिच कुसुमकलीके ॥
 भालतिलक भ्रमबिंदु सुहाये । भवनसुभग भूषन छवि छाये ॥
 विकट भृकुटि कच घूंघरवारे । नव सरोज लोचन रतनारे ॥
 चारु चिबुक नासिका कपोला । हासविलास लेत मन मोला ॥
 मुषछवि कहि न जाति मोहिँ पाहीं । जेहि विलोक बहु काम लजाहीं ॥
 सर मनमाल कम्बुकलग्रीवा । कामकलभकर भुज बलसीवा ॥

सुमन समेत घाम कर दोना । सांवर कुंवर सखी सुठि लोना ॥

दोहा

केहरि कटि पटपीतधर सुषमासीलनिधान ।

देखि भानुकुलभूषनहि बिसरा सखिन अपान ॥

चौपाई

धरि धीरज इक सखी सयानी । सीता सन बोली मृदु बानी ॥

बहुरि गौरि कर ध्यान करेहू । भूपकिसोर देखि फिन लेहू ॥

सकुचि सीय तब नयन उघारे । संमुख दोउ रघुबीर निहारे ॥

नषसिष देखि राम की सोभा । सुमिरिपितापन मन अति छोभा ॥

परधस सखिन लषी जब सीता । भयउ गहरु सब कहहि समीता ॥

पुनि आउब इहि बिरियां कालो । असकहि मन बिहँसो इक आली ॥

गूढ़ गिरा सुनि सिय सकुचानी । भयउ विलंब मातुभय मानी ॥

धरि बड़ धीर राम उर आनी । फिर आपनपौ पितुवस जानी ॥

दोहा

देखन मिसु मृग विहग तरु फिरै बहोरि बहोरि ।

निरषि निरषि रघुवीरछुबि बाढ़ी प्रीति न थोरि ॥

चौपाई

जानि कठिन सिवचाप बिसूरति । चली राषि उर श्यामल मूरति ॥

अमु जब जात जानकी जानी । सुष सनेह सोभा की षानी ॥

परमप्रेममय मृदु मसि कीन्ही । चारु चित्र भीतर लिषि लीन्ही ॥

गई भवानीभवन बहोरी । वन्दि चरन बोली कर जोरी ॥

जय जय जय गिरिराजकिसोरी । जय महेसमुखचद्रचकोरी ॥

जय गजवदन षड़ानन माता । जगत जननि दामिनि द्युतिगाता ॥

नहि तव आदि मथ्य अवस्थाना । अमित प्रभाव, वेद नाहि जाना ॥

भव भव विभव पराभवकारिनि । विश्वविमोहनि स्वयस विहारिनि ॥

दोहा

पतिदेवता सुतीय महँ मातु प्रथम तब रेष ।

अहिमा अमित न कहि सकहि सहस सारदा सेष ॥

चौपाई

सेवत तोहि सुलभ फलचारी । वरदायिनि त्रिपुरारिपियारी ॥
 देवि पूजि पदकमल तुम्हारे । सुर नर मुनि सब होहि सुषारे ॥
 मोर मनोरथ जानहु नीके । बसहु सदा उरपुर सबही के ॥
 कीन्हेउँ प्रकट न कारन तेही । अस कहि चरन गहे वैदेही ॥
 विनयप्रेमवस भई भवानी । षसीमाल मूरति मुसुकानी ॥
 सादर सिय प्रसाद उर धरेऊ । बोली गौरि हरष उर भरेऊ ॥
 सुनु भिय सत्य असीस हमारी । पूजिहि मन कामना तुम्हारी ॥
 मारद वचन सदा सुचि सांचा । सोर बर मिलिहि जाहि मनरांचा ॥

छंद

मन जाहि रांचो मिलिहि सो वर सहज सुंदर सांवरो ।
 करुनानिधान सुजान सील सनेह जानत रावरो ॥
 यहि भांति गौरि असीस सुनि सिय सहित हिय हरषिति अली ।
 तुलसी भवानिहि पूजि पुनि पुनि मुदितमन मंदिर चली ॥

सोरठा

जानि गौरि अनुकूल सियहियहरष न जाय कहि ।
 मजुल मंगलमूल वाम अंग फरकन लगे ॥

चौपाई

हृदय सराहत सीयलुनाई । गुरु समीप गवने दोड भाई ॥
 राम कहा सब कौशिक पाहीं । सरल सुभाव छुवा छल नाही ॥
 सुमन पाइ मुनि पूजा कीन्हीं । पुनि असीस दोड भाइन्ह दीन्हीं ॥
 सुफल मनोरथ होहि तुम्हारे । राम लषन सुनि भये सुषारे ॥
 करि भोजन मुनिवर विग्यानी । लगे कहन कछु कथा पुरानी ॥
 विगत दिवस गुरुआयसु पाई । संध्या करन चले दोड भाई ॥
 प्राची दिशि ससि उगेउ सुहावा । सियमुष सरिस देषि मन भावा ॥
 बहुरि विचार कीन्ह मन माहीं । सीयवदन सम हिमकर नाही ॥

दोहा

जन्मसिंधु पुनि बंधु विष दिव मलीन सकलंक ।
 सियमुषसमता पाव किमि चंद बापुरो रंक ॥

चौपाई

घटै । बहै विरहिनिदुषदाई । प्रसै राहु निज संधिहि पारै ॥
 कोकशोकप्रद पंकजद्रोही । अवगुन बहुत चंद्रमा तोही ॥
 बैदेहीमुख पटतर दीन्है । होइ दोष बड़ अनुचित कीन्है ॥
 सियमुख छबि विधुव्याज बषानी । गुरुपहि चले निशा बड़ि जानी ॥
 करि मुनिचरनसरोज प्रनामा । आयेसु पाइ कीन्ह विश्रामा ॥
 विगत निशा रघुनायक जागे । बंधु विलोकि कहन अस लागे ॥
 उगेउ अरुन अवलोकहु ताता । पंकज कोक लोक सुषदाता ॥
 बोले लषन जोरि गुग पानी । प्रभुप्रभावसूचक मृदुबानी ॥

दोहा

अरुनोदय सकुचे कुमुद उडगन ज्योतिमलीन ।
 तिभि तुम्हार आगमन सुनि भये नृपति बलहीन ॥

चौपाई

नृप सब नषत करहिं उजियारी । टारि न सकहिं चापतम भारी ॥
 कमल कोक मधुकर षग नाना । हरषे सकल निसाअर्वसाना ॥
 ऐसहि प्रभु सब भगत तुम्हारे । होइहहिं दूटे धनुष सुबारे ॥
 उयेभानु बिनु ; श्रम तम नासा । दुरे नषत जग तेज प्रकासा ॥
 रवि निज उदयव्याज रघुराया । प्रभुप्रताप सब नृपन दिषाया ॥
 तब भुजबल महिमा उदघाटी । प्रकटी धनुविघटन परिपाटी ॥
 बहुवचन सुनि प्रभु मुसुकाने । होइ शुचि सहजपुनीत नहाने ॥
 नित्यक्रिया करि गुरु पहुँ आये । चरनसरोज सुभग सिरनाये ॥
 शतानंद तब जनक बुलाये । कौंसिक मुनि पहुँ तुरत पठाये ॥
 जनक विनय तिनि आय सुनाई । हरषे बोलि लिये दोउ भाई ॥

दोहा

शतानंदपद बंदि प्रभु बैठे गुरु पहुँ जाइ ।
 चलहु वात मुनि कहेउ तब पठवा जनक बुलाइ ॥

चौपाई

सीयस्वयंवर देषिय जाई । ईश काहि धौं देइ बड़ाई ॥

लषन कहा जसभाजन सोई । नाथ कृपा तव जा पर होई ॥
 हरषे मुनि सब मुनिवर चानी । दीन्ह असीस सबहिं सुष मानी ॥
 पुनि मुनिवृन्द समेत कृपाला । देषन चले धनुषमषसाला ॥
 रंगभूमि आये दोउ भाई । अस सुधि सब पुरवासिन पाई ॥
 चले सकल गृहकाज बिसारी । बालक युवा जरठ नर नारी ॥
 देषा जनक भीर भइ भारी । सुचि सेवक सब लिये हँकारी ॥
 तुरत सकल लोगम पहुँ जाइ । आसन उचित देहु सब काइ ॥

दोहा

कहि मृदु वचन विनीत तिन बैठारे नर नारि ।

उत्तम मध्यम नीच लघु निज निज थल अनुहारि ॥

चौपाई

राजकुंवर तेहि अवसर आये । मनहुं मनोहरता तन छाये ॥
 गुनसागर नागर बरबीरा । सुंदर श्यामल गौर सरीरा ॥
 राज समाज विराजत रूरे । उडगन महँ जनु युग विधु पूरे ॥
 जिनके । रही भावना जैसी । प्रभुमूरति देषी तिन तैसी ॥
 देषहि भूप महा रनधीरा । मनहुं वीररस धरे शरीरा ॥
 डरे कुबिल नृप प्रभुहि निहारी । मनहुँ भयानक मूरति भारी ॥
 रहे असुर छलछोनिपवेषा । तिन प्रभु प्रकट काल सम देषा ॥
 पुरवासिन देषे दोउ भाई । नरभूषन लोचनसुषदाई ॥

दोहा

नारि विलोकहिं हरषि हिय निज निज रुचिअनुरूप ।

जनु सोहत शृङ्गार धरि मूरति परम अनूप ॥

चौपाई

विदुषन प्रभु विराटमय दीशा । बहुमुष कर पग लोचन शीशा ॥
 जनकजाति अवलोकहिं कैसे । सजन सगे प्रिय लागहिं जैसे ॥
 सहित विदेह विलोकहिं रानी । शिशुसम प्रीति न जाय बषानी ॥
 योगिन परम तत्त्वमय भासा । शान्तशुद्ध मन सहजप्रकासा ॥
 हरिभक्तन देषे दोउ भ्राता । इष्टदेव इव सब सुषदाता ॥

रामहि चितव भाव जेहि सीया । सो सनेहसुष नहि कथनीया ॥
 उर अनुभवति न कहि सक सोऊ । कवन प्रकार कहै कवि कोऊ ॥
 यहि विधि रहा जाहि जस भाऊ । तेहि तस देषेउ कोशलराऊ ॥

दोहा

राजत राज समाज महुँ कोशलराजकिशोर ।
 सुंदर श्यामल गौरतन विश्वविलोचनचोर ॥

चौपाई

सहज मनोहर मूरति दोऊ । कोटिकामउपमा लघु सोऊ ॥
 शरद चंद निंदक मुष नीके । नीरज नयन भावते जीके ॥
 चितवनि चारु भास्मदहरनी । भावत हृदय जाय नहि बरनी ॥
 कलकपोल श्रुतिकुंडल लोना । चिबुक अधर सुंदर मृदु बोला ॥
 कुमुदबन्धुकर निंदक हासा । भृकुटी विकट मनोहर नासा ॥
 भालविशाल तिलक भलकाहीं । कचविलोकिअलिअवलिलजाहीं ॥
 पीत चौतनी शिरन सुहाई । कुसुमकली बिचबीच बनाई ॥
 रेषा रुचिर कंबुकलग्रीवां । जनु त्रिभुवनसुषमाकी सीवां ॥

दोहा

कुंजरमनि कंठा कलित उर तुलसी की माल ।
 वृषभकंध केहरिठवनि बलनिधि बाहु विशाल ॥

चौपाई

कटि तूनीर पीत पट बांधे । कर शर धनुष बामवर कांधे ॥
 पीत यज्ञउपवीत सुहाई । नषशिष मंजु महाद्युवि छाई ॥
 देषि लोग सब भये सुषारे । इकटक लोचन टरत न टारे ॥
 हरषे जनक देषि दोउ भाई । मुनिपदकमल गहे तब जाई ॥
 करि विनती निज कथा सुनाई । रंगअवनि सब मुनिहिं दिषाई ॥
 जहँ जहँ जाहि कुंवरवर दोऊ । तहँ तहँ चकित चितव सब कोऊ ॥
 निज निज रुचि रामहिं सब देषा । कोउ न जान कछु मर्म विशेषा ॥
 भलि रचना नृपसन मुनि कहेऊ । राजा मुदित महासुष लहेऊ ॥

दोहा

सब मंचन ते मंच इक सुंदर विशद विशाल ।
मुनि समेत दोउ बन्धुवर बैठारे महिपाल ॥

चौपाई

प्रभुहिं देषि सब नृप हिय हारे । जनु राकेशउदय भय तारे ॥
अस प्रतीति तिनके मन माहीं । राम चाप तोरब शक नाही ॥
बिनु भजेहु भवधनुष विशाला । मेलिहि सोय रामउर माला ॥
अस विचारि गवनहु घर भाई । जस प्रताप बल तेज गँवाई ॥
बिहँसे अपर भूप सुनि वानी । जे अविबेकअंत्र अभिमानी ॥
तोरेउ धनुष व्याह अवगाहा । बिनु तोरे को कुंवरि विवाहा ॥
एक बार कालहु किन होई । सिय हित समर जितब हम सोई ॥
यह सुनि अपर भूप मुसुकाने । धर्म शील हरिभगत सयाने ॥

सोरठा

सीय विवाहब राम, मर्न दूरि करि नृपन कर ।
जीति को सक सङ्ग्राम, दशरथ के रनबांकुरे ॥

चौपाई

बूथा मरहु जनि गाल बजाई । मनमोदक नहिं भूष बुताई ॥
सिष हमारि सुनि परम पुनीता । जगदम्बा जानहु जिय सीता ॥
जगतपिता रघुपतिहि विचारी । भरि लोचन छवि लेहु निहारी ॥
सुंदर सुषद सकल गुनरासी । ये दोउ बंधु शंभुउरबासी ॥
सुधासमुद्र समीप बिहाई । मृगजल निराख मरहु कतधाई ॥
करहु जाय जा कहँ जोइ भावा । हम तो आजु जनमफल पावा ॥
अस कहि भले भूप अनुरागे । रूप अनूप विलोकन लागे ॥
वेषहि सुर नभ चढ़े बिमाना । वरषहि सुमन करहि कल गाना ॥

दोहा

जानि सुअवसर सीय तब पठई जनक बुलाय ।
चतुर सषी सुंदर सकल सादर चलीं लिवाय ॥

चौपाई

सियशोभा नहिं जाइ बषानी । जगदम्बिका रूपगुणषानी ॥
 उपमा सकल मोहिं लघुलागी । प्राकृत नारिअंग अनुरागी ॥
 सीय वरनि तेहि उपमा देई । कुकवि कहाइ अयश को लेई ॥
 जो पटतरिय तियन सम सीया । जग अस युवति कहां कम्पनीया ॥
 गिरा मुषर तनु अर्थ भवानी । रति अति दुषित अतनु पति जानी ॥
 विष वारुनी बंधु प्रिय जेही । कहिय रमासम किमि वैदेही ॥
 जो छविमुधा पयोनिधि होई । परमरूपमय कच्छप सोई ॥
 शोभा रज्जु मंदर शृंगारू । मथै पानिपंकज निज मारू ॥

दोहा

यहि विधि उपजै लच्छि जब सुंदरतासुषमूल ।
 तदपि सकोच समेत कवि कहहिं सीयसम दूल ॥

चौपाई

चली संग लै सषी सयानी । गावत गीत मनोहर बानी ॥
 सोह नवलतन सुंदर सारी । जगत जननि अतुलितछवि भारी ॥
 भूषन सकल सुदेश सुहाये । अंग अंग रचि सजिन बनाये ॥
 रंगभूमि जब सिय पगु धारी । देषि रूप मोहे नर नारी ॥
 हरषि सुरन दुंदुभी बजाई । वरषि प्रसून अप्सरा गाई ॥
 पानिसरोज सोह जूयमाला । औचक चितये सकल भुपाला ॥
 सीय चकितचित रामहिं न्नाहा । भये मोहवश सब नरनाहा ॥
 मुनि समीप बैठे दोउ भाई । लगे ललकि लोचन निधि पाई ॥

दोहा

गुरुजन लाज समाज बड देषि सीय सकुचानि ।
 लगी विलोकन सषिनतन रघुबीरहि उर आनि ॥

चौपाई

रामरूप अरु सियछवि देषी । नर नारिन परिहरी निमेषी ॥
 शोचहिं सकल कहत सकुचाहीं । विधिसन विनय करहिं मन माहीं ॥
 हर विधि बेगि जनक जड़ताई । मति हमारि असि देहु सुहाई ॥

बिनु विचारि पन तजि नरनाइ । सीय राम कर करइ विवाइ ॥
जगमल कहहि भाव सब काइ । हठ कीन्हे उर अन्तर दाइ ॥
यहि लालसा मगन सब लोगू । वर सांवरो जानकी जोगू ॥
सब बंदीजन जनक बुलाये । बिरदावली वदत चलि आये ॥
कइ नृप जाइ कहहु पन मोरा । चले भाट हिअ हर्ष न थोरा ॥

दोहा

बोले बन्दी वचनवर सुनहु सकल महिपाल ।
पन विदेह कर कहहि हम भुजा उठाइ विशाल ॥

चौपाई

नृपभुजबल विधु शिवधनु राइ । गरुअ कठोर विदित सब काइ ॥
रावन बान महाभट भारे । देषि शरासन गवहिँ सिधारे ॥
सो पुरारिकोदंड कठोर । राजसमाज आज जेइ तोरा ॥
त्रिभुवनजय समेत वैदेही । बिना विचार बरै हठि तेही ॥
सुनि पन सकल भूप अभिलाषे । भटमानी अतिशय मन भाषे ॥
परिकर बाँधि उठे अकुलाई । चले इष्टदेवन शिर नाई ॥
तमकि तमकि तकि शिवधनु धरहीं । उठै न कोटि भांति बल करहीं ॥
जिन्ह के कछु विचार मनमाहीं । चाप समीप महीप न जाहीं ॥

दोहा

तमकि धरहिँ धनु मूढ़ नृप उठै न चलहिँ लजाइ ।
मनहु पाइ भट बाहुबल अधिक अधिक गरुआइ ॥

चौपाई

भूप सहस दस एकहि बारा । लगे उठावन टरै न टारा ॥
डिगै न संभुसरासन कैसे । कामीवचन सतीमन जैसे ॥
सब नृप भए जोग उपहासी । जैसे बिनु विराग सन्यासी ॥
कीरति विजय वीरता भारी । चले चापकर धरबस हारी ॥
श्रीहत भये हारि सब राजा । बैठे निज निज जाइ समाजा ॥
नृपन विलोकि जनक अकुलाने । बोले वचन रोष अनु साने ॥
दीप दीप के भूपति नाना । आप सुनि हम जो पन ठाना ॥

देव दनुज धरि मनुज शरीरा । विपुल क्षीर आप रनधीरा ॥

दोहा

कुंवरि मनोहरि विजय बड़ि कीरति अति कमनीय ।

पावनहार विरंचि जनु रचेउ न धनुदमनीय ॥

चौपाई

कहहु काहि यह लाभ न भावा । काहु न संकरचाप चढ़ावा ॥

रहा चढ़ाउब तोरब भाई । तिल भरि भूमि न सके छुड़ाई ॥

अब जनि कोउ मापै भट्ठमानी । वीरविहीन मही मैं जानी ॥

तजहु आस निज निज गृह जाहु । लिषा न विधि वैदेहिविवाह ॥

सुकृत जाय जो पन परिहरऊं । कुंअरि कुंआरि रहै का करऊं ॥

जो जनतेउं बिनुभट महि भाई । तौ पनकरि होत्यो न हँसाई ॥

जनकवचन सुनि सब नर नारी । देखि जानकिहि भए दुषारी ॥

भाषे लषन कुटिल भई भौहैं । रदपुट फरकत नयन रिसौहैं ॥

दोहा

कहि न सकत रघुवीरडर लगे बचन जनुवान ।

माइ रामपद कमल सिर बोले गिरा प्रमान ॥

चौपाई

रघुवंसिन महँ जहँ कोउ होई । तेहि समाज अस कहै न कोई ॥

कही जनक जस अनुचित बानी । विद्यमान रघुकुलमनि जानी ॥

सुनहु भातुकुलपंकजभानू । कहाँ सुभाव न कहु अभिमानू ॥

जो तुम्हार अनुसासन पावौं । कन्दुक इव ब्रह्मांड उठावौं ॥

काचे घट जिमि डारौं फोरी । सकौं मेरु मूलक इव तोरी ॥

तब प्रताप महिमा बलवाना । का बापुरो पिनाक पुराना ॥

नाथ जानि अस आयसु होऊ । कौतुक करौ विलोकिय सोऊ ॥

कमलनाल इमि चाप चढ़ावौं । योजन शत प्रमान लै धावौं ॥

दोहा

तोरौ छत्रकदंड जिमि तब प्रताप बल नाथ ।

जो न करौ प्रभुपदशपथ कर न धरौ धनुहाथ ॥

चौपाई

लखन सकोप वचन जब बोले । डगमगानि महि दिग्गज डोले ॥
 सकल लोक सब भूप डेराने । सियहिय हर्ष जनक सकुचाने ॥
 गुर रघुपति सब मुनि मन माहीं । मुदित भय पुनि पुनि पुलकाहीं ॥
 सैनहिं रघुपति लखन निवारे । प्रेम समेत निकट बैठारे ॥
 बिस्वामित्र समय शुभ जानी । बोले अति सनेहमय चानी ॥
 उठहु राम भंजहु भवधापा । मेठहु तात जनकपरितापा ॥
 सुनि गुरु वचन चरन सिर नावा । हर्ष बिषाद न कहु उर आवा ॥
 ठाढ़ भये उठि सहज सुहाए । ठवनि जुवा मृगराज खजाए ॥

दोहा

उदितउदयगिरिमंच पर रघुवरबालपतंग ।
 विंगसे संतसरोज सब हरषे लोचनभृंग ॥

चौपाई

नृपन केरि आसा निसि नासी । वचन नषतअवली न प्रकासी ॥
 मूढ़ महीप कुमुद सकुचाने । कपटी भूप उलूक लुकाने ॥
 भय विशोक कोक मुनिदेवा । बरषहिं सुमन अनावहिं सेवा ॥
 गुरुपद बंदि सहित अनुरागा । राम मुनिजसन आयसु मांगा ॥
 सहजहि चले सकलजगस्वामी । मत्त मंजु कुंजर वर गामी ॥
 चलत राम सब पुर नर नारी । पुलकपूरि तन भय सुषारी ॥
 बंदि पितर सुर सुकृत सँभारे । जो कहुं पुन्य प्रभाव हमारे ॥
 हौ सिवधनु मृनाल की नाई । तोरहिं राम गनेस गुसाई ॥

दोहा

रामहिं प्रेम समेत लखि सखिन समीप बुलाइ ।
 सीतामातु सनेह बस वचन कहै बिलषाइ ॥

चौपाई

सखि सब कौतुक देषनहारे । जेउ कहावत हित् हमारे ॥
 कोउ न बुझाई कहइ नृप पाहीं । ए बालक अस हठ भल नाहीं ॥
 रावन दान छुमा नहिं खापा । हारे सकल भूप करि दापा ॥

सो धनु—राजकुँवर कर देहीं। बाल भराल कि मंदर लेहीं ॥
 भूपसयानप सकल सिरानी। सषि विधिगतिकछु जाय न जानी ॥
 बोली चतुर सषी मृदु वानी। तेजवंत लघु मनिय न रानी ॥
 कहँ कुंभज कहँ सिन्धु अपारा। सोषेउ सुयश सकल संसारा ॥
 रविमंडल देषत लघु लागा। उदय तासु त्रिभुवनतम भागा ॥

दोहा

मंत्र परमलघु जासु बस विधि हरि हर सुर सर्व ।

महा मत्त गजराज कहँ बस कर अंकुस पर्व ॥

चौपाई

काम कुसुम धनु सायक लीन्हे। सकल भुवन अपने बस कीन्हे ॥
 देवि तजिय संसय अस जानी। भंजब धनुष राम सुनु रानी ॥
 सषी वचन सुनि भइ परतीती। मिटा विषाद बढ़ी अति प्रीती ॥
 तब रामहि विलोकि वैदेही। सभय हृदय विनवति जेहि तेही ॥
 मनहीं मन मनाव अकुलानी। होउ प्रसन्न महेस भवानी ॥
 करहु सुफल आपनि सेवकाई। करि हित हरहु चाप गरुआई ॥
 गननायक धरदायक देवा। आजु लगे कीन्हेउ तत्र सेवा ॥
 बार बार सुनि बिनती मोरी। करहु चाप गरुता अतिथोरी ॥

दोहा

देषि देषि रघुवीर तन सुर मनाव धरि धीर ।

भरे विलोचन प्रेमजल पुलकावली सरिर ॥

चौपाई

मीके निरवि नयन भरि शोभा। पितुपन सुमिरि बहुरि मन छोभा ॥
 अहह तात दारुन हठ ठानी। समुझत नहि कछु लाभ न हानी ॥
 सचिव सभय सिष देइ न कोई। बुध समाज बड़ अनुचित होई ॥
 कहँ धनु कुलिसहु चाहि कठोरा। कहँ श्यामल मृदु गत किसोरा ॥
 विधि केहि भांति धरौ उर धीरा। सिरस सुमनकन बेधिहि हीरा ॥
 सकल सभा कै मति भइ भोरी। अब मोहि शंभुचाप गति तोरी ॥
 निज जड़ता लोगन पर डारी। होहु हरअ रघुपतिहि निहारी ॥

अति परिताप सीयमन माहीं । लवनिमेष जुगसय सम जाहीं ॥

दोहा

प्रभुहि चितै पुनि चितै महि राजत लोचन लोल ।

षेजत मनसिजमीन जुग जनु विधुमंडल डोल ॥

चौपाई

गिराअलिन मुषपंकज रोकी । प्रकट न लाजनिसा अवलोकी ॥

लोचनजल रह लोचन कोना । जैसे परम कृपन कै सोना ॥

सकुची व्याकुलता बड़ि जानी । धरि धीरज प्रतीति उर आनी ॥

तन मन वचन मोर मन सांचा । रघुपतिपदसरोज चित रांचा ॥

तौ भगवान सकलउरवासी । करिहि मोहिं रघुवर की दासी ॥

जेहि के जेहि पर सत्य सनेह । सो तेहि मिलइ न कछु सदेह ॥

प्रभु तन चितै प्रेमपथ ठाना । कृपानिधान राम सब जाना ॥

सियहि विलोकि तकेउ धनु कैसे । चितय गरुड़ लघुब्यालहि जैसे ॥

दोहा

लषन लषेउ रघुवशमनि ताकेउ हरकोदंड ।

पुलकिगात बोले बचन चरन चापि ब्रह्मंड ॥

चौपाई

दिशिकुंजरहु कमठ अहि कोला । धरहु धरनिधरि धीर न डोला ॥

राम चहहि संकर धनु तोरा । होहु सजग सुनि आयसु मोरा ॥

चाप समीप राम जब आये । नर नारिन सुर सुकृत मनाये ॥

सब कर संसय अरु अग्यानु । मंद महीपन कर अभिमानू ॥

भृगुपति केरि गर्व गुरुआई । सुरि मुनिवरन्ह केरि कदराई ॥

सियकर सोच जनकपछितावा । रानिन्ह कर दारुन दुषदावा ॥

शम्भुचाप बोहित बड पाई । चढे जाइ सब संग बनाई ॥

रामसिन्धु घनवाह अपारु । चाहत पार नहि कोउ कनहारु ॥

दोहा

राम विलोके लोग सब चित्र लिषे से देखि ।

चितई सीय कृपायतन जानी विकल विशेषि ॥

चौपाई

देशी विपुल विकल वैदेही । निमिष विहात कल्प सम तेही ॥
 तृषित वारि बिनु जो तनु त्यागा । मुए करै का सुधातडागा ॥
 का वर्षा जब कृषी सुषाने । समै चुके पुनि का पछिताने ॥
 अस जिय जानि जानकिहि देशी । प्रभु पुलके लषि प्रांति विशेषी ॥
 गुरुहि प्रनाम मनहिं मन कीन्हा । अति लाघव उठाय धनु लीन्हा ॥
 दमकेउ दामिनि जिमि जब लयऊ । पुनि धनु नभमंडल सम भयऊ ॥
 लेत चढ़ावत बैचत गाढ़े । काहु न लषा देशि सब ठाढ़े ॥
 तेहि छन राम मध्य धनु तोप । भरेउ भुवन धुनि घोर कठोरा ॥

छंद

भरि भुवन घोर कठोर रव रचिवाजि तजि मारग चले ।
 चिह्नरहिं विगगज डोल महि अहि कोल कूरम कलमले ॥
 सुर असुर मुनि कर कान दीन्हे सकल विकल विचारही ।
 कोदंड भंजेउ राम तुलसी जयति बचन उचारही ॥

सोरठ

संकरचाप जहाज सागर रघुवरबाहुबल ।
 बूड सु सकल समाज चढ़े जे प्रथमहि मोहबश ॥

चौपाई

प्रभु 'दोउ चापखंड महि डारे । देशि लोग सब भय सुषारे ॥
 कौशिकरूप पयोनिधि .. पावन । प्रेमवारि अवगाह सुहावन ॥
 रामरूपराकेश त्रिहारी । बढ़त धीचि पुलकावलि भारी ॥
 बाजे नभ महगहे निशाना । देववधू नाचहिं करि गाना ॥
 ब्रह्मादिक सुर सिद्ध मुनीसा । प्रभुहि प्रसंसहिं देहिं असीसा ॥
 वरषहिं सुमन रंग बहु माला । गावहिं किन्नर गीत रसाला ॥
 रही भुवन भरि जयजय वानी । धनुषभंग धुनि जात न जानी ॥
 मुदित कहहिं जहँ तहँ सब नारी । भंजेउ राम शम्भुधनु भारी ॥

दोहा

बंदी मागध सूतगन विरद बरहिं अतिधीर ।
 करहिं निह्वावरि लोग सब हय गय मनि धन चीर ॥

चौपाई

भाँभ मृदंग शंष सहनार्ह । भेरि ढोल डिडिभी सुहार्ह ॥
 बाजहि बहु बाजने सुहाये । युवतिन जहँ तहँ मङ्गल गाये ॥
 सषिन सहित हरषित सब रानी । सूषत धान परा जनु पानी ॥
 जनक लहेउ सुष सोच विहार्ह । पैरत थके थाह जनु पाई ॥
 श्रीहत भये भूप धनु दूटे । जैसे दिवस दीप छवि छूटे ॥
 स्त्रीयसुषहि बरनिय केहि भांती । जनु चातकी पाय जल स्वाती ॥
 रामहि लषन विलोकत कैसे । शशिहि चकोरकिसोरक जैसे ॥
 सतानन्द तब डायसु दीन्है । सीता गमन राम पहुँ कीन्हा ॥

दोहा

संग सषी सुंदरि चतुर गावहि मंगलचार ।
 गवनी बालमरालगति सुषमा अंग अपार ॥

चौपाई

सषिन मथ्य सिय सोहति कैसी । छवि गन मथ्य महा छवि जैसी ॥
 करसरोज जयमाल सुहार्ह । विश्वविजय सोभा जनु छार्ह ॥
 तन सकोच मन परम उछाहू । गूढ़ प्रेम लषि परै न काहू ॥
 जाइ समीप रामछवि देखी । रहि जनु कुंवरि चित्रअवरेषी ॥
 चतुर सषी लषि कहा बुझाई । पहिरावहु जयमाल सुहार्ह ॥
 सुनत जुगल कर माल उठार्ह । प्रेमचिबश पहिराइ न जाई ॥
 सोहत जनु जुगजलज सनाला । शशिहि समीत देत जयमाला ॥
 गावहि छवि अवलोकि सहेली । सिय जयमाल रामउर मेली ॥

सोरठा

रघुवरउर जयमाल देषि देव वरषहि सुमन ।
 सकुचे सकल भुआल जनु विलोकि रवि कुमुदगन ॥

चौपाई

गुर अरु व्योम बाजने बाजे । पल भे मलिन साधु सब गाजे ॥
 सुर किन्नर नर नाग मुनीश । जयजय सब कहि देहि अशीशा ॥
 नाचहि गावहि विबुधवधूटी । बारबार कुसुमावलि छूटी ॥

जहँ तहँ बिप्र बेदधुनि करहीं। बंदी विरदावलि उच्चरहीं ॥
 भहि पाताल नाक जस व्यापा। राम वरी सिय भंजेउ चापा ॥
 करहि आरती पुर नर नारी। देहिं निछावरि बित्त बिसारी ॥
 सोहत सिया राम कै जोरी। छवि सुंगार मनहुं इक ठोरी ॥
 सषी कहहिं प्रभुपद नहु सीता। करति न चरनपरस अति भीता ॥

दोहा

गौतमतियगति सुरति करि नहिं परसति पद पाणि।
 मन विहँसे रघुवशमनि प्रीति अलौकिक जानि ॥

चौपाई

तब सिय देषि भूप अभिलाषे। कूर कपूत मूढ़ मन माषे ॥
 उठि उठि पहिरि सनाह अभागे। जहँ तहँ गाल बजावन लागे ॥
 लेहु छड़ाइ सीय कहँ कोऊ। धरि मारहु नृपबालक दोऊ ॥
 तोरेउ धनुष चाड नहिं सरई। जीवत हमहिं कुंवरी को बरई ॥
 जो विदेह कछु करै सहाई। जीतहु समर सहित दोउ भाई ॥
 साधु भूप बोले सुनि बानी। राजसमाजहि लाज लजानी ॥
 बल प्रताप वीरता बड़ाई। नाक पिनाकहि संग सिधार्ई ॥
 सोइ शूरता कि अथ कहुँ पाई। अस बुधि तौ विधि मुंह मसिलार्ई ॥

दोहा

वेषहु रामहिं नयन भरि तजि ईर्षा मद मोहु।
 लषनरोषपावक प्रबल जानि शलभ जनि होहु ॥

चौपाई

वैनतेयबलि जिमि चह कागा। जिमि शश चहहि नागअरि भागा ॥
 जिमि चह कुशल अकारन कोही। सुषसम्पदा चहै शिवद्रोही ॥
 लोभी लोलुप कोरति चहई। निकलंकता कि कामी लहई ॥
 हरिपद विमुष परमगति चाहै। तस तुम्हार लालच नरनाहा ॥
 कौलाहल सुनि सीय सकानी। सषी लिवाय गई जहँ रानी ॥
 राम सुभाय चले गुरु पाहीं। सियसनेह चरनत मनमाहीं ॥
 शनिन सहित शोचबश सीया। अवधौं विधिदि कहा करनीया ॥

भूपवचन सुनि इत उत तकहीं । लषन रामडर बोलि न सकहीं ॥

दोहा

अरुननयन भृकुटी कुटिल चितवत नृपन सकोप ।

मनहुँ मत्तगजगन निरषि सिंहकिसोरहि चोप ॥

चौपाई

षरभर देषि विकल नरनारी । सब मिलि देहिं महीपन गारी ॥

तेहि अवसर सुनि शिवधनुभंगा । आये भृगुकुलकमलपतंगा ॥

देषि महीप सकल सकुचाने । बाजभूषट जनु लवा लुकावे ॥

गौर शरीर भूति भलि भ्राजा । भाल विशाल त्रिपुंड विराजा ॥

शीशजटा शशिवदन सुहावा । रिसिवश कछुक अरुन होइ आवा ॥

भृकुटी कुटिल नयन रिस राते । सहजहु चितवत मनहुँ रिसाते ॥

बृषभकंध उर बाहु विशाला । चारु जनेउ भाल मृगछाला ॥

कटि मुनिबसन तून दुइ बांधे । धनु शर कर कुठार कल कांधे ॥

दोहा

साधु वेष करनी कठिन वरनि न जाय सरूप ।

धरि मुनितन जनु वीररस आये जहँ सब भूप ॥

चौपाई

देषत भृगुपतिवेष कराला । उठे सकल भयविकल भुआला ॥

पितु समेत निज निज कहि नामा । लगे करन सब दंड प्रनामा ॥

जेहि सुभाव चितवहिं हित जानी । सो जानै जनु आयु षोडानी ॥

जनक बहोरि आय शिर नावा । सीय बुलाय प्रनाम करावा ॥

आशिष दीन सषी हरषानो । निज समाज लै गई सयानी ॥

विस्वामित्र मिले तब आई । पद सरोज मेले दोउ भाई ॥

राम लषन दशरथ के ढोटा । देषि असीस दीन्ह भल जोटा ॥

रामहि चितै रहे भरि लोचन । रूप अपार मार, मद मोचन ॥

दोहा

बहुरि विलोकि विदेह सन कहहु कहा अति भीर ।

पूछत जानि अजान जिमि व्यापेउ कोप शरीर ॥

चौपाई

समाचार कहि जनक सुनाये । जेहि कारन महीप सब आये ॥
 सुनत वचन तब अनत निहारे । देषे चापषंड महि डारे ॥
 अतिरिस बोले वचन कठोरा । कहु जड़ जनक धनुष केहि तोरा ॥
 वेगि देषाउ भूढ़ नतु आजू । उलटौं महि जहँ लगि तव राजू ॥
 अति डर उत्तर देत नृप नाही । कुटिल भूप हरषे मन माहीं ॥
 सुर मुनि नाग नगर नर नारी । सोचहि सकल त्रास उर भारी ॥
 मन पङ्गिताति सोयमहतारी । बिधि सँवारि सब बात बिगारी ॥
 भृगुपति कर सुभाव सुनि सीता । अर्थ निमेष कल्प सम बीता ॥

दोहा

सभय विलोके लोग सब जानि जानकीभीर ।
 हृदय न हर्ष विषाद कछु बोले श्रीरघुवीर ॥

चौपाई

नाथ शंभुधनुभंजनहार । होइहि कोउ इक दास तुम्हारा ॥
 आयसु कहा कहिब किन मोही । सुनि रिसाय बोले मुनि कोही ॥
 सेवक सो जो करै सेवकाई । अरिकरनी करि करिय लराई ॥
 सुनहु राम जेहि शिवधनु तोरा । सहसबाहु सम सो रिपु मोरा ॥
 सो बिलगाउ बिहाउ समाजा । नतु मारे जैहै सब राजा ॥
 सुनि मुनिवचन लषन मुसुकाने । बोले परशुधरहि अपमाने ॥
 बहु धनुहीं तोरेउँ लरिकाई । कबहुँ न अस रिस कीन्ह गुसाई ॥
 एहि धनु पर ममता जेहि हेतू । सुनि रिसाय कह भृगुकुलकेतू ॥

दोहा

रे मृगबालक कालबस बोलत तोहि न सँभार ।
 धनुही सम त्रिपुरारिधनु विदित सकल संसार ॥

चौपाई

लषन कहा हँसि हमरे जाना । सुनहु देव सब धनुष समाना ॥
 का छति लाभ जोर्न धनु तोरे । देषा राम नए के भोरे ॥
 छुक्त दूढ़ रघुपतिहि न दोषू । मुनि बिनुकाज करिय कत रोषू ॥

बोले चितय परशु की ओरा । रे शठ सुने प्रभाव न मोरा ॥
 बालक बोले बधौं नहीं तोहीं । केवल मुनि जड़ जानेसि मोहीं ॥
 बाल ब्रह्मचारी अति कोही । विश्वविदित छत्रीकुलद्रोही ॥
 भुजबल भूमि भूप बिनु कीन्ही । विपुल बार महिदेवन दीन्ही ॥
 सहसबाहुभुजछेदनहारा । परशु विलोकु महीपकुमारा ॥

दोहा

मातु पितहि जनि सोच वश करसि महीपकिसोर ।
 गर्भन के अर्भक दलन परशु मोर अति घोर ॥

चौपाई

बिहँसि लषन बोले मृदुबानी । अहो मुनीश महाभट मानी ॥
 पुनि पुनि मोहिं देषाव कुठारू । चहत उड़ावन फूँकि पहारू ॥
 इहां कुम्हड़बतिया कोउ नाहीं । जो तरजनी देषि मरि जाहीं ॥
 देषि कुठार शरासन बाना । मैं कछु कहेउं सहित अभिमाना ॥
 भृगुकुल समुझि जनेउ विलोकी । जो कछु कहहु सहौं रिस रोकी ॥
 सुर महिसुर हरिजन अरु गार्द । हमरे कुल इन पर न सुराई ॥
 बधे पाप अपकीरति हारे । मारतहु पां परिय तुम्हारे ॥
 कोटिकुलिस सम बचन तुम्हारा । व्यर्थ धरहु धनु बान कुठारा ॥

दोहा

जो बिलोकि अनुचित कहेउं छमहु महामुनि धीर ।
 सुनि सरोष भृगुवंशमनि बोले गिरा गँभीर ॥

चौपाई

कौशिक सुनहु मंद यह बालक । कुटिल कालबस निजकुलघातक ॥
 भानुवंश राकेश कलकू । निपट निरंकुश अबुध अशंकू ॥
 कालकवर होइहि छन माही । कहौं पुकारि षोरि मोहिं नाहीं ॥
 तुम हटकहु जो चहहु उबारा । कहि प्रताप बल रोष हमारा ॥
 लषन कहेउ मुनि सुजस तुम्हारा । तुमहिं अछुत को बरनै पारा ॥
 अपने मुष तुम आपनि करनी । बार अनेक भँति बहु बरनी ॥
 नहीं संतोष तो पुनि कछु कहइ । जनि रिसि रौंकि दुसइ दुष सहइ ॥

धीरव्रती तुम धीर अछोभा । गारी देत न पावहु शोभा ॥

दोहा

सूर समर करनी करहिं कहि न जनावहिं आप ।

विद्यमान रिपु पाइ रनि कायर करहिं प्रलाप ॥

चौपाई

तुम तौ काल हाँकि जनु लावा । बार बार मोहिं लागि बुलावा ॥
सुनत लषन के बचन कठोरा । परशु सुधारि धरेउ कर घोरा ॥
अब जनि दोष देहि मोहिं लोगू । कटुवादी बालक बधजोगू ॥
घाल विलोकि बहुत मै बाँचा । अब यह मरनहार भा साँचा ॥
कौशिक कहा छुमिय अपराधू । बालदोषगुन गनहिं न साधू ॥
कर कुठार मैं अकरन कोही । आगे अपराधी गुरुद्रोही ॥
उतर देत छाँड़ैं बिनु मारे । केवल कौशिक शील तुम्हारे ॥
नतु यहि काटि कुठार कठोरे । गुरुहिं उरिन होतेउँ भ्रम थोरे ॥

दोहा

गाधिसुवन कह हृदय हँसि मुनिहिं हरिअरे सूझ ।

अजगव षंडेउ ऊष जिमि अजहुं न बूझ अबूझ ॥

चौपाई

कहो लषन मुनि शील तुम्हारा । को नहिं जान विदित संसारा ॥
मातहिं पितहिं उरिन भय नीके । गुरुरिन रहा सोच बड़ जीके ॥
सो जनु हमरे माथे काढ़ा । दिन चलि गयउ ब्याज बहु बाढ़ा ॥
अब अनिय व्यवहरिया बोली । तुरत देउँ मैं थैली षोली ॥
। सुनि कटुबचन कुठार सुधारा । हाय हाय सब सभा पुकारा ॥
भृगुवर परशु देषावहु मोही । विप्र विचारि बचौ नृपद्रोही ॥
मिले न कबहुं सुमट रनगाढ़े । द्विज देवता घरहि के बाढ़े ॥
अनुचित कहि सब लोग पुकारे । रघुपति सैनहिं लषन निवारे ॥

दोहा

लषन उतर आहुति सरिस भृगुवरकोप कृशान ।

बढ़त देषि जलसम बचन बोले रघुकुलभान ॥

चौपाई

नाथ करहु बालकपर छोड़ । सुध दूधमुष करिय न कोड़ ॥
 जो पै प्रभु प्रभाव कछु जाना । तौ कि बराबरि करत अजाना ॥
 जो लरिका कछु अचगर करहीं । गुरु पितु मातु मोद मन भरहीं ॥
 करिअ कृपा शिशु सेवक जानी । तुम सम शील धीर मुनि ज्ञानी ॥
 रामवचन सुनि कछुक जुड़ाने । कहि कछु लषन बहुरि मुसुकाने ॥
 हँसत देषि नष शिष रिस व्यापी । राम तोर भ्राता बड़ पापी ॥
 गौर शरीर श्याम मन माहीं । कालकूटमुष पयमुष नाहीं ॥
 सहज देढ़ अनुहरै न तोहीं । नीच मीच सम देषि न मोहीं ॥

दोहा

लषन कहेउ हँसि सुनहु भुनि क्रोध पाप कर मूल ।
 जेहि बस जन अनुचित करहि चरहि विश्वप्रतिकूल ॥

चौपाई

मैं तुम्हार अनुचर मुनिराया । परिहरि कोप करिअ अब दाया ॥
 दूट चाप नहिं जुरहिं रिसाने । बैठिय होइहिं पांय पिराने ॥
 जो अतिप्रिय तौ करिय उपाई । जोरिय कोउ बड़ गुनी बुलाई ॥
 बोलत लषनहिं जनक डराहीं । मष्ट करहु अनुचित भल नाहीं ॥
 थर थर कांपहिं पुर नर नारी । छोटे कुमार षोड अति भारी ॥
 भृगुपति सुनि सुनि निरभय वानी । रिस तनु जयै होय बलहानी ॥
 बोले रामहिं देइ निहोरा । बंचौ विचारि बंधु लघु तोरा ॥
 मनमलीन तनु सुंदर कैसे । विषरस भरा कनकघट जैसे ॥

दोहा

सुनि लछिमन बिहँसे बहुरि नयन तरेरे राम ।
 गुरु समीप गवने तुरत परिहरि वानी बाम ॥

चौपाई

अति विनीत मृदु शीतल वानी । बोले राम जोरि जुग पानी ॥
 सुनहु नाथ तुम सहज सुजाना । बालक वचन करिअ नहिं काना ॥
 बरैं बालक एक स्वभाऊ । इनहिं न बिदुष विदूषहिं काऊ ॥

तेह नाही कछु काज बिगारा। अपराधी मैं नाथ तुम्हारा ॥
 कृपा कोष बंध बंध गुसाई। मोपर करिअ दास की नाई ॥
 कहिअ वेगि जेहि विधि रिसि जाई। मुनिनायक सोइ करिअ उपाई ॥
 कह मुनि राम जाइ रिस कैसे। अजहुं अनुज तब चितव अनैसे ॥
 यहि के कंठ कुठार न दोन्हा। तौ मैं काह कोष करि कीन्हा ॥

दोहा

गर्भ स्वहिं अवनिपरमनि सुनि कुठारगति घोर।
 परशु अछुत देखौ जियत वैरी भूपकिसोर ॥

चौपाई

बहै न हाथ दहै रिस छाती। भा कुठार कुंठित नृपधाती ॥
 भयउ वामविधि फिरेउ सुभाऊ। मोरे हृदय कृपा कस काऊ ॥
 आजु दैव दुषु दुसह सहाय। सुनि सौमित्र बहुरि सिर नावा ॥
 बाउ कृपा मूरति अनुकूला। बेलत वचन भरत जनु फूला ॥
 जो पै कृपा जरै मुनिगाता। क्रोध भये तनु राखु विधाता ॥
 देषु जनक हठि बालक येह। कीन्ह चहत जड़ जमपुर गेह ॥
 बेगि करहु किम आंषिन ओटा। देषत छोट षोट नृपढोटा ॥
 बिहँसे लषन कहा मुनि पाहीं। मूँदे आंषि कतहुं कोउ नाही ॥

दोहा

परशुराम तब रामप्रति बोले बचन सक्रोध।
 शम्भुशरासन तोरि शठ करसि हमार प्रबोध ॥

चौपाई

बंधु कहै कटु सम्मत तोरे। तू छल विनय करसि कर जोरे ॥
 कर परितोष मोर संग्रामा। नाहित छांडु कहाउव रामा ॥
 छलतजि समर करहु शिवद्रोही। बंधुसहित नतु मारौ तोही ॥
 भृगुपति बकहिं कुठार उठाये। मन मुसुकाहिं राम सिर नाये ॥
 गुनहु लषन कर हम पर रोषू। कतहुं सुधाइहु ते बड़ दोषू ॥
 टेढ़ जानि शङ्का सब काहू। घक्र चन्द्रमहिं प्रसै न राहू ॥
 राम कहेउ रिस तजहु मुनीशा। कर कुठार आगे यह शोशा ॥

जेहि रिस जाइ करिअ सोइ स्वामी । मोहिं जानि आपन अनुगामी ॥

दोहा

प्रभुहिं सेवकहिं समर कस तजहु विप्रवर रोष ।

बेष विलोकि कहेसि कछु बालकहु नहिं दोष ॥

चौपाई

देखि कुठार बान धनुधारी । मय लरिकहि रिस वीर बिचारी ॥

नाम जान पै तुमहिं न चीन्हा । वंश सुभाव उतर तेइ दीन्हा ॥

जो तुम अवतेउ मुनिकी नाई । पदरज शिर शिशु धरत गुसाई ॥

छमहु चूक अनजानत केरी । चहिय विप्रउर कृपा घनेरी ॥

हमहिं तुमहिं सरिवरि कस नाथा । कहहु तो कहां चरन कहँ माथा ॥

राममात्र लघु नाम हमारा । परशु सहित बड़ नाम तुम्हारा ॥

देव एक गुन धनुष हमारे । नव गुन परमपुनोत तुम्हारे ॥

सब प्रकार हम तुम सन हारे । छमहु विप्र अपराध हमारे ॥

दोहा

बार बार मुनि विप्रवर कहा राम सन राम ।

बोले भृगुपति सरुष होइ तुहँ बंधु सम वाम ॥

चौपाई

निपटहि द्विजकरि जाने मोहीं । मैं जस विप्र सुनावौ तोहीं ॥

चाप खुवा शर आहुति जानू । कोप मोर अतिघोर कृशानू ॥

समिध सेन चतुरंग सुहाई । महामहीप भये पशु आई ॥

मैं यहि परशु काटि बल दीन्ह । समरजंग्य जग कोटिन कीन्ह ॥

मोर प्रभाव विदित नहिं तोरे । बोलसि निदरि विप्र के भोरे ॥

भंजेउ चाप दाप बड़ बाढ़ा । अहमिति मनहु जीति जग ठाढ़ा ॥

राम कहा मुनि कहहु विचारी । रिस अति बड़ि लघु चूक हमारी ॥

बुधतहि दूढ़ पिनाक पुराना । मैं केहि हेतु करौ अभिमाना ॥

दोहा

जो हम निदरहिं विप्र बदि सत्य सुनहु भृगुनाथ ।

तौ अस जग को सुभद जेहि भयबस नावहिं माथ ॥

चौपाई

देव दनुज भूपति भट नाना । समबल अधिक होउ बलवाना ॥
 जो रन हमहि प्रवारै कोऊ । लरहिं सुषेन काल किन होऊ ॥
 छत्रियतनु धरि समर सकाना । कुलकलंक तेहि पांवर जाना ॥
 कहौं सुभाव न कुलहिं प्रससी । कतहु डरहिं न रन रघुवंसी ॥
 विप्रवंश कै अस प्रभुताई । अभय होइ जो तुमहिं डराई ॥
 सुनि मृदु वचन गूढ़ रघुपति के । उधरे पटल परशुधरमति के ॥
 राम रमापति कर धनु लेहू । बैचहु मोर मिटै संदेह ॥
 देत चाप आपुहि चढ़ि गयऊ । परशुराममन विस्मय भयऊ ॥

दोहा

जाना राम प्रताप तब पुलक प्रफुल्लितगात ।
 जोरि पानि बोले वचन प्रेम न हृदय समात ॥

चौपाई

जय रघुवंशवनजवन भानू । गहनदनुजकुल दहन कृशानू ॥
 जय सुर विप्र धेनु हितकारी । जय मद मोह कोह भ्रमहारी ॥
 विनयशीलकरुना गुनसागर । जयनि वचनरचना अतिआगर ॥
 सेवकषुषद सुभग सब अंगा । जय शरीर छवि कोटि अनंगा ॥
 करौ कहा मुष एक प्रशंसा । जय महेशमनमानसहंसा ॥
 अनुचित बहुत कहैंउ अग्याता । छमहु छमामन्दिर दोउ भ्राता ॥
 कहि जय जय जय रघुंकुलकेतू । भृगुपति गपउ वनहिं तप हेतू ॥
 अपभय सकल महीप डराने । जहँ तेहँ कायर गवहिं पराने ॥

दोहा

देवन दीन्ही दुंदुभी प्रभु पर वरषहिं फूल ।
 हरषे पुर नरनारि सब मिटा मोह भय सूल ॥

चौपाई

अति गहगहे बाजने बाजे । सबहिं मनोहर मंगल साजे ॥
 जुत्थ जुत्थ मिलि सुमुखि सुनयनी । करहिं गान कलकोकिलबयनी ॥
 सुष विदेहकर बरनि न जाई । जनम दरिद्र मनहुं निधि पाई ॥

विगत त्रास भइ सीय सुषारी । जिमि विधुउदय चकोरकुमारी ॥
जनक कीन्ह कौशिकहि प्रनामा । प्रभुप्रसाद धनु भंजेउ, रामा ॥
मोहि कृतकृत्य कीन्ह दुहुँ भाई । अय जो उचित सो कहिय गुसाँई ॥
कह मुनि सुनु नरनाथ प्रवीना । रहा विवाह चापआधीना ॥
दूदतहो धनु भयउ विवाह । सुरनरनाग विदित सब काह ॥

दोहा

तदपि जाइ तुम करहु अब यथा वंशव्यवहार ।
बुझि विप्र कुल वृद्ध गुरु वेदविदित आचार ॥

चौपाई

दूत अवधपुर पठवहु जाई । अनौ नृप दशरथहि बुलाई ॥
मुदित राउ कहि भलहि कृपाला । पठये दूत अवध तेहि काला ॥
बहुरि महाजन सकल बुलाये । आइ सबनि सादर सिर नाये ॥
हाट घाट मन्दिर सुरवासा । नगर सँवारहु चारिहु पासा ॥
हरषि चले निज निज गृह आप । पुनि परिचारकनिकर बोलाप ॥
रचहु विचित्र वितान बनाई । सिर धरि वचन चले सचुपाई ॥
पठए बोलि गुनी तिन्ह नाना । जे वितानविधिकुशल सुजाना ॥
विधिहि वंदि तिन्ह कीन्ह अरम्भा । बिरचे कनककेदलि के वंभा ॥

दोहा

हरित मनिन के पत्र फल पञ्चराग के फूल ।
रचना देषि विचित्र अति मन विरंचि कर भूल ॥

चौपाई

बेनु हरितमनिमय सब कीन्हे । सरस सपन परहि नहिं चीन्हे ॥
कनक कलित अहिबेलि बनाई । लखि नहिं परै सपरनसुहाई ॥
तेहि के रचि पचि बंध बनाये । बिचबिच मुकतादाम सुहाये ॥
मानिक मरकत कुलिश पिरोजा । चोरि कोरि पचि रचे सरोजा ॥
किये भृंग बहु रंग विहंगा । गुंजहिं कुंजहिं पवन प्रसंगा ॥
सुरप्रतिमा वंभन गढ़ि काढ़ी । मंगल द्रव्य लिये सब ठाढ़ी ॥
खौकैं भांति अनेक पुराई । सिंदुरमनिमय सहज सुहाई ॥

दोहा

सौरभ पल्लव सुभग सुठि किये नीलमनि कोरि ।
हेम बौर मरकत घबरि लसत पाटमय डोरि ॥

चौपाई

रचे खचिर वर बंदनवारे । मनहुँ मनोभवफंद सँवारे ॥
मंगल कलश अनेक बनाये । ध्वज पताक पट चमर सुहाये ॥
दीप मनोहर मनिमय नाना । जाइ न वरनि विचित्र चिताना ॥
जेहि मंडप दुलहिनि वैदेही । सो वरनै अस मति कवि केही ॥
दूलह राम रूपगुनसागर । सो वितान तिहुँ लोक उजागर ॥
जनकभवन कै शोभा जैसी । गृह गृह प्रति पुर देषिय तैसी ॥
जेहि तिरहुति तेहि समय निहारी । तेहि लघु लगे भुवन दसचारी ॥
जो संपदा नीच गृह सोहा । तेहि विलोकि सुरनायक मोहा ॥

दोहा

बसै नगर जेहि लच्छि करि कपटनारिवरवेष ।
तेहि पुर कै शोभा कहत सकुचहि शारद शेष ॥

चौपाई

षडुंचे दूत रामपुर पावन । हरषे नगर विलोकि सुहावन ॥
भूपद्वार तिन षबरि जनाई । दशरथ नृप सुनि लिये बोलाई ॥
करि प्रनाम तिन्ह पाती दीन्ही । मुदित महीप आप उठि लीन्ही ॥
घारि बिलोचन बांचत पाती । पुलकिगात आई भरि छाती ॥
राम लषन उरकरकर चीठी । रहिगये कहत न षाटी मीठी ॥
पुनि धरि धीर पत्रिका बांची । हरषो सभा बात सुनि सांची ॥
बेलत रहे तहां सुधि पाई । आये भरत सहित लघु भाई ॥
पूछत अति सनेह सकुचाई । तात कहां ते पाती आई ॥

दोहा

कुशल प्रानप्रिय बंधु दोउ अहहि कहहु केहि देश ।
सुनि सनेह साने वचन बांची बहुरि नरेश ॥

चौपाई

सुनि पाती पुलके दोउ भ्राता । अधिक सनेह समात न गाता ॥
 प्रीति पुनीत भरत कै देशी । सकल सभा सुष लहेउ विशेषी ॥
 तब नृप दूत निकट बैठारे । मधुर मनोहर बचन उचारे ॥
 भैया कहहु कुशल दोउ बारे । तुम नीके निज नैन निहारे ॥
 श्यामल गौर धरे धनु भाथा । वय किशोर कौशिक मुनि साथी ॥
 पहिचानेउ तुम कहहु सुभाऊ । प्रेम बिबस पुनि पुनि कह राऊ ॥
 जा दिन ते मुनि गपउ लवाई । तब ते आजु सांचि सुधि पाई ॥
 कहहु विदेह कवन विधि जाने । सुनि प्रिय वचन दूत मुसुकाने ॥

दोहा

सुनहु महीपति मुकुटमनि तुमसम धन्य न कोउ ।
 राम लषन जाके तनय विखबिभूषन दोउ ॥

चौपाई

पूछुन जोग न तनय तुम्हारे । पुरुषसिंह तिहुं पुर उजियारे ॥
 जिनके जसु प्रताप के आगे । शशि मलीन रवि शीतल लागे ॥
 तिनकहँ कहिय नाथ किमि चीन्हे । देषिय रविहि कि दीपक लोन्हे ॥
 सीयस्वरंवर भूप अनेका । सिमिटे सुभट एक ते एका ॥
 शंभुशरासन काहु न टारा । हारे सकल भूप बरियारा ॥
 तीन लोक महँ जे भट मानी । सयकी शक्ति शंभुधनु भानी ॥
 सकइ उठाइ सुरासुर मेरू । सो हिय हारि गप कर फेरू ॥
 जेहि कौतुक शिवशैल उठावा । सोउ तेहि सभा पराभव पावा ॥

दोहा

तहां राम रघुवंसमनि सुनिय महामहिपाल ।
 भंजैउ चाप प्रयास बिनु जिमि गज पंकजनाल ॥

चौपाई

सुनि सरोष भृगुनायक आष । बहुत भांति तिन आंखि दिषाय ॥
 देषि रामबल निज धनु दीन्हा । करि बहु विनय गवन बन कीन्हा ॥
 राजन राम अतुलबल जैसे । तेजनिधान लषन पुनि तैसे ॥

कंपहिं भूप विलोकत जाके । जिमि गज हरिकिशोर के ताके ॥
 देव देषि तब बालक दोऊ । अवनि आंषि तर आष न कोऊ ॥
 दूत बचनरचना प्रिय लागी । प्रेम प्रताप वीररस पागी ॥
 सभा समेत राउ अनुरागे । दूतन्ह देन निछावरि लागे ॥
 कहि अनीति ते मूंदेउ काना । धर्म विचारि सबहिं सुषु माना ॥

दोहा

तब उठि भूप वसिष्ठ कहँ दीन्ह पत्रिका जाइ ।
 कथा सुनाई गुरुहिं सब सादर दूत बुलाइ ॥

चौपाई

सुनि बोले सुनि अति सुषु पाई । पुण्यपुरुष कहुं महि सुष छ्वाई ॥
 जिमि सरिता सागर महुं जाहीं । यद्यपि ताहि कामना नाहीं ॥
 तिमि-सुषसंपति बिनहिं बुलाए । धर्मशील पहुँ जाहि सुभाए ॥
 तुम गुर विप्र धेनु सुरसेवी । तसि पुनीत कौशल्य देवी ॥
 सुकृती तुम समान जग माहीं । भयउ न है कोउ होनेउ नाहीं ॥
 तुम ते पुण्य अधिक बड़ काके । राजन राम सरिस सुत जाके ॥
 वीर विनीत धर्म व्रतधारी । गुनसागर घरबालक चारी ॥
 तुमकहँ सर्व काल कल्याना । सजहु बरात बजाइ निशाना ॥

दोहा

चलहु वेगि सुनि गुरुवचन भलेहि नाथ सिर नाइ ।
 भूपति गवने भवन तब दूतन्ह वास दिवाइ ॥

चौपाई

राजा सब रनिवास बुलाई । जनकपत्रिका बांछि सुनाई ॥
 सुनि संदेस सकल हरषानी । अपरकथा सब भूप बषानी ॥
 प्रेम प्रफुल्लित राजा रानी । मनहुं शिषिन सुनि धारिदबानी ॥
 मुदित असीस देहिं गुरुनारी । अति आनंद मगन महतारी ॥
 लेहिं परस्पर अति प्रिय पाती । हृदय लगाइ जुड़ावहिं छाती ॥
 रामलषन कै कीरति करनी । बारहिं बार भूपवर घरनी ॥
 सुनिप्रसाद कहि द्वार सिधाए । रानिन तब महिदेव बुलाए ॥

दिये दान आनंद समेता । चले विप्रवर आशिष देता ॥

सोरठ

याचक लिये हँकारि दिये निछावरि कोटि विधि ।

चिरजीवहु सुत चारि चक्रवर्ति दशरथके ॥

चौपाई

कहत चलै पहिरे पट नाना । हरषि हने गहगहे निसाना ॥

समाचार सब लोगन पाये । लागे घर घर होन बधाये ॥

भुवन चारि दश भरेउ उछाड़ । जनकसुता रघुवीर विवाड़ ॥

सुनि शुभ कथा लोग अनुरागे । मग गृह गली सँवारन लागे ॥

यद्यपि अवध सदैव सुहावनि । रामपुरी मंगलमय पावनि ॥

तदपि प्रीति की रीति सुहाई । मंगल रचना रची बनाई ॥

ध्वज पताक पट चामर चारु । छावा परम विचित्र बजारु ॥

कनककलश तोरन मनजाला । हरद दूध दधि अच्छुत माला ॥

दोहा

मंगलमय निज निज भवन लोगनु रचे बनाइ ।

बीथी सींची चतुर सब चौकै चारु पुराइ ॥

चौपाई

जहँ तहँ यूथ यूथ मिलि भामिनि । सजिनव सप्त सकल द्युतिदामिनि ॥

विधुवदनी मृगशावकलोचनि । निज सरूप रतिमानविमोचनि ॥

गावहिँ मंगल मंजुल बानी । सुनि कलरव कलकंड लजानी ॥

भूपभवन किमि जाइ बषाना । विश्वविमोहन रचेउ बिताना ॥

मंगल द्रव्य मनोहर नाना । राजत बाजत विपुल निसाना ॥

कतहुँ बिरद वंदी उच्चरहीं । कतहुँ वेदधुनि भूसुर करहीं ॥

गावहिँ सुंदरि मंगल गीता । लै लै नाम राम अरु सीता ॥

बहुत उछाड़ु भवन अति थोरा । मानहुँ उमँगि चला चहुँ ओरा ॥

दोहा

शोभा दशरथ भवन कै को कवि घरनै पार ।

जहां सकल सुरशीशमनि राम लीन्ह अवतार ॥

चौपाई

भूप भरत पुनि लिये बुलाई । हय गज स्यन्दन साजहु जाई ॥
 चलहु बेगि रघुबीरबराता । सुनत पुलक पूरे दोउ भ्राता ॥
 भरत सकल साहनो बुलाये । आयसु दीन्ह मुदित उठि धाये ॥
 रचि रुचि जीन तुरंग तिन साजे । बरन बरन वर वाजि बिराजे ॥
 सुभग सकल सुठि चंचलकरनी । अवं इव जरत धरत पैगु धरनी ॥
 नाना भाँति न जाहि बषाने । निदरि पवन जनु चहत उड़ाने ॥
 तिन्ह सब छयल भये असवारा । भरत सरिस सब राजकुमारा ॥
 सब सुन्दर सब भूषनधारी । कर सर चाप तून कटि भारी ॥

दोहा

छुरे छबीले छयल सब शूर सुजान नवीन ।
 जुग पदचर असवार प्रति जे असिकलाप्रवीन ॥

चौपाई

बांधे बिरद वीर रनगाढ़े । निकसि भये पुर बाहेर ठाढ़े ॥
 फेरहि चतुर तुरगगति नाना । हरषहि सुनि सुनि पनव निशाना ॥
 रथ सारथिन विविध बनाये । ध्वज पताक मनि भूषन छाये ॥
 चंचरचारुं किंकिनि ध्वनि करहीं । भानुजान शोभा अपहरहीं ॥
 श्यामकरन अगनित हय होते । ते तिन रथन सारथिन जोते ॥
 सुन्दर सकल अलंकृत सोहैं । जिनहि विलोकत मुनि मन मोहैं ॥
 जे जल चलहि थलहि की नाई । टाप न बूड़ वेग अधिकारि ॥
 अख शख सब साज बनाई । रथी सारथिन लिये बुलाई ॥

दोहा

चढ़ि चढ़ि रथ बाहेर नगर लागी जुरन बरात ।
 होत सगुन सुंदर सबहि जो जेहि कारज जात ॥

चौपाई

कलित करिवरन परी अँवारी । कहि न जाहि जेहि भाँति सँवारी ॥
 चले मत्त गज घंट विराजे । मनहुँ सुभग सावनघन गाजे ॥
 बाहन अपर अनेक विधाना । सिबिका सुभग सुषासन जाना ॥

तिन चढ़ि चले विप्रवर बृंदा । जनु तनु धरे सकल श्रुति छुंदा ॥
 मागध सूत बंदि गुनगायक । चले जान चढ़ि जो जेहि लायक ॥
 बेसर ऊंट वृषभ बहु जाती । चले वस्तु भरि अगनित भांती ॥
 कोटिन कांवरि चले कहारा । विविध वस्तु को बरनै पारा ॥
 चले सकल सेवक समुदाई । निज निज साज समाज बनाई ॥

दोहा

सबके उर निर्भर हरष पूरित पुलकशरीर ।
 कबहुँ देषिबे नयन भरि राम लषन दोउ वीर ॥

चौपाई

गरजहि गजघंटा धुनि घोरा । रथरव बाजिहींस चहुँ ओरा ॥
 निदरि घनहि घुम्मरहि निशाना । निज पराव कछु सुनिय न काना ॥
 महाभीर भूपति के द्वारे । रज होइ जाइ पषान पवारे ॥
 चढ़ी अटारिन देषिहि नारी । लिये आरती मंगल थारी ॥
 गावहि गीत मनोहर नाना । अति अनंद नहि जाइ बषाना ॥
 तब सुमंत दुइ स्यन्दन साजी । जोते रविहयनिंदक वाजी ॥
 दोउ रथ रुचिर भूप पहाँ आने । नहि शारद पहि जाहि बषाने ॥
 राजसमाज एक रथ भ्राजा । दूसर तेजपुंज अति राजा ॥

दोहा

तेहि रथ रुचिर वसिष्ठ कहँ हरषि चढ़ाइ नरेश ।
 आपु चढ़यो स्यंदन सुमिरि हर गुरु गौरि गनेश ॥

चौपाई

सहित वशिष्ठ सोह नृप कैसे । सुरगुरु संग पुरंदर जैसे ॥
 करि कुलरीति वेदविधि राज । देषि सबहि सब भांति बनाऊ ॥
 सुमिरि राम गुरुआयसु पाई । चले महीपति शंख बजाई ॥
 हरषे विबुध विलोकि बराता । वरषहि सुमन सुमंगलदाता ॥
 भयड कोलाहल हय गज गाजे । व्योम बरात बाजने बाजे ॥
 सुर नर नारि सुमंगल गाई । सरस राग बाजहि सहनाई ॥
 घंट घंटी धुनि बरनि न जाई । सरौं करे पायक फहराई ॥

करहिं विदूषक कौतुक नाना । हास कुशल कलगानसुजाना ॥

दोहा

तुरग नचावहिं कुंवरघर अकनि मृदंग निशान ।

नागरनट चितवहिं चकित डिगहिं न ताल बिधान ॥

चौपाई

बनै न बरनत बनी बराता । होहिं सगुन सुंदर शुभ दाता ॥

चारा चाष घाम दिशि लेई । मनहुं सकल मंगल कहि देई ॥

दाहिन काग सुषेत सुहावा । नकुलदरश सब काह पावा ॥

सानुकूल बह त्रिविध बयारी । सघट सवाल आव बरनारी ॥

लोवा फिरि फिरि दरश दिषावा । सुरभी सनमुख शिशुहि पियावा ॥

मृगमाला फिरि दाहिनि आई । मंगलगन जनु दीइ दिषाई ॥

छेमकरी कह छेम विशेषी । श्यामा घाम सुतर पर देषी ॥

सम्मुख आयउ दधि अरु मीना । कर पुस्तक दुइ विप्र प्रवीना ॥

दोहा

मंगलमय कल्याणमय अभिमत फलदातार ।

जनु सब सांचे होन हित भए सगुन इक बार ॥

चौपाई

मंगल सगुन सुगम सब ताके । सगुन ब्रह्म सुन्दर सुत जाके ॥

रामसरिस घर दुलहिनि सीता । समधी दशरथ जनक पुनीता ॥

सुनि अस ब्याहु सगुन संब नाचे । अब कीन्हें विरंचि हम सांचे ॥

यहि विधि कीन्ह बरात पयाना । हय गय गाजहिं हनहिं निशाना ॥

आवत जानि भानुकुलकेतू । सरितन जनक बंधाये सेतू ॥

बीच बीच घर वास बनाये । सुरपुर सरिस संपदा छाये ॥

अशन शयन बर बसन सुहाए । पावहिं सब निज निज मन भाए ॥

मितनूतन सुष लषि अनुकूले । सकल बरातिन मंदिर भूले ॥

दोहा

आवत जानि बरात घर सुनि गहगहे निशान ।

सजि गज रथ पदचर तुरग लेन चले अगवान ॥

चौपाई

कनक कलश कोपर भरि थारा । भाजन ललित अनेक प्रकारा ॥
 भरे सुधासम सब पकवाना । भांति भांति नहिं जाहिं बषाना ॥
 फल अनेक वर वस्तु सुहाई । हरषि भेंट हित भूप पठाई ॥
 भूषन वसन महामनि नाना । षग मृग हय गय बहु विधि याना ॥
 मंगल सगुन सुगंध सुहाये । बहुत भांति महिपाल पठाये ॥
 दधि चिउरा उपहार अपारा । भरिभरि कांवरि चले कहारा ॥
 अगवानिन्ह जब दीष बराता । उर आनंद पुलक भरि गाता ॥
 देषि बनाव सहित अगवाना । मुदित बरातिन हने निशाना ॥

दोहा

हरषि परसपर मिलन हित कछुक चले बगमेल ।

जनु आनंदनमुद्र दुइ मिलत विहाय सुवेल ॥

चौपाई

वरषि सुमन सुरसुंदरि गावहिं । मुद्रित देव दुंदुभी बजावहिं ॥
 वस्तु सकल राषी नृप आगें । विनय कीन्ह तिन अति अनुरागें ॥
 प्रेमसमेत राय सब लीन्हा । भइ बकशीश जाचकन्ह दीन्हा ॥
 करि पूजा मान्यता बड़ाई । जनवासे कहुँ चले लिवाई ॥
 वसन विचित्र पांवड़े परहीं । देषि धनद धनमद परिहरहीं ॥
 अति सुन्दर दीन्हेउ जनवासा । जहँ सब कहँ सब भांति सुपासा ॥
 जानो सिय बरात पुर आई । कछु निज महिमा प्रगट जनार्ई ॥
 हृदय सुमिरि सब सिद्धि बुलाई । भूप पडुनई करन पठाई ॥

दोहा

सिद्धि सब सिय आयसु अकनि गई जहां जनवास ।

लिये संपदा सकल सुष सुरपुरभोगविलास ॥

चौपाई

निज निज वास विलोकि बराती । सुर सुष सकल सुलभ सब भांती ॥
 विभवभेद कछु कोउ न जाना । सकल जनक कर करहिं बषाना ॥
 सियमहिमा रघुनायक जानी । हरषे हृदय हेतु पहिचानी ॥

पितु आगमन सुनत दोउ भाई । हृदय न अति आनंदु अमाई ॥
 सकुचत कहि न सकत गुरुपाहीं । पितुदर्शन लालछु मन माहीं ॥
 विश्वामित्र विनय बड़ि देशी । उपजा उर आनंद विशेषी ॥
 हरषि बंधु दोउ हृदय लगाए । पुलकि अंग अंबक जल छाप ॥
 चले जहां दशरथ जनवासैं । मनहुं सरोवर तकेउ पिआसैं ॥

दोहा

भूप विलोके जबहि मुनि आवत सुतन समेत ।
 उठेउ हरषि सुषसिंधु महुं चले थाह सी लेत ॥

चौपाई

मुनिहि दंडवत कीन्ह महीशा । बारबार पदरज घरि शीशा ॥
 कौशिक राउ लिये उर लाई । कहि अशीश पंछी कुशलाई ॥
 पुनि दंडवत करत दोउ भाई । देखि नृपति उर सुष न समाई ॥
 सुत हिय लाइ दुसह दुष भेटे । मृतक शरीर प्राण जनु भेटे ॥
 मुनि वसिष्ठपद शिर तिन नाये । प्रेम मुदित मुनिवर उर लाये ॥
 विप्रबुंद बंदे दुहुं भाई । मन भावतै अशीशैं पाई ॥
 भरत सहानुज कीन्ह प्रनामा । लिए उठाइ लाइ उर रामा ॥
 हरषे लषन देखि दोउ भ्राता । मिले प्रेमपरिपूरन गाता ॥

दोहा

पुरजन परिजन जातिजन जाचक मंत्री मीत ।
 मिले यथाविधिं सबहिं प्रभु परम कृपालु विनीत ॥

चौपाई

रामहिं देखि बरात जुड़ानी । प्रीति कि रीति न जाय बषानी ॥
 नृप समीप सोहहिं सुत चारी । जनु धन धरमादिक तनुधारी ॥
 सुतन समेत दशरथहिं देशी । मुदित नगर नर नारि विशेषी ॥
 सुमन वरषि सुरहनहिं निशाना । नाकनटी नाचहिं करि गाना ॥
 शतानन्द अरु विप्र सचिवगन । मागध सूत विदुष बंदीजन ॥
 सहित बरात राउ सनमाना । आयसु माँगि फिरे अगवाना ॥
 प्रथम बरात लगन ते आई । ताते पुर प्रमोद अधिकआई ॥

ब्रह्मानंद लोग सब लहहीं। बढ़हु दिवस निशि विधि सन कहहीं ॥

दोहा

राम सीय शोभाअवधि सुकृतअवधि दोउ राज ।

जहँ तहँ पुरजन कहहिँ अस मिलि नरनारिसमाज ॥

चौपाई

जनकसुकृतमूरति वैदेही। दशरथसुकृत राम धरें देही ॥

इनसम काहु न शिवआराधे। काहु न इन समान फल साधे ॥

इन सम कोउ न भयउ जगमाहीं। है नहिँ कतहुँ होनेहु नाहीं ॥

हम सब सकल सुकृत कै रासी। भये जग जनमि जनकपुरुवासी ॥

जिन जानकी राम छवि देषी। को सुकृती हम सरिस विशेषी ॥

पुनि देषब रघुवीर विवाह। लेब भली विधि लोचन लाह ॥

कहहिँ परसपर कोकिलबयनी। यहि विवाह बड़लाहु सुनयनी ॥

बड़े भाग विधि बात बनाई। नयन अतिथि होइहैं दोउ भाई ॥

दोहा

बारहिँबार सनेहबस जनक बोलाउब सीय ।

लेन आइहैं बधु दोउ कोटिकामकमनीय ॥

चौपाई

बिबिध भांति होइहि पहुनाई। प्रिय न काहि अस सासुर माई ॥

तब तब राम लषनहिँ निहारी। होइहिँ सब पुरुलोग सुषारी ॥

सधि जस रामलषन कर जोटा। तैसेइ भूप संग दुइ ढोटा ॥

श्याम गौर सब अंग सुहाये। ते सब कहहिँ देषि जे आये ॥

कहा एक मैं आजु निहारे। जनु विरचि निज हाथ सँवारे ॥

भरत रामही की अनुहारी। सहसा लषि न सकहिँ नरनारी ॥

लषन शत्रुसूदन इक रूपा। नषशिष ते सब अंग अनूपा ॥

मन भावहिँ मुष घरनि न जाहीं। उपमा कहूँ त्रिभुवन कोउ नाहीं ॥

छंद

उपमा न कोउ कह दासतुलसी कतहुँ कवि कोविद कहैं ।

बल विनय विद्या शील शोभासिन्धु इन सम यह अहैं ॥

पुरनारि सकल पसारि अंचल विधिहि वचन सुनावहीं ।
व्याहियहुँ चारिउ भाइ यहि पुर हम सुमंगल गावहीं ॥

सोरठा

कहहिं परसपर नारि वारि विलोचन पुलक तन ।
सषि सब करब पुरारि पुन्यपयोनिधि भूप दोउ ॥

चौपाई

यहिविधि सकल मनोरथ करहीं । आनंद उमंगि उमंगि उर भरहीं ॥
जे नृप सीयस्वयंवर आये । देषि बंधु तिन सब सुष पाये ॥
कहत रामजस विशद विशाला । निज निज भवन गण महिपाला ॥
गण बीति कछु दिन यहि भांती । प्रमुदित पुरजन सकल बराती ॥
मंगल मूल लगनदिन आवा । हिमऋतु अगहनमास सुहावा ॥
ग्रह तिथि नषत योग वर वारू । लगन शोधि विधि कीन्ह विचारू ॥
पठै दीन नारद सन सोई । गनी जनकके गनकन्हि जोई ॥
सुनी सकल लोगन यह बाता । कहहिं जोतिषी आहिं बिधाता ॥

दोहा

धेनुधूलि बेला विमल सकलसुमंगल मूल ।
विप्रन कहेउ विदेह सन जानि सगुन अनुकूल ॥

चौपाई

उपरोहितहि कहेउ नरनाहा । अब विलंब कर कारन काहा ॥
शतानंद तब सचिव बुलाए । मंगल सकल साजि सब ल्याए ॥
शंष निशान पनव बहु बाजे । मंगल कलश सगुन सब साजे ॥
सुभग सुआसिनि गावहिं गीता । कहहिं वेदधुनि विप्र पुनीता ॥
लेन चले सादर यहि भांती । गये जहां जनवास बराती ॥
कोशलपति कर देषि समाजू । अतिलघु लगे तिनहिं सुरसाजू ॥
भयउ समय अब धारिय पाऊ । यह सुनि परा निशानहि घाऊ ॥
गुहहिं पूछि करि कुलविधि राजा । चले संग मुनि साजि समाजा ॥

दोहा

भाग्य विभव अवधेश कर देषि देव ब्रह्मादि ।
लगे सराहन सहसमुष जानि जनम निज बादि ॥

चौपाई

सुरन सुमंगल अवसर जाना । वरषहिं सुमन बजाइ निशाना ॥
 शिव ब्रह्मादिक विबुधवरूथा । चढ़े विमानीन्ह नाना जूथा ॥
 प्रेमपुलक तन हृदय उछाहू । चले विलोकन रामविगाहू ॥
 देषि जनकपुर सुर अनुरागे । निज निज लोक सबहिं लघु लागे ॥
 चितवहिं चकित विचित्र विताना । रचना सकल अलौकिक नाना ॥
 नगर नारि नर रूपनिधाना । सुघर सुधरम सुशील सुजाना ॥
 तिनहिं देषि सब सुर सुरनारी । भये नषत जनु विधुउजियारी ॥
 विधिहिं भयउ आचरजु विशेषी । निज करनो कछु कतहुं न देषी ॥

दोहा

शिव । समुभाये देव सब जनि आचरज भुलाहु ।
 हृदय विचारहु धीर धरि सियरघुवीर विवाहु ॥

चौपाई

जिनकर नाम लेत जगमाहीं । सकल अमंगलमूल नशाहीं ॥
 करतल होहिं पदारथ चारी । तेइ सियराम कहेउ कामारी ॥
 यहिविधि शुभु सुरन समुभावा । पुनि आगे वर बसह चलावा ॥
 देवन देवे दशरथ जाता । महामोदमन पुलकित गाता ॥
 साधु समाज संग महिदेवा । जनु तनु धरे करहिं सुर सेवा ॥
 सोहत साथ सुभग सुत चारी । जनु अपवरग सकल तनुधारी ॥
 मरकत कनक वरन वर जंरी । देषि सुरन भइ प्रीति न थोरी ॥
 पुनि रामहिं विलोकि हिय हरषे । नृपहिं सराहिं सुमन तिन्ह वरषे ॥

दोहा

रामरूप नषशिष सुभग बारहिं बार निहारि ।
 पुलकगात लोचन सजल उमा समेत पुरारि ॥

चौपाई

केकिंकठ द्युति श्याममल अंगा । तडितविनिन्दक वसन सुरंगा ॥
 व्याह विभूषन विविध बनाए । मंगलमय सब भांति सुहाए ॥
 शरद विमल विधुवदन सुहावन । नयन नवलराजीवलजावन ॥

सकल अलौकिक संदरताई । कहि न जाय मनहीं मन भाई ॥
 बंधु मनोहर सोहहि सगा । जान नचावत चपल तुरंगा ॥
 राजकुंवर वरवाजि देषावहि । वंशप्रशंसक बिरद सुनावहि ॥
 जेहि तुरंग पर राम विराजे । गति विलोकि षगनायक लाजे ॥
 कहि न जाइ सब भांति सुहावा । वाजिवेष जनु काम बनावा ॥

छंद

जनु वाजिवेष बनाइ मनसिज राम हित अति सोहई ।
 आपने वय बल रूप गुन गति सकल भुवन विमोहई ॥
 जगमगति जीन जराव जोति सुमोति मनिमानिक लगे ।
 किंकिनि ललाम लगाम ललित विलोकि सुरनर मुनि ठगे ॥

दोहा

प्रभुमनसहि लय लीन मन चलत वाजि छुवि पाव ।
 भूषित उडुगन तड़ितघन जनु वर बरहि नचाव ॥

चौपाई

जेहि घर वाजि राम असवारा । तेहि शारदहु न वरनै पारा ॥
 शंकर राम रूप अनुरागे । नयन पंचदश अतिप्रिय लागे ॥
 हरि हित सहित राम जब जोहे । रमा समेत रमापति मोहे ॥
 निरषि रामछुवि विधि हरषाने । आठहि नयन जानि पङ्किताने ॥
 सुरसेनप उर बहुत उझाहू । विधि ते डेवढ़े लोचनलाहू ॥
 रामहिं चितव सुरेश सुजाना । गौतमशाप परमहित माना ॥
 देव सकल सुरपतिहिं सिहाहीं । आजु पुरंदरसम कोउ नाहीं ॥
 मुदित देवगन रामहिं देषी । नृपसमाज दुहुँ हरष विशेषी ॥

छंद

अति हरषु राज समाज दुहुं दिशि दुंदुभी बाजहिं घनी ।
 वरषहिं सुमन सुर हरषि कहि जय जयति जय रघुकुलमनी ॥
 यहि भांति जानि बरात आवत बाजने बहु बाजहीं ।
 रानी सुआसिनि बोलि परिछन हेतु मंगल साजहीं ॥

दोहा

सजि आरती अनेक विधि मंगल सकल सँवारि ।
चलीं मुदित परिछन करन गजगामिनि वरनारि ॥

चौपाई

विधुइनी सब सब मृगलोचनि । सब निज तनछुवि रतिमदमोचनि ॥
पहिरे वरन वरन वर चीरा । सकल विभूषन सजे शरीरा ॥
सकल सुमंगल अंग बनाये । करहि गान कलकंठ लजाये ॥
कंकन किंकिनि नूपुर बाजहि । चाल विलोकि कामगज लाजहि ॥
बाजहि बाजन विविध प्रकारा । नभ अरु नगर सुमंगल चारा ॥
शची शारदा रमा भवानी । जे सुरतिय शुचि सहज सयानी ॥
कपटनारि वर वेष बनाई । मिलीं सकल रनिवासिनि जाई ॥
करहि गान कल मंगल वानी । हरषविवश सब काहु न जानी ॥

छंद

को जान केहि आनंदवश सब ब्रह्मवर परिछन चलीं ।
कलगान मधुर निशान वरषहिं सुमन सुरशोभा भलीं ॥
आनंदकंद विलोकि दूलह सकल हिय हरषित भई ।
अंभोजअंगक अंगु उमंगि सुअंग पुलकावलि छई ॥

दोहा

जो सुष भा सियमातुमन देखि रामवरवेष ।
सो न सकहि कहि कलपशत सहंस शारदा शेष ॥

चौपाई

नयननीर हठि मंगल जानी । परिछनि करहि मुदितमन रानी ॥
वेदविहित अरु कुलआचारू । कीन्ह भलीविधि सब व्यवहारू ॥
पंचसबद्धुनि मंगल गाना । पट पांवड़े परहि विधि नाना ॥
करि आरती अरघ तिन्ह दीन्हा । राम गमन मंडप तब कीन्हा ॥
दशरथ सहित समाज विराजे । विभव विलोकि लोकपति लाजे ॥
समय समय सुर वरषहिं फूला । शांति पढ़हि महिसुर अनुकूला ॥
नभ अरु नगर कोलाहल होई । आपन पर कछु सुनै न कोई ॥

यहि विधि राम मंडपहि आये । अरघ देह आसन बैठाये ॥

छंद

बैठारि आसन आरती करि निरखि वर सुष पावहीं ।
मनि वसन भूषन भूरि वारहि नारि मंगल गावहीं ॥
ब्रह्मादि सुर वर विप्रवेश बनाइ कौतुक देखहीं ।
अवलोकि रविकुलकमलरविछवि सुफल जीवन लेषहीं ॥

दोहा

नाऊ बारी भाट नट रामनिछावरि पाइ ।
मुदित अशोशहि नाइ शिर हरष न हृदय समाइ ॥

चौपाई

मिले जनक सादर अति प्रीती । करि वैदिक लौकिक सब रीती ॥
मिलत महा दोउ राज विराजे । उपमा षोजि षोजि कवि लाजे ॥
लही न कतहुँ हारि हिय मानी । इन सम यह उपमा उर आनी ॥
सामथ देखि देव अनुरागे । सुमन वरषि जस गावन लागे ॥
जग विरंचि उपजावा जब ते । देखे सुने व्याह बहु तब ते ॥
सकल भांति सब साज समाजू । सम समधी देखे हम आजू ॥
देवगिरा सुनि सुंदरि सांचो । प्रीति अलौकिक दुहुँ दिशि मांची ॥
देत पांवड़े अरघ सुहाये । सादर जनक मंडपहि ल्याये ॥

छंद

मंडप विलोकि विचित्र रचना रुचिरता मुनिमन हरे ।
निजपानि जनक सुजान सब कहँ आनि सिंहासन धरे ॥
कुलइष्ट सरिस वशिष्ठ पूजे विनय करि आशिष लही ।
कौशिकहि पूजत परमप्रीति किं रीति तौ न परै कही ॥

दोहा

वामदेव आदिक ऋषय पूजे मुदित महीश ।
दिये दिव्य आसन सबहि सब सन लही अशीश ॥

चौपाई

बहुरि कीन्ह कोशलपतिपूजा । जानि ईश सम भाष न दूजा ॥

कीन्ह जोरि कर विनय बड़ाई । कहि निज भाग्यविभव बहुताई ॥
 पूजे भूपति सकल बरातो । समथी सम सादर सब भांती ॥
 आसन उचित दिये सब काहू । कहाँ कहा मुष एक उछाहू ॥
 सकल बरात जनक सनमानी । दान मान विनती बर बानी ॥
 बिधि हरि हर दिशिपति दिनराऊ । जे जानहिं रघुवीरप्रभाऊ ॥
 कपट विप्रवर वेष बनाये । कौतुक दिषहिं अति सच्चुपाये ॥
 पूजे जनक देव सम जाने । दिये सुआसन बिनु पहिंचाने ॥

छंद

पहिंचान को केहि जान सबहि अपान सुधि भोरी भई ।
 आनंदकंद विलोकि दूलहु उभय दिशि आनंदमई ॥
 सुर लषे राम सुजान पूजे मानसिक आसन दये ।
 अवलोकि शील सुभाव प्रभु को विबुध मन प्रमुदित भये ॥

दोहा

रामचंदमुषचंदछवि लोचन चारु चकोर ।
 करत पान सादर सकल प्रेम प्रमोद न धोर ॥

चौपाई

समय विलोकि वसिष्ठ बुलाये । सादर शतानंद पुनि आये ॥
 वेगि कुँधरि अब आनहु जाई । चले मुदित मन आयसु पाई ॥
 रानी सुनि उपरोहित बानी । प्रमुदित सुषिन समेत सयानी ॥
 विप्रवधू कुलबृद्ध बुलाई । करि कुलरीति सुमंगल गाई ॥
 नारिवेष जे सुरवर वामा । सकल सुभाय सुंदरी श्यामा ॥
 तिनहिं देषि सुष पावहिं नारी । बिनु पहिंचान प्रान ते प्यारी ॥
 बार बार सनमानहिं रानी । उमा रमा शारद समजानी ॥
 सीय सँवारि समाज बनाई । मुदित मंडपहिं चलीं लवाई ॥

छंद

चलि ल्याइ सीतहिं सषी सादर सजि सुमंगल भामिनी ।
 नवसप्त साजे सुंदरी सब मत्तकुंजरगामिनी ॥
 कलगान सुनि मुनि ध्यान त्यागहिं कामकोकिल लाजहीं ।

मंजीर नूपुर कलित कंकन तालगति घर बाजहीं ॥

दोहा

सोइति बनिताबुंद महुँ सहज सुहावनि सीय ।

छुविललनागनमध्य जनु सुषमा अति कमनीय ॥

चौपाई

सियसुंदरता बरनि न जाई । लघु मति बहुत मनोहरताई ॥

आवत दीष बरातिन सीता । रूपराशि सब भांति पुनीता ॥

सबहिं मनहि मन कीन्ह प्रनामा । देषि राम भये पूरनकामा ॥

हरषे दशरथ सुतन समेता । कहि न जाइ उर आनंद जेता ॥

सुर प्रनाम करि वर्षहिं फूला । मुनिअशीश धुनि मंगल मूला ॥

गान. निशान कोलाहल भारी । प्रेम प्रमोद मगन नर नारी ॥

यहि विधि सीय मंडपहि आई । प्रमुदित शांति पढ़हिं मुनिराई ॥

तेहि अवसर करि विधिव्यवहारू । दुहुँकुलगुरु सब कीन्ह अचारू ॥

छंद

आचार करि गुरु गौरि गनपति मुदित विप्रपुजावहीं ।

सुर प्रगटि पूजा लेहिं देहिं अशीश अति सुष पावहीं ॥

मधुपर्क मंगल द्रव्य जो जेहि समय मुनि मन महुं चहैं ।

भरि भरि कनक कोपर कलश सब लिये परिचारक रहैं ॥

कुलरीति प्रीतिसमेत रवि कहि देत सब सादर किये ।

यहि भांति देव पुंजाइ सीतहि सुभग सिंहासन दिये ॥

सिय राम अवलोकनि परस्पर प्रेम काहु न लपि परै ।

मनबुद्धि, बरवानी अगोचर प्रगट कवि कैसे करै ॥

दोहा

होमसमय तनुधरि अनल अतिहित आहुति लेहिं ।

विप्रबेष धरि वेद सब कहि विवाह विधि देहिं ॥

चौपाई

जनकपाटमहिषी जग जानी । सीयमातु किमि जाइ बषानी ॥

सुजस सुकृत सुष सुंदरताई । सब समेटि विधि रची बनाई ॥

समय जानि मुनिवरन बुलाई । सुनत सुभासिनि सादर ल्याई ॥
 जनकवामदिशि सोह सुनयना । हिमगिरि संग बनी मनु मयना ॥
 कनक कलश मनि कोपर रुरे । शुचि सुगंध मंगल जल पूरे ॥
 निजकर मुदित राउ अरु रानी । धरे राम के आगे आनी ॥
 पढ़हि वेद मुनि मंगलवानी । गगन सुमन भरि अवसर जानी ।
 वर विलोकि दंपति अनुरागे । पाय पुनीत पषारन लागे ॥

छंद

लागे पषारन पांय पंकज प्रेम तनुपुलकावली ।
 नभ नगर गान निशान जयधुनि उमंगि जनु चहुँ दिशि चली ॥
 जे पदसरोज मनोजअरिउरसर सदैव विराजहीं ।
 जे सुकृत मूरति विमलता मन सकल कलिमल भाजहीं ॥
 जे परसि मुनिवनिता लही गति रही जो पातकमई ।
 मकरंद जिनको शंभुशिर शुचिता अवधि सुर बरनई ॥
 करि मधुपमन योगीशजन जे सेइ अभिमत गति लहैं ।
 ते पद पषारत भाग्यभाजन जनक जय जय सब कहैं ॥
 वर कुँअरि करतल जोरि शाषोच्चार दोड कुलगुरु करें ।
 भयो पानिग्रहनु विलोकि विधि सुर मनुजमुनि आनंद भरैं ॥
 सुषमूलदूलहु देखि दंपति पुलक तनु हुलस्यो हियो ।
 करि लोक वेद विधान कन्यादान नृपभूषन दियो ॥
 हिमवंत जिमि गिरिजा महेशहि हरिंहि श्री सागर वई ।
 तिमि जनक सिय रामहि समर्पी विश्वकलकीरति नई ॥
 क्यों करै विनय विदेह कियो विदेहु मूरति साँवरी ।
 करि होम विधवत गांठि जोरी होन लागी भाँवरी ॥

दोहा

जयधुनि वंदी वेदधुनि मंगल गान निशान ।

सुनि हरषहि बरषहि विबुध सुरतरु सुमन सुजान ॥

चौपाई

कुँअरि कुँअर कल भांघरि देहीं । नयनलाभ सब सादर लेहीं ॥

जाह न बरनि मनोहर जोरी । जो उपमा कछु कहिब सो थोरी ॥
 राम सीय सुंदरि परिछाहीं । जगमगाति मनि बंभन माहीं ॥
 मनहुँ मदन रति धरि बहुरूपा । देशहिं रामविवाह अनूपा ॥
 दश लालसा सकुच न थोरी । प्रकटत दुरत बहोरि बहोरी ॥
 भय मगन सब देशनहारे । जनक समान अपान बिसारे ॥
 प्रमुदित मुनिन भांवरी फेरी । नेग सहित सब रीति निवेरी ॥
 राम सीयशिर सिंदुर देहीं । शोभा कहि न जात विधि केहीं ॥
 अरुन पराग जलज भरि नीके । शशिहिं भूषि अहि लोभ अमीके ॥
 बहुरि वसिष्ठ दीन्ह अनुशासन । घर दुलहिनि बैठे इक आसन ॥

छंद

बैठे वरासन राम जानकि मुदितमन दशरथ भये ।
 तनु पुलकि पुनि पुनि देषि अपने सुकृतसुरतर फल मये ॥
 भरि भुवन रहा उछाह रामविवाह भा सबही कहा ।
 केहि भांति वरनि सिरात रसना एक एहु मंगल महा ॥
 तब जनक पाइ वसिष्ठ आयसु व्याहसाज सँवारिकै ।
 मांडवी श्रुतिकीरति उरमिला कुँवरि लई हँकारकै ॥
 कुशकेतुकन्या प्रथम जो गुनशील सुष शोभामई ।
 सब रीति प्रीतिसमेत करि सो व्याहि नृप भरतहि दई ॥
 जानकीलघुभगनि जो सुंदरि शिरोमनि जानि कै ।
 सो जनक दीन्ही व्याहि लषनहि सकल विधिसनमानि के ॥
 जेहि नाम श्रुतिकीरति सुलोचनि सुमुषि सब गुन आगरी ।
 सो दई रिपुसूदनहिं भूपति रूपशील उजागरी ॥
 अरुरूप घर दुलहिनि परसपर लषि सकुचि हिय हरषहीं ।
 सब मुदित सुंदरता सराहहिं सुमन सुरगन वरषहीं ॥
 सुंदरी सुंदर बरन सह सब एक मंडप राजहीं ।
 जनु जीव अरु चारिउ अवस्था विभुन सहित विराजहीं ॥

रोहा

मुदित अवधपति सकल सुत बधुन समेत निहारि ।

जनु पाये महिपालमनि क्रियन सहित फल चारि ॥

चौपाई

जस रघुवीर ब्याहविधि घरनी । सकल कुंअर ब्याहे तेहि करनी ॥
कहि न जाइ कछु दाइज भूरी । रहा कनकमनि मडपपूरी ॥
कंबल वसन विचित्र पटोरे । भांति भांति बडु मूल न थोरे ॥
गज रथ तुरग दास अरु दासी । धेनु अलंकृत कामदुहा सी ॥
घस्तु अनेक करिअ किमि लेषा । कहि न जाइ जानहिं जिन देषा ॥
लोकपाल अवलोकि सिहाने । लीन्ह अवधपति अति सुष माने ॥
दीन्ह जाचकन जो जेहि भावा । उबरा सो जनवासहि आवा ॥
तब कर जोरि जनक मृदु बानी । बोले सब बरात सनमानी ॥

छंद

सनमानि सकल बरात सादर दान विनय बढ़ाइकै ।
प्रमुदित महामुनिबृंद वंदे पूजि प्रेम लड़ाइकै ॥
शिर नाइ देव मनाइ सब सन कहत करसंपुट किये ।
सुरसाधु चाहत भावसिन्धु कि तोष जलअंजलि दिये ॥
कर जोरि जनक बहोरि बंधु समेत कोशलराय सों ।
बोले मनोहर बैन सानि खनेह शील सुभाय सों ॥
संबंध राजन रावरे हम बड़े अब सब बिधि भये ।
यह राज साज समेत सेवक जानबी बिनु गथ लये ॥
ये दारिका परिचारिका करि पालबी करुनाम्षी ।
अपराध छुमिबो बोलि पठये बहुत हौं ढीठी दयी ॥
पुनि भानुकुलभूषन सकल सनमान विधि समधी किये ।
कहि जात नहिं विनती परसपर प्रेमपरिपूरन हिये ॥
बृंदारकागन सुमन वरषहिं राउ जनवासहिं चले ।
दुंदुभीजयधुनि वेदधुनि नभ नगर कौतूहल भले ॥
तब सषी मंगल गान करत मुनीश आयसु पाइकै ।
दूलह दुलहिनिन सहित सुंदरि चलीं कोहबर ल्याइकै ॥

दोहा

पुनि पुनि रामहिं चितव सिय सकुचति मन सकुचै न ।
हरति मनोहर मीन छवि प्रेमपियासे नैन ॥

चौपाई

श्याम शरीर सुभाय सुहावन । शोभा कोटि मनोजलजावन ॥
जावकजुत पदकमल सुहाये । मुनिमनमधुप रहत जहँ छाये ॥
पीत पुनीत मनोहर धोनी । हरत बालरवि दामिनि जोती ॥
कलकिकिनि कटिसूत्र मनोहर । बाहु विशाल विभूषन सुंदर ॥
पीत जनेउ महाछवि देई । कर मुद्रिका चोरि चित लेई ॥
सोहत व्याहसाज सब साजे । उर आयत उरभूषन राजे ॥
पीत उपरना कांषासोती । दुहुँ आंचरन्ह लगे मनिमोती ॥
नयनकमल कल कुंडल काना । वदन सकल सौंदर्य निधाना ॥
सुंदर भृकुटि मनोहर नासा । भाल तिलक शुचि रुचिर निवासा ॥
सोहत मौर मनोहर माथे । मंगलमय मुकतामनि गाथे ॥

छंद

गाथे महामनि मौर मंजुल अंग सब चित चोरहीं ।
पुरनारि सुरसुंदरी बरहि विलोक सब तृन तोरहीं ॥
मनि बसन भूषन वारि आरति करहि मंगल गावहीं ।
सुर सुमन वरषहिं सूत मागध वंदि सुजस सुनावहीं ॥
कोहवरहिं आने कुंअर कुंअरि सुआसनिन्ह सुष पाइकै ।
अति प्रीति लौकिकरीति लागीं करन मंगल गाइकै ॥
लहकौरि गौरि सिषाव रामहिं सीय सन शारद कहैं ।
रनिवास हास विलास रस बस जनम को फल सब लहैं ॥
निज पानिर्मान महँ देषि प्रतिमूरति सुरुपनिधानकी ।
चालति न भुजवल्ली विलोकनि विरहभय बस जानकी ॥
कौतुक विनोद प्रमोद प्रेम न जाइ कहि जानहिं अलीं ।
घर कुंअरि सुंदरि सकल सषी लवाइ जनवासहिं चलीं ॥
तेहि समय सुनिय अशीश जहँवहँ नगर नभ आनंद महा ।

चिरजियहु जोरी चारु चारिउ मुदितमन सबही कहा ॥
जोगिंद सिद्ध मुनीश देव विलोकि प्रभु दुंदुभि हनी ।
चले हरषि बरषि प्रसून निज निज लोक जय जय जय भनी ॥

दोहा

सहित वधूटिन कुंअर सब तब आये पितु पास ।
शोभा मंगल मोद भरि उमंगेउ जनु जनवास ॥

चौपाई

पुनि जेवनार भई बहु भांती । पठये जनक बुलाइ बराती ॥
परत पांवड़े बसन अनूपा । सुतन समेत गवन कियो भूपा ॥
सादर सब के पांव पषारे । जथाजोग पीढ़न बैठारे ॥
धोये जनक अवधपतिचरना । शीलसनेह जाइ नहिं बरना ॥
बहुरि रामपदपंकज धोये । जे हरहृदयकमल महुँ गोये ॥
तीनों भाइ राम सम जानी । धोये चरन जनक निज पानी ॥
आसन उचित सबहिं नृप दीन्हें । बोलि सूपकारी सब लीन्हें ॥
सदर लगे परन पनवारे । कनककील मनि पान सँवारे ॥

दोहा

सूपोदन सुरभी सरपि सुंदर स्वादु पुनीत ।
छुनमहुँ सबके परसि गे चतुर सुआर विनीत ॥

चौपाई

पंचकौर करि जेवन लागे । गारि गान सुनि अति अनुरागे ॥
भांति अनेक परे पकवाना । सुधा सरिस नहिं जाहिं बषाना ॥
परसन लगे सुआर सुजाना । व्यंजन विविध नाम को जाना ॥
चारि भांति भोजन विधि गाई । एक एक विधि बरनि न जाई ॥
छुरस रुचिर व्यंजन बहु जाती । एक एक रस अगनित भांती ॥
जैवत देहिं मधुर धुनि गारी । लै लै नाम पुरुष अरु नारी ॥
समय सुहावन गारि बिराजा । हँसत राव सुनि सहित समाजा ॥
यहि विधि सबही भोजन कीन्हा । आदरसहित आचमन लीन्हा ॥

दोहा

देइ पान पूजे जनक दशरथ सहित समाज ।
जनवासे गवने मुदित सकलभूपशिरताज ॥

चौपाई

जनक सनेह शील करतूती । नृप सब भांति सराह विभूती ॥
दिन उठि विदा अवधपति मांगा । राषहिं जनकसहित अनुरागा ॥
नित नूतन आदर अधिकाई । दिन प्रते सहस्र भांति पहुँनाई ॥
नित नव नगर अनंद उछाहू । दशरथगवन सुहाइ न काहू ॥
बहुत दिवस बीते यहि भांती । जनु सनेहरजु बँधे बराती ॥
कौशिक शतानंद तब जाई । कहा बिदेह नृपहिं समुझाई ॥
अब दशरथ कहँ आयसु देह । यद्यपि छाँड़ि न सकहु सनेह ॥
भलेहि नाथ कहि सचिव बुलाये । कहि जयजीव शीश तिन नाये ॥

दोहा

अवधनाथ चाहत चलन भीतर करहु जनाव ।
भये प्रेमव्रश सचिव सुनि विप्र सभासद राव ॥

चौपाई

पुरवासी सुनि चली बराता । पूछत विकल परसपर बाता ॥
सत्य गवन सुनि सब बिलषाने । मनहुं सांझ सरसिज सकुचाने ॥
जहँ जहँ आवत बसे बराती । तहँ तहँ सीध चला बहु भांती ॥
विविध भांति मेवा पकवाना । भोजन साज न जाइ बषाना ॥
भरि भरि बसह अपार कहारा । पठये जनक अनेक सुसारा ॥
तुरग लाष रथ सहस्र पचीसा । सकल सँवारे नष अरु सीसा ॥
मत्त सहस्र दश सिंधुर साजे । जिनिहिं देषि दिशिकुंजर लाजे ॥
कनकवसन मनि भरि भरि जाना । महिषी धेनु वस्तु विधि नाना ॥

दोहा

दायज अमित न जाय कहि दीन्ह विदेह बहोरि ॥
जो अवलोकत लोकपति लोकसंपदा थोरि ।

चौपाई

सब समाज यहि भांति बनाई । जनक अवधपुर दीन्ह पठाई ॥
 चलिहि बरात सुनत सब रानी । विकल मीनगन जिमि लघु पानी ॥
 पुनि पुनि सोय गोद करि लेहीं । देई अशीश सिषावन देहीं ॥
 होयहु संतत पियहि पियारी । चिरअहिबात अशीश हमारी ॥
 सासु ससुर गुर सेवा करेहु । पनिरुष लषि आयसु अनुसरेहु ॥
 अतिसनेह बस सषी सयानी । नारिधरम सिषवहिं मृदु बानी ॥
 सादर सकल कुंअरि समुझाई । रानिन बार बार उर लाई ॥
 बहुरि बहुरि भेंटहि महतारी । कहहि विरंचि रची कत नारी ॥

दोहा

तेहि अवसर भाइन सहित राम भानुकुलकेतु ।
 चले जनकमंदिर मुदित बिदा करावन हेतु ॥

चौपाई

चारिउ भाइ सुभाय सुहाये । नगर नारि नर देषन धाये ॥
 कोउ कह चलन चहत हहिं आजू । कीन्ह विदेह बिदा कर साजू ॥
 लेहु नयन भरि रूप निहारी । प्रिय पाहुने भूपसुत चारी ॥
 को जानै केहि सुकृत सयानी । नयनअतिथि कीन्हें विधि आनी ॥
 मरनशील जिमि पाव पियूषा । सुरतरु लहै जनम कर भूषा ॥
 पाव नारकी हरिपद जैसे । इन कर दसनु हम कहँ तैसे ॥
 निरषि रामशोभा उर धरहु । निज मनफनि मूरति मनि करहु ॥
 यहि विधि सबहि नयनफल देता । गये कुंअर सब राजनिकेता ॥

दोहा

रूपसिंधु सब बंधु लषि हरषि उठी रनिवासु ।
 करहिं निछावरि आरती महामुदित मन सासु ॥

चौपाई

देषि रामछवि अति अनुरागी । प्रेम विविश पुनि पुनि पद लागीं ॥
 रही न लाज प्रीति उर छाई । सहजसनेह वरनि किमि जाई ॥
 भाइन सहित उबटि अन्हवाये । छरस अशन अतिहेतु जिंवाये ॥

बोले राम सुअवसर जानी । शील सनेह सकुचमय बानी ॥
 राउ अवधपुर चहत सिधाये । बिदा होन हम इहां पठाये ॥
 मातु मुदितमन आयसु वेहू । बालक जानि करब नित नेहू ॥
 सुनत वचन बिलषेउ रनिवासू । बोलि न सकहिं प्रेमवश सासू ॥
 हृदय लगाइ कुंअरि सब लीन्हीं । पतिन सौं पि बिनती अति कीन्हीं ॥

छंद

करि विनय सिय रामहिं समर्पी जोरि कर पुनि पुनि कहै ।
 बलि जाउँ तात सुजान तुम कहँ बिदित गति सबकी अहै ॥
 परिवार पुरजन मोहिं राजहिं प्रानप्रिय सिय जानबी ।
 तुलसी सुशील सनेह लखि निज किंकरी कर मानबी ॥

सोरठ

तुम परिपूरन काम जानशिरोमनि भाव प्रिय ।
 जन गुनगाहक राम दोषदलन करुनायतन ॥

चौपाई

अस कहि रही चरन गहि रानी । प्रेमपंक जनु गिरा समानी ॥
 सुनि सनेहसानी, वर वानो । बहु विधि राम सासु सनमानो ॥
 राम बिदा मांगा कर जोरी । कीन्ह प्रनाम बहोरि बहोरी ॥
 पाइ अशोश बहुरि शिर नाई । भाइन सहित चले रघुराई ॥
 मंजु मधुर मूरति उर आनी । भई सनेहशिथिल सब रानी ॥
 पुनि धीरज धरि कु अरि हँकारी । बार बार भेटहिं महतारी ॥
 पहुँचावहिं फिरि मिलहिं बहोरी । बढी परसपर प्रीति न थोरी ॥
 पुनि पुन मिलति सखिन बिलगारै । बाल वच्छ जनु धेनु लवारै ॥

दोहा

प्रेमविवश नर नारि सब सखिन सहित रनिवास ।
 मानहुँ कीन्ह विदेहपुर करुनाविरह निवास ॥

चौपाई

शुर्क सारिका जानकी न्याये । कनक पींजरन राखि पढ़ाये ॥
 व्याकुल कहहिं कहां वैदेही । सुनि धीरज परिहरै न केही ॥

भये विकल षण मृग यहि भांती । मनुजदशा कैसे कहि जाती ॥
 बंधु समेत जनक तब आये । प्रेमउमँगि लोचन जल छाये ॥
 सीय विलोकि धीरता भागी । रहे कहावत परम विरागी ॥
 लीन्ह राय उर लाइ जानकी । मिट्टी महा मरजाद ग्यानकी ॥
 समुभावत सब सचिव सयाने । कीन्ह विचार अनवसर जाने ॥
 बारहि बार सुता उर लाई । सजि सुंदरि पालकी मंगई ॥

दोहा

प्रेमविवश परिवार सब जानि सुलगन नरेश ।

कुंवरी चढ़ाई पालकिन सुमिरे सिद्धि गनेश ॥

चौपाई

बहु बिधि भूप सुता समुझाई । नारि धर्म कुलरीति सिषाई ॥
 दासी दास दिये बहुतेरे । शुचि सेवक जे प्रिय सियकरे ॥
 सीय चलत व्याकुल पुरवासी । होहि सगुन शुभ मंगलरासी ॥
 भूसुर सचिव समेत समाजा । संग चले पहुँचावन राजा ॥
 समय विलोकि बाजने बाजे । रथ गज वाजि बरातिन साजे ॥
 दशरथ विप्र बोलि सब लीन्हे । दान मान परिपूरन कीन्हे ॥
 चरन सरोज धूरि धरि शीशा । मुदित महीपति पाइ अशीशा ॥
 सुमिरि गजानन कीन्ह पयाना । मंगलमूल सगुन भे नाना ॥

दोहा

सुर प्रसून बरषहि हरषि करहि अपसरा गान ।

चले अवधपति अवधपुर मुदित बजाइ निशान ॥

चौपाई

नृप करि विनय महाजन फेरे । सादर सकल मांगने टेरे ॥
 भूषन वसन वाजि गज दीन्हे । प्रेम पोषि ठाढ़े सब कीन्हे ॥
 बार बार बिरदावलि भाषी । चले सकल रामहि उर राषी ॥
 बहुरि बहुरि कोशलपति कहहीं । जनक प्रेमवश फिरै न चहहीं ॥
 पुनि कह भूपति बचन सुहाए । फिरिय महीप दूरि बड़ि आए ॥
 राउ बहोरि उतरि भए ठाढ़े । प्रेमप्रवाह विलोचन बाढ़े ॥

तब विदेह बोले कर जोरी । वचन सनेहसुधा जनु बोरी ॥
करौ कवन विधि विनय सुहाई । महाराज मोहिं दीन्ह बड़ाई ॥

दोहा

कोशलपति समधी सजन सनमाने सब भांति ।

मिलन परसपर विनय अति प्रीति न हृदय समाति ॥

चौपाई

मुनिमंडलिहि जनक शिर नावा । आशिरवाद सबहिं सन पावा ॥
सादर पुनि भेंटे जामाता । रूपशीलगुननिधि सब भ्राता ॥
जोरि पकरुह पानि सुहाये । बोले वचन प्रेम जनु जाये ॥
राम करौ केहि भांति प्रशंसा । मुनिमहेशमन मानसहंसा ॥
करहिं जोग जोगी जेहि लागी । कोह मोह ममता मद त्यागी ॥
व्यापक ब्रह्म अलष अविनाशी । चिदानन्द निर्गुन गुनराशी ॥
मन समेत जेहि जान न वानी । तरकि न सकहिं सकल अनुमानी ॥
महिमा निगम नेति निज कहहीं । जो तिहुँ काल एकरस रहहीं ॥

दोहा

नयनविषय मो कहँ भयउ सो समस्त सुषमूल ।

सबहि लाभ जग जीव कहँ भये ईश अनुकूल ॥

चौपाई

सबहि भांति मोहिं दीन्ह बड़ाई । निज जन जानि लीन्ह अपनाई ॥
होहि सहस दस शाख शेष । करहिं कलप कोटिक भरि लेषा ॥
मोर भाग राउर गुनगाथा । कहि न सिराहिं सुनहु रघुनाथा ॥
मैं कछु कहौ एक बल मोरे । तुम रीझहु सनेह सुठि थोरे ॥
बार बार मांगौ कर जोरे । मन परिहरै चरन जनि भोरे ॥
सुनि वर वचन प्रेम जनु पोषे । पूरन काम राम परितोषे ॥
करि वर विनय ससुर सनमाने । पितु कौशिक वशिष्ठ सम जाने ॥
बिनती बहुरि भरत सन कीन्हा । मिलि सप्रेम पुनि आशिष दीन्हा ॥

दोहा

मिले लपन रिपुसूदनहिं दीन्ह अशीश महीश ।

भये परसपर प्रेमवश फिरि फिरि नावहिं शीश ॥

चौपाई

बार बार करि विनय बड़ाई । रघुपति चले संग सब भाई ॥
जनक गहे कौशिकपद जाई । चरनरेनु शिर नयनन लाई ॥
सुनु मुनीश बर दर्शन तोरे । अगम न कछु प्रतीति मन मोरे ॥
जो सुष सुयश लोकपति चहहीं । करत मनोरथ सकुचत अहहीं ॥
सो सुष सुयश सुलभ मोहि स्वामी । सब बिधि तब दर्शन अनुगामी ॥
कीन्ह विनय पुनि पुनि शिर नाई । फिरे महीप आशिषा पाई ॥
चली बरात निशान बजाई । मुदित छोट बड़ सब समुदाई ॥
रामहिं निराष ग्राम नर नारी । पाइ नयनफल होहिं सुषारी ॥

दोहा

बीच बीच वरवास करि मगलोगन सुष देत ।
अवध समीप पुनीत दिन पहुंची आय जनेत ॥

चौपाई

हने निशान पनघ बहु बाजे । भेरि शष धुनि हय गय गाजे ॥
भांभ भेरि डिमडिमो सुहाई । सरसराग बाजहिं सहनाई ॥
पुरजन आवत अकनि बराता । मुदित सकल पुलकावलि गाता ॥
निज निज सुंदर सदन सँवारे । हाट बाट चौहट पुर द्वारे ॥
गली सकल अरगजा सिंचाई । जहँ तहँ चौकैं चारु पुराई ॥
बनी बजार न जात बषाना । तोरन .केतु पताक बिताना ॥
सुफल पूगफल कदलि रसाला । रोपे बकुल कदम्ब तमाला ॥
लगे सुभगतह परसत धरनी । मनिमय आलबाल कल करनी ॥

दोहा

विविध भांति मंगल सकल गृह गृह रचे सँवारि ।
सुर ब्रह्मादि सिंहाहिं सब रघुवरपुरी निहारि ।

चौपाई

भूपभवन तेहि अवसर सोहा । रचना देषि मदनमन मोहा ॥

मंगल शकुन मनोहरताई । रिधि सिधि सुष संपदा सोहाई ॥
 जनु उछाह सब सहज सुहाये । तनु धरि धरि दशरथ गृह आये ॥
 देषन हेतु राम बैदेही । कहहु लालसा होहि न केही ॥
 जूथ जूथ मिलि चलीं सुवासिनि । निज छवि निदरहिं मदन विलासिनि ॥
 कलस सुमंगल सजी आरती । गावहिं जनु बहु वेष भारती ॥
 भूपतिभवन कुलाहल होई । जाइ न बरनि समउ सुष सोई ॥
 कौशल्यादि राममहतारी । प्रेमविवश तनुदशा विसारी ॥

दोहा

दिये दान विप्रन विपुल पूजि गनेश पुरारि ।
 प्रमुदित परम दरिद्र जनु पाइ पदारथ चारि ॥

चौपाई

प्रेम प्रमोद विवश सब माता । चलहिं न चरन शिथिल भए गाता ॥
 रामदरश हित अति अनुरागी । परिछनसाज सजन सब लागी ॥
 विविध विधान बाजने बाजे । मंगल मुदित सुमित्रा साजे ॥
 हरद दूब दधि पल्लव फूला । पान पुंगफल मंगल मूला ॥
 अछत अंकुर रोचन लाजा । मंजुल मजरि तुलसि विराजा ॥
 छुहे पुरट घट सहज सुहाये । मदनशकुनि जनु नीड़ बनाये ॥
 शकुन सुगंध न जाहिं बषानी । मंगल सकल सजहिं सब रानी ॥
 रची आरती बहुत विधाना । मुदित करहिं कल मंगल गाना ॥

दोहा

कनकथार भरि मंगलहिं कमल करहि लिये मात ।
 चलीं गुदित परिछनकरन पुलकपल्लवित गात ॥

चौपाई

धूपधूम नभ मेचक भयउ । सावनघन घमंड जनु ठयऊ ॥
 सुतरसुमनमाल सुर वरषहिं । मनहुं बलाकअबलि मन करषहिं ॥
 मंजुल मनिमय बंदनवारे । मनहुं पाकरिपुचाप सँवारे ॥
 प्रकटहिं दुरहिं अटन्ह पर भामिनि । चारु चपल जनु दमकहिं दामिनि ॥
 दुहुभिधुनि घन गरजहिं घोरा । याचक छातक दादुर मोरा ॥

सुर सुगंध शुचि वरषहिं चारी । सुषी सकल शशि पुरनरनारी ॥
समय जानि गुरु आयसु दीन्हा । पुरप्रवेश रघुकुलमनि कीन्हा ॥
सुमिरि शंभु गिरिजा गनराजा । मुदित महीपति सहितसमाजा ॥

दोहा

होहिं सगुन वरषहिं सुमन सुर दुंदुभी बजाइ ।
बिबुधबधू नाचहिं मुदित मंजुल मंगल गाइ ॥

चौपाई

मागध सूत बंदि नट नागर । गावहिं जस तिहुं लोक उजागर ॥
जयधुनि विमल वेदवरवानी । दशदिशि सुनिय सुमंगलसानी ॥
विपुल बाजने बाजन लागे । नभ सुर नगर लोग अनुरागे ॥
बने बराती वरनि न जाहीं । महामुदित मन सुष न समाहीं ॥
पुरवासिन तब राउ जुहारे । दैषत रामहिं भये सुषारे ॥
करहिं निछावरि मनि गन चीरा । वारि विलोचन पुलकशरीरा ॥
आरति करहिं मुदित पुरनारी । हरषहिं निरषि कुंअरवर चारी ॥
शिविका सुभग उघार उघारी । देखि दुलहिनिन्ह होहिं सुषारी ॥

दोहा

यहि विधि सबही देत सुष आये राजदुआर ।
मुदित मातु परिछन करहिं बधुनसमेत कुमार ॥

चौपाई

करहिं आरती बारहिं बारा । प्रेम प्रमोद कहै को पारा ॥
भूषन मनि पट नाना जाती । करहिं निछावरि अगनित भांती ॥
बधुन समेत देषि सुत चारी । परमानंद भगन महतारी ॥
पुनि पुनि सीयरामछबि देषी । मुदित सुफल जगजीवन लेषी ॥
सषी सीयमुष पुनिपुनि चाही । गान करहि निज सुकृत सराही ॥
वरषहिं सुमन छनहि छन देवा । नाचहिं गावहिं लावहिं सेवा ॥
देषि मनोहर चारिउ जोरी । शारद उपमा सकल ढँढोरी ॥
देत न बनहि निपट लघु लागी । इकटक रहीं रूपअनुरागी ॥

दोहा

निगम नीति कुलरीति करि अरघ पांवड़े देत ।
वधुनसहित सुत परछि सब चलीं लिवाय निकेत ॥

चौपाई

चारि सिंहासन सहज सुहाये । जनु मनोज निज हाथ बनाये ॥
तिनपर कुँअरि कुँअर बैठारे । सादर पांय पुनीत पषारे ॥
धूप दीप नैवेद्य वेदविधि । पूजे वरदुलहिनि मंगलनिधि ॥
बारहिं बार आरती करहीं । व्यजन चारु चामर शिर ढरहीं ॥
घस्तु अनेक निछावरि होहीं । भरीं प्रमोद मातु सब सोहीं ॥
पावा परमतस्व जनु जोगी । अमिय लखो जनु सन्ततरोगी ॥
जनमरंक जनु पारस पावा । अंधहि लोचनलाभ सुहावा ॥
मूक बदन जस शारद छार्ई । मानहुं समर शूर जय पाई ॥

दोहा

यहि सुषते शतकोटि गुन पावहिं मातु अनंद ।
भाइन सहित वियाहि घर आये रघुकुलचंद ॥
लोकरीति जननी करहिं वर दुलहिनि सकुचाहिं ।
मोदविनोद विलोकि बड़ राम मनहिं मुसुकाहिं ॥

चौपाई

देव पितर पूजे विधि नीकी । पूजी सकल वासना जीकी ॥
सबहिं वंदि मांगहिं वरदाना । भाइन सहित रामकल्याना ॥
अन्तरहित सुर आशिष देहीं । मुदित मातु अंचल भरि लेहीं ॥
भूपति बोलि बगतिन्ह लीन्हे । जान वसन मनि भूषन दीन्हे ॥
आयसु पाइ राषि उर रामहि । मुदित गए सब निज निज धामहिं ॥
पुर नर नारि सकल पहिराये । घर घर बाजन लगे बधाये ॥
जाचक जन जाचहिं जोइ जोई । प्रमुदित राउ देई सोइ सोई ॥
सेवक सकल बजनियां नाना । पूरन किये दोन सनमाना ॥

दोहा

देहिं अशीश जुहारि सब गावहिं गुन गन गाथ ।

तब गुरु भूसुरसहित गृह गमन कीन्ह नरनाथ ॥

चौपाई

जो वसिष्ठ अनुशासन दीन्हा । लोकवेदविधि सादर कीन्हा ॥
भूसुरभीर देषि सब रानी । सादर उठीं भाग्य बड़ जानी ॥
पायँ पषारि सकल अन्हवाये । पूजि भली विधि भूप जेवाये ॥
आदर दान प्रेम परिपोषे । देत अशीश चले मन तोषे ॥
बहुविधि कीन्ह गाधिसुतपूजा । नाथ मोहिं सम धन्य न दूजा ॥
कोन्ह प्रशंसा भूपति भूरी । रानिन्ह सहित लीन्ह पगधूरी ॥
भीतर भवन दीन्ह वरवासू । मन जुगवत रह नृप रनिवासू ॥
पूजे गुरुपदकमल बहोरी । कीन्ह विनय उर प्रीति न थोरी ॥

दोहा

वधुन समेत कुमार सब रानिन्ह सहित महीश ।

पुनि पुनि बंदत गुरुचरन देत अशीश मुनीश ॥

चौपाई

विनय कीन्ह उर अति अनुरागे । सुत संपदा राषि सब आगे ॥
नेग मांगि मुनिनायक लीन्हा । आशिरवाद बहुत विधि दीन्हा ॥
उर धरि रामहिं सीय समेता । हरषि कीन्ह गुरु गमन निकेता ॥
विप्रवधू सब भूप बुलाई । चैल चारु भूषन पहिराई ॥
बहुरि बुलाइ सुआसिनि लीन्ही । रुचि विचारि पहिरावनि दीन्ही ॥
नेगी नेग जोग सब लेई । रुचि अनुरूप भूपमनि देही ॥
प्रिय पाहुने पूज्य जे जाने । भूपति भली भांति सनमाने ॥
देव देषि रघुवीरविवाह । वरषि प्रसून प्रशंसि उछाह ॥

दोहा

चले निशान बजाइ सुर निज निज पुर सुष पाह ।

कहत परसपर रामजस प्रेम न हृदय समाह ॥

चौपाई

सबविधि सबहि समदि नरनाह । रहा हृदय भरि पूरि उछाह ॥
जहँ रनिवास तहां पगु धारे । सहित वधूदिन कुंअर निहारे ॥

लिये गोद करि मोद समेता । को कहि सकै भयो सुषु जैता ॥
 वधू सप्रेम गोद बैठारी । बार बार हिय हरषि दुलारी ॥
 देखि समाज मुदित रनिवास । सबके उर आनँदु किय बास ॥
 कह्यो भूप जिमि भयउ विवाह । सुनि सुनि हरष होत सब काह ॥
 जनकराज गुन शील बड़ाई । प्रीति रीति संपदा सुहाई ॥
 बहुविधि भूप भाट जिमि वरनी । रानी सब प्रमुदित सुनि करनी ॥

दोहा

सुतन समेत नहाइ नृप बोलि विप्र गुरु ग्याति ।

भोजन कीन्ह अनेक विधि घरी पांच गइ राति ॥

चौपाई

भंगलगान करहिं वरभामिनि । भइ सुषमूल मनोहर यामिनि ॥
 अँचै पान सब काहू पाये । स्नगसुगन्ध भूषित छवि छाये ॥
 रामहिं देखि रजःयसु पाई । निज निज भवन चले शिर नाई ॥
 प्रेम प्रमोद विनोद बड़ाई । समय समाज मनोहरताई ॥
 कहि न सकहिं शत शारद शेरू । वेद विरंचि महेश गनेशू ॥
 सो मैं कहौं कवन विधि वरनी । भूमिनाग शिर धरै कि धरनी ॥
 नृप सब भांति सबहि सनमानो । कहि मृदु वचन बुलाई रानी ॥
 वधू लरिकिनी परघर आई । राखेहु नयनपलक की नाई ॥

दोहा

लरिका श्रमित उनींदवश शयन करावहु जाइ ।

असकहि गे विश्रामगृह । रामचरन चितलाइ ॥

चौपाई

भूपवचन सुनि सहज सुहाये । जड़ित कनक मनि पलंग डसाये ॥
 सुभग सुरभि पयफेरु समाना । कोमल कलित सुपेती नाना ॥
 उपवरहन बर वरनि न जाहीं । स्नगसुगन्ध मनिमन्दिर माहीं ॥
 रतनदीप सुठि चारु चँदोवा । कहत न बनै जान जेहि जोवा ॥
 सेज हचिर रचि राम उठाये । प्रेम समेत पलंग पौढ़ाये ॥
 आझा पुनि भाइन कहँ दीन्ही । निजनिज सेज शयन सब कीन्हीं ॥

देखि श्याम मृदु मंजुल गाता । कहहि सप्रेम बचन सब माता ॥
मारग जात भयावनि भारी । केहि विधि तात ताड़का मारी ॥

दोहा

घोर निशाचर विकट भट समर गनै नहिं काहु ।
मारे सहित सहाय किमि बल मारीच सुबाहु ॥

चौपाई

मुनिप्रसाद बलि तात तुम्हारी । ईश अनेक करवरै टारी ॥
मप रषवारी करि दुहुँ भाई । गुरुप्रसाद सब विद्या पाई ॥
मुनितिय तरी लगत पगधूरी । कीरति रही भुवनभरि पूरी ॥
कमठपीठ पविकूट कठोरा । नृपसमाज महँ शिवधनु तोरा ॥
विश्वविजय जस जानकि पाई । आप भवन व्याहि सब भाई ॥
सकल अमानुष कर्म तुम्हारे । केवल कौशिककृपा सुधारे ॥
आहु सफल जगजन्म हमारा । देखि तात विभुवदन तुम्हारा ॥
जे दिन गये तुमहिं बिनु देखे । ते विरंचि जनि पारहिं लेखे ॥

दोहा

राम प्रतोयी मातु सब कहि विनीत घर बैन ।
सुमिरि शंभु गुरु विप्रपद किये नीदवश नैन ॥

चौपाई

उनिदे वदन सोह सुठिलोना । मनहुँ सांझ सरसीरुह सोना ॥
घर घर कहि जागरन नारी । देखि परसपर मंगल गारी ॥
पुरी बिराजति राजत रजनी । रानी कहहि विलोकहु सजनी ॥
सुंदर वधुन सासु लै सोई । फनिकहिं जनु शिर मनि उरगोई ॥
प्रात पुनीत काल प्रभु जागे । अरुनचूड़वर बोलन लागे ॥
बंदी मागध गुन गन गाए । पुरजन द्वार जुहारन आए ॥
बंदि विप्र सुर गुरुपितु माता । पाइ अशीश मुदित सबभ्रातर ॥
जननी सादर वदन निहारे । भूपति संग द्वार पगुधारे ॥

दोहा

कीन्ह शौच सब सहजशुचि सरित पुनीत नहाइ ।

प्रातःक्रिया करि तात पहुँ आप चारिउ भाइ ॥

चौपाई

भूप विलोकि लिये उर लाई । बैठे हरषि रजायसु पाई ॥
 देषि राम सब सभा जुड़ानी । लोचनलाभअवधि अनुमानी ॥
 पुनि वसिष्ठ मुनि कौशिक आये । आसन सुभग मुनिन बैठाये ॥
 सुतन समेत पूजि पद लागे । निरषि राम दोउ गुर अनुरागे ॥
 कहहिं वसिष्ठ धर्म इतिहासा । सुनहिं महीप सहित रनिवासा ॥
 मुनिमनअगम गाधिसुत करनी । मुदित वसिष्ठ विपुल विधि वरनी ॥
 बोले वामदेव सब साँची । कीरति कलित लोक तिहुँ माची ॥
 सुनि आनंद भयउ सब काहू । रामलषनउर अतिहि उछाहू ॥

दोहा

मंगलमोद उछाह नित जाहिं दिवस यहि भांति ।

उमँगी अवध अनंद भरि अधिक अधिक अधिकाति ॥

चौपाई

सुदिन शोधि करकंकन छोरे । मंगल मोद विनोद न थोरे ॥
 नितनव सुष सुर देषि सिहाहीं । अवध जनम जाचहिं विधिपाहीं ॥
 विश्वामित्र चलन नित चहहीं । रामसनेह विनयवश रहहीं ॥
 दिनदिन सयगुन भूपतिभाऊ । देषि सराह महामुनिराऊ ॥
 मांगत विदा राउ अनुरागे । सुतन समेत ठाढ़ भए आगे ॥
 नाथ सकल संपदा तुम्हारी । मैं सेवक समेत सुत नारी ॥
 करब सदा लरिकन पर छोहू । दर्शन देत रहब मुनि मोहू ॥
 अस कहि राउ सहित सुत रानी । परेउ चरन मुष आव न वानी ॥
 दीन्ह अशीश विप्र बहु भांती । चले न प्रीतिरीति कहि जाती ॥
 राम सप्रेम संग सब भाई । आयसु पाइ फिरे पहुँचाई ॥

दोहा

रामरूप भूपतिभगति व्याहउछाह अनंद ।

जात सराहत मनहिं मन मुदित गाधिकुलचंद ॥

चौपाई

वामदेव रघुकुलगुरु ग्यानी । बहुरि गाधिसुन कथा बषानी ॥
 सुनि मुनि सुजस मनहिं मन राऊ । बरनत आपन पुन्य प्रभाऊ ॥
 बहुरे लोग रजायसु भयऊ । सुतनसमेत नृपति गृह गयऊ ॥
 जहँ तहँ रामब्याह जस गावा । सुजस पुनीत लोक तिहुँ छावा ॥
 आए ब्याहि राम घर जब ते । बसे अनंद अवध सब तब ते ॥
 प्रभुविवाह जस भयउ उछाह । सकहिं न बरनि गिरा अहिनाह ॥
 कविकुलजीवनपावन जानी । रामसीयजस मंगलषानी ॥
 तेहि ते मैं कछु कहा बषानी । करन पुनीत हेतु निज वानी ॥

छंद

निज गिरा पावन करन कारन रामजस तुलसी कह्यो ।
 रघुवीरचरित अपार वारिधि पार कवि कवने लह्यो ॥
 उपवीत ब्याहउछाह मंगल सुनहिं सादर गावहीं ।
 वैदेहिरामप्रसाद ते जन सर्वदा सुष पावहीं ॥

सौंठा

सियरघुवीरविवाह जे सप्रेम सादर सुनहिं ।
 तिन कहँ सदा उछाह मंगलायतन रामजस ॥



अयोध्याकांड

रामवनगमन ।

दोहा

श्रीगुरुचरनसरोजरज निज मनुमुकुर सुधारि ।
बरनौ रघुवरधिमलजसु जो दायकु फलचारि ॥

चौपाई

जब ते रामु ब्याहि घर आए । नित नव मंगल मोद बधाए ॥
भुवन चारिदस भूधर भारी । सुकृत मेघ बरषहिं सुषबारी ॥
रिधि सिधि संपतिनदी सुहाई । उमगि अवधअंधुधि कहुं आई ॥
मनिगन पुरनरनारि सुजाती । सुचि अमोल सुंदर सब भांती ॥
कहि न जाइ कछु नगरबिभूती । जनु येतनिअ बिरंचि करतूती ॥
सब बिधि सब पुरलोग सुषारी । रामचंद्रमुषचंदु निहारी ॥
मुदित मानु सब सषी सहेली । फलित बिलोकि मनोरथबेली ॥
रामरूप गुन सीलु सुभाऊ । प्रमुदित होइ देषि मुनिराऊ ॥

दोहा

सब के उर अभिलाषु अस कहहिं मनाइ महेसु ।
आप अछुत युवराजपद रामहिं देउ नरेसु ॥

चौपाई

एक समय सब सहित समाजा । राजसभा रघुराजु विराजा ॥
नृप सब रहहिं कृपाअभिलाषे । लोकप करहिं प्रीति रुषराषे ॥
तिभुवन तीनिकाल जगमाहीं । भूरि भाग दसरथसम नाहीं ॥
मंगलमूल रामु सुत जासू । जो कछुकहिअ थोर सब तासू ॥

राय सुभाय मुकुरु कर लीन्हा । बननु बिलोकि मुकुटु सम कीन्हा ॥
 स्रवन समीप भये सित केसा । मनहुं जरठपनु अस उपदेसा ॥
 नृप जुवराजु राम कहुं देह । जीवन जनम लाहु किन लेह ॥

दोहा

यह बिचारु उर आनि नृप, सुदिन सुअवसर पाइ ।
 प्रेम पुलकि मन मुदित मन, गुरहिं सुनायेउ जाइ ॥

चौपाई

कहइ भुआलु सुनिअ मुनिनायक । भये राम सब विधि सब लायक ॥
 सेवक सचिव सकल पुरवासी । जे हमार अरि मित्र उदासी ॥
 सबहिं रामु प्रिय जेहिं विधि मोही । प्रभुअसीस जनु तनु धरि सोही ॥
 बिप्र सहित परिवार गोसांई । करहिं छोडु सब रौरिहि नाई ॥
 जे गुरचरनरेनु सिर धरहीं । ते जनु सकल विभव बस करहीं ॥
 मोहि सम यहु अनुमयेउ न दूजें । सजु पायेंउ रज पावनि पूजें ॥
 अत्र अभिलाषु एकु मन मोरें । पूजिहि नाथ अनुग्रह तोरें ॥
 मुनि प्रसन्न लषि सहज सनेह । कहेउ नरेस रजा यसु देह ॥

दोहा

राजन राउर नामु जसु सब अभिमतदातार ।
 फल अनुगामी महिपमनि मनअभिलाषु तुम्हार ॥

चौपाई

सब विधि गुरुप्रसन्न जिय जानी । बोलेउं राउ रहँसि मृदुवानी ॥
 नाथ रामु करिअहिं जुवराजू । कहिअ कृपा करि करिअ समाजू ॥
 मोहि अछुत यहु होइ उछाहू । लहहिं लोग सब लोचनलाहू ॥
 प्रभुप्रसाद सिव । सबइ निवाही । एह लालसा एक मन माहीं ॥
 पुनि न सोच तनु रहउ कि जाऊ । जेहि न होइ पाछे पछिताऊ ॥
 सुनि मुनि दसरथबचन सुहाए । मंगलमोदमूल मन भाए ॥
 सुनु नृप जासु बिमुष पछिताहीं । जासु भजन बिनु जरनि न जाहीं ॥
 भयेउतुम्हार तनय सोइ स्वामी । रामु पुनीतप्रेमअनुगामी ॥

दोहा

बेगि बिलंबु न करिअ नृप साजिअ सबुइ समाजु ।
सुदिनु सुमंगलु तबहिं जब रामु होहिं जुबराजु ॥

चौपाई

मुदित महीपति मंदिर आप । सेवक सखिव सुमंत्रु बोलाप ॥
कहि जय जीव सीस तिन्ह नाप । भूपसुमंगल बचन सुनाप ॥
जौ पांचहि मत लागइ नीका । करहु हरषि हियरामहिं टीका ॥
मंत्री मुदित सुनत प्रियबानी । अभिमत बिट व परेउ जनु पानी ॥
बिनती सखिव करहिं करजोरी । जिअहु जगत पति बरिस करोरी ॥
जगमंगल भल काजु बिबारा । बेगिअ नाथ न लाइअ बारा ॥
नृपहि मोहु सुनि सचिवसुभाषा । बढत बौड जनु लही सुसाषा ॥

दोहा

कहेउ भूप मुनिराज कर जोइ जोइ आयुस होइ ।
रामराजअभिषेक हित बेगि करहु सोइ सोइ ॥

चौपाई

हरषि मुनीस कहेउ मृदुबानी । आनहु सकल सुतीरथ पानी ॥
औषध मूल फूल फल पाना । कहे नाम गनि मंगल नाना ॥
चामर चरम बसन बहु भांतो । रोम पाट पट अगनित जाती ॥
मनिगन मंगलवस्तु अनेका । जो जग जोगु भूपअभिषेका ॥
बेद बिदित कहि सकल बिधाना । कहेउ रचहु पुर बिबिध बिताना ॥
सफल रसाल पूगफल केरा । रोपहु बीथिन्ह पुर चहुं फेरा ॥
रचहु मंजुमनि चौकइ चारू । कहहु बनावन बेगि बजारू ॥
पूजहु गनपति गुर कुलदेवा । सब बिधि करहु भूमिसुरसेवा ॥

दोहा

ध्वज पताक तोरन कलस सजहु तुरग रथ नाग ।
सिरधरि मुनिबरबचन सबु निज निज काजहि लाग ॥

चौपाई

जो मुनीस जेहि आयसु दीन्हा । सो तेहि काजु प्रथम जनु कीन्हा ॥

बिप्र साधु सुर पूजत राजा । करत रामहित मंगल काजा ॥
 सुनत रामअभिषेक सुहावा । बाज गहागह अवध बधावा ॥
 राम सीय तन सगुन जनाए । फरकहि मंगल अंग सुहाए ॥
 पुलकि सप्रेम परसपर कहहीं । भरतआगमनुसूचक अहहीं ॥
 भये बहुत दिन अति अवसेरी । सगुन प्रतीति भेंट प्रिय केरी ॥
 भरतसरिस प्रिय को जग माहीं । इहइ सगुनफलु दूसर नाही ॥
 रामहि बंधुसोच दिन राती । अंडन्हि कमठ हृदय जेहि भांती ॥

दोहा

पहि अवसर मंगलु परम , सुनि रहसेउ रनिवासु ।
 सोभत लषि बिधु बढत जनु, बारिधिबोचिबिलासु ॥

चौपाई

प्रथम जाइ जिन्ह बचन सुनाए । भूषन बसन भूरि तिन्ह पाए ॥
 प्रेम पुलकि तन मन अनुरागी । मंगल कलस सजन सब लागी ॥
 चौकइ चारु सुमित्रा पुरी । मनिमय बिबिध भांति अति रूरी ॥
 आनंदमगन राममहतारो । दिये दान बहु बिप्र हंकारी ॥
 पूजो ग्रामदेवि सुर नागा । कहेउ बहोरि देन बलिभागा ॥
 जेहि बिधि होइ । रामकल्यानू । देहु दया करि सो बरदानू ॥
 गावहि मंगल कोकिलबयनी । बिधुबदनी मृगसावकनयनी ॥

दोहा

रामराजअभिषेकु सुनि , हिय हरषे नर नारि ।
 लगे सुमंगल सजन सब , बिधि अनुकूल बिचारि ॥

चौपाई

तब नरनाह वसिष्ठु बोलाये । रामधाम सिष देन पठाये ॥
 गुरआगमन सुनत रघुनाथा । द्वार आई पद नायेउ माथा ॥
 सादर अरघ देइ घर आने । सोरइ भांति पूजि सनमाने ॥
 गहे चरन सिय सहित बहोरी । बोले रामु कमलकर जोरी ॥
 सेवकसदन स्वामिआगमनू । मंगलमूल अमंगलदमनू ॥
 तदपि उचित जनु बोलि सप्रीती । पठइअ काज नाथ, असि नीती ॥

प्रभुता तजि प्रभु कीन्ह सनेहू । भयउ पुनीत आजु यहु गेहू ॥
आयसु होइ सो करउं गोसाईं । सेवकु लहइ स्वामिसेवकाई ॥

दोहा

मुनि सनेहसाने वचन मुनि रघुवरहि प्रसंस ।
राम कस न तुम्ह कहहु अस हंसवंसअवतंस ॥

चौपाई

ब्ररनि राम गुन सीलु सुभाऊ । बोले प्रेम पुलकि मुनिराऊ ॥
भूप सजेउ अभिषेकसमाजू । चाहत देन तुम्हहि जुवराजू ॥
राम करहु सब संजम आजू । जौं बिधि कुसल निवाहइ काजू ॥
गुरु सिष देइ राय पहि गयेऊ । राम हृदय अस विसमउ भयेऊ ॥
जनमे एक संग सब भाई । भोजन सयन केलि लरिकई ॥
करन बेध उपवीत बिआहा । संग संग सब भये उछाहा ॥
बिमल बंस यहु अनुचित एकू । बंधु बिहाइ बडेहि अभिषेकू ॥
प्रभु सप्रेम पछितानि सुहाई । हरउ भगतमन कै कुटिलाई ॥

दोहा

तेहि अवसर आए लषन मगन प्रेमआनंद ।
सनमाने प्रिय वचन कहि रघुकुलकैरवचंद ॥

चौपाई

बाजहि बाजन बिबिध बिधाना । पुरप्रमोडु नहि जाइ बषाना ॥
भरतआगमनु सकल मनावहि । आवहु बेगि नयनफल पावहि ॥
हाट बाट घर गली अथाई । कहहि परसपर लोग लोगाई ॥
कालि लगन भलि केतिक बार । पूजिहि बिधि अभिलाषु हमारा ॥
कनकसिंघासन सीयसमेता । बैठहि रामु होइ चित चेता ॥
सकल कहहि कब होइहि काली । बिघन मनावहि देव कुचाली ॥
तिन्हहि सोहाइ न अवधबधावा । चोरहि चंदिनिराति न भावा ॥
सारद बोलि विनय सुर करहीं । बारहि बार पाय लै परहीं ॥

दोहा

बिपति हमारि बिलोकि बडि मातु करिअ सोइ आजु ।
रामु जाहि बन राजु तजि होइ सकल सुरकाजु ॥

चौपाई

सुनि सुरबिनय ठाढि पछिताती । भइउं सरोजबिपिन हिमराती ॥
 देषि देव पुनि कहहिं निहोरी । मातु तोहिं नहिं थोरिउ बोरी ॥
 बिसमय हरष रहित रघुराऊ । तुम्ह जानहु सब रामप्रभाऊ ॥
 जीव करमबस सुष दुष भागी । जाइअ अवय देवहित लागी ॥
 बार बार गहि चरन सकोची । चली बिचारि बिबिधमति पोची ॥
 ऊंच निवासु नीचि करतूती । देषि न सकहिं पराइ बिभूती ॥
 आगिल काजु बिचारि बहोरी । करिहहिं चाह कुसल कबि मोरी ॥
 हरषि हृदय दसरथपुर आई । जनु ग्रहदसा दुसह दुषदाई ॥

दोहा

नामु मंथरा मंदमति चेरी कैकै केरि ।
 अजसपेटारी ताहि करि गई गिरा मति फेरि ॥

चौपाई

दीष मंथरा नगरवनावा । मंजुव मंगल बाज बधावा ॥
 पूछेसि लोगन्ह काह उछाह । रामतिलकु सुनि भा उरदाह ॥
 करइ बिचारु कुबुद्धि कुजाती । होइ अकाजु कवनि विधि राती ॥
 देषि लागि मधु कुटिल किराती । जिमि गवं तकइ लेउं केहि भांती ॥
 भरतमातु पहिं गई बिलषानी । का अनमनि हसि कह हंसि रानी ॥
 ऊतर देइ न लेइ उसासु । नारिचरित करि ढारइ आंसु ॥
 हंसि कह रघुनि गालु बड तोरें । दीन्ह लषन सिष अस मन मोरें ॥
 तबहुं न बोल चेरि बडि पापिनि । छ्वाडइ स्वास कारि जनु सांपिनि ॥

दोहा

सभय रानि कह कहसि किन कुसल राम महिपालु ।
 लषनु भरतु रिपुदमनु सुनि भा कुबरीउर सालु ॥

चौपाई

कत सिष देइ हमहिं कोउ माई । गालु करब केहि कर बलु पाई ॥
 रामहिं छाडि कुसल केहि आजू । जेहि जनेसु देइ जुबराजू ॥
 भयइ कौसिलहि विधि अति दाहिन । देषत गरब रहत उर नाहिन ॥

देषहु कस न जाइ सब सोभा । जौ अवलोकि मोर मनु छोभा ॥
 पूतु बिदेस न सोचु तुम्हारे । जानतिहहु बस नाहु हमारै ॥
 नौद बहुत प्रिय सेज तुराई । लषहु न भूपकपट चतुराई ॥
 सुनि प्रियबचन मलिनमनु जानी । झुकी रानि अवरहु अरगानी ॥
 मुनि अस कबहुं कहसि घरफोरी । तब धरि जीभ कढावौ तोरी ॥

दोहा

काने षोरे कूबरे, कुटिल कुचाली जानि ।
 तियबिसेषि पुनि चेरिकहि, भरतमातु मुसुकानि ॥

चौपाई

प्रियवादिनि सिष दीन्हिउं तोहीं । सपनेहु तोपर कोपु न मोही ॥
 सुदिनु सुमंगलदायकु सोई । तोर कहा फुर जेहि दिन होई ॥
 जेठ स्वामि सेवक लघु भाई । येह दिनकरकुलरीति सुहाई ॥
 रामतिलकु जो सांचेहुं काली । देउं मागु मनभावत आली ॥
 कौसल्यासम सब महतारी । रामहिं सहज सुभाय पिआरी ॥
 मो पर करहिं सनेहु बिसेषी । मैं करि प्रीतिपरीछा देषी ॥
 जौ बिधि जनमु देख करि छोडू । होहुं राम सिय पूत पुतोडू ॥
 प्रान तैं अधिक रामु प्रिय मोरैं । तिन्हके तिलक छोभु कस तोरैं ॥

दोहा

भरतसपथ तोहि सत्य कहु परिहरि कपट दुराउ ।
 हरष समय बिसमउ करसि कारन मोहि सुनाउ ॥

चौपाई

एकहि बार आस सब पूजी । अब कछु कहब जीभ करि दूजी ॥
 फेरैजोगु कपारु अभागा । भलेउ कहत दुष रौरेहिं लागा ॥
 कहहिं झूठि फुरि बात बनाई । ते प्रिय तुम्हहिं करइ मैं माई ॥
 हमहुं कहबि अब ठकुरसोहाती । नाहित मौन रहव दिन राती ॥
 करि कुड प विधि परबस कीन्हा । बवा सो लुनिअलहिअ जो दीन्हा ॥
 कोउ नृप होउ हमहिं का हानी । चेरि छाडि अब होब कि रानी ॥
 जगरइ जोग सुभाइ हमारा । अनभज देवि न जाइ तुम्हारा ॥

तातें कछुक बात अनुसारी । छुमिअ देवि बडि चूक हमारी ॥

दोहा

गूढ कपट प्रिय बचन सुनि तीय अघरबुधि रानि ।

सुरमाया बस बैरिनिहि सुहृद जानि पतिआनि ॥

चौपाई

सादर पुनि पुनि पूंछति ओही । सवरींगान मृगी जनु मोही ॥

तसि मति फिरी अहइ जसि भाबी । रहसी चेरि घात जनु फाबी ॥

तुम्ह पूंछहु मै कहत डेराऊं । धरेहु मोर घरफोरी नाऊं ॥

सजि प्रतीति बहुबिधि गढि छोली । अवधसाढसाती तब बोली ॥

प्रिय सिय रामु कहा तुम्ह रानी । रामहिं तुम्ह प्रिय सो फुरि बानी ॥

रहा प्रथम अब ते दिन बीते । समउ फिरैं रिपु होहिं पिरिते ॥

भानु कमलकुल पोषनिहारा । बिनु जल जारि करइ सोइ छारा ॥

जरि तुम्हारि चह सवति उपारी । रुंयहु करि उपाउ बर बारी ॥

दोहा

तुम्हहिं न सोचु सोहाग बल निज बस जानहु राउ ।

मन मलीन मुहु मीठ नृपु राउर सरल सुभाउ ॥

चौपाई

चतुर गंभीर राममहतारी । बीछु पाइ निज बात संवारी ॥

पठये भरतु भूप ननिओरैं । राममातु मन जानब रौरैं ॥

सेवहिं सकल सवति मोहि नीकैं । गरवित भरतमातु बल पी कैं ॥

सालु तुम्हार कौसिलहि माई । कपट चतुर नहिं होइ जनाई ॥

राजहि तुम्ह पर प्रेमु विसेषी । सवतिसुभाउ सकइ नहिं देषी ॥

रचि प्रपंचु भूपहिं अपनाई । रामतिलक हित लगन धराई ॥

येहु कुल उचित राम कहं टीका । सबहि सोहाइ मौहि सुठि नीका ॥

आगिल बात समुझि डर मोही । देउ दैउ फिरि सो फलुओही ॥

दोहा

रचि पचि कोटिक कुटिलपन कीन्हेलि कपट प्रबोधु ।

काहेसि कथा सत सवतिकै जेहि बिधि बाढ बिरोधु ॥

चौपाई

भावीबस प्रतीति उर आई । पूंछ रानि पुनि सपथ देवाई ॥
 का पूंछुं तुम्ह अग्रहुं न जाना । निज हिन अनहित पसु पहिचाना ॥
 भयेउ पाषु दिन सजत समाजू । तुम्ह पाई सुधि मोहि सन आजू ॥
 षाइअ पहिरिअ राज तुम्हारें । सत्य कहें नहिं दोषु हमारें ॥
 जौं असत्य कछु कहव बनाई । तौ बिधि देखि हमहिं सजाई ॥
 रामहि तिलक कालि जौं भयेऊ । तुम कहुं बिपतिबीजु बिधि बयेऊ ॥
 रेष षचाइ कहउं बलु भाषी । भमिनि भइहु दूध कह माषी ॥
 जौं सुत सहित करहु सेवकाई । तौ घर रहहु न आन उपाई ॥

दोहा

कद्रु बिनतहि दीन्ह दुषु तुम्हहि कौसिला देब ।

भरतु बंदिगृह सेइहहि लषनु राम के नेब ॥

चौपाई

कैकयसुता सुनत कटु बानी । कहि न सकइ कछु सहमि सुषानी ॥
 तन पसेउ कदली जिमि कांपो । कुबरो दसन जीभ तब चांपी ॥
 कहि कहि कोटिक कपट कहानी । धीरजु धरहु प्रबोधिसि रानी ॥
 फिरा करमु प्रिय लागि कुचाली । बकिहि सराहइ मानि मराली ॥
 सुनु मंथरा बात फुरि तोरी । दहिनि आंषि नित फरकइ मोरी ॥
 दिन प्रति देशहुं राति कुसपनें । कहउं न तोहि मोहबस अपनें ॥
 नाह करौं सधि सूध सुभाऊ । दाहिन बांम न जानउं काऊ ॥

दोहा

अपने चलत न आजु लागि अनमल काहुक कीन्ह ।

केहि अघ एकहि बार मोहि दैअ दुसह दुषु दीन्ह ॥

चौपाई

नैहर जनम भरब बरु जाई । जियत न करबि सवति सेवकाई ॥
 अरि बस दैउ जियावत जाही । मरनु नीक तेहि जीव न चाही ॥
 दीन बचन कह बहु बिधि रानी । सुनि कुबरी तियमाया ठानी ॥
 अस कस कहहु मानि मन ऊना । सुषु सोहायु तुम्ह कहुं दिनदूना ॥

जेहिं राउर अति अनभल ताका । सोइ पाइहि येहु फनुपरिपाका ॥
जबतें कुमत सुना मैं स्वामिनि । भूष न बासर नोद न जामिनि ॥
पुंछेउं गुनिन्ह रेष तिन्ह षांची । भरत भुआल हौहिं यह सांची ॥
भामिनि करहु त कहउं उपाऊ । हइ तुम्हरी सेवाबस राउ ॥

दोहा

परउं कूप तुअ बचन पर सकौं पूत पति त्यागि ।
कहसि मोर दुषु देषि बड कस न करब हित लागि ॥

चौपाई

कुबरीं करि कबुली कैकेई । कपटछुरी उरपाहन टेई ॥
लषइ न रानि निकट दुषु कैसैं । चरइ हरित तिन बलिपसु जैसै ॥
सुनत बात मृदु अंतकठोरी । देति मनहु मधु माहुर घोरी ॥
कहइ चेरि सुधि अहइ कि नाही । स्वामिनि कहिहु कथा मोहि पाहीं ॥
दुइ बरदान भूष सन धाती । मांगहु आजु जुड़ावहु छाती ॥
सुतहिं राजु रामहिं बनवासू । देहु लेहु सब सवतिहुलासू ॥
भूपति रामसपथ जब कई । तब मांगेहु जेहि बचनुन टरई ॥
होइ अकाजु आजु निसि बीते । बचनु मोर प्रिय मानेहु जी ते ॥

दोहा

बड कुघातु करि पातकिनि कहेसि कोपगृह जाहु ।
काज संवारेहु सजग सबु सहसा जनि पतियाहु ॥

चौपाई

कुबरिहि रानि प्रानप्रियजानी । बार बार बडि बुद्धि बषानी ॥
तोहि सम हित न मोर संसारा । बहे जान कह भइसि अधारा ॥
जौं विधि पुरव मनोरथु काली । करउं तोहि चषपूतरि आली ॥
बहुबिधि चेरिहि आदर देई । कोपभवन गवनी कैकेई ॥
विपतिबीजु बरषारितु चेरी । भुइं भइ कुमति कैकई कोरी ॥
पाइ कपटजलु अंकुर जामा । बरदोड दल दुष फल परिनामा ॥
कोपसमाजु साजि सबु सोई । राजु करत निज कुमति बिगोई ॥
राउरनगर कोलाहलु होई । यह कुचालि कछु जान न कोई ॥

दोहा

प्रमुदित पुर नर नारि सब सजहिं सुमंगल चार ।

एक प्रविसहिं एक निर्गमहिं भीर भूपदरबार ॥

चौपाई

बालसषा सुनि हिय हरषाहीं । मिलि दस पांच रामपहिं जाहीं ॥
प्रभु आदरहिं प्रेमु पहिचानी । पूंछहिं कुसल बेम मृदुबानी ॥
फिरहिं भवन प्रिय आयेसु पाई । करत परसपर रामबड़ाई ॥
को रघुबोर सरिस संसारा । सीलु सनेहु निबाहनिहारा ॥
जेहि जेहि जोनि करमबस भ्रमहीं । तहं तहं ईसु देउ यह हमहीं ॥
सेवक हम स्वामी सियनाहू । होउ नात येह ओर निबाहू ॥
अस अभिलाषु नगर सब काहू । कैकयसुता हृदय अतिदाहू ॥
को न कुसंगति पाइ नसाई । रहइ न नीचमते चतुराई ॥

दोहा

सांभ समय सानंद नृपु गयेउ कैकईगेह ।

गवनु निठुरता निकट किये जनु धरि देह सनेह ॥

चौपाई

कोपभवन सुनि सकुचेउ राज । भयबस अगहुड परइ न पाऊ ॥
सुरपति बसइ बाहबल जाके । नरपति सकल रहहिं रुष ताके ॥
सो सुनि तियरिस गयेउ सुषाई । देषहु कामप्रताप बड़ाई ॥
सूल कुलिस असि अंगंविहारे । ते रतिनाथ सुमनसर मारे ॥
सभय नरेसु प्रिया पहि गयेऊ । देषि दसा दुषु दारुन भयेऊ ॥
भूमिसयन पटु मोट पुराना । दिये डारि तन भूषन नाना ॥
कुमतिहि कसि कुबेषता फाबी । अनअहिबातु सूच जनु भाबी ॥
जाइ निकट नृपु कह मृदुबानी । प्रानप्रिया केहि हेतु रिसानो ॥

छंद

केहि हेतु रानि रिसानि परसत पानि पतिहि नेवारई ।

मानस दोष भुअंगभामिनि विषम भांति निहारई ॥

येउ आसना दसन बर मरम ठाहरु देषई ।

तुलसी नृपति भवतव्यतावस कामकौतुक लेषई ॥

सोरठ

बार बार कह राउ सुमुषि सुलोचनि पिकवचनि ।

कारन मोहि सुनाउ गजगामिनि निज कोपकर ॥

चौपाई

अनहित तोर प्रिया केइ कीन्हा । केहि दुइसिर केहि जमुचह लीन्हा ॥
कहु केहि रंकहि करउं नरेसू । कहु केहि नृपहि निकासउं देखू ॥
सकौं तोर अरि अमरउ मारी । काह कीट बपुरे नर नारी ॥
जानसि मोर सुभाउ बरोरू । मनु तव आननचंदचकोरू ॥
प्रिया प्रान सुत सरवसु मोरें । परिजन प्रजा सकल बस तोरें ॥
जौं कहु कहउं कपटु करि तोहीं । भामिनि रामसपथ सत मोही ॥
बिहंसि मांगु मनभावति बाता । भूषन सजहि मनोहर गाता ॥
घरी कुघरी समुझि जिय देखू । बेगि प्रिया, परिहरहि कुबेष्ट ॥

दोहा

येह सुनि मन गुनि सपथ बडि बिहंसि उठी मतिमंद ।

भूषन सजति बिलोकि मृगु मनहुं किरातिनि फंद ॥

चौपाई

गुनि कह राउ सुहृद जिअ जानो । प्रेमपुलकि मृदु मंजुल बानी ॥
भामिनि भयेउ तोर मन भावा । घरघर नगर अनंद बधावा ॥
रामहि देउं कालि जुवराजू । सजहि सुलोचनि मंगलसाजू ॥
दलकि उठेउ सुनि हृदय कठोरू । जनु छुइ गयेउ पाक बरतोरू ॥
पेसिउ पीर बिहंसि तेहि गोई । चोर नारि जिमि प्रगटि न रोई ॥
लषहि न भूप कपट चतुराई । कोटिकुटिलमनि गुरू पढाई ॥
जद्यपि नीतिनिपुन नरनाह । नारिचरित जलनिधि अवगाह ॥
कपट सनेहु बढाइ बहोरी । बोली बिहंसि नयन मुहु मोरी ॥

दोहा

मांगु मांगु पै कहहु पिय कबहुं न देहु न लेहु ।

देन कहेहु बरदान दुइ तेउ पावत सदेहु ॥

चौपाई

जानेउं मरम राउ हंसि कहई । तुम्हहिं कोहाव परम प्रिय अहई ॥
 थाती राषि न मांगिहु काऊ । बिसरि गयेउ मोहिं भोर सुभाऊ ॥
 भूटेहु हमहिं दोसु जनि देह । दुइ कै चारि मांगि मकु लेह ॥
 रघुकुलरीति सदा चलि आई । प्रान जाहुं बरु बचनु न जाई ॥
 नहिं असत्य सम पातकपुंजा । गिरि सम होहि कि कोटिक गुंजा ॥
 सत्यमूल सब सुकृत सुहाये । बेदपुरानविदित मनु गाये ॥
 तेहि पर रामसपथ करि आई । सुकृत सनेहअवध रघुराई ॥
 बात दढाइ कुमति हंसि बोली । कुमतकुबिहंगकुलह । जनु षोली ॥

दोहा

भूपमनोरथ सुभगवनु सुष सुविहंगसमाजु ।
 भिक्षिनि जिमि छाडन चाहति, बचनु भयंकरु बाजु ॥

चौपाई

सुनहुं प्रानप्रिय भावत जीका । देहु एक बर भरतहि टीका ॥
 मार्गौ दूसर बर कर जोरी । पुरवहु नाथ मनोरथ मोरी ॥
 तापसवेष विसेषि उदासी । चौदह बरिस रामु बनबासी ॥
 सुनि मृदुबचन भूपहिय सोकू । ससिकर छुअत बिकल जिमि कोकू ॥
 गयेउ सहमि नहिं कछु कहि आवा । जनु सचान बन भपटेउ लावा ॥
 बिबरन भयेउ निपट नरपालू । दामिनि हनेउ मनहु तरु तालू ॥
 माथे हाथ मूँदि दोउ लोचन । तनु धरि सोचु लाग जनु सोचन ॥
 मोर मनोरथ सुतरफूला । फरत करिनि जिमि हतेउ समूला ॥
 अवध उजारि कीन्हि कैकेई । दोन्हिसि अचल बिपति कै नेई ॥

दोहा

कवनें अवसर का भयेउ गएउ । नारिबिस्वास ।
 जोग, सिद्धिफलसमयजिमि जतिहि अविद्यानास ॥

चौपाई

एहि बिधि राउ मनहिं मन मांषा । देखि कुभांतिकुमति मनु मांषा ॥
 भरनु कि राउर पूत न होई । आनेहु मोल बेसाहि कि मोही ॥

जो सुनि सरु अस लाग तुम्हारें । काहे न बोलहु बचनु संभारें ॥
 देहु उतरु अरु करहु कि नाही । सत्यसंघ तुम्ह रघुकुल माहीं ॥
 देन कहेहु अब जनि बरु देह । तजहु सत्य जग अपजसु लेह ॥
 सत्य सरादि कहेहु बरु देना । जानेहु लेइहि मांगि चबेना ॥
 सिवि दधीचि बलि जो कछु भाषा । तनु धनु तजेउ बचन पनु राषा ॥
 अति कटु बचन कति कैकेई । मानहु लोन जरे पर देई ॥

दोहा

धरमधुरं धरि धरि नयन उघारे राय ।
 सिर धुनि लीन्हि उसास असि मारेसि मोहि कुठाय ॥

चौपाई

आगें दीषि जरत रिस भारी । मनहु रोष तरवारि उघारी ॥
 मूठि कुबुद्धि धार निदुराई । धरो कूबरीं सान बनाई ॥
 लषी महीप कराल कठोरा । सत्य कि जीवनु लेइहि मोरा ॥
 बोले राउ कठिन करि छाती । बानी सबिनय तासु सोहाती ॥
 प्रिया बचन कस कहसि कुमांती । भोर प्रतीति प्रीति करि हाती ॥
 मोरें भरतु रामु दुइ आंषी । सत्य कहउं करि संकर साषी ॥
 अवसि वृतु मैं पठइब प्राता । अइहिं बेगि सुनत दोउ भ्राता ॥
 सुदिन सोधि सहु साजु सजाई । देउं भरत कहु राजु बजाई ॥

दोहा

लोभु न रामहिं राजुकर बहुत भरत पर प्रीति ।
 मैं बड छोट विचारि जिय करतं रहेउं नृपनीति ॥

चौपाई

रामसपथ सत कहउं सुभाऊ । राममातु कछु कहेउ न काऊ ॥
 मैं सबु कीन्ह तोहि विनु पूछें । तेहि ते परेउ मनोरथ छूछें ॥
 रिस पिरिहर अब मंगल सज्जु । कछु दिन गय भरत जुवराजु ॥
 एकहिं बात मोहि दुषु लागा । बर दूतर असमंजस मागा ॥
 अजहूं हृदउ जरत तेहि आंचा । रिस परिहास कि सांचेहु स चा ॥
 कहु तजि रोषु रामअपराधू । सबु कोउ कहइ रामु सुठि साधू ॥

तुहँ सराहसि करसि सनेह । अब सुनि मौंहि भयेउ संदेह ॥
जासु सुभाउ अरिहि अनुकूला । सो किमि करिहिमातुप्रतिकूला ॥

दोहा

प्रिया हास रिस परिहरहि मागु बिचारि बिबेकु ।
जैहि देखौ अब नयन भरि भरतराजअभिषेकु ॥

चौपाई

जिअइ मीन बरु चारि बिहीना । मनि बिनु फनिकु जिअ दुषदीना ॥
कहउं सुभाउ न छल मन माहीं । जीवतु मोर राम बिनु नाहीं ॥
समुझि देखु जिय प्रिया प्रवीना । जीवतु रामदरसआधीना ॥
सुनि मृदुबचन कुमति अति जरई । मनहु अनल आहुति घृत परई ॥
कहइ करहु किन कोटि उपाया । इहां न लागिहि राउरि माया ॥
देहु कि लेहु अजसु करि नाही । मौंहि न बहुत प्रपंच सोहाहीं ॥
रामु साधु तुम्ह साधु सयानैं । राममातु भलि सब पहिचानैं ॥
जस कौसिला मोर भल ताका । तस फलु उन्हहि देउं करि साको ॥

दोहा

होत प्रातु मुनिबेष धरि जाँ न रामु बन जाहि ।
मोर मरनु राउरअजसु नृप समुझिय मन माहि ॥

चौपाई

अस कहि कुटिल भई उठि ठाढी । मानहु रोषतरंगिनि बाढी ॥
पापपहार प्रगट भइ सोई । भरी क्रोधजल जाइ न जोई ॥
दोउ बरकूल कठिन हठ धारा । भवरं कूबरीं बचन प्रचारा ॥
ढाहत भूपरूप तरुमूला । चली बिपतिबारिधि अनुकूला ॥
लषी नरेस बात फुरि सांची । तिय मिस मीचु सीस पर नांची ॥
गहि पद बिनय कीन्ह बैठारी । जनि दिनकरकुल होसि कुठारी ॥
मांगु माथ अबहीं देउं तोहीं । रामबिरह जनि मारसि मोही ॥
राखु राम कहुं जेहि तेहि भांती । नाहिंत जरिहि जनम भरि छाती ॥

दोहा

देखी व्याधि असाधि नृप परेउ धरनि धुनि माथ ।

कहत परम आरनबचन राम राम रघुनाथ ॥

चौपाई

ब्याकुल राउ सिथिल सब गाता । करिनि कलपतरु मनहु निपाता ॥
कंडु सूष मुष आव न बानी । जनु पाठीनु दीनु बिनु पानी ॥
पुनि कह कटु कठोर कैकेई । मनहुं घाय महुं माहुरु देई ॥
जौ अंतहु अस करतबु रहेऊ । मांगु मांगु तुम्ह केहि बल कहेऊ ॥
दुई कि होइ एक समय भुआला । हंसव ठठाइ फुलाउब गाला ॥
दानि कहाउब अरु कृपनाई । होइ कि धेम कुसल रौताई ॥
छांडहु बचनु कि धीरजु धरहु । जनि अबला जिमि करुना करहु ॥
तनु तिय तनय धामु धनु धरनी । सत्यसंध कहुं तन सम वरनी ॥

दोहा

मरम बचन सुनिराउ कह कहु कछु दोषु न तोर ।

लागेउ तोहि पिसाच जिमि कालु कहावत मोर ॥

चौपाई

चहत न भरत भूपतहि भोरें । बिधिबस कुमति बसी जिय तोरे ॥
सो सबु मोर पापपरिनामू । भयेउ कुठाहर जेहि बिधि बामू ॥
सुबस बसिहि फिरि अवध सुहाई । सब गुनधाम रामप्रभुताई ॥
करिहहि भाइ सकल सेवकाई । होइहि तिहुं पुर रामबडाई ॥
तोर कलंकु मोर पछिनाऊ । मुयेहु न मिटिहि न जाइहि काऊ ॥
अब तोहि नीक लाग करु सोई । लोचन ओट बैठु मुहु गोई ॥
जब लगि जिअउं कहउं कर जोरी । तबलोग जनि कछु कहेसि बहोरी ॥
फिरि पछितैहसि अंत अभागी । मारसि गाइ नहारु लागी ॥

दोहा

परेउ राउ कहि कोटि विधि काहे करसि निदान ।

कपट सयानि न कहति कछु जागति मनहुं मसानु ॥

चौपाई

राम राम रट विकल भुआलू । जनु विनु पंष बिहंग बेहालू ॥
हृदय मनाव भोरु जनि होई । रामहि जाइ कहइ जनि कोई ॥

उदउ करहु जनि रबि रघुकुलगुर । अवध बिलोकि सूल होइहि उर ॥
 भूप्रीति कैकइ कठिनाई । उभय अवधि बिधि रची बनाई ॥
 बिजपत नृपहि भयेउ भिनुसारा । बीना बेनु संघ धुनि द्वारा ॥
 पढ़हि भाट गुन गावहि गायक । सुनत नृपहि जनु लागहि सायक ॥
 मंगल सकल सोहाहि न कैसैं । सङ्गामिनिहि बिभूषन जैसैं ॥
 तेहि निसि नींद परी नहि काहु । रामदरस लालसा उछाह ॥

दोहा

द्वार भीर सेवक सचिव कहहि उदित रबि देखि ।
 जागेउ अजहुं न अवधपति कारनु कवनु बिसेषि ॥

चौपाई

पछिले पहर भूपु नित जागा । आजु हमहि बड अचरजु लागा ॥
 जाहु सुमंत्र जगावहु जाई । कीजिअ काजु रजायसु पाई ॥
 गये सुमंत्रु तब राउर पाहीं । देखि भयावन जात डेराही ॥
 धाइ षाइ जनु जाइ न हेरा । मानहुं बिपति बिषाद बसेरा ॥
 पूछे कोउ न ऊतर देई । गय जेहि भवन भूप कैकेई ॥
 कहि जय जीव बैठ सिर नाई । देखि भूपगति गयेउ सुषाई ॥
 सोच बिकल बिबरन महि परेऊ । मानहुं कमल मूलु परिहरेऊ ॥
 सचिव समीत सकै नहि पूछी । बोली असुभमरी सुभखूंछी ॥

दोहा

परी न राजहिं नींद निसि हेतु जान जगदीसु ।
 रामु रामु रटि भोरु किय कहहिं न मरमु महीसु ॥

चौपाई

आनहुं रामहि बेगि बुलाई । समाचार तब पूछेहु आई ॥
 चलेउ सुमंत्र रायरुष जानी । लषी कुचालि कीन्हि कछु रानी ॥
 सोच बिकल मग परइ न पाऊ । रामहि बोलि कहिहिं का राऊ ॥
 डर घरि धीरजु गयउ दुआरें । पूछिहिं सकल देखि मनु मारें ॥
 समाधानु करि सो सबहीका । गयेउ जहां दिनकरकुलटीका ॥
 राम सुमंत्रहि आवत देखा । आदर कीन्हि पिता सम लेखा ॥

निरषि बदन कहि भूपरजाई । रघुकुलदीपहिं चलेउ लेवाई ॥
रामु कुभांति सचिव संग जाहीं । देषि लोग जहं तहं बिलषाहीं ॥

दोहा

जाइ दीष रघुवंशमनि नरपति निगट कुसाजु ।
सइमि परेउ लषि सिंघि नहि मनहुं वृद्ध गजराजु ॥

चौपाई

सूषहिं अवर जइं सब अंगू । मनहुं दोन मनिहीन भुअंगू ॥
सरुष समीप दीषि कैकेई । मानहुं मीचु घरी मनि लेई ॥
करुनामय मृदु रामसुभाऊ । प्रथम दीष दुष सुना न काऊ ॥
तदधि धीर धरि समउ विचारी । पूछो मधुर बचन महतारी ॥
मोहि कहु मातु तातदुष कारन । करिअ जतन जेहि होइ निवारन ॥
सुनहु राम सब कारनु पढ़ । राजहिं तुम्ह पर बहुत सनेह ॥
देन कहेन्हि मोहि दुइ बरदाना । मांगेउं जो कछु मोहि सोहाना ॥
सो सुनि भयउ भूपउर सोचू । छाडि न सकहिं तुम्हार संकोचू ॥

दोहा

सुतसनेहु इत बचनु उत संकट परेउ नरेसु ।
सकहु त आयसु धरहु सिर मेटहु कठिन कलेसु ॥

चौपाई

निधरक बैठि कहै कहु बानी । सुनत कठिनता अति अकुलानी ॥
जीम कमान बचन सर नाना । मनहुं महिप मृदु लख्खु समाना ॥
जनु कठोरपनु धरै सरीख । सिषइ धनुषविद्या बर बीख ॥
सबु प्रसंगु रघुपतिहि सुनाई । बैठि मनहुं तनु धरि निठुराई ॥
मन मुसुकाइ भातुकुलभानू । राम सहज आनंदनिधानू ॥
बोले बचन बिगतसब दुषन । मृदु मंजुल जनु बागविभूषन ॥
सुनु जननी सोइ सुनु बडभागी । जो पितु मातु बचन अनुरागी ॥
तनय मातु पितु तोषनिहार । दुर्लभ जननि सकत संसार ॥

दोहा

मुनिगनमिलनु बिसेषि बन सबहि भांति हित मोर ।

तेहि महं पितुआयसु बहुरि संमत जननी तोर ॥

चौपाई

भरतु प्रानप्रिय पावहिं राजू । बिधि सबबिधि मोहिं सनमुख आजू ॥
जौ न जाउं बन अैसेहु काजा । प्रथम गनिय मोहि मूढसमाजा ॥
सेवहिं अरंडु कलपतरु त्यागी । परिहरि अमृत लेहिं बिषु मांगी ॥
तेउ न पाइअ समउ चुकाहीं । देषु बिचारि मातु मन माहीं ॥
अंब एक दुषु मोहि बिसेषी । निपट बिकल नरनायकु देषी ॥
थोरिहि बात पितहि दुष भारी । होति प्रतीति न मोहि महतारी ॥
राउ धीरु गुनउदधि अगाधू । भा मोहि तैं कछु बड अपराधू ॥
जातैं मोहि न कहत कछु राजू । मोरि सपथ तोहि कहु सतिभाऊ ॥

दोहा

सहज सरल रघुबरबचन कुमति कुटिल करि जान ।

चलइ जौक जल बक्रगति जद्यपि सलिलु समान ॥

चौपाई

रहसी रानि रामरुष पाई । बोली कपटसनेहु जनार्ई ॥
सपथ तुम्हार भरत कै आना । हेतु न दूसर मै कछु जाना ॥
तुम्ह अपराधजोगु नहिं ताता । जननी जनक बंधु सुषदाता ॥
राम सत्य सबु जो कछु कहइ । तुम्ह पितु मातुबचनरत अहइ ॥
पितहिं बुझाइ कहहु बलि सोई । चौथेपन जैंहि अजसु न होई ॥
तुम्ह सम सुअन सुकृत जैंहि दीन्हे । उचित न तासु निरादर कीन्हे ॥
लागहिं कुमुष बचन सुभ कैसे । मगह गयादिक तीरथ जैसे ॥
रामहिं मातुबचन सब भाए । जिमि सुरसरिगत सलिल सुहाए ॥

दोहा

गइ मुखड़ा रामहिं सुमिरि नृप फिरि करबट लीन्ह ।

सचिव रामआगमन कहि बिनय समयसम कीन्ह ॥

चौपाई

अवनिप अकनि रामु पगु धारे । धरि धीरजु तब नयन उधारे ॥
सचिव संभारि राउ बैठारे । चरन परत नृपु रामु निहारे ॥

लिए सनेहबिकल उर लाई । गै मनि मनहुं फनिक फिरि पाई ॥
 रामहिं चितइ रहेउ नरनाहू । चला बिलोचनबारिप्रवाहू ॥
 सोकबिबस कछु कहइ न पारा । हृदयं लगावत बारहिं बारा ॥
 बिधिहि मनाव राउ मन माहीं । जँहि रघुनाथ न कानन जाहीं ॥
 सुमिरि महेसहि कहइ निहोरी । बिनती सुनहुं सदासिव मोरी ॥
 आसुतोष तुम्ह अवढर दानी । आरति हरहु दीन जनु जानी ॥

दोहा

तुम्ह प्रेरक सब के हृदयं सो मति रामहिं देहु ।
 बचन मोर तजि रहहिं घर परिहरि सीलु सनेहु । १

चौपाई

अजस होउ जग सुजसु नसाऊं । नरक परौ बरु सुरपुर । जाऊं ॥
 सब दुष दुसइ सहावउ मोहीं । लोचनओट रामु जनि होहीं ॥
 अस मन गुनइ राउ नहिं बोला । पीपर पात सरिस मनु डोला ॥
 रघुपति पितहि प्रेम बस जानी । पुनि कछु कहिहि मातु अनुमानी ॥
 देस काल अवसर अनुसारी । बोले बचन बिनीत बिचारी ॥
 तात कहौ कछु करौ ढिठाई । अनुचित छुमब जानि लरिकाई ॥
 अति लघु बात लागि दुष पावा । काहु न मोहि कहि प्रथम जनावा ॥
 देषि गोसाइहिं पूंछिउ माता । सुनि प्रसंगु भये सीतल गाता ॥

दोहा

मंगलसमय सनेह बस सोच परिहरिअ तात ।
 आयेसु देइअ हरषि हिय कहि पुलके प्रभुगात ॥

चौपाई

धन्य जनमु जगतीतलतासू । पितहि प्रमोदु चरित सुनि जासू ॥
 चारि पदारथ करतल ताकैं । प्रिय पितु मातु प्रानसम जाकैं ॥
 आयेसु पालि जनमफल पाई । अँहउं बेगिहि होउ रजाई ॥
 बिदा मातु सन आवौ मांगी । चलिहौ बनहिं बहुरि पग लागी ॥
 अस कहि रामु गवनु तब कीन्हा । भूप सोकबस उतर न दीन्हा ॥
 नगर व्यापि गइ बात सुतीछी । लुवत चढी जनु सब तन बीछी ॥

सुनि भये बिकल सकल नर नारी । बेलि बिटप जिमि देखि दवारी ॥
जो जहं सुनइ धुनइ सिरु सोई । बड बिषाद नहिं धीरजु होई ॥

दोहा

सुष सुषाहिं लोचन श्रवहिं सोकु न हृदयं समाइ ।
मनहुं करनरसकटकई उतरी अवध बजाइ ॥

चौपाई

मिलेहि मांझ विधि बात बिगारी । जहं तहं देखि कैकइहि गारी ॥
एहि पापनिहि बूझि का परेऊ । छाइ भवन पर पावकु धरेऊ ॥
निजकर नयन काढि चह दीषा । डारि सुधा बिषु चाहत चीषा ॥
कुटिल कठोर कुबुद्धि अभागी । भइ रघुवंशबेनुवन आगी ॥
पालव बैठि पेडु येहि काटा । सुष महु सोक ठाटु धरि ठाटा ॥
सदा रामु येहि प्रान समाना । कारन कवन कुटिलपनु ठाना ॥
सत्य कहहिं कवि नारिसुभाऊ । सब विधि अगहु अगाध दुराऊ ॥
निज प्रतिबिंबु बरकु । गहि जाई । जानि न जाइ नारिगति भाई ॥

दोहा

काह न पावकु जारि सक का न समुद्र समाइ ।
का न करइ अबला प्रबल केहि जग कालु न षाइ ॥

चौपाई

का सुनाइ विधि काह सुनावा । का देषाइ चह काह देषावा ॥
एक कहहिं भल भूप न कीन्हा । बरु बिचारि नहिं कुमतिहि दीन्हा ॥
जो इठि भयेउ सकल दुषभाजनु । अबलाबिबस ग्यानु गुनु गा जनु ॥
एक धरमपरमिति पहिचानै । नृपहि दोसु नहिं देखि सथानै ॥
सिविदधीच हरिचंद कहानी । एक एक सन कहहिं बषानी ॥
एक भरत कर संमत कहहीं । एक उदासभाय सुनि रहहीं ॥
कान मूँदि कर रद गहि जीहा । एक कहहिं यह बात अलीहा ॥
सुकुत जाहिं अस कहत तुम्हारै । राम भरत कहुं प्रान पियारै ॥

दोहा

चंदु चवइ बरु अनलकन सुधा होइ बिषतूल ।

सपनेहुं कबहुं न करहिं किछु भरतु रामप्रतिकूल ॥

चौपाई

एक बिधातहि दूषन देहीं। सुधा देषाइ दीन्ह बिषु जेहीं ॥
 परमरु नगर सोचु सब काहु। दुसह दाहु उर मिटा उछाहु ॥
 बिप्रवधू कुलमान्य जठेरी। जे प्रिय परम कैकई केरी ॥
 लगीं देन सिष सीलु सराही। बचन बान सम लागहिं ताही ॥
 भरतु न मोहिं प्रिय राम समाना। सदा कहहु येहुं सबु जगुजाना ॥
 करहु राम पर सहज सनेहु। केहि अपराध आहु बनु देहु ॥
 कबहुं न किएहु सवतिआरेसू। प्रीति प्रतीति जान सबु देसू ॥
 कौसल्या अब काह बिगारा। तुम्ह जेहि लागि बज्र पुर पारा ॥

दोहा

सीय कि पिय संगु परिहरिहि लषनु कि रहिहहि धाम ।
 राजु कि भूंजब भरत पुर नृपु कि जिइहि बिनु राम ॥

चौपाई

अस बिचारि उर छाडहु कोइ। सोककलंककोटि जनि होइ ॥
 भरतहि अवसि देहु जुवराजू। कानन कह राम कर काजू ॥
 नाहिन रामु राजके भूषे। धरमधुरीन विषयरस रूपे ॥
 गुरुगृह बसहुं रामु तजि गेइ। नृपसन अस बर दूसर लेइ ॥
 जौ नहिं लगिहहु कहैं हमारें। नहिं लागिहि कछु हाथ तुम्हारें ॥
 जौ परिहास कीन्हि कछु होई। तौ कहि प्रगट जनावहु सोई ॥
 रामसरिस सुत काननजोगू। काह कहिहि सुनि तुम्ह कहुं लोगू ॥
 उठहु बेगि सोई करहु उपाई। जेहि बिधि सोकु कलंकु नसाई ॥

छंद

जेहि भांति सोकु कलंकु जाइ उपाय करि कुल पालही ।
 हठि फेरु रामहिं जात बन जनि बात दूसरि चालही ॥
 जिमि भातु बिनु दिनु प्रान बिनु तनु चंदु बिनु जिमि जामिनी ।
 तिमि अवध तुलसीदासप्रभु बिनु समझि धौं जिय भामिनी ॥

सौरठा

सषिन्ह सिषावनु दीन्ह सुनत मधुर परिनामहित ।

तेइ कछु कान न कीन्ह कुटिल प्रबोधी कूबरी ॥

चौपाई

उतर न देइ दुसह रिस रूषी । मृगिन्ह चितव जनु बाधिनि भूषी ॥
 व्याधि असाधि जानि तिन्ह त्यागी । चली कहत मतिमंद अभागी ॥
 राजु करत येह देंअ बिगोई । कीन्हेसि अस जस करइ न कोई ॥
 एहिबिधि बिलपहिं पुरनरनारी । देहिं कुचालिहिं कोटिक गारी ॥
 जरहिं बिषमजर लेहिं उसासा । कवनि राम बिनुजीवन आसा ॥
 बिपुल बियोग प्रजा अकुलानी । जनु जलचरगन सूषत पानी ॥
 अति विषाद बस लोग लोगार्इ । गये मातुपहिं रामु गोसांई ॥
 मुषुप्रसंन चित चौगुन चाऊ । मिटा सोखु जनि राषइ राऊ ॥

दोहा

नव गयंदु रघुबीरमनु राजु अलान समान ।

छूट जानि बनगवनु सुनि उर अनंदु अधिकान ॥

चौपाई

रघुकुलतिलक जोरि दोउ हाथा । मुदित मातुपद नायेउ माथा ॥
 दीन्ह असीस लाइ उरलीन्हे । भूषनबसन निछावरि कीन्हे ॥
 बारबार मुष चुंबति माना । नयननेह जलु पुलकित गाता ॥
 गोद राषि पुनि हृदय लगाये । श्रवत प्रेमरस पयद सुहाए ॥
 प्रेमप्रमोदु न कछु कहि जाई । रंक धनदपदवी जनु पाई ॥
 सादर सुंदरबदनु निहारी । बोली मधुरबचन महतारी ॥
 कहहु तात जननी बलिहारी । कबहिं लगन मुदमंगलकारी ॥
 सुरुत सील सुषसीव सुहाई । जनमलाभ कह अवधि अघाई ॥

दोहा

जेहि चाहत नरनारि सब अति आरत एहि भांति ।

जिमि चातक चातकि त्रिषित वृष्टि सरदरितुखाति ॥

चौपाई

तात जाउं बलि बेगि नहाहू । जो मनभाव मधुर कछु षाहू ॥
 पितुसमीप तब जायेहु मैआ । भइ बडि बार जाइ बलि मैआ ॥
 मातुबचन सुनि अतिअनुकूला । जनु सनेहसुरतरु के फूला ॥
 सुषमकरंद भरे श्रियमूला । निरषि राममनभवंध न भूला ॥
 धरमधुरीन धरमगति जानी । कहेउ मातु सन अनि मृदु बानी ॥
 पिता दीन्ह मोहि काननराजू । जहं सब भांति मोर बड काजू ॥
 आयेसु देहि मुदितमन माता । जैहि मुदमंगल कानन जाता ॥
 जनि सनेह बस डरपसि भोरें । आनंदु अंब अनुग्रह तोरें ॥

दोहा

बरष चारिदस विपिन बसि करि पितुबचन प्रमान ।
 आइ पाय पुनि देषिहौं मन जनि करसि मलान ॥

चौपाई

बचन बिनीत मधुर रघुबर के । सर सम लगे मातुउर करके ॥
 सहमि सूषि सुनि सीतलि बानी । जिमि जवास परे पावस पानी ॥
 कहि न जोइ कछु हृदय बिषादू । मनहुं मृगी सुनि केहरिनादू ॥
 नयन सजल तन थरथर कांपी । मांजहि षाइ मीन जनु मांपी ॥
 धरि धीरजु सुतबदनु निहारी । गदगद बचन कहति महतारी ॥
 तात पितहि तुम्ह प्रानपियारे । देषि मुदित नित चरित तुम्हारे ॥
 राजु देन कहूं सुभ दिन साधा । कहेउ जांन बन केहि अपराधा ॥
 तात सुनावहु मोहि निदानू । को दिनकरकुल भयउ कृसानू ॥

दोहा

निरषि रामरुष सचिवसुत कारन कहेउ बुझाइ ।
 सुनि प्रसंगु रहि मूक जिमि दसा बरनि नहिं जाइ ॥

चौपाई

राषि न सकइ न कहि सक जाहू । दुहं भांति उर दारुन दाहू ॥
 लिषत सुधाकर गा लिषि राहू । बिधिगति बाम सदा सब काहू ॥
 धरम सनेह उभय मति घेरी । भइ गति सांप छुछुंदरि केरी ॥

राषौ सुतहि करौ अनुरोधू । धरमु जाइ अरु बंधु बिरोधू ॥
 कहौ जान बन तौ बडि हानी । संकट सोच बिबस भइ रानी ॥
 बहुरि समुझि तियधरमु सयानी । रामु भरतु दोउ सुत समजानी ॥
 सरल सुभाउ राममहतारी । बोली बचन धीरधरि भारी ॥
 तात जाउँ बलि कीन्हेउ नीका । पितु आयेसु सब धरम क टीका ॥

दोहा

राजुदेन कहि दीन्ह बनु मोहि न सो दुषलेसु ।
 तुम्ह बिन भरतहि भूपतहि प्रजहि प्रचड कलेसु ॥

चौपाई

जौ केवल पितुआयेसु ताता । तौ जनि जाहु जानि वडि माता ॥
 जौ पितु मातु कहेउ बन जाना । तौ कानन सत अवध समाना ॥
 पितु बनदेव मातु बनदेवी । षग मृग चरनसरोरुहसेवी ॥
 अंतहुं उचित नृपहि बनबासू । बय बिलोकि हियं होइ हरांसू ॥
 बडभागी बनु अवध अभागी । जो रघुवंशतिलक तुम्ह त्यागी ॥
 जौ सुत कहौ संग मोहि लेहू । तुम्हरें हृदय होइ संदेहू ॥
 पूत परमप्रिय तुम्ह सबही के । प्रान प्रान के जीवन जीके ॥
 ते तुम्ह कहहु मातु बन जाऊं । मै सुनि बचन बैठि पछिताऊं ॥

दोहा

एह बिचारि नहिं करउं हठ भूठ सनेहु बढाइ ।
 मानि मातु कर नांत बलि सुरति बिसरि जनि जाइ ॥

चौपाई

देव पितर सब तुम्हहिं गोसाईं । राषहु पलकनयन की नाई ॥
 अवधि अंबु प्रिय परिजन मीना । तुम्ह करुनाकर धरमधुरीना ॥
 अस बिचारि सोइ करहु उपाई । सबहि जिअत जैहि भेंटहु आई ॥
 जाहु सुषेन बनहिं बलि जाऊं । करि अनाथ जन परिजन गाऊं ॥
 सबकर आज सुकलफल बीता । भयेउ करालु कालु बिपरीता ॥
 बहु बिधि बिलपि चरन लपटानी । परम अभागिनि आपुहि जानी ॥
 दारुन दुसह दाहु उर व्यापा । बरनि न जाहिं विलापकलापा ॥

राम उठाइ मातु उर लाई । कहि मृदुवचन बहुरि समझाई ॥

दोहा

समाचार तेहि समय सुनि सीय उठी अकुलाइ ।

जाइ सासुपद कमलजुग बदि बैठि सिरु नाइ ॥

चौपाई

दीन्ह असीस सासु मृदुबानी । अति सुकुमारि देषि अकुलानी ॥
बैठि नमित मुष सोचति सीता । रूपरासि पतिप्रेमपुनीता ॥
चलन चहत बन जीवननाथू । केहि सुकृती सन होइहि साथू ॥
की तनु प्रान कि केवल प्राना । विधिकरतबु बखु जाइ न जाना ॥
चारु चरननष लेषति धरनी । नूपुर मुषर मधुर कबि बरनी ॥
मनहुं प्रेमबस बिनती करहीं । हमहिं सोयपद जनि परिहरही ॥
मंजु बिलोचन मोचति बारी । बोली देषि राममहतारी ॥
तात सुनहुं सिय अति सुकुमारी । सासु ससुर परिजनहि पियारी ॥

दोहा

पिता जनक भूपालमनि ससुर भानुकुलभानु ।

पति रविकुल कैरव बिपनबिधु गुनरूपनिधानु ॥

चौपाई

मैं पुनि पुत्रबधू प्रिय पाई । रूपरासि गुनसील सुहाई ॥
नयनपुतरि करि प्रीति बढाई । राखेउं प्रान जानकिहिं लाई ॥
कलपबेलि जिमि बहु विधि लाली । सीचि संनेहसलिल प्रतिपाली ॥
फूलत फलत भयेउ विधि बामा । जानि न जाइ काह परिनामा ॥
पलंगपाँठ तजि गोद हिंडोरा । सिय न दीन्ह पगु अवनि कठोरा ॥
जिअनमूरि जिमि जोगवत रहऊं । दीपबाति नहि टारन कहऊं ॥
सोइ सिय चलन चहति बन साथा । आयेसु काह होइ रघुनाथा ॥
चंदकिरन रस रसिक चकोरी । रविरुष नयन सकै किमि जोरी ॥

दोहा

करि केहरि निसिचर चरहिं दुष्ट जंतु बन भूरि ।

बिषबाटिका कि सोइ सुत सुभग सजीवनिमूरि ॥

चौपाई

बनहित कोल किरातकिसोरी । रची विरंभि विषय सुष भोरी ॥
 पाहन कृमि जिमि कठिन सुभाऊ । तिन्हहिं कलेसु न कानन काऊ ॥
 कै तापसतिय काननजोगू । जिन्ह तपहेतु तजा सब भोगू ॥
 सिय बनबसिहि तात केहि भांती । वित्रलिषित कपि देषि डेराती ॥
 सुरसर सुभग बनजबन चारी । डाबर जोगु कि हंसकुमारी ॥
 अस बिचारि । जस आयेसु होई । मैं सिष देउं जानकिहि सोई ॥
 जौ सिय भजन रहइ कह अंबा । मोहि कहं होइ बहुत अवलंबा ॥
 सुनि रघुबीर मातुप्रियबानी । सील सनेह सुधाजनु सानी ॥

दोहा

कहि प्रियवचन बिबेकमय कीन्ह मातुपरितोष ।
 लगे प्रबोधन जानकिहि प्रगटि बिपिन गुनदोष ॥

चौपाई

मातुसमीप कहत सकुचाहीं । बोले समउ समुझि मन माहीं ॥
 राजकुमारि सिषावनु सुनहुं । आन भांति जियं जनि कहु गुनहुं ॥
 आपन मोर नीक जौ चहइ । बचनु हमार मानि गृह रहइ ॥
 आयसु मोर सासुसेवकाई । सब विधि भामिनि भवन भलाई ॥
 एहिते अधिकु धरमु नहि दूजा । सादर सासुससुरपद पूजा ॥
 जब जब मातु करिहि सुधि मोरी । होइहि प्रेमबिकल मति भोरी ॥
 तब तब तुम्ह कहि कथा पुरानी । सुंदरि समुझायेहु मृदु बानी ॥
 कहाँ सुभाय सपथ सत मोही । सुमुषि मातुहित राषौ तोही ॥

दोहा

गुरुश्रुतिसंमत धरमफलु पाइअ बिनहिं कलेस ।
 हठबस सब संकट सहे गालव नहुष नरेस ॥

चौपाई

मैं पुनि करि प्रवान पितुबानी । बेगि फिरब सुनु सुमुषि सयानी ॥
 दिवस जात नहिं लागिहि बारा । सुंदरि सिषवनु सुनहुं हमारा ॥
 जौ हठ करहु प्रेमबस बामा । तौ तुम्ह दुषु पाउब परिनामा ॥

कौननु कठिन भयंकरु भारी। घोर घामु हिम बारि बयारी ॥
 कुस कंटक मग कांकर नाना। चलब पयादेहि बिनु पदवाना ॥
 चरनकमल मृदु मंजु तुम्हारे। मारग अगम भूमिधर भारे ॥
 कंदर षोह नदी नद नारे। अगम अगाव न जाहि निहारे ॥
 भालु बाघ बृक केहरि नागा। करहि नाद सुनि धीरजु भागा ॥

दोहा

भूमिसयन बलकलबसन असनु कंद फल मूल।
 ते कि सदा सब दिन मिलहि सबहु समय अनुकूल ॥

चौपाई

नरअहार रजनीचर चरही। कपटवेष बिधि कोटिक करही ॥
 लागइ अति पहार कर पानी। बिपिन बिपति नहि जाइ बगानी ॥
 ब्याल कराल बिहंग बन घोरा। निसिचरनिकर नारिनरचोरा ॥
 डरपहि धीर गहन सुधि आपं। मृगलोचनि तुम्ह भीरु सुभापं ॥
 हंसगवनि तुम्ह नहि बनजोगू। सुनि अपजसु मोहि देखि लोगू ॥
 मानससलिलसुधा प्रतिपाली। जिअइ कि लवनपयोधि मराली ॥
 नवरसालबन बिहरनसीला। सोह कि कोकिल बिपिन करीला ॥
 रहहु भवन अस हृदय बिचारी। चढ़बदनि दुषु कानन भारी ॥

दोहा

सहज सुहृद गुर स्वामि सिष जो न करइ सिर मानि।
 सो पछिताइ अघाइ उर अवसि होइ हितहानि ॥

चौपाई

सुनि मृदुबचन मनोहर पिअके। लोचन ललित भरे जल सियके ॥
 सीतल सिष दाहक भइ कैसैं। चकइहि सरदचनिसि जैसैं ॥
 उतरु न आव बिकल बैदेही। तजन चहत सुचि स्वामि सनेही ॥
 बरबस रोकि बिलोचनबारी। धरि धीरजु उर अवनिकुमारी ॥
 लागि सासुपग कह कर जोरी। लुमबि देवि बडि अबिनय मोरी ॥
 दीन्हि प्रानति मो हे सिष साई। जेहि बिधि मोर परम हित होई ॥
 मैं पुनि समुझि दीषि मन माहीं। पियवियोग सम दुषु जग नाही ॥

दोहा

प्राननाथ करुनायतन सुंदर सुषद सुजान ।
तुम्ह बिनु रघुकुलकुमुदबिधु सुरपुर नरक समान ॥

चौपाई

मातु पिता भगिनी प्रिय भाई । प्रिय परिवार सुहृदसमुदाई ॥
सासु ससुर गुर सजन सहाई । सुत सुंदर सुसील सुषदाई ॥
जहं लागि नाथ नेह अरु नातैं । पियबिनु तियहि तरनिहुं ते ताते ॥
तनु धनु धामु धरनि पुरराजू । पतिबिहीन सबु सोरु समाजू ॥
भोग रोग सम भूषन भारू । जम जातना सरिस संसारू ॥
प्राननाथ तुम्ह बिनु जग माही । मोकहुं सुषद कतहुं कछु नाहीं ॥
जिय बिनु देह नदी बिनु बारी । तैसिअ नाथ पुरषबिनु नारी ॥
नाथ सकल सुष साथ तुम्हारैं । सरदबिमलबिधु बदनु निहारैं ॥

दोहा

षग मृग परिजन नगरु बनु बलकल विमल दुकूल ।
नाथसाथ सुरसदन सम परनसाल सुषमूल ॥

चौपाई

बनदेवी बनदेव उदारा । करिहहिं सासु ससुर समसारा ॥
कुस किसलय साथरी सुहाई । प्रभुसंग मंजु मनोज तुराई ॥
कंद मूल फल अमिअ अहारू । अवधसौंध सत सरिस पहारू ॥
छिनु छिनु प्रभुपदकमल बिलोकी । रहिहौं मुदित दिवसि जिमि कोकी ॥
बन दुष नाथ कहे बहुतेरे । भय बिषाद परिताप घनेरे ॥
प्रभुवियोग लव लेख समाना । सब मिलि होहि न कृपानिधाना ॥
अस जिय जानि सुजानसिरोमनि । लेइअ संग मोहि । छुडिअ जनि ॥
बिनती बहुत करौ का स्वामी । करुनामय उरअंतरजामी ॥

दोहा

राषिअ अवध जौ अवधि लागि रहत न जानिअ प्रान ।
दीनबंधु सुंदर सुषद सोलसनेहनिधान ॥

चौपाई

मोहि मग चलत न होइहि हारी । छिनुछिनु चरनसरोज निहारी ॥
 सबहि भांति पियसेवा करिहौं । मारगजनिन सकल श्रम हरिहौं ॥
 पाय पवारि बैठि तरु छाहीं । करिहौं बाउ मुदित मन माहीं ॥
 श्रमकनसहित स्यामतनु देखैं । कहं दुष समउ प्रानपति पेखैं ॥
 सम महि तृन तरुपल्लव डासी । पाय पलोटिहि सब निसि दासी ॥
 बारबार मृदु मूरति जोही । लागिहि ताति बयारि न मोही ॥
 को प्रभु संग मोहि चितवनिहारा । सिंघबधुहिं जिमि ससक सियारा ॥
 मैं सुकुमारि नाथ बनजोगू । तुम्हहिं उचित तप मो कहूं भोगू ॥

दोहा

अैसेउ बचन कठोर सुनि जौं न हृदय बिलगान ।
 तौ प्रभु विषम बियोगदुख सहिहहिं पावँर प्रान ॥

चौपाई

अन कहि सीय विकल भइ भारी । बचन बियोगु न सकी संभारी ॥
 देषि दसा रघुपति जिय जाना । हठि राषे नहिं राषिहि प्राना ॥
 कहेउ कृपाल भानुकुलनाथा । परिहरि सोचु चलहु बन साथा ॥
 नहिं विषाद कर अवसरु आजू । बेगि कगहु बनगवन समाजू ॥
 कहि प्रिय बचन प्रिया समुझाई । लगे मानुपद आसिष पाई ॥
 बेगि प्रजादुष मेटव आई । जननी निठुर बिसरि जनि जाई ॥
 फिरिहि दसा बिधि बहुरि कि मोरी । देखिहौं नयन मनोहर जोरी ॥
 सुदिनु सुधरी तात कब होइहि । जननी जिअन बदनबिधु जोइहि ॥

दोहा

बहुरि बछ कहि लालु कहि रघुपति रघुवर तात ।
 कबहिं बोलाइ लगाइ हियं हरषि निरषिहौं गात ॥

चौपाई

लषि सनेहकातरि महतारी । बचनु न आव विकल भइ भारी ॥
 राम प्रबोधु कीन्ह बिधि नाना । समउ सनेहु न जाइ बषाना ॥
 तब जानकी सासुपग लागी । सुनिय माय मैं परम अभागी ॥

सेवासमय दैअ बनु दीन्हा । मोर मनोरथ सफल न कीन्हा ॥
 तजब छोभु जनि छाडिअ छोहू । करमु कठिन कछु दोसु न मोहू ॥
 सुनि सियबचन सासु अकुनानी । दसा कवनि बिधि कहौ बषानी ॥
 बारहिं बार लाइ उर लीन्ही । धरि धीरजु सिष आसिष दीन्ही ॥
 अचल होउ अहिवातु तुम्हार । जब लगि गंग जमुन जलधारा ॥

दोहा

सीतहिं सासु असीस सिष दीन्ह अनेक प्रकार ।
 चली नाइ पदपदुम सिरु अतिहित बारहिं बार ॥

चौपाई

समाचार जब लछिमन पाये । ब्याकुल बिलषि बदन उठि धाये ॥
 कंप पुलक तन नयन सनीरा । गहे चरन अतिप्रेम अधीरा ॥
 कहि न सकत कछु चितवत ठाढे । मीनु दीनु जनु जलतैं काढे ॥
 सोछु हृदय बिधि का होनिहारा । सब सुषु सुरुनु सिरान हमोरा ॥
 मो कहुं कांह कहव रघुनाथा । रषिहहिं भवन कि लेहहिं साथा ॥
 राम बिलोकि बंधु कर जोरैं । देह गेह सब सन तनु तोरे ॥
 बोले बचनु राम नयनागर । सील सनेह सरल सुषसागर ॥
 तात प्रेमबस जनि कदराहू । समुकिं हृदयं परिनाम उछाहू ॥

दोहा

मातु पिता गुरु स्वामि सिष सिर धरि करहिं सुभायं ।
 लहेउ लाभु तिन्हं जनम कर न तरु जनमु जग जायं ॥

चौपाई

अस जियं जानि सुनहु सिष भाई । करहु मातुपितुपद सेवकाई ॥
 भवन भरतु रिपुसूदन नाहीं । राउ वृद्ध मम दुष मन माहीं ॥
 मै बन जाउ तुम्हहिं लेइ साथा । होइ सबहि बिधि अवध अनाथा ॥
 गुरु पितु मातु प्रजा परिवारू । सब कहुं परइ दुसइ दुषमारू ॥
 रहहु करहु सबकर परितोषू । न तरु तात होइहि बड दोषू ॥
 जासु राज प्रिय प्रजा दुषारी । सो नृप अवसि नरकअधिकारी ॥
 रहहु तात असि नीति बिचारी । सुनत लषनु भये ब्याकुल भारी ॥

सिशरे वचन सूषि गये कैसेँ । परसत तुहिन तामरसु जैसेँ ॥

दोहा

उनरु न आवत प्रेम बस गहे चरन अकुलाइ ।

नाथ दासु मई स्वामि तुम्ह तजहु न कहा वसाइ ॥

चौपाई

दीन्हि मोहि सिर नीकि गो नाई । लागि अगम अपनी कदराई ॥

नरवर श्रीर धरमुधुधारी । निगम नीति कहुं ते अधिकारी ॥

मैं सिसु प्रभुसनेहप्रतिपाला । मंदर मेरु कि लेहि मराला ॥

गुर पितु मातु न जानउं काहू । कहउं सुभाउ नाथ पतिआहू ॥

जहं लगि जगत सनेह सगाई । प्रीति प्रतीति निगम निजु गाई ॥

मोरें सबइ एक तुम्ह स्वामी । दीन बंधु उरअंतरजामी ॥

धरम नीति उपदेसिअ ताही । कीरति भूति सुगति प्रिय जाही ॥

मन क्रम बचन चरनरत होई । कृपासिंधु परिहरिअ कि सोई ॥

दोहा

करनासिंधु सुबंधु के सुनि मृदुबचन चिनीत ।

समुझाय उर लाइ प्रभु जानि सनेह समीत ॥

चौपाई

मांगहु बिदा मातु सन जाई । आवहु बेगि चलहु बन भाई ॥

मुदित भये सुनि रघुबरुबानी । भयेउ लाभ बड गइ बडि हानी ॥

हरषित हृदय मातु पहिं आए । मनहुं अंध फिरि लोचन पाए ॥

जाइ जननिपग नायेउ माथा । मनु रघुनंदन जानकि साथी ॥

पूछे मातु मलिन मन देखी । लषन कही सब कथा बिसेषी ॥

गई सहमि सुनि वचन कठोरा । मृगी देषि दव जनु चहुं ओरा ॥

लषन लपेउ भा अनरथ आजू । पहिं सनेहबस करब अकाजू ॥

मांगत बिदा समय सकुचाहीं । जाइ संग बिधि कहिहि कि नाही ॥

दोहा

समुझि सुमित्रा राम सिय रूप सुसीलु सुभाउ ।

नृप सनेह लषि धुनेउ सिर पापिनि दीन्ह कुदाउ ॥

चौपाई

धीरजु धरेउ कुअवसर जानी । सहज सुहृद बोली मृदु बानी ॥
 तात तुम्हारि मातु बैदेही । पिता रामु सब भांति सनेही ॥
 अवध तहां जहं रामनिवासू । तहई दिवसु जहं भातु प्रकासू ॥
 जौपै सीय रामु बन जाहीं । अवध तुम्हार काजु कछु नाही ॥
 गुर पितु मातु बहु सुर साई । सेइअहिं सकल प्रानकी नाई ॥
 रामु प्रानप्रिय जीवन जीके । स्वारथ रहित सषा सबही के ॥
 पूजनीय प्रिय परम जहां तैं । सब मानिअहिं रामके नातैं ॥
 अस जिय जानि संग बन जाहू । लेहु तात जग जीवनलाहू ॥

दोहा

भूरि भाग भाजनु भयेहु मोहि समेत बलि जाउं ।

जौ तुम्हरें मन छांडि छलु कीन्ह रामपद ठाउं ॥

चौपाई

पुत्रवती जुवती जग सोई । रघुपतिभगतु जासु सुतु होई ॥
 नतरु बांझ भलि वादि बिआनी । रामबिमुख सुततैं हित जानी ॥
 तुम्हरेहि भाग रामु बन जाहीं । दूसर हेतु तात कछु नाही ॥
 सकल सुकृत कर बडफल एह । रामसीयपद सहज सनेह ॥
 रामु रोषु इरिषा महु मोह । जनि सपनेहुं इन्हके बस होह ॥
 सकल प्रकार बिकार बिहाई । मन क्रम वचन करेहु सेवकाई ॥
 तुम्ह कहुं बन सब भांति सुपासू । संग पितु मातु रामु सिय जासू ॥
 जेहि न रामु बन लहहिं कलेसू । सुत सोइ करेहु इहइ उपदेसू ॥

छंद

उपदेसु येहु जेहि तात तुम्हरें रामु सिय सुष पावहीं ।

पितु मातु प्रिय परिवार पुर सुष सुरति बन बिसरावहीं ॥

तुलसी प्रभुहिं सिष देइ आयसु दीन्ह पुनि आसिष दई ।

रति होउ अबिरल अमल सियरघुबीरपद नित नित नई ॥

सोरठ

मातुचरन सिरु नाइ चले तुरत संकित हृदय ।

बागुर विषम तोराइ मनहुं भाग मृगु भाग बस ॥

चौपाई

गये लषनु जहं जानकिनाथू । भे मनमुदित पाइ प्रिय साथू ॥
 बंदि रामसियचरन सुहाए । चले संग नृपमंदिर आए ॥
 कहहिं परसपर पुरनरनारी । भलि बनाइ विधि बात बिगारी ॥
 तन कृस मन दुषु बदन मलीने । बिकल मनहुं माषी मधु छीने ॥
 कर मीजहिं सिर धुनि पङ्क्तिहरी । जनु विनु पष बिहग अकुलाही ॥
 भइ बडि भीर भूपदरबारा । बरनि न जाइ बिषाडु अपारा ॥
 सचिव उठाइ राउ बैठारे । कहि प्रिय बचन रामु पगुधारे ॥
 सिय समेत दोउ तनय निहारी । व्याकुल भएउ भूमिपति भारी ॥

दोहा

सीय सहित सुत सुभग दोउ देषि देषि अकुलाइ ।

बारहिं बार सनेह बस राउ लेइ उर लाइ ॥

चौपाई

सकइ न बोलि बिकल नरनाहू । सोकजनित उर दारुन दाहू ॥
 नाइ सीसु पद अति अनुरागा । उठि रघुबीर बिदा तब मांगा ॥
 पितु असीसु आयसु मोहिं दीजै । हरष समय बिसमउ कत कौजै ॥
 तात किये प्रियप्रेमप्रमादू । जसु जग जाइ होइ अपवादू ॥
 सुनि सनेह बस उठि नरनाहां । बैठारे रघुपति गहि बाहां ॥
 सुनहु तात तुम्ह कहुं मुनिकहहीं । राम चराचरनायक अहहीं ॥
 सुभ अरु असुभ करम अनुहारी । ईसु दैइ फलु हृदय बिचारी ॥
 करइ जो करम पाव फल सोई । निगम नीति असि कह सबु कोई ॥

दोहा

और करै अपराधु कोउ और पाव फल भोगु ।

अतिबिचित्र भगवंतगति को जग जानइजोगु ॥

चौपाई

राय रामराषन हित लागी । बहुत उपाय किये छलु त्यागी ॥
 लषी रामरुष रहत - न जाने । धरमधुरंधर धीर सयाने ॥

तब नृप सोय लाइ उर लीन्ही । अतिहित बहुतम ति सिष दीन्ही ॥
 कहि बन के दुष दुसह सुनाए । सासु ससुर पितु सुष समभाये ॥
 सियमनु रामचरन अनुराग । घर न सुगमु बन विषमु न लाग ॥
 औरउ सबहिं सोय समुझाई । कहि कहि बिपिनबिपति अघिकाई ॥
 सचिवनारि गुरनारि सयानी । सहित सनेह कहहिं मृदु बानी ॥
 तुम्ह कहुं तौ न दीन्ह बनवास । करहु जो कहहिं ससुर गुर सासू ॥

दोहा

सिष सीतलि हित मधुर मृदु सुनि सीतहि न सोहानि ।
 सरदचदचदनि लगत जनु चकई अकुलानि ॥

चौपाई

सोय सकुच बस उतर न देई । सो सुनि तमकि उठी कैकेई ॥
 मुनिगट भूषन भाजन आनी । आगे धरि बोली मृदु बानी ॥
 नृपहि प्रानप्रिय तुम्ह रघुबीरा । सील सनेह न छाडिहि भीरा ॥
 सुकृत सुजसु परलोकु नसाऊ । तुम्हहिं जान बन कहिहि न काऊ ॥
 अस बिचारि सोई करहु जो भावा । राम जननिसिष सुनि सुष पावा ॥
 भूपहि बचन बान सम लागे । करहिं न प्रान पयान अभागे ॥
 लोग बिकल मुरुझित नरनाह । काह करिय कछु सूझ न काह ॥
 राम तुरत मुनिबेषु बनाई । चले जनक जननी सिर नाई ॥

दोहा

सजि बनि सासु समासु सब बनिता बंधु समेत ।
 बंदि बिप्र गुरचरन प्रभु चले करि सबहिं अचेत ॥

चौपाई

निकसि बसिष्ठद्वार भये ठाढे । देषे लोग बिरहदवदाढे ॥
 कहि प्रिय बचन सकल समुझाए । बिप्रबृंद । रघुबीर बोलाए ॥
 गुरसन कहि बरषासन दीन्हे । आदर दान बिनय बस कीन्हे ॥
 जाचक दान मान संतोषे । मीत पुनीत प्रेम परितोषे ॥
 दासी दास बोलाइ बहोरी । गुरहि सौं पि बोले कर जोरी ॥
 सबकै सार संभार गोसाई । करबि जनक जननी की नाई ॥

बारहिं बार जोरि जुग पानी । कहत राम सब सन मृदु बानी ॥
सोइ सब भांति मोर हितकारी । जेहिते रहइ भुआल सुपारी ॥

दोहा

मातु सकल मोरें बिरहं जेहि न होइ दुपदीन ।
सोइ उपाउ तुम्ह करेहु सब पुरजन परम प्रवीन ॥

चौपाई

एहि बिधि राम सबहि समुभावा । गुरपदपदुम हरषि सिरु नावा ॥
गनपति गौरि गिरीसु मनार्ई । चले असीस पाइ रघुराई ॥
रामु चलत अति भयउ बिषादू । सुनि न जाइ पुर आरत नादू ॥
कुसगुन लंक अवध अति सोकू । हरष बिषाद बिबस सुरलोकू ॥
गइ मुखड़ा तब भूपति जागे । बोलि सुमंत्रु कहन अस लागे ॥
रामु चले बन प्रान न जाहीं । केहि सुष लागि रहत तन माहीं ॥
एहि ते कवन व्यथा बलवाना । जो दुपु पाइ तजिहि तनु प्राना ॥
पुनि धरि धीर कहै नरनाह । लै रथु संग सषा तुम्ह जाह ॥

दोहा

सुठि सुकुमार कुमार दोउ जनकजुता सुकुमारि ।
रथ चढाइ देषराइ बनु फिरेहु गये दिन चारि ॥

चौपाई

जौ नहि फिरहिं धीर दोउ भाई । सत्यसंध दृढव्रत रघुराई ॥
तौ तुम्ह विनय करेहु कर जोरी । फेरिअ प्रभु मिथिले नकिसोरी ॥
जब सिय कानन देषि डेराई । कहेहु मोरि सिष अवसर पाई ॥
सासु ससुर अस कहेउ सदेसू । पुत्रि किरिअ बन बहुत कलेसू ॥
पितृगृह कबहुं कबहुं ससुरारी । रहेहु जहां रुचि होइ तुम्हारी ॥
एहि बिधि करेहु उपायकदंबा । फिरइ त होइ प्रानअवतंबा ॥
नाहिं त मोर मरनु परिनामा । कछु न बसाइ भये बिधि बामा ॥
अस कहि मुखछि परा महि राऊ । राम लषनु सिय आनि देषाऊ ॥

दोहा

पाइ रजायसु नाइ सिरु रथु अति बेग बनाइ ।

गयेउ जहां बाहेर नगर सीय सहित दोउ भाई ॥

चौपाई

तब सुमंत्र नृपबचन सुनाए । करि बिनती रथ रामु चढाए ॥
चढ़ि रथ सीय सहित दोउ भाई । चले हृदय अवधहि सिरु नाई ॥
चलत रामु लषि अवध अनाथा । बिकल लोग सब लागे साथी ॥
कृपासिंधु बहु बिधि समुझावहि । फिरहि प्रेमबस पुनि फिरि आवहि ॥
लागति अवध भयावनि भारी । मानहुं कालरात अंधियारी ॥
घोर जंतु सम पुरनरनारी । डरपहि एकहि एक निहारो ॥
घर मसान परिजन जनु भूता । सुतहित मीत मनहु जम दूता ॥
बागन्ह बिटप बेलि कुम्हिलाहीं । सरित सरोवर देषि न जाहीं ॥

दोहा

हय गय कोटिन्ह केलिमृग पुरपसु चातक मोर ।

पिक रथांग सुक सारिका सारस हंस चकोर ॥

चौपाई

रामबियोग बिकल सब ठाढे । जहं तहं मनहुं बित्र लिपि काढे ॥
नगर सफल बनु गहवर भारी । खग मृग बिपुल सकल नरनारी ॥
बिधि कैकई किरातिनि कीन्ही । जेहि दव दुसह दसहुं दिसि दीन्ही ॥
सहि न सके रघुबरबिरहागी । चले लोग सब व्याकुल भागी ॥
सबहिं बिचारु कीन्ह मन माहीं । राम लषन सिय बिनु सुषु नाहीं ॥
जहां रामु तहं सबुइ समाजू । बिनु रघुबीर अवध नहिं काजू ॥
चले साथ अस मंत्रु दढाई । सुरदुर्लभसुष सदन बिहाई ॥
रामचरनपंकज प्रिय जिन्हहीं । विषय भोग बस करहिं कि तिन्हहीं ॥

दोहा

बालक बृद्ध बिहाय गृह लगे लोग सब साथ ।

तमसातीर निवासु किय प्रथम दिवस रघुनाथ ॥

चौपाई

रघुपति प्रजा प्रेमबस देषी । सद्य हृदय दुषु भयउ बिसेषी ॥
करुनामय रघुनाथ गोसांई । बेगि पाइअहि पीर पराई ॥

कहि सप्रेम मृदु बचन सुहाए । बहु बिधि राम लोग समुझाए ॥
 किए धरमउपदेश घनेरे । लोग प्रेमबस फिरहि न फेरे ॥
 सील सनेहु छाडि नहि जाई । असमंजस बस भे रघुराई ॥
 लोग सोग भ्रमबस गए सोई । कछुक देवमाया मति मोई ॥
 जबहि जाम जुग जाभिनि बीती । राम सचिव सन कहेउ समीती ॥
 षोड मारि रथु हांकहु ताता । आन उपाय बनिहि नहि बाता ॥

दोहा

राम लषनु सिय जान चडि संभुचरन सिरु नाह ।
 सचिव चलायेउ तुरत रथु इत उन षोड दुराह ॥

चौपाई

जागे सकल लोग भयें भोरु । गे रघुनाथ भयेउ अति सोरु ॥
 रथकर षोड कतहुं नहि पावहि । राम राम कहि चहुंदिसि धावहि ॥
 मनहु बारनिधि बूड जहाजू । भयेउ बिकल बड बनिक समाजू ॥
 एकहि एक देहि उपदेसू । तजे राम हम जानि कलेसू ॥
 निंदहि आपु सराहहि मीना । धिग जीवनु रघुबीरबिहीना ॥
 जौपै प्रिय बियोगु बिधि कीन्हा । तौ कस मरनु न मार्गे कीन्हा ॥
 एहि बिधि करत प्रलापकलापा । आप अवध भरे परितापा ॥
 बिषम बियोगु न जाइ बषाना । अवधिआस सब राषहि प्राना ॥

दोहा

रामदरस हित नेम व्रत लगे करन नर नारि ।
 मनहु कोक कोकी कमल दीन बिहीनतमारि ॥

चौपाई

सीता सचिव सहित दोउ भाई । सुंगबेरपुर पहुंचे जाई ॥
 उतरे राम देवसरि देशो । कीन्ह दंडवत हरषु बिसेषी ॥
 लषन सचिव सिय किये प्रनामा । सबहि सहित सुषु पायउ रामा ॥
 गंग सकल मुदमंगलमूला । सबसुषकरनि हरनि सब सूला ॥
 कहि कहि कोटिक कथा प्रसंगा । रामु बिलोकिहि गंगतरंगा ॥
 सचिवहि अनुजहि प्रियहि सुनाई । बिबुधनदीमहिमा अधिकारि ॥

मज्जनु कीन्ह पंथश्रम गयेऊ । सुखि जलु पियत मुदित मन भयेऊ ॥
सुमिरत जाहि मिटइ श्रमभारू । तेहिं श्रम येह लौकिक व्यवहारू ॥

दोहा

सुख सच्चिदानंदमयकंद भानुकुलकेतु ।
चरित करत नर अनुहरत संसृतिसागरसेतु ॥

चौपाई

एह सुधि गुह निषाद जब पाई । मुदित लिए प्रिय बंधु बोलाई ॥
लिये फल मूल भेंट भरि भारा । मिलन चलेउ हिय हरषु अपारा ॥
करि दंडवत भेंट धरि आगें । प्रभुहि बिलोकत अति अनुरागे ॥
नाथ कुसल पदपंकज देषे । भएउं भागभात्रनु जन लेषे ॥
देव धरनि धनु धामु तुम्हारा । मैं जनु नोचु सहित परिवारा ॥
कृपा करिअ पुर धारिअ पाऊ । थपिअ जनु सबु लोगु सिहाऊ ॥
कहेहु सत्य सबु सुषा सुजाना । मोहि दीन्ह पितु आयेसु आना ॥

दोहा

बरष चारिदम बासु बन मुनिव्रत वेषु अहारू ।
ग्रामबासु नहिं उचित सुनि गुहहि भएउ दुषभारू ॥

चौपाई

राम लषन सियरूप निहारी । कहहिं सप्रेम ग्रामनरनारी ॥
ते पितु मातु कहहु सधि कैसे । जिन्ह पठए बन बालक अैसे ॥
एक कहहिं भल भूपति कीन्हा । लोयनलाडु हम हैं बिधि दीन्हा ॥
तब निषादपति उर अनुमाना । तरु सिंसुपा मनोहर जाना ॥
लै रघुनाथहिं ठाउं देषावा । कहेउ राम सब भांति सुहावा ॥
पुरजन कहि जोहार घर आये । रघुबर संध्या करन सिवाए ॥
गुह संवारि साथरी डसाई । कुस किसलय मय मृदुल सुहाई ॥
सुखि फल मूल मधुर मृदु जानी । दोना भरि भरि राखेसि पानी ॥

दोहा

सिय सुमंत्र भ्राता सहित कंद मूल फल षाह ।
सयन कीन्ह रघुवंसमनि पाय पलोदत भाह ॥

चौपाई

उठे लषनु प्रभु सोवत जानी । कहि सचिवहि सोवन मृदु बानी ॥
 कछुक दूरि सजि बान सरासन । जागन लगे बैठि बीरासन ॥
 गुह बुलाई पाहरू प्रतीती । ठावं ठावं राखे अति प्रीती ॥
 आपु लषन पहि बैठेउ जाई । कटि भायी सर चाप नढाई ॥
 सोवत प्रभुहि निहारि निपादू । भयउ प्रेमवस हृदय बिपादू ॥
 तनुपुलकित जलु लोचन बहई । बचन सप्रेम लषन सन कहई ॥
 भूपति भवन सुभाय सुहावा । सुरपति सदनु न पटतरआवा ॥
 मनिमयरचित चारु चौबारे । जनु रतिपति निज हाथ संवारे ॥

दोहा

सुचि सुबिचित्र सुभोगमय सुमन सुगंध सुबास ।
 पलंग मंजु मनिदीप जहं सब विधि सकल सुपास ॥

चौपाई

बिबिध बसन उपवान तुराई । छीरफेनमृदु विसद सुहाई ॥
 तहं सिय रामु सयन निसि करहीं । निज छबि रतिमनोजमदु हरहीं ॥
 ते सिय रामु साथरी सोए । अमित बसन बिनु जाहिं न जोए ॥
 मातु पिता परिजन पुरवासी । सदा सुसील दास अरु दासी ॥
 जोगवहिं जिहहिं प्रान की नाई । महि सोवत तेइ राम गोसाई ॥
 पिता जनक जगबिदितप्रभाऊ । ससुर सुरेससषा रघुराऊ ॥
 रामचंदु पति सो बैदेही । सोवत महि बिधि बाम न केही ॥
 सिय रघुवीर कि कानन जोगू । करमप्रधान सत्य कह लोगू ॥

दोहा

कैकयनंदिनि मंदमति कठिन कुटिलपनु कीन्ह ।
 जैहि रघुनंदन जानकिहि सुषअवसर दुषु दीन्ह ॥

चौपाई

भइ दिनकरकुलबिटपकुठारी । कुमति कीन्ह सब बिख दुषारी ॥
 भयउ बिषाद निषादहि भारी । राम सीय महिसयन निहारी ॥
 बोले लषन मधुर मृदु बानी । ग्यान बिराग भगतिरस सानी ॥

काहु न कोउ सुष दुष कर दाता । निज कृत करम भोग सबु भ्राता ॥
 जोग वियोग भोग भल मंदा । हित अनहित मध्यम भ्रम फंदा ॥
 जनमु मरनु जहं लगि जग जालू । संपति बिपति करमु अरु कालू ॥
 धरनि धामु धनु पुर परिवरू । सरगु नरकु जहं लगि व्यवहारू ॥
 देषिअ सुनिअ गुनिअ मन माहीं । मोहमूल परमारथु नाहीं ॥

दोहा

सपने होइ मिषारि नृपु रंकु नाकपति होइ ।
 जागैं लाभु न हानि कछु तिमि प्रपंच जिय जोइ ॥

चौपाई

अस बिचारि नहि कीजिय रोसू । काहुहि बादि न देख्य दोसू ॥
 मोहनिसा सबु सोवनिहारा । देषिअ सपन अनेक प्रकारा ॥
 एहि जगजामिनि जागहि जोगी । परमारथी प्रपंचबियोगी ॥
 जानिय तबहि जीव जग जागा । जब सब बिषयविलासविरागा ॥
 होइ विवेकु मोइ भ्रम भागा । तब रघुनाथचरनअनुरागा ॥
 सषा परम परमारथु एहू । मन क्रम बचन रामपदनेहू ॥
 राम ब्रह्म परमारथरूपा । अविगत अलष अनादि अनूपा ॥
 सकल बिकाररहित गतभेदा । कहि नित नेति निरूपहि बेदा ॥

दोहा

भगत भूमि भूसुर सुरभि सुर हित लागि कृपाल ।
 करत चरित धरि मनु जतनु सुनत मिटहि जगजाल ॥

चौपाई

सषा सभुक्ति अस परिहरि मोहू । सियरघुवीरचरनरत होहू ॥
 कहत रामगुन भा भिनुसारा । जागे जगमंगलसुषदारा ॥
 सकल सौच करि राम नहत्वा । सुचि सुजान बटछीर मगावा ॥
 अनुज सहित सिर जटा बनार । देषि सुमंत्र नयनजल छाये ॥
 हृदय दाहु अति बदन मलीना । कह कर जोरि बचन अति दीना ॥
 नाथ कहेउ अस कोसलनाथा । लै रथु जाहु राम के साथी ॥
 बनु देषाई सुरसरि अन्हवाई । आनेहु फेरि बेगि दांड भाई ॥

लषनु रामु सिय आनेहु फेरी । संसय सकल संकोच निबेरी ॥

दोहा

नृप अस कहेउ गोसाईं जस कहइ करौ बलि सोइ ।
करि बिनती पायन्ह परेउ दीन्ह बाज जिमि रोइ ॥

चौपाई

तांत कृपा करि कीजिअ सोई । जातैं अवध अनाथ न होई ॥
मंत्रिहि राम उठाइ प्रबोधा । तात धरममनु तुम्ह सबु सोधा ॥
सिवि दधीच हरिचंद नरेसा । सहे धरमहित कोटि कलेसा ॥
रंतिदेव बलि भूप सुजाना । धरमु धरेउ सहि संकट नाना ॥
धरमु न दूसर सत्य समाना । आगम निगम पुरान बषाना ॥
मै सोइ धरमु सुलभ करि पावा । तजैं तिहुं पुर अपजसु छावा ॥
संभावित कहुं अपजस लाहू । मरनकोटि सम दारुन दाहू ॥
तुम्ह सन तात बहुत का कहऊं । दियैं उतरु फिरि पातकु लहऊं ॥

दोहा

पितुपद गहि कहि कोटि नति विनय करब कर जोरि ।
चित्त कवनिहु बात कै तात करिअ जनि मोरि ॥

चौपाई

तुम्ह पुनि पितु सम अति हित मोरैं । बिनती करौ तात कर जोरैं ॥
सब बिधि सोइ करतथ्य तुम्हारैं । दुष न पाव पितु सोच हमारैं ॥
सुनि रघुनाथ सचिव संबादू । भयउ संपरिजन विकल निषादू ॥
पुनि कछु लषन कही कटु बानी । प्रभु बरजे बड अनुचित जानी ॥
सकुचि राम निज सपथ देवाई । लपन संदेसु कहिअ जनि जाई ॥
कह सुमंत्रु पुनि भूप संदेसु । सहि न सकिहि सिय बिपिनकलेसु ॥
जेहि बिधि अवध आव फिरि सोया । सोइ रघुबरहि तुम्हहि करनीया ॥
नतर निपट अवलंबबिहीना । मै न, जिअब जिमि जलबिनु मीना ॥

दोहा

मइकैं ससुरैं सकल सुष जबहि जहां मनुमान ।
तहूँ तत्र रहिहि सुषेन सिय जबलगि बिपतिबिहान ॥

चौपाई

बिनतो भूप कीन्ह जेहि भांतो । आरति प्रीति न सो कहि जाती ॥
 पितुसदेस सुनि कृपानिधाना । सियहि दीन्ह सिय कोटि बिधाना ॥
 सानुनसुर गुर प्रिय परिवारु । फिरहु त सब कर मिटाइ षभारु ॥
 सुनि पतिबचन । कहति बैदेही । सुनहुं प्रानपति परमसनेही ॥
 प्रभु करुनामय परम बिबेकी । तनु तजि रहति छुहं किमि छेकी ॥
 प्रभा जाइ कहं भानु बिहारी । कह चंद्रिका चंदु तजि जाई ॥
 पतिहि 'प्रेममय बिनय सुनाई । कहति सचिव सन गिरा सुहाई ॥
 तुम्ह पितु ससुर सरिस हितकारी । उतरु देउं फिरि अनुचित भारी ॥

दोहा

आरति बस सनमुष भइउं बिलगु न मानव तात ।
 आरजसुनपदकमल बिनु बादि जहां लगि नात ॥

चौपाई

पितुबैभवबिलास मै डीठा । नृपमनिमुकुटमिलित पदपीठा ॥
 सुषनिधान अस पितु गृह मोरें । पियबिहीन मन भाव न भोरें ॥
 ससुर चक्रवइ कोसलराऊ । भुवन चारिदस प्रगट प्रभाऊ ॥
 आगे होइ जेहि सुरपति लेई । अरध सिंघासन आसनु देई ॥
 ससुर पताइस अवध निवासू । प्रिय परिवारु मातुसम सासू ॥
 बिनु रघुपतिपदपदुमपरागा । मोहि कोउ सपनेहुं सुषद न लागा ॥
 अगम पंथ बन भूमि प्रहारा । करि केहरि सर सरित अपारा ॥
 कोल किरात कुंग बिहंगा । मोहि सब सुषद प्रानपतिसंगा ॥

दोहा

सासु ससुर सन मोरि हुंति बिनय करबि परि पायं ।
 मोरि सोचु जनि करिअ कछु मै बन सुषी सुभायं ॥

चौपाई

प्राननाथ प्रिय देवर साथी । वीरधुलीन धरें धनु भाथा ॥
 नहि मगअमु भ्रमु दुष मन मोरें । मोहि लगि सोचु करिअ जनि भोरें ॥
 सुनि सुमंत्र सियसीतलबानी । भयउ बिकल जनु फनि मनि हानी ॥

बयन सूझ नहिं सुनई न काना । कहि न सकइ कछु अति अकुलाना ॥
 राम प्रबोधु कीन्ह बहु भांती । तदपि होति नहिं सीतलि छाती ॥
 जतन अनेक साथ हिन कीन्है । उचित उतर रघुनंदन दीन्है ॥
 मेदि जाइ नहि रामरजाई । कठिन करमगति कछु न वसाई ॥
 राम लषन सियपद सिरु नाई । फिरेउ बलिक जिमि मूर गवाई ॥

दोहा

रथ हांकेउ हय राम तन हेरि हेरि हिहिनाहिं ।
 देषि निषाद विषादबस धुनहिं सीस पछिताहिं ॥

चौपाई

जासु बियोग बिकल पसु अँसैं । प्रजा मातु पितु जिइहहिं कैसैं ॥
 बरबस राम सुमंत्रु पठाये । सुरसरितीर आप तब आये ॥
 मागी नाव न केवटु आना । कहइ तुम्हार मरमु मैं जाना ॥
 चरनकमलरज कहुं सबु कहई । मानुषकरनि मूरि कछु अहई ॥
 छुवत सिला भइ नारि सुहाई । पाहन तैं न काठ कठिनाई ॥
 तरनिउं मुनिघरिनी होइ जाई । बाट परइ मोरि नाव उडाई ॥
 एहि प्रतिपालउं सबु परिवारु । नहिं जानौं कछु अउर कबारु ॥
 जौ प्रभु पार अवसि गा चहइ । मोहि पदपदुम पषारन कहइ ॥

छंद

पदकमल धोइ चढाई नाव न नाथ उतराई चहौं ।
 मोहि राम राउरि आन दसरथसपथ, संब सांची कहौं ॥
 बरु तीर मारहु लषन पै जब लगि न पाय पषारिहौं ।
 तब लगि न तुलसीदासनाथ कृपाल पारु उतारिहौं ॥

सोरठा

सुनि केवट के बयन प्रेम लपेटे अटपटे ।
 बिहसे करुनाअयन चितइ जानकी लषन तन ॥

चौपाई

कृपासिंधु बोले मुसुकाई । सोइ कर जेहि तव नाव न जाई ॥
 बेगि आनु जल पाय पषारु । होत विलंबु उतारिहि पारु ॥

जासु नाम सुमिरत एक बारा । उतरहि नर भवसिंधु अपारा ॥
 सोइ कृपाल केवटहि निहोरा । जैहि जगु किये तिहुं पगहुं ते थोरा ॥
 पदनषनिरषि देवसरि हरषी । सुनि प्रभुबचन मोहमति करषी ॥
 केवट रामरजायलु पावा । पानि कठवता भरि लेइ आवा ॥
 अति आनंद उमंगि अनुरागा । चरनसरोज पषारन लागा ॥
 बरषि सुमन सुर सकल सिदाहीं । एहि सम पुन्यपुंज कोउ नाही ॥

दोहा

पद पषारि जलु पान करि आपु सहित परिवार ।
 पितर पारु करि प्रभुहि पुनि मुदित गयउ लेइ पार ॥

चौपाई

उतरि ठाढ भए सुरसरिरेता । सीय रामु गुह लषन समेता ॥
 केवट उतरि दंडवत कीन्हा । प्रभुहि सकुच एहि नहि कलु दीन्हा ॥
 पियहिय की सिय जाननिहारी । मुनिमुदरी मनमुदित उतारी ॥
 कहेउ कृपाल लेहि उतराई । केवट चरन गहे अकुलाई ॥
 नाथ आजु मइ काह न पावा । मिटे दोष दुष दारिददावा ॥
 बहुत काल मै कीन्हि मजूरी । आजु दीन्ह बिधि बनि भलि भूरी ॥
 अब कलु नाथ न चाहिअ मोरें । दीनदयाल अनुग्रह तोरें ॥
 फिरती बार मोहि जो देवा । सो प्रसादु मइं सिर धरि लेवा ॥

दोहा

बहुतु कीन्ह प्रभु लषन सिय नहि कलु केवटु लेइ ।
 बिदा कीन्ह करुनायतन भगतिबिमलबरु देइ ॥

चौपाई

तब मज्जनु करि रघुकुलनाथा । पूजि पारधिव नायउ माथा ॥
 सिय सुरसरिहि कहेउ कर जोरी । मातु मनोरथ पुरउबि मोरी ॥
 पतिदेवर संग कुसल बहोरी । आइ करउं जैहि पूजा तोरी ॥
 सुनि सियबिनय प्रेमरस सानी । भइ तब विमल बारिबरबानी ॥
 सुनु रघुवीरप्रिया बैदेही । तब प्रभाउ जग बिदित न केही ॥
 लोकप हौंदि बिलोकत तोरें । तोहि सेवहिं सब सिधि कर जोरें ॥

तुम्ह जो हमहिं बडि बिनय सुनाई । कृपा कीन्हि मोहि दीन्हि बडाई ॥
तदपि देबि मई देबि असीसा । सफल होन हित निज बागीसा ॥

दोहा

प्राननाथ देवर सहित कुसल कोसला आई ।
पूजिहि सब मनकामना सुजसु रहिहि जग छाई ॥

चौपाई

गंगबचन सुनि मंगलमूला । मुदित सीय सुरसरि अनुकूला ॥
तब प्रभु गुहहि कहेउ घर जाहू । सुनत सूप मुषु भा उरबाहू ॥
दीन बचन गुह कह कर जोरी । बिनय सुनहु रघुकुलमनि मोरी ॥
नाथ साथ रहि पंथु देषाई । करि दिन चारि चरनसेवकाई ॥
जेहि बन जाइ रहब रघुराई । परनकुटी मै करबि सुहाई ॥
तब मोहिं कहं जसि देव रजाई । सोइ करिहों रघुबीरदोहाई ॥
सहज सनेह राम लषि तासू । संग लीन्ह गुह हृदयहुलासू ॥
पुनि गुह ग्याति बोलि सब लीन्हे । करि परितोष बिदा तब कीन्हे ॥

दोहा

तब गनपति सिव सुमिरि प्रभु नाइ सुरसरिहि माथ ॥
सषा अनुज सियसहित बन गवन कीन्ह रघुनाथ ॥

चौपाई

तेहि दिन भएउ बिटप तरबासू । लषन सषा सब कीन्ह सुपासू ॥
प्रात प्रातकृत करि रघुराई । तीरथरांजु दीष प्रभु जाई ॥
सचिव सत्य श्रद्धा प्रियनारी । माधव सरिस मीतु हितकारी ॥
चारि पादरथ भरा भंडारू । पुन्य प्रदेस देस अति चारू ॥
छेत्रु अगम गढु गाढ सुहावा । सपनेहुं नहि प्रतिपछिन्ह पावा ॥
सेन सकल तीरथ बरबोरा । कनुषअनीकदलन रनधीरा ॥
संगमु सिंहासनु सुठि सोहो । छेत्रु अषयबटु मुनिमनु मोहा ॥
चवंर जमुन अरु गंगतरंगा । देषि होहि दुष दारिद भंगा ॥

दोहा

सेवहिं सुकृती साधु सुचि पावहिं सब मनकाम ।

बंदी बेद पुरानगन कहहि बिमल गुनग्राम ॥

चौपाई

को कहि सकइ प्रयागप्रभाऊ । कनुषपुंजकुंजर मृगराऊ ॥
 अस तीरथपति देखि सुहावा । सुषसागर रघुबर सुष पावा ॥
 कहि सिय लषनहि सषहि सुनाई । श्रीमुष तीरथराजबडाई ॥
 करि प्रनामु देषत बन बागा । कहत मशतम अति अनुरागा ॥
 यहि बिधि आइ बिलोकी बेनी । सुमिरत सकल सुमंगलदेनी ॥
 मुदित नहाइ कीन्हि सिवसेवा । पूजि जथाबिधि तीरथदेवा ॥
 तब प्रभु भरद्वाज पहिं आए । करत दंडवत मुनि उर लाए ॥
 मुनिमनमोह न कहु कहि जाई । ब्रह्मानंदरासि जनु पाई ॥

दोहा

दीन्हि असीस मुनीस उर अति अनहुं अस जानि ।
 लोचनगोचर सुकृतफल मनहुं किये बिधि आनि ॥

चौपाई

कुसल प्रश्न करि आसन दीन्हे । पूजि प्रेमपरिपूरन कीन्हे ॥
 कंद मूल फल अंकुर नीके । दिये आनि मुनि मनहुं अमी के ॥
 सीय लषन जन सहित सुहाये । अति रुखि राम मूल फल पाये ॥
 भये बिगत श्रम राम सुषारे । भरद्वाज मृदु बचन उचारे ॥
 आजु सुफल तपु तीरथ त्यागू । आजु सुफल जप जोग बिरागू ॥
 सफल सकल सुभ साधनसाजू । राम तुम्हहि अवलोकत आजू ॥
 लाभअवधि सुषअवधि न दूजी । तुम्हरे दरम आस सब पूजी ॥
 अब करि कृपा देहु बर एहू । निज पदससिज सहज सनेहू ॥

दोहा

करम बचन मन छाडि छुनु जब लगि जनु न तुम्हार ।
 तब लगि सुषु सपनेहुं नहीं किये कोटि उपचार ॥

चौपाई

मुनि मुनिबचन राम सकुचाने । भाव भगति आनंद अघाने ॥
 तब रघुबर मुनि सुजसु सुहावा । कोटि भांति कहि सबहि सुनावा ॥

सो बड सो सब गुनगनगेह । जेहि मुनीस तुम्ह आइर देह ॥
 मुनि रघुवीर परसपर नवही । बचनअगोचर सुषु अनुभवही ॥
 पह सुधि पाइ प्रयागनिवासी । बटुनापस मुनि सिद्ध उदासी ॥
 भरद्वाजआश्रम सब आये । देषन दशरथसुअन सुहाये ॥
 राम प्रनाम कीन्ह सब काह । मुदित भये लहि लोयनलाह ॥
 देहि असीस परम सुषु पाई । फिरे सराहन सुंदरताई ॥

दोहा

राम कीन्ह बिश्राम निसि प्रात प्रयाग नहाइ ।
 चलेसहित सिय लषन जनमुदित मुनिहि सिरु नाइ ॥

चौपाई

राम सप्रेम कहेउ मुनि पाहीं । नाथ कहिअ हम केहि मग जाहीं ॥
 मुनि मन बिहंसि राम सन कहहीं । सुगम सकल मग तुम्ह कहूं अहदी ॥
 साथ लागि मुनि सिव्य बोलाये । सुनि मनमुदित पचासक आये ॥
 सबन्हि राम पर प्रेम अपारा । सकल कहहिं मगु दीष हमारा ॥
 मुनि बटु चारि संग तब दीन्हे । जिन्ह बहु जनम सुकृत सब कीन्हे ॥
 करि प्रनामु रिषि आयेसु पाई । प्रमुदित हृदय चले रघुराई ॥
 ग्राम निकट जव निकसहिं जाई । देशहिं दरस नारि नर धाई ॥
 होंहि सनाथ जनमफलु पाई । फिरहिं दुषित मनुसंग पठाई ॥

दोहा

बिदा किये बटु बिनय करि फिरे पाइ मन काम ।
 उतरि नहाये जमुनजल जो सरीर सम स्याम ॥

चौपाई

सुनत तीरबासी नर नारी । धाय निज निज काज बिसारी ॥
 लषन राम सियसुंदरताई । देखि करहिं निज भाग्य बडाई ॥
 अति लालसा बसहिं मन माहीं । नाउं गाउं बूझत सकुचाहीं ॥
 जे तिन्ह महुं बयविरिध सयाने । तिन्ह करि जुगति रामु पहिचाने ॥
 सकल कथा तिन्ह सबहिं सुनाई । बनहिं चले पितुआयसु पाई ॥
 सुनि सबिषाद सकल पछिताहीं । रानी राय कीन्हि भल नाहीं ॥

बंदी बेद पुरानगन कहहि बिमल गुनग्राम ॥

चौपाई

को कहि सकइ प्रयागप्रभाऊ । कजुषपुंजकुंजर मृगराऊ ॥
अस तीरथपति देषि सुहावा । सुषसागर रघुबर सुष पावा ॥
कहि सिय लषनहि सषहि सुनाई । श्रीगुष तीरथराजबडाई ॥
करि प्रनामु देषत बन बागा । कहत महातम अति अनुरागा ॥
एहि बिधि आइ बिलोकी बेनी । सुमिरत सकल सुमगलदेनी ॥
मुदित नहाइ कीन्हि लियसेवा । पूजि जथाबिधि तीरथदेवा ॥
तब प्रभु भरद्वाज पहिं आप । करत दंडवत मुनि उर लाप ॥
मुनिमनमोह न कहु कहि जाई । ब्रह्मानंदरासि जनु पाई ॥

दोहा

दीन्हि असीस मुनीस उर अति अनहुं अस जानि ।
लोचनगोचर सुकृतफल मनहुं किये बिधि आनि ॥

चौपाई

कुसल प्रश्न करि आसन दीन्हे । पूजि प्रेमपरिपूरन कीन्हे ॥
कंद मूल फल अंकुर नीके । दिये आनि मुनि मनहुं अमी के ॥
सीय लषन जन सहित सुहाये । अति रुचि राम मूल फल पाये ॥
भये विगत श्रम राम सुषारे । भरद्वाज मृदु बचन उचारे ॥
आजु सुफल तपु तीरथ त्यागू । आजु सुफल जग जोग बिरागू ॥
सफल सकल सुभ सांनसाजू । राम तुम्हहि अवलोकत आजू ॥
लाभअवधि सुषअवधि न दूजी । तुम्हरे दरम आस सब पूजी ॥
अब करि कृपा देहु बर एहू । निज पदसरसिज सहज सनेहू ॥

दोहा

करम बचन मन छाडिछु जब लगि जनु न तुम्हार ।
तब लगि सुपु सपनेहुं नहीं किये कोटि उपचार ॥

चौपाई

मुनि मुनिबचन राम सकुचाने । भाव भगति आनंद अघाने ॥
तब रघुबर मुनि सुजसु सुहावा । कोटि भांति कहि सषहि सुनावा ॥

सो बड सो सब गुनगनगेहू । जेहि मुनीस तुम्ह आदर देहू ॥
 मुनि रघुवीर परसपर नवही । बचनअगोचर सुषु अनुभवहीं ॥
 एह सुधि पाइ प्रयागनिवासी । बडुतापस मुनि सिद्ध उदासी ॥
 भरद्वाजआश्रम सब आये । देषन दशरथसुअन सुहाये ॥
 राम प्रनाम कीन्ह सब काहू । मुदित भये लहि लोयनलाहू ॥
 देहि असीस परम सुषु पाई । फिरे सराहन सुंदरताई ॥

दोहा

राम कीन्ह बिश्राम निसि प्रात प्रयाग नहाइ ।
 चले सहित सिय लषन जन मुदित मुनिहि सिरु नाइ ॥

चौपाई

राम सप्रेम कहेउ मुनि पाहीं । नाथ कहिअ हम केहि मग जाहीं ॥
 मुनि मन बिहंसि राम सन कहहीं । सुगम सकल मग तुम्ह कहूं अहहीं ॥
 साथ लागि मुनि सिव्य बोलाये । सुनि मनमुदित पचासक आये ॥
 सबन्हि राम पर प्रेम अपारा । सकल कहहि मगु दीष हमारा ॥
 मुनि बडु चारि संग तब दीन्हे । जिन्ह बहु जनम सुकृत सब कीन्हे ॥
 करि प्रनामु रिषि आयेसु पाई । प्रमुदित हृदय चले रघुराई ॥
 ग्राम निकट जब निकसहि जाई । देखहि दरस नारि नर धाई ॥
 होंहि सनाथ जनमफलु पाई । फिरहि दुषित मनुसंग पठाई ॥

दोहा

बिदा किये बडु बिनय करि फिरे पाइ मन काम ।
 उतरि नहाये जमुनजल जो सरीर सम स्याम ॥

चौपाई

सुनत तीरबासी नर नारी । धाए निज निज काज बिसारी ॥
 लषन राम सियसुंदरताई । देखि करहि निज भाग्य बडाई ॥
 अति लालसा बसहि मन माही । नाउं गाउं बूझत सकुचाहीं ॥
 जे तिन्ह महुं बयबिरिध सयाने । तिन्ह करि जुगति रामु पहिचाने ॥
 सकल कथा तिन्ह सबहि सुनाई । बनहि चले पितुआयसु पाई ॥
 सुनि सबिषाद सकल पछिताहीं । रानी राय कीन्ह भल नाहीं ॥

तेहि अवसर एक ताऽसु आवा । तेजपुंज लघुबयस सुहावा ॥
 कबि अलषितगति बेषु बिरागी । मन क्रम बचन रामअनुरागी ॥

दोहा

सजल नयन तन पुलकि निज इष्टदेउ पहिचानि ।
 परेउ दंड जिमि धरनितल दसा न जाइ बषानि ॥

चौपाई

राम सप्रेम पुलकि उर लावा । परम रंक जनु पारसु पावा ॥
 मनहुं प्रेम परमारथु दोऊ । मिलत धरें तन कइ सब कोऊ ॥
 बहुरि लषन पायन्ह सोइ लागा । लीन्हि उठाइ उमगि अनुरागा ॥
 पुनि सियचरनधूरि धरि सीसा । जननि जानि सिसु दीन्ह असीसा ॥
 कीन्हि निषाद दंडवत तेही । मिलेउ मुदित लषि राम सनेही ॥
 पिअत नयनपुट रूपुपियूषा । मुदित सुअसनु पाइ जिमि भूषा ॥
 ते पितु मातु कइहु सषि कैसे । जिन्ह पडये बन बालक औसे ॥
 राम लषन सिय रूपु निहारी । हौंहि सनेहबिकल नर नारी ॥

दोहा

तब रघुबीर अनेक विधि सषहि सिषावनु दीन्ह ।
 राम रजायसु सीस धरि भवन गवनु तैंइ कीन्ह ॥

चौपाई

पुनि सिय रामलषन करजोरी । जमुनहि कीन्ह प्रनामु बहोरी ॥
 चले ससीय मुदिन दोइ भाई । रबितनुजा कइ करत बडाई ॥
 पथिक अनेक मिलहिं मग जाता । कहहिं सप्रेम देषि दोउ आता ॥
 राज लषन सब अंग तुम्हारे । देखि सोचु अति हृदयँ हमारे ॥
 मारग चलहु पयादेहिं पाएँ । ज्योतिष भूँठ हमारैंहि भाएँ ॥
 अगमु पंथु गिरि कानन भारी । तेहि मह साथ नारि सुकुमारी ॥
 करि केहरि बन जाइ न जोई । हम संग चलहिं जो आयसु होई ॥
 जाब जहां लगि तहं पडुंवाई । फिरब बहोरि तुम्हहि सिरु नाई ॥

दोहा

पहि विधि पूंछहि प्रेमबस पुलकगात जलुनैन ।

कृपासिंधु फेरहि तिन्हहि कहि बिनीत मृदु बैन ॥

चौपाई

जे पुरगांव बसहिं मगमाहीं । तिन्हहिं नागसुरनगर सिहाहीं ॥
 केहि सुकृती केहि घरीं बसाए । धन्य पुन्यमय परम सुहाए ॥
 जहं तहं रामचरन चलि जाही । तिन्ह समान अमरावति नाही ॥
 पुन्यपुंज मगनिकटनिवासी । तिन्हहि सराहिं सुरपुरबासी ॥
 जे भरि नयन बिलोकिहिं रामहिं । सीता लषन सहित घनस्थामहिं ॥
 जे सर सरित राम अवगाहिं । तिन्हहि देवससरित सराहिं ॥
 जेहि तरु तर प्रभु बैठहि जाई । करहि कलपतरु तासु बडाई ॥
 परसि रामपदपदुमपरागा । मानति भूमि भूरि निज भागा ॥

दोहा

छांह करहिं घन बिबुधगन बरषहिं सुमन सिहाहिं ।

देषत गिरि बन बिहग मृग रामु चले मगजाहिं ॥

चौपाई

सीता लषन सहित रघुराई । गांव निकट जब निकसहिं जाई ॥
 सुनि सब बाल वृद्ध नर नारी । चलहिं तुरत गृहकाज विसारी ॥
 राम लषन सिय रूप निहारी । पाइ नयनफलु होंहि सुषारी ॥
 सजल बिलोचन पुलक सरीरा । सब भये मगन देषि दोउ बीरा ॥
 बरनि न जाइ दसा तिन्ह केरी । लहिं जनु रंकन्ह सुरमनिदेरी ॥
 एकन्ह एक बोलि सिष देहीं । लोचनलांडु लेडु छन एहीं ॥
 रामहिं देषि एरु अनुरागे । चितवत चले जाहि संग लागे ॥
 एक नयनमग छुवि उर आनी । होंहि सिथिल तन मन बरबानी ॥

दोहा

एक देषि बटछांह भलि डसि मृदुल तून पात ।

कहहिं गंवाईअ छिनुकु अमु गवनब अबाहिं कि प्रात ॥

चौपाई

एक कलस भरि आनिहिं पानी । अंबइअ नाथ कहहिं मृदु बानी ॥
 सुनि प्रियवचन प्रीति अतिदेषी । रामु कृपालु सुसील बिसेषी ॥

जानी स्मृत सीय मन माहीं । घरिक बिलंबु कीन्ह बटछाहीं ॥
 सुदिन नारिनर देखहि सोभा । रूपअनूप नयन मनु लोभा ॥
 एकटक सब सोहहिं चहुं ओरा । रामचंद्रमुखचंद्र चकोरा ॥
 तरुन तमालबरन तनु सोहा । देषत कोटिमदन मनु मोहा ॥
 दामिनि बरन लषन सुठि नीके । नषसिष सुभग भावते जीके ॥
 मुनिपट कटिन्ह कसे तूनीरा । सोहहिं कर कमलनि धनु तीरा ॥

दोहा

जटामुकुट सोसनि सुभग उर भुज नयन बिसाल ।
 सरदपरबबिधुबदनबर लसत स्वेदकनजाल ॥

चौपाई

बरनि न जाइ मनोहर जोरी । सोभा बहुत थोरि मति मोरी ॥
 राम लषन सिय सुंदरताई । सरचितवहिं चित मन मति लाई ॥
 थके नारिनर प्रेमपियासे । मनहुं मृगीमृग देखि दिश्रा से ॥
 सीयसमीप ग्रामतिय जाहीं । पूछत अति सनेह सकुचाही ॥
 बार बार सब लागहिं पाए । कहहिं बचन मृदु सरल सुभाय ॥
 राजकुमारी बिनय हम करहीं । तिय सुभाय कछु पूछत डरहीं ॥
 स्वामिनि अविनय छमबि हमारी । बिलगु न मानब जानि गंवारी ॥
 राजकुअंर दोउ सहज सलोनैं । एन्ह तैं लहि दुति मरकत सोनैं ॥

दोहा

स्यामल गौर' किसोरबर सुंदर सुषमाअनयन ।
 सरद सर्वरीनाथ मुषु सरदसरोरुह नयन ॥

चौपाई

कोटि मनोजलजावनिहारे । सुमुषि कहहु को आंहि तुम्हारे ॥
 सुनि सनेहमय मंजुल बानी । सकुचो सिय मन महुं मुसुकानी ॥
 तिन्हहिं बिलोकि बिलोकति धरनी । दुहुं सकोच सकुचति बर बरनी ॥
 सकुचि सप्रेम बालमृगनयनी । बोली मधुर बचन पिकवयनी ॥
 सहज सुभाय सुभग तन गोरे । नामु लषनु लघु देवर मोरे ॥
 बहुरि बदन बिधु अंचल ढांकी । पियतन चितइ भौंह करि बांकी ॥

षंजनमंजु तिरीछे नयननि । निज पति कहेउ तिन्हहि सिय सयननि ॥
भई मुदित सब ग्रमबधूटी । रंकन्ह रायरासि जनु लूटी ॥

दोहा

अति सप्रेम सियपाय परि बहुविधि देहिं असीस ।
सदा सोहागिनि होहु तुम्ह जब लगि महि अहिसीस ॥

चौपाई

पारवतीसम पतिप्रिय होहु । देवि न हम पर छाडब छोहु ॥
पुनिपुनि बिनय करिअ कर जोरी । जौं एहि मारग फिरिअ बहोरी ॥
दरसन देब जानि निज दासी । लषी सीय सब प्रेमपिआसी ॥
मधुर बचन कहि कहि परितोषी । जनु कुमुदिनी कौमुदी पोषी ॥
तबहि लषन रघुबररुष जानी । पूछेउ मगु लोगन्हि मृदु बानी ॥
सुनत नारि नर भये दुषारी । पुलकित गात बिलोचन बारी ॥
मिटा मोडु मन भये मलीने । बिधि निधि दीन्हि लेत जनु छीने ॥
समुक्ति करमगति धीरजु कीन्हा । सोधि सुगम मगु तिन्ह कहि दीन्हा ॥

दोहा

लषन जानकी सहित तब गवनु कीन्ह रघुनाथ ।
फेरे सब प्रिय बचन कहि लिए लाइ मन साथ ॥

चौपाई

फिरत नारि नर अति पछिताहीं । दैअहि दोषु देहिं मन माहीं ॥
सहित बिषाद परसपर कहहीं । बिधिकरतब उलटे सब अहहीं ॥
निपट निरंकुस निठुर निसंकू । जौंहि ससि कीन्ह सरज सकलंकू ॥
रूषु कलपतरु सागरु षारा । तैहि पठये बन राजकुमारा ॥
जौंपै इन्हहि दीन्ह बनबासू । कीन्हि बादि बिधि भोगबिलासू ॥
ए बिचरहि मग बिनु पदत्राना । रचे बादि बिधि बाहन नाना ॥
ए महि परहिं डासि कुस पाता । सुभग सेज कत सृजत बिधाता ॥
तरुवर बास इन्हहि बिधि दीन्हा । धवल धाम रचि रचि अमु कीन्हा ॥

दोहा

जौं ए मुनिपटधर जटिल सुंदर सुठि सुकुमार ।

बिबिध भांति भूषन बसन बादि किये करतार ॥

चौपाई

जौं ए कंद मूल फल षाहीं । बादि सुधादि असन जग माहीं ॥
एक कहहिं ए सहज सुहाएं । आपु प्रगट भय विधि न बनाएं ॥
जहं लगि वेद कही विधिकरनी । श्रवन नयन मन गोचर बरनी ॥
देषहु षोजि भुअन दसचारी । कहं अस पुरुष कहां असि नारी ॥
इन्हहिं देषि विधि मनु अनुरागा । पटतर जोग बनावइ लागा ॥
कीन्ह बहुत श्रम अक न आये । तेंहिं इरिषा बन आनि दुराये ॥
एक कहहिं हम बहुत न जानहिं । आपुहि परम धन्य करि मानहिं ॥
ते पुनि पुन्यपुंज हम लेषे । जे देषहिं देषिहहिं जिन्ह देषे ॥

दोहा

एह विधि कहि कहि बचन प्रिय लेहिं नयन भरि नीर ।
किमि चलिहहिं मारग अगम सुठि सुकुमार सरीर ॥

चौपाई

नारि सनेह बिकल बस हौंही । चकई सांझ समय जनु सोही ॥
मृदु पदकमल कठिन मगु जानी । गहवरि हृदय कहइ बर बानी ॥
परसत मृदुल चरन अरुनारे । सकुचति महि जिमि हृदय हमारे ॥
जौं जगदीस इन्हहिं वनु दीन्हा । कस न सुमनमय मारगु कीन्हा ॥
जौं मांगा पाइअ बिधि पाहीं । ए रषिअहिं सषि आषिन्ह माहीं ॥
जे नर नारि न अवसर आए । तिन्ह सिय रामु न देषन पाए ॥
सुनि सुरुप, बूझहिं अकुलाई । अब लगि गये कहां लगि भाई ॥
समरथ धाइ बिलोकहिं जाई । प्रमुदित फिरहिं जनमफलु पाई ॥

दोहा

अबला बालक वृद्धजन कर मीजहिं पछिताहिं ।
होहिं प्रेमबस लोग इमि रामु जहां जहं जाहिं ॥

चौपाई

गांव गांव अस होइ अनंदू । देषि भानुकुलकैरवचंदू ॥
जे कछु समाचार सुनि पावहिं । ते नृपरानिहि दोष लगावहिं ॥

कहहि एक अति भल नरनाहू । दीन्हि हमहि जेइ लोचनलाहू ॥
 कहहि परसपर लोग लोगार्इ । बातैं सरल सनेह सुहाई ॥
 ते पितु मातु धन्य जिन्ह जाए । धन्य सो नगर जहां ते आए ॥
 धन्य सो देसु सैलु बन गाऊं । जहं जहं जाहि धन्य सोइ ठाऊं ॥
 सुषु पायेउ बिरचि रचि तेही । ए जेहि के सब भांति सनेही ॥
 रामलषनपथिकथा सुहाई । रही सकल मग कानन छाई ॥

दोहा

एहि बिधि रघुकुलकमलरवि मगलोगन्ह सुषदेत ।
 जांहि चले देषत बिपिन सिय सौमित्रि समेत ॥

चौपाई

आगैं रामु लपनु बनें पाछें । तापसबेष बिराजत काछें ॥
 उभय बीच सिय सोहति कैसे । ब्रह्मजीव बीच माया जैसे ॥
 बहुरि कहउं छुबि जसि मन बसई । जनु मधु मदन मथ्य रति लसई ॥
 उपमा बहुरि कहउं जिय जोही । जनु बुध बिधु बिच रोहिनि सोही ॥
 प्रभुपदरेष बीच बिच सीता । धरति चरन मग चलति समीता ॥
 सीयरामपद अंक बराए । लषन चलहि मगु दाहिनलाए ॥
 राम लषन सियप्रीति सुहाई । बचन अगोचर किमि कहि जाई ॥
 षग मृग मगन देषि छुबि होंही । लिये चोरि चित राम बटोहीं ॥

दोहा

जिन्ह जिन्ह देषे पथिक प्रिय सिख समेत दोउ भाइ ।
 भवमगु अगमु अनंदु तेइ बिनु श्रम रहे सिराइ ॥

चौपाई

अजहुं जासु उर सपनेहु काऊ । बसहुं लषनु सिय रामु बटाऊ ॥
 रामधामपथ पाइहि सोई । जो पथ पाव कबहुं मुनि कोई ॥
 तब रघुबीर श्रमित सिय जानी । देषि निकट बटु सीतल पानी ॥
 तहं बसि कंद मूल फल षाई । प्रात नहाइ चले रघुराई ॥
 देषत बन सर सैल सुहाए । बालमीकिआश्रम प्रभु आए ॥
 रामु दीष मुनिबास सुहावन । सुंदर गिरि काननु जलु प्रावन ॥

सरनि सरोज बिटप बन फूले। गुंजत मंजु मधुप रसभूले ॥
षग मृग बिपुल कोलाहल करहीं। बिरहितबैर मुदितमन चरहीं ॥

दोहा

सुचि सुंदर आश्रमु निरषि हरषे राजिवनैन ।
सुनि रघुबरआगमनु मुनि आगे आयउ लैन ॥

चौपाई

मुनि कहुं रामुदंडवत कीन्हा। आसिरबादु विप्रवर दीन्हा ॥
देषि रामछवि नयन जुडाने। करि सनमानु आश्रमहिं आने ॥
मुनिबर अतिथि प्रानप्रिय पाए। कंदमूल फल मधुर मगाए ॥
सिय सौमित्रि राम फल पाए। तब मुनि आसन दिये सुहाए ॥
बालमीकि मन आनंदु भारी। मंगलमूरति नयन निहारी ॥
तब करकमल जोरि रघुराई। बोले बचन श्रवनसुषदाई ॥
तुम्ह त्रिकालदरसी मुनिनाथा। बिस्व बदर जिमि तुम्हरें हाथा ॥
अस कहि प्रभु सब कथा बषानो। जेहि जेहि भांति दीन्ह बन रानो ॥

दोहा

तातबचन पुनि मातुहित भाइ भरत अस राउ ।
मोकहुं दरसतुम्हार प्रभु सबु मम पुन्यप्रभाव ॥

चौपाई

देषि पाय मुनिराय तुम्हारे। भये सुकृत सब सुफल हमारे ॥
अब जहँ राउर आयसुं होई। मुनि उदबेगु न पावइ कोई ॥
मुनि तापस जिन्हतें दुषु लहहीं। ते नरेस बिनु पावक दहहीं ॥
मंगलमूल विप्रपरितोषू। दहइ कोटि कुल भूसुररोषू ॥
अस जिय जानि कहिअ सोइ ठाऊं। सिय सौमित्रि सहित जहँ जाऊं ॥
तह रचि रचिर परनतनसाला। बासु करउं कछु काल कृपाला ॥
सहज सरल सुनि रघुबरबानी। साधु साधु बोले मुनि ग्यानी ॥
कस न कहहु अस रघुकुलकेतू। तुम्ह पालक संततश्रुतिसेतू ॥

छंद

श्रुतिसेतुपालक राम तुम्ह जगदीसमाया जानकी ।

जो सृजति जगु पालति हरति रुष पाइ कृपानिधानकी ॥
जो सहससीसु अर्हासु महिधरु लषनु सचराचरधनी ।
सुरकाज धरि नरराजतनु चले दलन पलनिसिचरअनी ॥

सोरठा

रामसरूप तुम्हार बचनअगोचर बुद्धिपर ।
अबिगत अकथ अपार नेति नेति नित निगम कह ॥

चौपाई

जगु पेषन तुम्ह देखनिहारे । बिधि हरि संभु नचावनिहारे ॥
तेउ न जानहिं मरमु तुम्हारा । और तुम्हहि को जाननिहारा ॥
सोइ जानइ जेहि देहु जनाई । जानत तुम्हहिं तुम्हइ होइ जाई ॥
तुम्हरिहि कृपा तुम्हहिं रघुनदन । जानहिं भगत भगतउरचदन ॥
चिदानंदमय देह तुम्हारी । बिगतविकार जान अधिकारी ॥
नरतनु धरेहु संतसुरकाजा । कहहु करहु जस प्राकृत राजा ॥
राम देषि सुनि चरित तुम्हारे । जड मोहहिं बुध हौहिं सुषारे ॥
तुम्ह जो कहहु करहु सबु साचा । जस काछिअ तस चाहिअ नाचा ॥

देहा

पूछेउ मोहि कि रहौं कहं मै पूछत सकुचाउं ।
जहं न होहु तहं देहु कहि तुम्हहि देषावउं ठाउं ॥

चौपाई

सुनि मुनिबचन प्रेमरस साने । सकुचि राम मन महुं मुसुकाने ॥
बालमीकि हंसि कहहिं बहोरी । बानी मधुर अभिरस बोरी ॥
सुनहुं राम अब कहहुं निकेता । जहां बसहु सिय लषन समेता ॥
जिन्ह के श्रवन समुद्र समाना । कथा तुम्हारि सुभग सरि नाना ॥
भरहिं निरंतर हौहिं न पूरे । तिन्ह के हिय तुम्ह कहुं गृह रूरे ॥
लोचन चातक जिन्ह करि राषे । रहहिं दरसजलधर अभिलाषे ॥
निदरहिं सरित सिंधु सर भारी । रूपबिंदु जल हौहिं सुषारी ॥
तिन्ह के हृदयसदन सुषदायक । बसहु बंधु सिय सह रघुनायक ॥

दोहा

जसु तुम्हार मानस बिमल हंसिनि जीहा जासु ।

मुकताहल गुनगन चुनइ राम बसहु हिय तासु ॥

चौपाई

प्रभुप्रसादसुचि सुभग सुबासा । सादर जासु लहइ नित नासा ॥
तुम्हहिं निवेदित भोजन करहीं । प्रभुप्रसाद पट भूषन धरहीं ॥
सीस नवहिं सुरगुर द्विज देशी । प्रीति सहित करि बिनय बिसेषी ॥
कर नित करहिं रामपदपूजा । रामभरोस हृदय नहि दृजा ॥
चरन रामतीरथ चलि जांहीं । राम बसहु तिन्ह के मन माहीं ॥
मंत्रराज नित जपहिं तुम्हारा । पूजहिं तुम्हहि सहित परिवारा ॥
तरपन होम करहिं बिधि नाना । बिप्र जैवाइ देहिं बहु दाना ॥
तुम्हत्तैं अधिक गुरहि जिय जानी । सकल भाय सेवहिं सनमानी ॥

दोहा

सबु करि मांगहिं एकु फलु रामचरनरति होउ ।

तिन्ह के मनमंदिर बसहु सिय रघुनंदन दोउ ॥

चौपाई

काम कोह मद मान न मोहा । लोभ न छोभ न राग न द्रोहा ॥
जिन्ह के कपट दभ नहि माया । तिन्ह के हृदय बसहु रघुराया ॥
सब के प्रिय सब के हितकारी । दुष सुष सरिस प्रसंसा गारी ॥
कहहिं सत्य प्रिय बचन बिचारो । जागत सोवन सरन तुम्हारी ॥
तुम्हहिं छांडि गति दूसरि नाहीं । राम बसहु तिन्ह के मन माहीं ॥
जननी सम जानहि परनारो । धनु पराव बिष तैं बिष भारी ॥
जे हरषहिं परसंपति देशी । दुषित हौहि पर बिपति बिसेषी ॥
जिन्हहिं राम तुम्ह प्रानपिआरे । तिन्ह के मन सुभ सदन तुम्हारे ॥

दोहा

स्वामि सषा पितु मातु गुर जिनके सब तुम्ह तात ।

मनमंदिर तिन्ह के बसहु सीय सहित दोउ भ्रात ॥

चौपाई

अवगुन तजि सबके गुन गहही । विप्रवेनुहित संकट सहहीं ॥
 नीतिनिपुन जिन्ह कह जग लीका । घर तुम्हार तिन्ह कर मनु नीका ॥
 गुन तुम्हार समुझइ निज दोसा । जेहि सब भांति तुम्हार भगोसा ॥
 रामभगत प्रिय लागहिं जेही । तेहि उर बसहु सहित बैदेही ॥
 जाति पांति धनु धरमु बडाई । प्रिय परिवार सदन सुषदाई ॥
 सब तजि तुम्हहिं र इ उर लाई । तेहि के हृदय रहहु रघुराई ॥
 सरगु नरकु अपबगु समाना । जहं तहं देश धरे धनु बाना ॥
 करम बचन मन राउर चेरा । राम करहु तेहि के उर डेरा ॥

दोहा

जाहि न चाहिअ कबहुं कछु तुम्ह सन सहज सनेहु ।
 बसहु निरंतर तासु मन सो राउर निज गेहु ॥

चौपाई

एहि बिधि मुनिबर भवन देशाप । बचन सप्रेम राममन भाप ॥
 कह मुनि सुनहुं भानुकलनायक । आश्रमु कहउं समय सुषदायक ॥
 चित्रकूटगिरि करहु निवासू । तहं तुम्हार सब भांति सुपासू ॥
 सैलु सुहावन कानन चारू । करि केहरि मृग बिहगबिहारू ॥
 नदी पुनीत पुरान बषानी । अत्रिप्रिया निज तपबल आनी ॥
 सुरसरिधार नःउं मंदाकिनि । जो सब पातकपोतकडाकिनि ॥
 अत्रि आदि मुनिबर बहु बसहीं । करहिं जोग जप तप तन कसहीं ॥
 चलहु सफल श्रम सब कर करहु । राम देहु गौरव गिरिबरहु ॥

दोहा

चित्रकूटमहिमा अमित कही महामुनि गाइ ।
 आई नहाये सरितवर सिय समेत दोउ भाइ ॥

चौपाई

रघुबर कहेउ लषन भल घाटू । करहु कतहुं अब ठाहरठाटू ॥
 लषन दीष पयउतरकरारा । चहुंदिसि फिरेउ धनुष जिमि नारा ॥
 नदी पनच सर सम दम दाना । सकल कलुष कृति साउज नाना ॥

चित्रकूट जनु अचल अहेरी। चुकइ न घात मार मुठभेरी ॥
 अस कहि लषन ठांव देषरावा। थलु बिलोकि रघुबर सुधु पावा ॥
 रमेउ राममनु देवन्ह जाना। चले सहित सुर थपतिप्रधाना ॥
 कोल किरात वेष सब आए। रचे परनतून सदन सुहाए ॥
 बरनि न जाहि मंजु दुइ साला। एक ललित लघु एक बिसाला ॥

दोहा

लषन जानकी सहित प्रभु राजत रुचिर निकेत।
 सोह मदन मुनिवेष जनु रति रितुराज समेत ॥

चौपाई

अमर नाग किन्नर दिसिपाला। चित्रकूट आए तेहि काला ॥
 राम प्रनामु कीन्ह सब काहू। मुदित देव लहि लोचनलाहू ॥
 बरषि सुमन कह देवसमाजू। नाथ सनाथ भये हम आजू ॥
 करि बिनती दुष दुसह सुनाए। हरषित निज निज सदन सिधाए ॥
 चित्रकूट रघुनंदनु छाए। समाचार सुनि सुनि मुनि आए ॥
 आवत देषि मुदित मुनिबुंदा। कीन्ह दंडवत रघुकुलचंदा ॥
 मुनि रघुबरहि लाइ उर लेही। सुफल होन हित आसिष देहीं ॥
 सिय सौमित्रि रामछुबि देषहिं। साधन सकल सफल करि लेषहिं ॥

दोहा

जथा जोग सनमानि प्रभु विदा किये मुनिबुंद।
 करहि जोग जप जाग तप निज आश्रमनि सुखुंद ॥

चौपाई

यह सुधि कोल किरातन्ह पाई। हरषे जनु नवनिधि घर आई ॥
 कंद मूल फल भरि भरि दोना। चले रंक जनु लूटन सोना ॥
 तिन्हमहं जिन्ह देषे दोउ भ्राता। अपर तिन्हहि पूंछहि मगु जाता ॥
 कहत सुनत रघुबीरनिकाई। आई सबन्हि देषे रघुराई ॥
 करहि जोहार भेट धरि आगे। प्रभुहि बिलोकहि अति अनुरागे ॥
 चित्र लिषे जनु जहं तहं ठाढे। पुलकसरीर नयनजल बाढे ॥
 राम सनेहमगन सब जाने। कहि प्रियवचन सकल सनमाने ॥

प्रभुहि जोहारि बहोरि बहोरी। बचन विनीत कहहिं कर जोरी ॥

दोहा

अब हम नाथ सनाथ सब भय देखि प्रभुपाय ।

भाग हमारे आगमनु राउर कोसलराय ॥

चौपाई

धन्य भूमि बन पंथ पहारा । जहं जहं नाथ पाउ तुम्ह धारा ॥
 धन्य बिहग मृग काननचारी । सफलजनम भये तुम्हहि निहारी ॥
 हम सब धन्य सहित परिवारा । दीष दरसु भरि नयन तुम्हारा ॥
 कीन्ह बासु भल ठाउं बिचारी । इहां सकल रितु रहब सुषारी ॥
 हम सब भांति करब सेवकाई । करि केहरि अहि बाध बराई ॥
 बन बेहड गिरिकंदर षोहा । सब हमार प्रभु पग पग जोहा ॥
 तहं तहं तुम्हहि अहेर पेलाउब । सर निरभर भल ठाउं देषाउब ॥
 हम सेवक परिवार समेता । नाथ न सकुचब आयसु देता ॥

दोहा

बेदबचनमुनिमनअगम ते प्रभु करुनाअयन ।

बचन किरातन्हके सुनत जिमि पितु बालकबचन ॥

चौपाई

रामहिं केवल प्रभु पिआरा । जानि लेउ जो जाननिहारा ॥
 राम सकल बनचर तब तोषे । कहि मृदु बचन प्रेम परिपोषे ॥
 बिदा किये सिरु नाइ सिधाये । प्रभुगुन कहत सुनत घर आए ॥
 एहि बिधि सिय समेत दोउ भाई । बसहिं बिपिन सुरमुनिसुषदाई ॥
 जबतैं आइ रहे रघुनायकु । तबतैं भएउ बनु मंगलदायकु ॥
 फूलहिं फलहिं बिटप बिधि नाना । मंजु बलित बरबेलि बिताना ॥
 सुरतरु सरिस सुभायं सुहाए । मनहुं विविध बन परिहरि आये ॥
 गुंज मंजुतर मधुकरअनी । त्रिविध बयारि बहइ सुषदेनी ॥

दोहा

नीलकंठ कलकंठ सुक चातक चक्र चकोर ।

भांति भांति बोलहिं बिहग अवनसुषद चितचोर ॥

चौपाई

करि केहरि कपि कोल कुरंगा । बिगत बैर बिचरहि सब संग्गा ॥
 फिरत अहेर रामछुबि देषी । होंहि मुदित मृगबृंद बिसेषी ॥
 बिबुधबिपिन जहं लगि जग माहीं । देषि रामबनु सकल सिहाही ॥
 सुरसरि सरसइ दिनकरकन्या । मेकलसुता गोदावरि धन्या ॥
 सब सर सिंधु नदी नद नाना । मंदाकिनि कर करहि बषाना ॥
 उदयअस्तगिरि अरु कैलास । मंदर मेरु सकल सुरवास ॥
 सैल हिमाचल आदिक जेते । चित्रकूटजसु गांवहि तेते ॥
 बिधि मुदितमन सुषु न समाई । अमबिनु बिपुल बडाई पाई ॥

दोहा

चित्रकूट के बिहंग मृग बेलि बिटप तृनजाति ।
 पुन्यपुंज सब धन्य अस कहहि देव दिन राति ॥

चौपाई

नयनवंत रघुवरहि बिलोकी । पाइ जनमफल होंहि बिसोकी ॥
 परसि चरनरज अचर सुषारी । भये परमपद के अधिकारी ॥
 सो बन सैल सुभाय सुहावन । मंगलमय अति पावनपावन ॥
 महिमा कहिअ कवनि बिधि तासू । सुषसागर जहं कीन्ह निवास ॥
 पयपयोधि तजि अवध बिहाई । जहं सिय लषनु रामु रहे आई ॥
 कहि न सकहि सुषमा जसि कानन । जौ सत सहस होहि सहसानन ॥
 सो मै बरनि कहौ बिधि केहीं । डाबरकमठ कि मंदर लेही ॥
 सेवहि लषनु करम मन बानी । जाइ न सीलु सनेहु बषानी ॥

दोहा

छिनु छिनु लषि सियरामपद जानि आपु पर नेहु ।
 करत न सपनेहुं लषनु चितु बंधु मातु पितु गोहु ॥

चौपाई

रामसंग सिय रहति सुषारी । पुर परिजन गृह सुरति बिसारी ॥
 छिनु छिनु पियबिधुबदनु निहारी । प्रमुदित मनहुं चकोरकुमारी ॥
 नाहनेहु नित बढत बिलोकी । हरषित रहति दिवस जिमि कोकी ॥

सियमनु रामवरनअनुरागा । अवध सहस सम बन प्रिय लागा ॥
 परनकुटी प्रिय प्रियतम संग । प्रिय परिवार कुरंग बिहंगा ॥
 सासु ससुर सम मुनितिय मुनिवर । असन अमिअ सम कंद मूल फर ॥
 नाथ साथ सांथरी सुहाई । मयनसयन सय सम सुपदाई ॥
 लोकप हौहि बिलोकत जासू । तेहि कि मोहि सकु बिषयबिलासू ॥

दोहा

सुमिरत रामहिं तजहिं जन तृनसम बिषयबिलासु ।
 रामप्रिया जगजननि सिय कछु न आचरजु तासु ॥

चौपाई

सीय लषन जेहि बिधि सुष लहहीं । सोइ रघुनाथ करहिं सोइ कहहीं ॥
 कहहिं पुरातन कथा कहानी । सुनहिं लषनु सिय अति सुषु मानी ॥
 जब जब रामु अवधसुधि करहीं । तब तब बारि बिलोचन भरही ॥
 सुमिरि मातु पितु परिजन भाई । भरतसनेहु सीलु सेवकाई ॥
 कृपासिंधु प्रभु हौहि दुषारी । धीरजु धरहिं कुसमउ बिचारी ॥
 लषि सिय लषनु बिकल होइ जाहीं । जिमि पुरुषहिं अनुसर परिछाहीं ॥
 प्रियाबंधुगति लषि रघुनंदनु । धीर कृपाल भगतउरचंदनु ॥
 लगे कहन कछु कथा पुनीता । सुनि सुषु लहहिं लषन अरु सीता ॥

दोहा

राम लषन सीता सहित सोहत परननिकेत ।
 जिमि बासव बस अमरपुर सची जयंत समेत ॥

चौपाई

जोगवहिं प्रभु सिय लषनहि कैसैं । पलक बिलोचनगोलक जैसैं ॥
 सेवहिं लषनु सीय रघुबीरहि । जिमि अबिबेकी पुरष सरीरहि ॥
 एहि बिधि प्रभु बन बसहिं सुषारी । षग मृग सुर तापसहितकारी ॥
 कहैंउ रामबनगवतु सुहावा । सुनहुं सुमंत्र अवध जिमि अवा ॥
 फिरेउ निषादु प्रभुहि पडुंवाई । सचिव सहित रथ देखेसि आई ॥
 मंत्री बिकल बिलोकि निषादू । कहि न जाइ जस भयउ बिषादू ॥
 राम राम सिय लषनु पुकारी । परेउ धरनितल व्याकुल भारी ॥

वेषि दषिन दिसि हय हिहिनाहीं । जनु बिनुपंष बिहंग अकुलाहीं ॥

दोहा

नहि तून चरहिं न पिअहिं जलु मोचहिं लोचनबारि ।

व्याकुल भय निषाद सब रघुबरबाजि निहारि ॥

चौपाई

धरि धीरजु तब कहइ निषादू । अब सुमंत्र परिहरहु बिषादू ॥

तुम्ह पंडित परमारथग्याता । धरहु धीर लषि बिमुष बिधाता ॥

बिविध कथा कहि कहि मृदुबानी । रथ बैठारेउ बरबस आनी ॥

सोकसिथिल रथ सकइ न हांकी । रघुबरबिरहपीर उर बांकी ॥

चरफराहिं मग चलहिं न घोरे । बनमृग मनहु आनि रथ जोरे ॥

अदुकि परहिं फिरि हेरहिं पीछें । रामबियोगबिकल दुषतीछें ॥

जो कह राम लषनु बैदेही । हिकरि हिकरि हित हेरहि तेही ॥

बाजिबिरहगति कहि किमि जाती । बिनु मनि फनिक बिकल जैहि भांती ॥

दोहा

भयउ निषादु बिषादबस देषत सचिव तुरंग ।

बोलि सुसेवक चारि तब दिये सारथीसंग ॥

चौपाई

गुह सारथिहि फिरे पहुंचाई । बिरहु बिषाद बरनि नहि जाई ॥

चले अवध लै रथहि निषादा । हौहि छुनहिं छुन मगन बिषादा ॥

सोच सुमंत्र बिकल दुषदीना । धिग जीवन रघुबीरबिहीना ॥

रहिहि न अंतहु अधमु संरीरु । जसु न लहेउ बिछुरत रघुबीरु ॥

भये अजसअधभाजन प्राणा । कवन हेतु नहि करत पयाना ॥

अहह मंद मनु अवसर चूका । अजहुं न हृदय होत दुइ दूका ॥

मीजि हाथ सिरु धुनि पछिताई । मनहुं रूपन धनराशि गवाई ॥

बिरद बांधि बरबीरु कहाई । चलेउ समर जनु सुभट पराई ॥

दोहा

बिप्र बिबेकी बेदबिद संमत साधु सुजाति ।

जिमि धोषे मद पानकर सचिव सोच तेहि भांति ॥

चौपाई

जिमि कुलीन तिय साधु सयानी । पतिदेधता करममनबानी ॥
 रहैं करमबस परिहरि नाहं । सचिव हृदय तिमि दारुन दाहं ॥
 लोचन सजल डीठि भइ थोरी । सुनई न श्रवन बिकल मति भोरी ॥
 सूरहिं अश्वर लागि मुह लाटी । जिउ न जाइ उर अवधिकपाटी ॥
 बिबरन भयउ न जाइ निहारी । मारेसि मनहुं पिता महनारी ॥
 हानि गलानि बिपुल मन व्यापी । जमपुरपंथ सोच जिमि पापी ॥
 बचनु न आव हृदय पछितार्ई । अवध काह मै देषव जाई ॥
 रामरहित रथ देषिहि जोई । सकुचिहि मोहि बिलोकित सोई ॥

दोहा

धाई पूंछिहहिं मोहि जब बिकल नगर नरनारि ।
 उतरु देव मै सबहि तब हृदय बज्रु बैठारि ॥

चौपाई

पुंछिहहिं दीनदुषित सब माता । कहव काह मै तिन्हहि बिधाता ॥
 पूंछिहि जबहिं लषनमहतारी । कहिहौं कवन संदेस सुषारी ॥
 रामजननि जब जब आइहि धाई । सुमिरि बच्छु जिमि धेनु लवाई ॥
 पूंछत उतर देव मै तेही । गो बनु राम लषनु बैदेही ॥
 जोइ पूंछिहि तेहि ऊतर देवा । जाइ अवध अब एहु सुषु लेवा ॥
 पूंछिहि जबहिं राउ दुषदीना । जिवनु जासु रघुनाथअधीना ॥
 देहौं उतर कौनु मुहु लाई । आयेउं कुसल कुअर पहुंचाई ॥
 सुनत लषन सिय राम संदेस । तन जिमि तनु परिहरिहि नरेस ॥

दोहा

हृदउ न बिदरेउ पंक जिमि बिछुरत प्रीतमु नीरु ।
 जानत हौ मोहि दीन्ह बिधि येहु जातना सरीरु ॥

चौपाई

एहि बिधि करत पंथ पछितावा । तमसातीर तुरत रथु आवा ॥
 बिदा किये करि बिनय निषादा । फिरे पायं परि बिकलबिषादा ॥
 पैदत नगर सचिव सकुचाई । जनु मारेसि गुरु बांभन गाई ॥

बैठि बिटप तर दिवसु गंवावा । सांझ समय तब अवसर पावा ॥
 अवधप्रवेशु कीन्ह अधियारें । पैठ भवन रथ राषि दुआरें ॥
 जिन्ह जिन्ह समाचार सुनि पाये । भूपद्वार रथ दैषन आप ॥
 रथ पहिचानि बिकल लषि घोरे । गरहिं गात जिमि आतप ओरे ॥
 नगर नारि नर व्याकुल कैसे । निघटत नीर मीनगन जैसे ॥

दोहा

सचिव आगमनु सुनत सबु बिकल भएउ रनिवासु ।
 भवनु भयकरु लाग तेहि मानहुं प्रेतनिवासु ॥

चौपाई

अति आरति सब पूंछहि रानी । उतरु न आव बिकल भइ बानी ॥
 सुनइ न श्रवन नयन नहि सूझा । कहहु कहां नृपु तेहि तेहि बूझा ॥
 दासिन्ह दीप सचिव बिकलाई । कौसल्यागृह गई लवाई ॥
 जाइ सुमंत्र दीष कस राजा । अमियरहित जनु चंदु बिराजा ॥
 आसन सयन बिभूषनहीना । परेउ भूमितल निपट मलीना ॥
 लेइ उसास सोच एहि भांती । सुरपुर ते जनु पसेउ जजाती ॥
 लेत सोच भरि छिनु छिनु छाती । जनु जरि पंष परेउ संपाती ॥
 राम राम कह राम सनेही । पुनि कह राम लषन बैदेही ॥

दोहा

देखि सचिव जयजीव कहि कीन्हेउ दंडप्रनामु ।
 सुनत उठेउ व्याकुल नृपति कहु सुमंत्र कहं रामु ॥

चौपाई

भूप सुमंत्रु लीन्ह उरलाई । बूडत कछु आधार जनु पाई ॥
 सहित सनेह निकट बैठारी । पूंछत राउ नयन भरि बारी ॥
 रामकुसल कहु सषा सनेही । कहं रघुनाथ लषनु बैदेही ॥
 आने फेरि कि बनहिं सिधाए । सुनत सचिवलोचन जल छाए ॥
 लोक बिकल पुनि पूंछ नरेसू । कहु सिय राम लषन संदेसू ॥
 रामरूप गुन सील सुभाऊ । सुमिरि सुमिरि उर सोचत राऊ ॥
 राऊ सुनाय दीन्ह बनबासू । सुनि मन भएउ न हरष हरांसू ॥

सो सुत बिछुरत गए न प्राना । को पापी बड मोहि समाना ॥

दोहा

सपा रामु सिय लषनु जहं तहां मोहि पहुंचाउ ।

नाहित चाहत चलन अब प्रान कहौ सति भाउ ॥

चौपाई

पुनि पुनि पूछत मंत्रिहि राज । प्रियतम सुअनसंदेस सुनाऊ ॥
करहि सषा सोइ बेगि उपाऊ । रामु लषन सिय नयन देषाऊ ॥
सचिउ धीर धरि कह मृदु वानी । माहराज तुम्ह पंडित ज्ञानी ॥
बीर सुधीर धुरंधर देवा । साधु समाज सदा तुम्ह सेवा ॥
जनम मरन सब दुष सुष भोगा । हानि लाभु प्रियमिलन बियोगा ॥
काल करमबस होंहि गोसाईं । बरबस राति दिवस की नाई ॥
सुष हरषहि जड दुष बिलषाहीं । दोउ सम धीर धरहि मन माहीं ॥
धीरज धरहु बिबेकु बिचारी । छाडिअ सोच सकलहितकारी ॥

दोहा

प्रथम बासु तमसा भएउ दूसरि सुरसरि तीर ।

न्हाइ रहे जल पानु करि सियसमेत दोउ बीर ॥

चौपाई

केवट कीन्ह बहुत सेवकाई । सो जामिनि सिंगरौ गवाई ॥
होत प्रान बटछीरु मगावा । जटामुकट निज सीस बनावा ॥
रामसषा तब नाव मगाई । प्रिया चढाइ चढे रघुराई ॥
लषन वान धनु धरे बनाई । आपु चढे प्रभु आयेसु पाई ॥
बिकल बिलोकि मोहि रघुबीरा । बोले मधुर बचन धरि धीरा ॥
तात प्रनामु तात सन कहेहु । बार बार पदपंकज गहेहु ॥
करबि पाय परि बिनय बहोरी । तात करिअ जनि चिंता मोरी ॥
बनमग मंगल कुसल हमारें । कृपा अनुग्रह पुन्य तुम्हारें ॥

बहु

तुम्हरे अनुग्रह तात कानन जात सब सुषु पाइहों ।

प्रतिपालि आयसु कुसल दैपन पाय पुनि फिरि आइहों ॥

जननी सकल परितोषि परिपरि पायं करि बिनती घनी ।
तुलसी करेहु सोइ जतनु जेहि कुसली रहहि कोसलधनी ॥

सोरठा

गुर सन कहब संदेसु बार बार पदपदुम गहि ।
करब सोइ उपदेसु जेहि न सोच मोहि अवधपति ॥

चौपाई

पुरजन परिजन सकल निहोरी । तात सुनायेहु बिनती मोरी ॥
सोइ सब भांति मोर हितकारी । जातैं रह नरनाहुं सुषारी ॥
कहब संदेसु भरत के आदि । नीति न तजिअ राजपदु पाप ॥
पालेहु प्रजहि करम मन बानी । सेणहु मातु सकल सम जानी ॥
और निबाहेहु भायप भाई । करि पितु मातु सुजनसेवकाई ॥
तात भांति तेहि राखब राऊ । सोच मोर जेहि करइ न काऊ ॥
लपन कहे कछु बचन कठोरा । बरजि राम पुनि मोहि निहोरा ॥
बारबार निज सपथ देवाई । कहबि न तात लपन लरिकवाई ॥

दोहा

कहि प्रनामु कछु कहन लिय सिय भइ सिथिलसनेह ।
थकित बचन लोचन सजल पुलकपल्लवित देह ॥

चौपाई

तेहि अवसर रघुबररूप पाई । केवट पारहि नाव चलवाई ॥
रघुकुलतिलक चले एहि भांती । देखेउं ठाढ़ कुलिस धरि छाती ॥
मै आपन किमि कहउं कलेसू । जिअत फिरेउं लेइ रामसंदेसू ॥
अस कहि सचिव बचन रहि गयऊ । हानि गलानि सोच बस भयऊ ॥
सूतबचन सुनतहि नरनाहू । परेउ धरनि उर दारुन दाहू ॥
तलफत बिषम मोह मन मापा । मांजा मनहुं मीन कहुं व्यापा ॥
करि बिलाप सब रोवहि रानी । महा बिपति किमि जाइ बषानी ॥
सुनि बिलाप दुषह दुषु लागा । धीरजुहू कर धीरजु भागा ॥

दोहा

भयेउ कोलाहलु अवधि अति सुनि नृपराउर सोर ।

बिपुल बिहंगवन परेउ निसि मानहुं कुलिस कठोर ॥

चौपाई

प्रानकंडगत भयेउ भुआलू । मनिबिहीन जनु ब्याकुल ब्यालू ॥
इंद्री सकल बिकल भइं भारी । जनु सर सरसिज बन बिनुबारी ॥
कौसल्या नृपु दीष मलाना । रबिकुलरबि अंथणउ जिय जाना ॥
उर धरिं धीर राममहतारी । बोली बचन समय अनुसारी ॥
नाथ समुक्ति मन करिअ विचारू । रामबियोग पयोधि अपारू ॥
करनधार तुम्ह अवधजहाजू । चढेउ सकल प्रिय पथिक समाजू ॥
धीरजु धरिअ त पाइअ पारू । नाहि त बूडिहि सबु परिवारू ॥
जौ जिय धरिअ बिनय पिय मोरी । रामु लषनु सिय मिलहिं बहोरी ॥

दोहा

प्रियाबचन मृदु सुनत नृप चितणउ आंषि उधारि ।
तलफत मीन मलोन जनु सींचत सीतल बारि ॥

चौपाई

धरि धीरजु उठि बैठि भुआलू । कहु सुमंत्र कहँ राम कृपालू ॥
कहां लषनु कहं रामु सनेही । कहं प्रियपुत्रबधू बैदेही ॥
बिलपत राउ बिकल बडु भांती । भइ जुग सरिस सिराति न राती ॥
तापसअंधसाप सुधि आई । कौसल्यहि सब कथा सुनाई ॥
भणउ बिकल बरनत इतिहासा । रामरहित धिग जीवनआसा ॥
सो तनु राषि करव मै काहा । जैहि न प्रेमपनु मोर निबाहा ॥
हा रघुनदन प्रानपिरीते । तुम्ह बिनु जियत बहुत दिन बीते ॥
हा जानकी लषन हा रघुबर । हा पितुहित चितचातकजलधर ॥

दोहा

राम राम कहि राम कहि राम राम कहि राम ।
तनु परिहरि रघुबरबिरह राउ गयेउ सुरधाम ॥



उत्तरकाण्ड

दोहा

रहा एक दिन अवधि कर, अति आरत पुरलोग ।
जहँ तहँ सोचहि नारि नर, कसतन रामवियोग ॥
सगुन होहि सुंदर सकल, मन प्रसन्न सब केर ।
प्रभुआगमन जनाव जनु, नगर रम्य चहुँ फेर ॥
कौसल्यादि मातु सब, मन अनंद अस होइ ।
आपउ प्रभु स्त्रिय अनुजजुत, कहन चहत अब कोइ ॥
भरत नयन भुज दछिन, फरकहि बारहि बार ।
जाति सगुन मच हरष अति, लागे करै विचार ॥

चौपाई

रहेउ एक दिनु अवधिअधारा । समुझत मन दुष भएउ अपारा ॥
कारन कवन नाथ नहिँ आएउ । जानि कुटिल किधौं मोहिँ बिसराएउ ॥
अहह धन्य लछिमनु बड़भागी । रामपदारविंद अनुरागी ॥
कपट्टी कुटिल मोहिँ प्रभु चीन्हा । ताते नाथ संग नहिँ लीन्हा ॥
जो करनी समुझै प्रभु मोरी । नहिँ निस्तार कलप सतकोरी ॥
जबअवगुन प्रभु मान न काऊ । दोनबंधु अति मृदुल सुभाऊ ॥
मोरे जिय भरोस दंड, सोई । मिलिहहिँ रामु सगुन सुभ होई ॥
बीते अवधि रहहिँ जौ प्राना । अधम कवन जग मोहिँ समाना ॥

दोहा

रामविरहसागर महँ, भरत मगनमन होत ।
बिप्ररूप धरि पवनसुत, अइ गएउ जनु पोत ॥
बैठे देशि कुसासच, जदामुकुट कसगात ।
राम राम रघुपति जपत, सवत नयनजलजात ॥

चौपाई

वेषत हनूमान अति हरषेउ । पुलकगात लोचनजल बरषेउ ॥

मन महुँ बहुत भांति सुष मानी । बोलेउ श्रवनसुधा सम बानी ॥
जासु विरह सोचहु दिनुराती । रटहु निरंतर गुनगनपांती ॥
रघुकुलतिलक सुजनसुषदाता । आपउ कुसल देवमुनित्राता ॥
रिपु रन जोति सुजस सुर गावत । सीता अनुज सहित पुर आवत ॥
सुनत वचन बिसरे सब दूषा । तृषावन्त जिमि पाव पियूषा ॥
को तुम तात कहाँ ते आये । मोहिं परम प्रिय वचन सुनाये ॥
मारुतसुत मैं कपि हनुमाना । नाम मोर सुनु कृपानिधाना ॥
दीनबंधु रघुपतिकर किंकर । सुनत भरत भेंटैउ उठि सादर ॥
मिलत प्रेमु नहिं हृदय समाता । नयन स्रवत जल पुलकितगाता ॥
कपि तव दरस सकल दुष बीते । मिले आजु मोहिं रामु पिरि ते ॥
बार बार वृभी कुसलाता । तो कहूँ देउँ काह सुनु भ्राता ॥
एहि संदेस सरिस जग माहीं । करि विचार देषेउं कहु नाहीं ॥
नाहिंन तात उरिन मैं तोहीं । अब प्रभुचरित सुनावहु मोहीं ॥
तब हनुमंत नाइ पद माथा । कहे सकल रघुपतिगुनगाथा ॥
कहु कपि कबहुँ कृपालु गुसाई । सुमिरहिं मोहिं दासकी नाई ॥

छंद

निज दास ज्यों रघुवंसभूषन कबहुँ मम सुमिरन करयो ।
सुनि भरतवचन विनीत अति कपि पुलकि तनु चरननिः परयो ॥
रघुवीर निज मुष जासु गुनगन कहत अगजगनाथ जो ।
काहे न होइ विनीत परम पुनीत सदगुनसिंधु सो ॥

दोहा

रामप्रानप्रिय नाथ तुम , सत्य वचन मम तात ।
पुनि पुनि मिलत भरत सन , हरष न हृदय समात ॥

सोरठा

भरतचरन सिर नाइ , तुरत गणउ कपि रामपहँ ।
कही कुसल सब जाइ , हरषि चले प्रभु जान चढ़ि ॥

चौपाई

हरषि भरत कोसलपुर आए । समाचार सब गुरहिं सुनाए ॥

पुनि मंदिर महाँ बात जनाई । आवत नगर कुसल रघुराई ॥
 सुनत सकल जननी उठि धाई । कहि प्रभु कुसल भरत समुभाई ॥
 समाचार पुरवासिन्ह . पाए । नर अरु नारि हरषि सब धाए ॥
 दधि दूर्बा रोचन फल फूला । नव तुलसीदल मंगलमूला ॥
 भरि भरि हेमथार घर भामिनि । गावत चलीं सिंधुरागामिनि ॥
 जो जैसहि तैसहि उठि धावहि । बाल वृद्ध कहुं संग न लावहि ॥
 एक एक कहुं बूझहि भाई । तुम देषे दयाल रघुराई ॥
 अवधपुरी प्रभु आवत जानी । भई सकल शोभा कै षानी ॥
 भइ सरजू अति निरमल नीरा । बहै सुहावनि त्रिविध समीरा ॥

दोहा

हरषित गुर पुरजन अनुज , भूसुरवृंद समेत ।
 चले भरत अति प्रेममन , सनमुष कृपानिकेत ॥
 बहुतक चढ़ीं अटारिन्ह , निरपत गगन विमान ।
 देषि मधुर सुर हरषअति , करहिं सुमंगल गान ॥
 राकाससि रघुपतिपुर , सिंधु देषि हरषान ।
 बढेउ कोलाहल करत जनु , नारि तरंग समान ॥

चौपाई

इहां भानुकुलकमलदिवाकर । कपिन्ह देपावत नगर मनोहर ॥
 सुनु कपीस अंगद लकेसा । पावन पुरी रुचिर यह देसा ॥
 जद्यपि सब वैकुण्ठ . वषाना । वेद पुरानविदित जगजाना ॥
 अवध सरिस प्रिय मोहिं नं सोऊ । एह प्रसंग जानै कोउ कोऊ ॥
 जनमभूमि मम पुरी सुहावनि । उत्तरदिसि बह सरजू पावनि ॥
 जामज्जन ते बिनहिं प्रयासा । मम समीप पावहिं नर वासा ॥
 अतिप्रिय मोहिं इहांके वासी । ममधामदा पुरी सुषरासी ॥
 हरषे कपि सब सुनि प्रभुवाणी । धन्य अवध जो राम बषानी ॥

दोहा

आवत देषि लोग सब , कृपासिंधु भगवान ।
 नगर निकट प्रभु प्रेरेउ , उतरेउ भूमि विमान ॥

उतरि कहेउ प्रभु पुष्पकहिँ , तुम कुचेर पहिँ जाहु ।
प्रेरित राम चलेउ सो , हरष विरह अति ताहु ॥

चौपाई

आप भरत संग सब लोगा । कसतनु श्रीरघुवीरवियोगा ॥
वामदेव बसिष्ठ मुनिनायक । देषे प्रभु महि धरि धनु सायक ॥
धाइ धरे गुरचरनसरोरुह । अनुज सहित अति पुलकतनोरुह ॥
भैंटि कुसल ब्रूमी मुनिराया । हमरे कुसल तुम्हारिहि दाया ॥
सकल द्विजन मिलि नापउ माथा । धरमधुरधर रघुकुलनाथा ॥
गहे भरत पुनि प्रभुपदपंकज । नमत जिनहिँ सुर मुनि शंकर अज ॥
परे भूमि नहिँ उठत उठाए । बर करि कृपासिंधु उर लाये ॥
स्यामल गात रोम भये ठाढ़े । नवराजीवनयन जल बाढ़े ॥

छंद

राजीवलोचन झवत जल तनु ललित पुलकावलि बनी ।
अतिप्रेम हृदय लगाय अनुजहिँ मिले प्रभु त्रिभुवनधनी ॥
प्रभु मिलत अनुजहिँ सोह मो पहुँ जात नहिँ उपमा कही ।
जनु प्रेम अरु शृंगार तनु धरि मिलत वर सुषमा ही ॥
ब्रूकत कृपानिधि कुसल भरतहिँ वचन वेगि न आवई ।
सुनि शिवा सो सुष वचन मनते भिन्न जान जो पावई ॥
अब कुसल कोसलनाथ आरत जानि जन दरसन दियो ।
बूड़त विरहवारीश कृपानिधान मोहिँ कर गहिँ लियो ॥

दोहा

पुनि प्रभु हरषित सत्रुहन , भैंटे हृदय लगाइ ।
लछिमन भरत मिले तब , परम प्रेम दोउ भाइ ॥

चौपाई

भरतअनुज लछिमन पुनि भैंटे । दुसह विरहसंभव दुष मेटे ॥
सीताचरन भरत सिर नावा । अनुज समेत परम सुषु पावा ॥
प्रभु बिलोकि हरषे पुरबासी । जनितवियोग विपति सब नासी ॥
प्रेमातुर सब लोग निहारी । कौतुक कीन्ह कृपाल परारी ॥

अमित रूप प्रकटे तेहि काला । जथाजोग मिले सबहि कृपाला ॥
 कृपादृष्टि रघुवीर विलोकी । किए सकल नर नारि विलोकी ॥
 छन महँ सबहि मिले भगवाना । उमा मरम यह काहु न जाना ॥
 यहि विधि सबहि सुषी करि रामा । आगे चले सीलगुनधामा ॥
 कौसल्यादि मातु सब धाई । निरषि बछु जनु धेनु लवाई ॥

छंदु

जनु धेनु बालक बछु तजि गृह चरन वन परबस गई ।
 दिन अंत पुररुष स्रवतथन हुंकार करि धावत भई ॥
 अति प्रेम प्रभु सब मातु भेंटौ वचन मृदु बहु विधि कहे ।
 गइ विषम विपति वियोगभव तिन्ह हरष सुष अगनित लहे ॥

दोहा

भेंटैउ तनय सुमित्रा, रामचरनरति जानि ।
 रामहिं मिलत कैकई, हृदय बहुत सकुचानि ॥
 लछिमन सब मातन्ह मिले, हरषे आसिष पाइ ।
 कैकई कहुं पुनि पुनि मिले मन कर छोभ न जाइ ॥

चौपाई

सासुन सबन्ह मिली वैदेही । चरनन्हि लागि हरष अति तेही ॥
 देहि असीस बूझि कुसलाना । होइ अचल तुम्हार अहिवाता ॥
 सब रघुपतिमुषकमल त्रिलोकहिं । मंगल जानि नयनजल रोकहिं ॥
 कनकधार आरती उतारहिं । बार बार प्रभुगात निहारहिं ॥
 नाना भांति निछावरि करहीं । परमानंद हरष उर भरहीं ॥
 कौसल्या पुनि पुनि रघुवीरहिं । चितवति कृपासिंधु रनधीरहिं ॥
 हृदय बिचारति बारहिं बारा । कवन भांति लंकापति मारा ॥
 अति सुकुमार जुगल मेरे बारे । निसिचर सुभट महाबल भारे ॥

दोहा

लछिमन अरु सीता सहित, प्रभुहिं विलोकहिं मात ।
 परमानंदमगन मन, पुनि पुनि पुलकित गात ॥

चौपाई

लंकापनि कपीस नल नीला । जामवंत अंगद सुभसीला ॥
 हनुमदादि सब वानर वीरा । धरे मनोहर मनुजसरीरा ॥
 भरतसनेह सील व्रत नेमा । सादर सब बरनहि अतिप्रेमा ॥
 देषि नगरवासिन कै रीती । सकल सराहहि प्रभुपदप्रीती ॥
 पुनि रघुपति सब सखा बुलाये । मुनिपदलागनकुसल सिषाये ॥
 गुरु वसिष्ठ कुलपूज्य हमारे । इनकी कृपा दनुज रन मारे ॥
 ए सब सखा सुनहुमुनि मेरे । भए समरसागर कहूँ बेरे ॥
 मम हित लागि जनम इन हारे । भरतहु ते मोहि अधिक पिआरे ॥
 सुनि प्रभुवचन मगन सब भए । निमिष निमिष उपजत सुष नए ॥

दोहा

कौसल्या के चरनन्हि पुनि तिन्ह नापड माथ ।
 आसिष दीन्ही हरषि तुम प्रिय मम जिमि रघुनाथ ॥

दोहा

सुमनवृष्टि नभ संकुल, भवन चले सुषकंद ।
 चढ़े अटारिन्ह देषहीं नगर नारिखरबुंद ॥

चौपाई

कंचनकलस विचित्र सँवारे । सबहि धरे सजि निज निज द्वारे ॥
 बंदनबार पताका केतू । सबन्हि बनाये मंगलहेतू ॥
 वीथिन सकल सुगंध सिंचाई । गजमनि रचि बहु चौक पुराई ॥
 नाना भांति सुमंगल साजे । हरषि नगर निस्तान बहु काजे ॥
 जहाँ तहाँ नारि निझावरि करही । देहि असीष हरष उर भरही ॥
 कंचनधार आरती नाना । जुवती सजें करहि शुभ बान्ना ॥
 करहि आरती आरतिहरकैं । रघुकुलकमलविपिनदिनकरकैं ॥
 पुरशोभा संपति कल्याणा । निगम शेष सारदा बषाना ॥
 तेउ बह चरित देषि दगि रहहीं । उमा तासु गुन नर किमि कहहीं ॥

दोहा

नारि कुमुदिनी अबध सर, रघुपतिचिरह दिनेस ।

अस्त भए विगसत भई, निरधि रामराकेस ॥
 हौंहि सगुन शुभ विविध विधि, बाजहि नाक निसान ।
 पुरनर नारि सनाथ करि, भवन चले भगवान ॥

चौपाई

प्रभु जानी कैकई लजानी । प्रथम तासु गृह गए भवानी ॥
 ताहि प्रबोधि बहुत सुष दीन्हा । पुनि निज भवन गवनु हरि कीन्हा ॥
 कृपासिधु जब मंदिर गए । पुर नर नारि सुषी सब भए ॥
 गुरु वसिष्ठ द्विज लिये बुलाई । आजु सुधरी सुदिन सुभदाई ॥
 सब द्विज देहु हरषि अनुसासन । रामचंद बैठहि सिंहासन ॥
 मुनि वसिष्ठ के वचन सुनाये । सुनत सकल विप्रन्ह अति भाये ॥
 कहहि वचन मृदु विप्र अनेका । जगअभिराम रामअभिषेका ॥
 अब मुनिवर विलंब नहिं कीजै । महाराज कहँ तिलक करीजै ॥

दोहा

तब मुनि कहेउ सुमंत्रसन, सुनत चलेउ सिरु नाह ।
 रथ अनेक बहु वाजि गज, तुरत सँवारे जाइ ॥
 जहँ तहँ धावन पटै मुनि, मंगल द्रव्य मँगाइ ।
 हरष समेत वसिष्ठ पद, पुनि सिर नापउ आइ ॥

चौपाई

अवधपुरी अति रुचिर बनाई । देवन सुमनवृष्टि भरि लाई ॥
 राम कहा सेवकन्ह बुलाई । प्रथम सषन अन्हवावहु जाई ॥
 सुनत वचन जहँ तहँ जन धाप । सुग्रीवादि तुरत अन्हवाप ॥
 पुनि करुनानिधि भरत हँकारे । निज कर राम जटा निरवारे ॥
 अन्हवाये पुनि तीनिउँ भाई । मगतबल्लल कृपाल रघुराई ॥
 भरतभाग्य प्रभुकोमलताई । सेष कोटि सत सकहिं न गाई ॥
 पुनि निज जटा राम बिंवराये । गुरअनुसासन मांगि नहाये ॥
 करि मज्जन प्रभु भूषन साजे । अंग अनंगकोटिछुबि लाजे ॥

दोहा

सासुन सादर जानकिहि, मज्जन तुरत कराइ ।

दिव्य वसन वर भूषननि, अँग अँग सजे बनाइ ॥
 रामवामदिसि सोभित, रमा रूपगुनषानि ।
 देषि मातु सब हरषी, जनम सुफल निज जानि ॥
 सुनु षगेस तेहि अवसर, ब्रह्मा शिव मुनिवृंद ।
 चढ़ि विमान आप सब, सुर देषन सुषकंद ॥

चौपाई

प्रभु विलोकि मुनिमन अनुरागा । तुरतहि दिव्य सिंघासन मांगा ॥
 रविसम तेज सो वरनि नहिं जाई । बैठे राम द्विजन सिर नाई ॥
 जनकसुता समेत रघुराई । पेषि प्रहरषे मुनिसमुदाई ॥
 वेदमंत्र तब द्विजन उचारे । नभ सुर मुनि जय जयति पुकारे ॥
 प्रथम तिलक वसिष्ठ मुनि कीन्हा । पुनि सब विप्रन आयसु दीन्हा ॥
 सुत विलोकि हरषी महतारी । बार बार आरती उतारी ॥
 विप्रन दान विविधविधि दीन्हें । जाचक सकल अजाचक कीन्हें ॥
 सिंघासन पर त्रिभुवनसाई । देषि सुरन दुंदुभी बजाई ॥

छंद

नभ दुंदुभी बाजहिं विपुल गंधरब किंनर गावहीं ।
 नाचहिं अपसरावृंद परमानंद सुरमुनि पावहीं ॥
 भरतादि अनुज विभीषणांगद हनुमदादि समेत ते ।
 गहे छत्र चामर व्यजन धनु असि चर्म शक्ति बिराजते ॥
 श्रीसहित दिनकरवंसभूषन काम बहुं छवि सोहई ।
 नवअंबुधरवरगात अंबर पीत मुनिमन मोहई ॥
 मुकुटांगदादि विचित्र भूषन अंग अंगन प्रति सजे ।
 अंभोज नयन विसाल उर भुज धन्य नर निरखति जे ॥

दोहा

वह सोभा समाज सुष, कहत न बनै षगेस ।
 बरनै सारद शेष श्रुति, सो रस जानु महेस ॥
 भिन्न भिन्न अस्तुति करि, गे सुर निजनिज धाम ।
 बंदीवेष धरि वेद तब, आप जहँ श्रीराम ॥

प्रभु सरवग्य कीन्ह अति , आदर कृपानिधान ।
लषेउ न काहू मर्म कछु , लगे करन गुनगान ॥

छंद

जय सगुन निर्गुनरूप रूप अनूप भूपसिरोमने ।
दशकंधरादि प्रचंडनिशिचर प्रबलषल भुजबल हने ॥
अवतार नर संसार भार विभंजि दारुन दुष दहे ।
जय प्रनतपाल दयाल प्रभु संयुक्तशक्ति नमामहे ॥
तव विषममायाबस सुरासुर नाग नर अग जग हरे ।
भवपंथभ्रमित भ्रमित दिवसनिसि कालकर्म गुनन भरे ॥
जेहि नाथ करि करुना विलोके त्रिविध दुष ते निर्वहे ।
भवषेदछेदनदछु हम कहँ रह्य राम नमामहे ॥
जे ग्यानमानविमत्त तव भवहरनि भगति न आदरी ।
ते पाइ सुरदुलंभ पदादपि परत हम देषत हरी ॥
विश्वास करि सब आस परिहरि दास तव जे होइ रहे ।
जपि नाम तव बिन भ्रम तरहिं भव नाथ सो समरामहे ॥
जे चरन शिवअजपूज्यरज सुभ परसि मुनिपत्नी तरी ।
नषनिर्गता मुनिबन्दिता त्रैलोक्यपावनि सुरसरी ॥
ध्वज कुलिस अंकुस कंजजुत बन फिरत कंटक कि न लहे ।
पदकंजद्वंद्व मुकुंद राम रमेस नित्य भजामहे ॥
अव्यक्तमूलमनादि तरु त्वच चारि निगमागम भने ।
षट्कंध साषा पंचवीस अनेक परन सुमन घने ॥
फल जुगलविधि कटुमधुर बेलि अकेलि जेहि आश्रित रहे ।
पल्लवित फूलत नवल नित संसारविटप नमामहे ॥
जे ब्रह्म अज अद्वैत मनुभवगम्य मनपर ध्यावहीं ।
ते कहहु जानहु नाथ हम तव सगुनजस नित गावहीं ॥
करुनायतन प्रभु सदगुनाकर देहु यह वर माँगहीं ।
मनवचन कर्म विकार तजि तव चरन हम अनुरागहीं ॥

दोहा

सबके [देषत बेदन्ह, विनती कीन्ह उदार ।
अंतरधान भये पुनि, गए ब्रह्मआगार ॥
वैनतेय सुनु शंभु तब, आए जहँ रघुवीर ।
विनय करत गदगद गिरा, पूरित पुलक सरीर ॥

छंद

जय राम रमारमनं समनं । भवतापभयाकुल पाहि जनं ॥
अवधेस सुरेस रमेस विभो । शरनागतमागत पाहि प्रभो ॥
दससीस विनासन बीसभुजा । कृत दूरि महामहिभूरिज्जा ॥
रजनीचरवृंद पतंग रहे । सरपावक तेज प्रचंड दहे ॥
महिमंडल मंडन चारुतरं । धृत सायक चाप निषंगवरं ॥
मद मोह महा ममतारजनी । तमपुंजदिवाकर तेजअनी ॥
मनुजाद किरात निपात किये । मृगलोग कुभोग सरे न हिये ॥
हितनाथ अनाथहि पाहि हरे । विषयावन पामर भूलि परे ॥
बहु रोग वियोगहि लोग हए । भवदंघ्रि निरादर के फल ए ॥
भवसिंधु अगाध परे नर ते । पदपंकज प्रेम न जे करते ॥
अति दोन मलीन दुषी नितहीं । जिनके पदपंकज प्रीति नहीं ॥
अवलंब भवंत कथा जिन्हके । प्रिय संत अनंत सदा तिन्हके ॥
नहिं राग न लोभ न मान मदा । तिन्ह के सम वैभव वा विपदा ॥
मुनि त्यागत जोगभरोस सदा । इहि ते तब सेवक होत मुदा ॥
करि प्रेम निरंतर नेम लिये । पदपंकज सेवत सुख हिये ॥
सम मान निरादर आदरही । सब संत सुषी बिचरंत मही ।
मुनिमानसपंकजभृंग भजै । रघुवीर महारनधीर अजै ॥
तब नाम जपामि नमामि हरी । भवरोग महामदमानअरी ॥
गुन सील कृपा परमायतनं । प्रनमामि निरंतर श्रीरमनं ॥
रघुनंद निकंद्य छंदघनं । महिपाल विलोकिय दीनजनं ॥

दोहा

बार बार वर माँगों, हरषि देहु श्रीरंग ।

पदसरोज अनपायनी, भगति सदा सतसंग ॥
 बरनि उमापति रामगुन, हरषि गये कैलास ।
 तब प्रभु कपिन दिवाये, सब बिधि सुषप्रद बास ॥

चौपाई

सुनु षगपति यह कथा सुहावनि । त्रिविग्रताप भवदोष नशावनि ॥
 महाराज कर सुभ अभिषेका । सुनत लहहि नर विरति विवेका ॥
 जे सकाम नर सुनहि जे गावहि । सुष संपति नाना विधि पावहि ॥
 सुरदुर्लभ सुष करि जगमाहीं । अनकाल रघुपतिपुर जाहीं ॥
 सुनहि विमुक्त बिरत अरु बिषई । लहहि भगति गति संपति नितई ॥
 षगपति रामकथा मैं चरनी । सुमतिविलास त्रासदुषहरनी ॥
 विरति विवेक भगति दृढ़करनी । मोहनदी कहँ सुंदर तरनी ॥
 नित नव मंगल कोसलपूरी । हरषिता रहहि लोग सब भूरी ॥
 नित नइ प्रीति रामपदपंकज । सब के जिनहि नमत शिव मुनि अज ॥
 मंगन बहु प्रकार पहिराय । द्विजन दान नानाविधि पाय ॥

दोहा

ब्रह्मानंद मगन कपि, सब के प्रभुपदप्रीति ।
 जात न जाने दिवस तिन्ह, गए मास षट बीति ॥

चौपाई

बिसरे गृह सपनेहु सुधि नाही । जिमि परद्रोह संत मन माहीं ॥
 तब रघुपति सब सखा बुलाये । आइ सबन्हि सादर शिर नाये ॥
 परम प्रीति समेत बैठारे । भगतसुषद मृदु वचन उचारे ॥
 तुम अति कीन्हि मोरि सेवकाई । मुष पर केहि विधि करौ बड़ाई ॥
 ताते मोहिं तुम अति प्रियलागे । मम हितलागि भवन सुषु त्यागे ॥
 अनुज राज संपति वैदेही । देह गोह परिवार सनेही ॥
 सब मम प्रिय नहिं तुमहिं समाना । मृषा न कहौ मोर यह बाना ॥
 सब के प्रिय सेवक ये नीतो । मोरे अधिक दास पर प्रीती ॥

दोहा

अब गृह जाहु सखा सब, भजहु मोहि दृढ़ नेम ।

सदा सर्वगत सर्वहित , जानि करेहु अति प्रेम ॥

चौपाई

सुनि प्रभुवचन मगन सब भए । को हम कहाँ बिसरि तनु गए ॥
एकटक रहे जोरि कर आगे । सकहि न कछु कहि अति अनुरागे ॥
परमप्रेम तिनकर प्रभु देषा । कहा विविधविधि ग्यान विसेषा ॥
प्रभुसनमुख कछु कहै न पारहि । पुनिपुनि चरनसरोज निहारहि ॥
तब प्रभु भूपन वसन मंगाए । नाना रंग अनूप सुहाए ॥
सुग्रीवहि प्रथमहि पहिराए । वसन भरत निज हाथ बनाए ॥
प्रभुप्रेरित लछिमन पहिराए । लंकापति रघुपति मन भाए ॥
अंगद बैठि रहा नहि डोला । प्रीति देषि प्रभु ताहि न बोला ॥

दोहा

जामवंत नीलादि सब , पहिराए रघुनाथ ।
हिय धरि रामरूप सब , चले नाइ पदमाथ ॥
तब अंगद उठि नाइ सिर , सजल नयन कर जोरि ।
अतिविनीत बोले वचन , मनहुँ प्रेमरस बोरि ॥

चौपाई

सुनु सर्वग्य कृपासुषसिंधो । दीनदयाकर आस्तबंधो ॥
मरती बार नाथ मोहि बाली । गएउ तुम्हारेहि कोछे घाली ॥
अशरनशरनबिरद संभारी । मोहि जनि तजहु भगतहितकारी ॥
मोरे प्रभु तुम गुरु पितु माता । जाउँ कहाँ तजि पदजलजाता ॥
तुम्हइ विचारि कहहु नरनाहा । प्रभु तजि भवन काज मम काहा ॥
बालक ग्यान बुधबलहीना । राषहु सरन नाथ जन दीना ॥
नीच टहल गृहकै सब करिहौ । पदपंकज धिलोकि भव तरिहौ ॥
अस कहि चरन परेउ प्रभु पाहीं । अब जनि नाथ कहहु घर जाहीं ॥

दोहा

अंगदवचन विनीत सुनि , रघुपति करुणासीव ।
प्रभु उठाय उर लायऊ , सजल नयनराजीव ॥
निज उरमाल वसन मनि , बोलितनय पहिराइ ।

विदा कीन्ह भगवान तब , बहु प्रकार समुझाइ ॥

चौपाई

भरत अनुज सौमित्रि समेता । पठवन चले भगतकृतचेता ॥
अंगदहृदय प्रेम नहिं थोरा । फिरि फिरि चितव रामकी ओरा ॥
बार बार करि दंड प्रनामा । मन अस रहन कहहिं मोहिं रामा ॥
रामविलोकनि बोलनि चलनी । सुमरि सुमिरि सोचत हँसि मिलनी ॥
प्रभुरुष देषि विनय बहु माषी । चले हृदय पदपंकज राषी ॥
अति आदर सब कपि पहुँचाए । भाइन सहित भरत फिरि आए ॥
तब सुग्रीवचरन गहि नाना । भाँति विनय कीन्हीं हनुमाना ॥
दिन दस करि रघुपतिपदसेवा । पुनि तब चरन देषिहौं देवा ॥
पुन्यपुंज तुम पवनकुमारा । सेवहु जाइ कृपाआगारा ॥
अस कहि कपि सब चले तुरंता । अंगद कहै सुनहु हनुमंता ॥

दोहा

कहेउ दंडवत प्रभु सन, तुमहिं कहौं कर जोरि ।
बार । बार रघुनायकहिं, सुरति करायहु मोरि ॥
अस कहि चलेउ बालिसुत, फिरि आये हनुमंत ।
तासु प्रीति प्रभुसन कहौ, मगन भये भगवंत ॥
कुलिसहु चाहि कठोर अति, कामल कुसुमहु चाहि ।
चित षगेश अस रामकर, समुझि परै कहु काहि ॥

चौपाई

पुनि कृपाजु लिये बोलि निषादा । दान्हे भूषन वसन प्रसादा ॥
जाहु भवन मम सुमिरन करहु । मनकमवचन धरम अनुसरहु ॥
तुम मम सषा भरत सम भ्राता । सदा रहेउ पुर आवत जाता ॥
वचन सुनत उपजा सुष भारी । परेउ चरन लोचन भरि वारी ॥
चरननलिन उर धरि गृह आवा । प्रभुसुभाव परिजनहिं सुनावा ॥
रघुपतिचरित देषि पुरवासी । पुनिपुनि कहहिं धन्य सुषरासी ॥
राम राज बैठे त्रयलोका । हरषित भए गए सब सोका ॥
बैर न कर काहु सन कोई । रामप्रताप विषमता षोई ॥

दोहा

घरनाश्रम निज निज धरम , निरत वेदपथ लोग ।

चलहिं सदा पावहिंसुष , नहिं भयशोक न रोग ॥

चौपाई

दैहिक दैविक भौतिक तापा । रामराज नहिं काहुहिं व्यापा ॥
सब नर करहिं परसपर प्रीती । चलहिं सुधरम निरत श्रुतिनीती ॥
चारिउ चरन धर्म जग माहीं । पूरि रहा सपनेहुँ अघ नाहीं ॥
रामभगतिरत नर अरु नारी । सकल परमगति के अधिकारी ॥
अलपमृत्यु नहिं कवनिउँ पीरा । सब सुंदर सब निरुजशरीरा ॥
नहिं दरिद्र कोउ दुषी न दीना । नहिं कोउ अवुध न लछुनहीना ॥
सब निरदंभ धरमरतिधुनी । नर अरु नारि चतुर सब गुनी ॥
सब गुनग्य सब पंडित ग्यानी । सब कृतग्य नहिं कपट सयानी ॥

दोहा

रामराज नभगेश सुनु , सचराचर जग माहिं ।

काल करम स्वभाव गुनकृत दुष काहुहि नाहिं ॥

चौपाई

भूमि सप्तसागरमेषला । एक भूप रघुपति कोशला ॥
भुवन अनेक रोम प्रति जासू । यह प्रभुता कछु बहुत न तासू ॥
सो महिमा समुभक्त प्रभु केरी । यह वरनत हीनता घनेरी ॥
सोउ महिमा षगेश जिन जानी । फिरि यह चरित तिनहुँ रति मानी ॥
सोउ जानेकर फल यह लीला । कहहिं महामुनिबर दमशीला ॥
रामराजकर सुष संपदा । बरनि न सकहिं फनीश शारदा ॥
सब उदार सब परउपकारी । बिप्रचरनसेवक नर नारी ॥
एकनारिब्रतरन सब भारी । ते मन वच क्रम पतिहितकारी ॥

दोहा

दंड यतिनकर भेद जहँ , नर्तक नृत्य समाज ।

जीतहु मनहिं जन सुनिय अस , रामचंदके राज ॥

चौपाई

फूलहिं फलहिं सदा तय कानन । रहहिं एकसँग गज पंचानन ॥
 षग मृग सहज घैर बिसराई । सबहिं परसपर प्रीति बढ़ाई ॥
 कूजहिं षग मृग नानावृंदा । अभय चरहिं घन करहिं अनंदा ॥
 सीतल सुरभि पवन बह मंदा । गुंजत अलि लै चल मकरंदा ॥
 लता छिटप मांगे मधु चुवहीं । मनभाघते धेनु पय झवहीं ॥
 ससिसंपन्न सदा रह धरनी । त्रेता भइ कृतयुग कै करनी ॥
 प्रकटी गिरिन बिबिध मनिषानी । जगदातमा भूप जग जानी ॥
 सरिता सकल बहैं वर वारी । शीतल अमल स्वादु सुषकारी ॥
 सागर निज मरजादा रहहीं । डारहिं रतन तटनि नर लहहीं ॥
 अतिप्रसन्न दश दिशा बिभागा । सरिसज संकुल सकल तड़ागा ॥

दोहा

बिधु महिपूर मयूषनि रवि तप जितनै काज ।
 मांगे बारिद देहिं जल रामचंद के राज ॥



गीतावली

(बालकांड से)

आजु सुदिन शुभ घरी सुहाई ।
रूपसीलगुनधामराम नृप-
भवन प्रगट भये आई ॥
अति पुनीत मधुमास लगन ग्रह
बार जोग समुदाई ।
हरषवंत चर अचर भूमिसुर ,
तनुरुह पुलकि जनाई ॥
वरषहिं बिबुधनिकर कुसुमावलि
नभ दुंदुभी बजाई ।
कौनल्यादि मातु मन हरषित
यह सुषु वरनि न जाई ॥
सुनि दसरथ सुत जनम लिये सब ,
गुरु जन विप्र बोलाई ।
बेदबिहित करि क्रिया परम शुचि
आनंद उर न समाई ॥
सदन बेदधुनि करत मधुर मुनि
बहु विधि वाज बधाई ।
पुरबासिन प्रिय नाथ हेत,
निजनिज संपदा लुटाई ॥
मनितोरन बहु केतु पताकन ,
पुरी रुचिर करि छाई ॥
मागध सूत द्वार बंशीजन ,

जहँ तहँ करहिं बड़ाई ॥
 सहज सिँगार किए बनिता चलीं
 मंगल विपुल बनाई ।
 गावहिं देहिं असीस मुदित, चिर—
 जिओ तनय सुषदाई ॥
 बीथिन कुमकुम कीच अरगजा
 अगर अबीर उड़ाई ।
 नाचहिं पुरनरनारि प्रेम भरि,
 देहदसा बिसराई ॥
 अमित बसन गज तुरंग धेनु मनि
 जातरूप अधिकाई ।
 देत भूप अनुरूप जाहि जोइ
 सकल सिद्धि घर आई ॥
 सुषी भए सुरसंत भूमिसुर,
 षलगनमन मलिनाई ।
 सबहि सुमन विकसत रवि निकसत,
 कुमुदविपिन बिलषाई ॥
 जो सुष सिंधुसुकृतसीकर ते
 शिवबिरंचिप्रभुताई ।
 सो सुष अवध उमंगि रह्यो दसदिसि
 कौन जतन कहों गाई ॥
 जे रघुबीरचरनचितक तिन-
 की गति प्रगट दिषाई ।
 अविरल अमल अनूप भगति दृढ़
 तुलसिदास तब पाई ॥
 गावैं विबुध विमलवर बानी ।
 भुवनकोटिकल्यानकंद जो ,
 जाये पूत कौसिला रानी ॥

मास पाष तिथि वार नषत
 ग्रह योग लगन शुभ ठानी ।
 जल थल गगन प्रसन्न स्याधुमन
 दशदिश हिय हुलसानी ॥
 घरषत सुमन बधाव नगर नभ ,
 हरष न जात बषानी ।
 ज्यों हुलास रनिवास नरेसहि
 भौ जनपद रजधानी ॥
 अमर नाग मुनि मनुज सपरिजन ,
 विगत विषाद गलानी ।
 मिलहि मांभ रावन रजनीचर ,
 लंक शंक अकुलानी ॥
 देव पितर गुरु विप्र पूजि नृप ,
 दिये दान रुचि जानी ।
 मुनिवनिता पुरनारि सुआसिनि ,
 सहस भांति सनमानी ॥
 पाइ अघाइ असीसत निकसत ,
 जाचक जन भये दानी ।
 ज्यों प्रसन्न केकयी सुमित्रहि ,
 होहु महेश भवानी ॥
 दिन दूसरे भूपभामिनि दोउ ,
 भई सुमगल षानी ।
 भयो सोहिलो सोहिलो में ,
 जनु सृष्टि सोहिले सानी ।
 नाचत गावत भो मनभावत ,
 सुष सो अवध अधिकानी ।
 देत लेत पहिरत पहिरावत ,
 प्रजा प्रमोद अघानी ॥

गान निशान कुलाहल कौतुक ,
 देषत दुनी सिहानी ।
 हरि विरंचि हरपुरशोभा ,
 कुलि कोसलपुरी लोभानी ॥
 अनंद अरुणि राजरवनी सब
 मांगहु कोष जुड़ानी ।
 आशिष दै दै सराहहि सादर ,
 उमा रमा ब्रह्मानी ॥
 विभवविलास बाढ़ि दशरथ की ,
 देखि न जिनहि सोहानी ।
 कीरति कुशल भूति जै रिधि सिधि ,
 तिन पर सबै कुहानी ॥
 छठी बारही लोक वेदविधि ,
 करि सो विधान विधानी ।
 राम लषन रिपुदवन भरत ,
 धरे नाम ललित गुरु ग्यानी ॥
 सुकृतसुमन तिलमोद बासि ,
 विधियतन यंत्र भरि घानी ।
 सुष सनेह सब दियो दशरथहि ,
 परि प्रलेल थिर थानी ॥
 अनुदिन उर्दय उछाह उमंगि ,
 जग घर घर अवध कहानी ।
 तुलसी रामजनमजस गावत
 सो समाज उर आनी ॥
 राजत शिशुरूप राम सकल गुननिकायधाम ,
 कौतुकी कृपालु ब्रह्म जानुपानिचारी ।
 नील कंज जलदपुंज मरकतमनिसदृश श्याम ,
 कामकोटिशोभा अंग अंग ऊपर चारी ॥

हाटक मनि रतनषचित रचित इंद्रमन्दिगम ,
 इंदिरानिवास सदन विधि रच्यो सँवारी ।
 विहरत नृपअजिर अनुज सहित बालकेलिकुशल ,
 नीलजलजलोचन हरि मोचन भयहारी ॥
 अरुन चरन अंकुश ध्वज कंज कुलिश चिन्ह रुचिर ,
 भाजत अति नूपुरवर मधुर मुषरकारी ।
 किंकिनी विचित्र जाल कम्बुकंठ ललित माल ,
 उर विशाल केहरिनष, कंकन करधारी ॥
 चारु चिबुक नासिका कपोल भाल तिलक भृकुटि,
 अवन अधर सुंदर द्विज छवि अनूप न्यारी ।
 मनहुं अरुन कंज कोश मंजुलयुगपांति प्रसव ,
 कुंदकली जुगुल जुगुल परम शुभ्र वारी ॥
 चिक्कन चिकुरावलि मनो षडंघ्रिमंडली बनी ,
 विशेष गुंजन जनुबालक किलकारी ।
 टकटक प्रतर्बिब निरषि पुलकत हरि हरषि हरषि ,
 लै उल्लंग जननी रसभंग जिय विचारी ॥
 जा कहँ सनकादि शंभु नारदादि शुभ मुनिंद ,
 करत विविध जोग काम क्रोध लोभ जारी ।
 दशरथगृह सोइ उदार भंजन संसारभार ,
 लीलाअवतार तुलसिदास त्रासहारी ॥
 ललित सुतहि लालति सचुंपायें ।
 कौशल्या कल कनकअजिर महँ ,
 सिषवति चलन अंगुरियां लायें ॥
 कटि किंकिनि पैजनियां पायन ,
 बाजत रुनु कुनु मधुर रिंगायें ।
 पहुंची करनि कठ कठुला बन्यो ,
 केहरिनष मनिजटित जरायें ॥
 पीत पुनीत विचित्र भँगुलिया ,

सोहत श्यामशरीर सुहायें ।
 दँतियां द्वै द्वै मनोहर मुषच्छवि ,
 अरुन अधर चित लेत चुरायें ॥
 चिबुक कपोल नासिका सुंदर ,
 भालतिलक मसि बिन्दु बनायें ।
 राजत नयन मंजु अंजनयुत ,
 षंजन कंज मीन मद नायें ॥
 लटकन चारु भृकुटियां टेढी ,
 मेढी सुभग सुदेश सुभायें ।
 किलकि किलकि नाचत छुटकी सुनि,
 डरपत जननी पानि छुटायें ॥
 गिरि घुटुरुवन टेकि उठि अनुजन,
 तोतरि बोलत पूय दिखायें ।
 बाल केलि अवलोकि मातु सब,
 प्रेम मगन आनंद न अमायें ॥
 देषत नभ घन ओट चरित मुनि,
 जोग समाधि बिरति बिसरायें ।
 तुलसिदास जे रसिक न यहि रस
 ते जन जड़ जीवत जग जायें ॥
 सादर सुमुषि विलोकि राम शिशु,
 रूप अनूप भूष लिये कनियाँ ।
 सुंदर श्याम सरोजवरन तन
 नष शिष सुभग सकल सुषदनियाँ ॥
 अरुन चरन नषज्योति जगमगत,
 रुनु भुन करत पाँय पैँजनियाँ ।
 कनकरतन मनि जटित रटत कटि,
 किंकिनि कलित पीत पटतनियाँ ॥
 पडुंधी करन पदिक हरिनष उर,

कटुला कंठ मंजु गजमनियाँ ।
 रुचिर चिबुक रद अधर मनोहर,
 ललित नासिका लसत नथुनियाँ ॥
 विकट भृकुटि सुषमानिधि आनन,
 कलकपोल कानन नगफनियाँ ।
 भालतिलक मसि बिंदु बिराजत,
 सांहत सीस लाल चौतनियाँ ॥
 मनमाहनी तांतरी बोलनि,
 मुनिमनहरनि हँस न किलकनियाँ ।
 बाल सुभाय विलोल विलोचन,
 चोरत चितहि चारु चितवनियाँ ॥
 सुनि कुलवधू भरोषन भांकत,
 रामचंद्रछुबि चदवदनियाँ ।
 तुलसिदास प्रभु देषि मगन भई ,
 प्रेम विवस कछु सुधि न अपनियाँ ॥
 सोहत मग मुनि सँग दोउ भाई ।
 तरुनतमाल चारु चंपक छुबि,
 कवि सुभाव कहि जाई ।
 भूषन वसन अनुहरत अंगन,
 उमगत सुंरताई ।
 बदन मनोज सरोज लोचननं,
 रहि है लोभाई लोनाई ॥
 अंसनि धन शर कर कमलनि,
 कटि कसे हैं निषंग बनाई ॥
 सकल भुवन शोभा सरबस लघु,
 लागति निरधि निकाई ॥
 महि मृदु पथ घन छांह सुमन सुर,
 वरषि पवन सुषदाई ।

जलथलरुह फल फूल सलिल सब
 करत प्रेमपहुनाई ॥
 सकुच समीत विनीत साथ ,
 गुरु बोलनि चलनि सुहाई ।
 षग मृग चकित विलोकत ,
 बिच बेच लसत ललित लरिकारै ॥
 विद्या दई जानि विद्यानिधि ,
 विद्यहु लही बड़ाई ।
 प्याल दली ताड़का देषि ,
 ऋषि देत अशीश अघाई ॥
 ब्रूकत प्रभु सुरसरि प्रसंग ,
 कहि निज कुलकथा सुनाई ।
 गाधिसुवन सनेहसुषसंपति ,
 उरआश्रम न समाई ॥
 बनवासी बटु जती जोगिजम ,
 साधु सिद्ध समुदाई ।
 पूजत पेषि प्रीति पुलकिततन ,
 नैन लाभ लुट पाई ॥
 मष राख्यो षल दल दलि भुजबल ,
 बाजत बिबुध बधाई ।
 नित पथचरित सहित तुलसी ,
 चित बसत लषन रघुराई ॥
 कौशिक के मष के रखवारे ।
 नाम राम अरु लषन ललित अति ,
 दशरथराजदुलारे ॥
 मेचक पीत कमल कोमल कल ,
 काकपट्टधरवारे ।
 शोभा सकल सकेलि मदन विधि ,

स्वकरसरोज सँवारे ॥
 सहस समूह सुबाहु सरिस बल ,
 समरशूर भट भारे ।
 केलि तून धनु बान पानि रम ,
 निदरि निशाचर मारे ॥
 ऋषितिय तारि स्वयंबर पेवन ,
 जनकनगर पगु धारे ।
 मग नर नारि निहारत सादर ,
 कहि बड़ भाग हमारे ॥
 तुलसी सुनत एक एकन सौं ,
 चलत विलोकनहारे ।
 मूकन बचनलाहु मानो अंधन ,
 लहे हैं विलोचनतारे ॥
 राम लषन जब दृष्टि परे री ।
 अवलोकत सब लोग जनकपुर ,
 मानो विधि विविध विदेह करे री ॥
 धनुषजग्य कमनोय अवनितल ,
 कौतुकही भये आय परे री ।
 छुबिसुरसभा मनहुं मनसिजके ,
 कलित कलपतरु रूप फरे री ॥
 सकल काम वरषत मुष निरषत ,
 करषत चित हित हरष भरे री ।
 तुलसी सबहि सराहत भूपहि ,
 भले पैत पांसे सुढर ढरेरी ॥
 जबते राम लषन चितए री ।
 रहे यकटक नर नारि जनकपुर ,
 लागत पलक कलप बितए री ॥
 प्रेम विवश माँगत महेश सों ,

देषत ही रहिये नित ए री ।
 कै ए सदा बसैं इन नैनन ,
 की ये नैन जाहिं जित ए री ॥
 कोऊ समुझाय कहैं किन भूपहि ,
 बड़े भाग्य आये इत ए री ।
 कुलिशकठोर कहां शंकरधनु ,
 मृदु मूरति किशोर कित ए री ॥
 विरचत इनहिं विरंचि भुवन सब ,
 सुंदरता षोजत रित ए री ।
 तुलसिदास ते धन्य जनम जन ,
 मनवच कम जिनके हित ए री ॥
 राजत रामजानकीजोरी ।
 श्यामसरोजजलदसुंदर बर ,
 दुलहिनि तड़ितबरन तन गोरी ॥
 व्याह समय सोहत बितान तर ,
 उपमा कहुं न लहत मति मोरी ।
 मनहुं मदनमंजुलमंडप महैं ,
 छुबि सिंगारशोभा सोड थोरी ॥
 मंगलमय दोउ अंग मनोहर ,
 प्रंथित चूनरि पोत पिछोरी ।
 कनककलस कहैं देत भावरी ,
 निरपि रूप शारद भइ भोरी ॥
 मुदित जनक रनिवाम रहस बस ,
 चतुर नारि चितवहिं तून तोरी ।
 गान निशान वेद धुनि सुनि सुर ,
 वरषत सुमन हरष कहै को री ॥
 नैनन को फल पाइ प्रेम वश ,
 सकल असीसत ईश निहोरी ।

तुलसी जेहि आनंद मगनमन ,
 क्यों रसना बरनै सुष सो री ॥
 दूलह राम सिया दुलही री ।
 घनदामिनिवरवरन हरनमन ,
 सुंदरता नषशिष निबही री ॥
 व्याह विभूषन बसन विभूषित ,
 सषिअवली लषि ठगि सी रही री ।
 जीवनजनमलाहु लोचन फल ,
 है इतनोइ लही आजु सहीरी ॥
 सुषमा सुरभि सिंगारछीर दुहि ,
 मैन अमीमय कियो दही री ।
 मथि माषन सियराम सँवारे ,
 सकल भुवन छबि मनहुं मही री ॥
 तुलसिदास जोरी देष्ट सुष ,
 शोभा अतुल न जात कहीरी ।
 रूपराशि बिरची बिरंचि मनो ,
 शिलालवनि रति काम लहीरी ॥

अयोध्या कांड से

रहहु भवन हमरे कहे कामिनि ।
 सादर सासुचरन सेवहु नित ,
 जो तुम्हरे अति हित गृहस्वामिनि ॥
 राजकुमारि कठिन कंटक मग,
 क्यों चलिहौ मृदु पग गजगामिनि ।
 दुसह बात बरषा हिम आतप ,
 कैसे सहि हौ अगिनित दिन जामिनि ॥
 हौं पुनि पितु अग्या प्रमान करि ,

पेहँ बेग सुनहु द्युतिदामिनि ।
 तुलसिदास प्रभुबिरहवचन सुनि ,
 सहि न सकी मुरछित भइ भामिनि ॥
 रूपानिधान सुजान प्रानपति,
 संग विपिन हूँ आवौंगी ॥
 गृह तँ कोटि गुनित सुष मारग
 चलत साथ सचुपावौंगी ॥
 थाके चरनकमल चापौंगी ,
 श्रम भये वायु डुलावौंगी ।
 नयनचकोरन मुषमयंकछुवि
 सादर पान करावौंगी ॥
 जो हठि नाथ राषि हौ मो कहँ,
 तौ संग प्रान पठावौंगी ।
 तुलसिदासप्रभु बिन जीवितरहि,
 फिर क्यों बदन दिषावौंगी ॥
 ये उपही कोड कुँवर अहेरी ।
 श्याम गौर धनु बान तून धरि,
 चित्रकूट अब आइ रहे री ॥
 इनहि बहुत आदरत महामुनि,
 समाचार मेरे नाह कहे री ।
 वनिता बंधु संमेत बसत बन,
 पितु हित कठिन कलेस सहे री ।
 वचन परसपर कहत किरातिनि,
 प्रेम विवस जल नयन बहे री ।
 तुलसीप्रभुहि विलोकत यकटक
 लोचन जनु विनु पलक रहे री ॥
 ऐसो तँ क्यों कटु वचन कह्यो री ।
 राम जाहु कानन कठोर

तेरो कैसे धौं हृदय रह्यो री ॥
 दिनकरवंश पिता दशरथ से
 राम लषन से भाई ।
 जननी तू जननी तौ कहा कहौं
 विधि कहि षोरि न लगई ॥
 हौं करि हौं सुष राज मातु हूँ,
 सुत सिर छत्र धरैगो ।
 कुलकलंकमल मूल,
 मनोरथ तें बिन कौन करैगो ॥
 येहैं राम सुषी सब हूँ हैं,
 ईश अजस मेरो हरि है ।
 तुलसिदास मोको बड़ शोच,
 तू जनम कौन विधि भरि है ॥
 जो पै हौं मातु मते में हूँ हौं ।
 तौ जननी जग में या सुष की
 कहां कालिमा ध्वै हौं ॥
 क्यों हौं आज्ञु होत शुचि शपथन,
 कौन मानि हैं सांची ॥
 महिमामृगी कौन सुकृती की,
 षलबचबिशिख ते बांची ॥
 गहि न जाइ रसना काहू की,
 कहौ जाहि जेहि सूझै ।
 दीनबंधु कारुण्यसिंधु बिनु,
 कौन हृदय की बूझै ॥
 तुलसी रामवियोग विषमविष,
 विकल नारि नर भारी ।
 भरतसनेहसुधा सींचे सब,
 भये ते समय सुषारी ॥

शुक सो गह्वर हिय कह सारो ।
 बीर कीर सिय राम लषन बिन,
 लागत जग अंधियारो ॥
 पापिन चेरि अज्ञानि रानि, नृप
 हित अनहित न बिचारो ।
 कुलगुरु सचिव साधु शोचत,
 विधि को न बसाइ उजारो ॥
 अवलोके न चलत भरि लोचन,
 नगर कुलाहल भारो ।
 सुने न वचन करुना करके जब,
 पुर परिवार संभारो ॥
 भैया भरत भावते के संग
 बन सब लोग सिधारो ।
 हम पर पाइ पीजरन तरसत,
 अधिक अभाग्य हमारो ॥
 सुनि बग कहत अंब मौगी रहु,
 समुक्ति प्रेम पथ न्यारो ।
 गये ते प्रभु पहुंचाय फिरे,
 पुनि करत करम गुन गारो ॥
 जीवन जग ज्ञानकी लषन को,
 मरन महीप संवारो ।
 तुलसी और प्रीति की चरचा,
 करत कहा कछु चारो ॥
 जानत हौ सब ही के मन की ।
 तदपि कृपालु करौं विनती सोइ,
 सादर सुनहु दीनहित जनकी ॥
 ये सेवक संतन अनन्य अति,
 ज्यों चातकहि एक गति घन की ।

यह विचारि गधनहु पुनीत पुर,
 हरहु दुसह आरति परिजन की ॥
 मेरो पुनि जीवन जानिये ऐसोइ जिय,
 जैसो अहि जासु गई मनि फन की ।
 मेटहु कुल कलक कोशलपति,
 अग्या देहु नाथ मोंहि बन की ॥
 मो को जोइ जोइ लाइये लागै सोइ सोइ,
 जो उतपति कुमातु तैं या तनु की ।
 तुलसिदास सब दोष दूरि करि,
 प्रभु अब लाज करहु निज पन की ॥
 तात विचारो धौं हौं क्यों आवों ।
 तुम शुचि सुहृद सुजान सकल विधि,
 बहुत कहा कहि कहि समुभावों ॥
 निज कर बाल खैंचि या तनु की,
 जो पितुपगपानहीं करावों ।
 होंउ न उरिन पिता दशरथ ते,
 कैसे ताके वचन मेटि पति पावों ॥
 तुलसिदास जाको सुजस तिहुं पुर,
 क्यों तेहि कुलहिं कालिमा लावों ।
 प्रभु रुष निरषि निराश भरत भये,
 जान्यो हैं सबहिं भांति विधि बावों ॥

सुंदर कांड सै

देवी जानकी जब जाइ ।
 परमधीर समीरसुत के
 प्रेम उर न समाइ ॥
 कृश शरीर सुभाय शोभित,
 लगी उड़ि उड़ि धूलि ।

मनहुं मनसिज मोहनी,
 मणि गई मोरे भूलि ॥
 रटति निमिवासर निरंतर,
 राम राजिवनयन ।
 जात निकट न विरहिनी,
 अरि अकनि ताते बयन ॥
 नाथ के गुन गाय कहि,
 कपि दई मुंदरी डारि ।
 कथा सुनि उठि लई करघर,
 रुचिर नाम निहारि ॥
 हरष हृदय विषाद अति,
 पतिमुद्रिका पहिचानि ।
 दास तुलसी दशा सो,
 केहि भांति कहै बषानि ॥
 जो हौं प्रभुआयसु लै चलतो ।
 तौ यहि रिस तौहि सहित दशानन,
 यातुधानदल दलतो ॥
 रावन सो रसराज सुभट रस,
 सहित लंकषल षलतो ।
 करि पुटपाक नाकनायक हित
 घने घने घर घलतो ॥
 बड़े समाज लाजभाजन भयो,
 बड़ो काज बिन छलतो ।
 लंकनाथ रघुनाथ बैरतरु
 आजु फैलि फूलि फलतो ॥
 काल कर्म दिगपाल सकल,
 जग जाल जासु करतल तो ।
 ता रिपु सों परभूमि रारि

जीवन मरन सुथल तो ॥
 देषी मैं दशकध सभा सब,
 मोतें कोउ न सबल तो ।
 तुलसी अरि उर आनि एक अब,
 एती गलानि न गलतो ॥
 पदपदुम गरीबनिवाज के ।
 देषि हौं जाइ पाइ लोचनफल
 हित सुर साधु समाज के ।
 गईबहोरि ओरनिरबाहक,
 साजक बिगरे साज के ।
 शबरी सुषद गीध गतिदायक,
 शमन शोक कपिराज के ॥
 नाहिन मोहि और कतहूँ कछु,
 जैसे काग जहाज के ।
 आयों सरन सुषद पदपंकज,
 चोथे रावनबाज के ॥
 आरतिहरन शरन समरथ ।
 सब दिन अपने की लाज के ।
 तुलसी याहि कहत नतपालक,
 मो से निपट निकाज के ॥

लंकाकांड से

जो हौं अब अनुशासन पाऊं ।
 तौ चंद्रमहि निचोरि चैल जिमि,
 आनि अमी शिर नाऊं ॥
 कै पाताल दलौं व्यालावलि,
 अमृत कुंड महि लाऊं ।

भेदि भुवन करि भानु बाहिरहि,
 तुरत राहु दै ताऊं ॥
 विबुधवैद बरबस आनौ धरि,
 तौ प्रभु अनुग कहाऊं ।
 पटकों नीच मीच मूषक जिमि
 सबहि को पाप बहाऊं ।
 तुम्हरी कृपा प्रताप तुम्हारे,
 नेक बिलंब न लाऊं ।
 दीजे सोइ आयसु तुलसीप्रभु,
 जेहि तुम्हरे मन भाऊं ॥

उत्तरकांड से

बनते आइ कै राजा राम भये भुवाल ।
 मुदित चौदह भुवन सब सुष,
 सुषी सब सब काल ॥
 मिटे कलुषकलेश कलुष न,
 कपट कुपथ कुचाल ।
 गये दारिद दोष दारुन,
 दंभ दुरित दुकाल ॥
 कामधुक महि कामतरु,
 तरु उपल मनिगन लाल ।
 नारि नर तेहि समय सुकृती,
 भरे भाग्य सुभाल ॥
 वर्न आश्रम धर्मरत,
 मन बचन वेष मराल ।
 राम सिय सेवक सनेही,
 साधु सुमुष रसाल ॥

रामराज समाज बरनत
 सिद्ध मुनि दिगपाल ।
 सुमिरि सो तुलसी अजहुं,
 हिय हर्ष होत विशाल ॥
 चरचा चरनि सों चरची जानमनि रघुराइ ।
 दूतमुख मुनि लोकधुनि,
 घर घरनि बूझी आई ।
 प्रिया निज अभिलाषरुचि कह,
 कहत सिय सकुचाइ ।
 तीय तनय समेत तापस,
 पूजिहों बन जाइ ॥
 जानि करुनासिंधु भावी
 विवश विकल सहाइ ।
 धीर धरि रघुबीर भोरहिं
 लिये लषन बोलाइ ॥
 तात तुरतहिं साजि स्यंदन,
 सीय लेहु चढ़ाइ ।
 बालमीकिमुनीशआश्रम,
 आईयो पहुंचाइ ॥
 भलेहि नाथ सुहाय माथे
 राषि रामरजाइ ।
 चले तुलसी पालि सेवक-
 धर्म-अवधि अघाइ ॥
 आये लषन लै सौं पि सिय मुनीशहिं आनि ।
 नाइ शिर रहे पाइ आशिष
 जोरि पंकजपानि ॥
 बालमीकि विलोकि व्याकुल
 लषन गरत गलानि ।

सर्वविद ब्रूभक्त न विधि की
 वामता पहिचानि ।
 जानि जिय अनुमानहीं
 सिय सहस विधि सनमानि ।
 राम सद्गुनधामपरमित
 भई कछुक मलानि ॥
 दीनबन्धु दयाल देवरु
 देषि अति अकुलानि ।
 कहत बचन उदार,
 तुलसीदास त्रिभुवनरानि ॥
 तौलौ बलि आपुही कीबी बिनय समुझि सुधारि ।
 जौ लौं हौं सिखि लेऊँ वन ऋषि—
 रीति बसि दिन चारि ॥
 तापसी कहि कहा पठवत,
 नृपति को मनुहारि ।
 बहुरि तेहि विधि आइ कहिहै,
 साधु कोउ हितकारि ॥
 लषन लाल कृपाल निपटहिं
 डारिबी न बिसारि ।
 पालबी सब तापसिन ज्यों
 राजधरम बिंचारि ॥
 सुनत सीताबचन मोचत
 सकल लोचनवारि ॥
 बालमीकि न सके तुलसी,
 सो सनेह संभारि ॥
 सुनि व्याकुल भये उतरु कहथो न जाइ ।
 जानि जिय विधि वाम दीन्ही ,
 मोहिं सरुष सजाइ ।

कहत हिय मेरी कठिनई ,
 लषि गई प्रीति लजाइ ।
 आजु अवसर ऐसे हूँ चले ,
 जो न प्रान बजाइ ॥
 इतहि सीयसनेहसंकट ,
 उतहि रामरजाइ ।
 मौनही गहि चरन गमने ,
 सिष सु आशिष पाइ ॥
 प्रेमनिधि पितु को कहो ,
 मैं परुष बचन अघाइ ।
 पाप तेहि परिताप तुलसी ,
 उचित सहे सिराइ ॥
 गौने मौनही बारहि बार परिपरि पाइ ।
 जात जुनु रथ रची कर ,
 लछुमन मगन पछिताइ ॥
 अशन विनु वन वरम विनु रन
 बच्यो कठिन कुघाइ ।
 दुसह सांसति सहन को ,
 हनुमान ज्यायो जाइ ॥
 हेतु हौं सियहरन को ,
 तब अजहुं भयो सहाय ।
 होत हठि मोहि दाहिनो ,
 दिन दैव दारुन दाइ ।
 तजो तन संग्राम जेहि ,
 लगि गीध जसी जटाय ।
 ताहि हौं पहुंचाइ कानन ,
 चल्यो अवध सुभाइ ॥
 घोर हृदय कठोर करतब ,

सृज्यो हों बिधि बाइ ।
 दास तुलसी जानि राख्यो ,
 कृपानिधि रघुराइ ॥
 पुत्री न शोचिये आईहौ जनकगृह जिय जानि ।
 कालिही कल्यान कौतुक
 कुशल तब कल्यानि ॥
 राजन्मृषि पितु श्वसुर ,
 प्रभु पति तू सुमंगलषानि ।
 ऐसेहू थल वामता बड़ि ,
 बाम विधि की बानि ॥
 बोलि मुनिकन्या सिषाई ,
 प्रीति गति पहिचानि ।
 आलसिन की देवसरि ,
 सिय सेइयो सनमानि ॥
 न्हाइ प्रातहिं पूजियो वट ,
 विटप अभिमतदानि ।
 सुवनलाहु उछाहु दिनदिन ,
 देवि अनहितहानि ॥
 पापताप विमोचनी ,
 कहि कथा सरस पुरानि ।
 बालमीकि प्रबोधि तुलसी ,
 गई गरुव गलानि ॥
 जब तैं जानकी रही रुचिर आश्रम आइ ।
 गगन जल थल विमल ,
 तब तैं सकल मंगलदाइ ॥
 निरस भुरुह सरस फूलत
 फलत अति अधिकाइ ।
 कन्द मूल अनेक अंकुर

स्वाद सुधा लजाइ ॥
 मलयमरुत मराल मधुकर ,
 मोर पिक समुदाइ ।
 मुदित मन मृग विहंग विहरत ,
 विषम बैरु बिहाइ ॥
 रहत रवि अनुकूल दिन
 शशि रजनि सजनि सुहाइ ।
 सीय सुनि सादर सराहत ,
 सषिन भली मनाइ ॥
 मोद विपिन विनोद चितवत
 लेत चितहि चोराइ ।
 राम बिनु सिय सुषद वन
 तुलसी कहै किमि गाइ ॥
 शुभ दिन शुभ घरी नीको नषत लगन सुहाइ ।
 पूत जाये जानकी द्वै ,
 मुनिबधू उठीं गाइ ॥
 हरषि बरषत सुमन सुर ,
 गहगह बधाय बजाइ
 भुवन कानन आभ्रमनि
 रहे मोद मंगल छाइ ॥
 तेहि निशा तहँ शत्रुसूदन ;
 रहे विधि बस आइ ।
 मांगि मुनि सों विदा गवने
 भोर ही सुष पाइ ॥
 मातु मौसी बहिनि हूते ,
 सासु ते अधिकाइ ।
 करहिं ताप्सतीयतनया
 सीयहित चितलाइ ॥

कियो विधिव्योहार मुनिवर ,
 विप्र वृंद घोलाइ ।
 कहत सब ऋषिकृपा को
 फल भयो आज्ञा अघाइ ॥
 सरूप ऋषि सुष सुतन को
 सिय सुषद सकल सोहाइ ।
 शूल राम सनेह को
 तुलसी न जिय ते जाइ ॥
 मुनिवर करि छठी कीन्ही वारहे की रीति ।
 बन बसन पहिराइ तापस ,
 तोषि पोषे प्रीति ॥
 नाम करन सुअन्नप्राशन ,
 वेद बाँधी नीति ।
 समय सब ऋषिराज करत
 समाज साजि समीति ॥
 बाल लालन कहत करि हैं
 राज सब जग जीति ।
 रामसियसुत गुरु अनुग्रह ,
 उचित अचल प्रतीति ॥
 निरषि बालविनोद तुलसी
 जात वासर बोति ।
 पियचरित सिय चित चितेरी ,
 लिषत नित हितभीति ॥
 बालक सिय के विहरत मुदित मन दोउ भाइ ।
 नाम लव कुश रामसिय—
 अनुहरत सुंदरताइ ॥
 देत मुनि मुनिशिशु पिलौना,
 लेत धरत दुराइ ।

बेल बेलत नृपशिशुन के,
 बालवृंद बोलाइ ॥
 भूपभूषनबसनबाहन ,
 राजसाज सजाइ ।
 वर्म्म चर्म कृपान धनु शर ,
 तून लेत बनाइ ॥
 दुषी सिय पतिविरह तुलसी ,
 सुषी सुत सुषपाइ ।
 आंच पै उफनात सींचत ,
 सलिल ज्यों सकुचाइ ॥

कवितावली

बालकांड-धनुभंग

घनाक्षरी

सीय के खयंबर समाज जहां राजन को
 राजन के राजा महाराजा जानै नाम को ।
 पवन पुरंदर कृशानु भानु धनद से
 गुन के निधान रूपधाम शोभाधाम को ।
 बान बलवान यातुधान पै सरीषे सूर
 जिन[॥] गुमान सदा सालिम* सँग्राम को ।
 तहां दशरत्थ के समर्थ नाथ तुलसी के
 चपरि चढ़ायो चाप चन्द्रमाललाम को ।
 मयनमहन पुरदहन गहन जानि ,
 आनि के सबै को सार धनुष गढ़ायो है ।
 जनकसदसि जेते भले भले भूमिपाल

*सालिम intact.

कियो बलहीन बल आपनो बढ़ायो है ॥
 कुलिश कठोर कूर्मपीठि ते कठिन अति ,
 हठि न पिनाक काहू चपरि चढ़ायो है ।
 तुलसी सो राम के सरोजपानि परसत ,
 दूटो मानो बारे ते पुरारि ही पढ़ायो है ॥

छप्पय

डिगति उर्वि अति गुर्वि सर्व पर्वत समुद्र सर ।
 व्याल वधिर तेहि काल बिकल दिगपाल चराचर ।
 दिगयन्द लरषरत परत दशकंधहु मुख भर ।
 सुरविमान हिमभानु भानु सघटित परसपर
 चौंके बिरंचि शंकर सहित कोल कमठ अहि कलमल्यो ।
 ब्रह्मंडषड कियो चंड धुनि जबहिं राम शिवधनु दल्यो ॥
 लोचनाभिराम घनश्याम रामरूप शिशु
 सषी कहै सषी सों तू प्रेमपय पालि री ।
 बालक नृपालजीके प्याल ही पिनाक तोरयो ,
 मंडलीकमंडलीप्रताप दाप दालि री ।
 जनक को सिया को हमारे तेरो तुलसी को ,
 सब को भावतो हूँ है मैं जो कह्यो कालि री ।
 कौशिला की कोषि पर तोषि तन बारिये री ,
 राय दशरथ की बलाय लीजे आलि री ॥
 दूब दधि रोचना कनकधार भारि भरि ,
 आरती सँघारि वर नारि चलीं गावतीं ।
 लीन्हे जयमाल करकंज सोहैं जानकी के ,
 बहिरावो राघोजी को सषियां सिषावतीं ।
 तुलसी मुदितमन जनकनगर जन ,
 भांकती झरोखे लागी रानी शोभा पावतीं ।
 मनहुं चकोरी चारु बैठी निज निज नीड़ ,

चंद की किरनि पीवै पलक न लावतीं ॥
 भले भूप कहत भले भदेस भूपनि सौं ,
 लोक लषि बोलिये पुनीत रीति आरषी ।
 जगदंबा जानकी जगत पितु रामचंद
 जानि जिय जोहौ जो न लागै मुँह कारषी ।
 देषे हैं अनेक ब्याह सुने हैं पुरान वेद ,
 बूझे हैं सुजान साधु नर नारि पारषी ।
 ऐसे सम समधी समाज ना बिराजमान ,
 राम से न वर दुलही न सीय सारषी ॥
 बानी विधि गौरी हर शेषहूँ गनेस कही ,
 सही भरी लोमश भुशुंडि बहु वारषी ।
 चारि दश भुवन निहारि नर नारि सब ,
 नारद को परदा न नारद सो पारिषी ।
 तिन कही जगमें जगमगत जोरी एक ,
 दूजी को कहैया को सुनैया चष चारिषी ।
 राम रमारमन सुजान हनुमान कही ,
 सीय सो न तीय न पुरुष राम सारिषी ॥
 भूपमंडली प्रचंड चंडीश कोदंड बंडयो ,
 चंड बाहुदंड जाको ताही सो कहतु हौं ।
 कठिन कुठार धार धारिबे को धीरताहि ,
 धीरता विदित ताकी देखिये चहतु हौं ।
 तुलसी समाज राज तजि सौ बिराजै आजु ,
 गाज्यो मृगराज गजराज ज्यौ गहतु हौं ।
 छोनी में न छाँडयो छिप्यो छोनिप को छोना छोटे ,
 छोनिपछपन बाँको विरद बहतु हौं ॥
 निपट निदरि बोले बचन कुठारपानि ,
 मानि आस औनिपन मानो मौनता गही ।
 रोषे माषे लषन अकनि अनषोही बातें ,

तुलसी विनीत वानी बिहंसि ऐसी कही ।
 सुजस तिहारे भरे भुवननि भृगुनाथ ,
 प्रगट प्रताप आपु कह्यो सो सबै सही ।
 दूट्यो सो न जुरैगो शरासन महेशजी को ,
 रावरी पिनाक में सरीकता कहाँ रही ॥

अयोध्याकांड से

कीर के कागर ज्यों नृपचीर
 विभूषन उष्पम अंगनि पाई ।
 औध तजी मगबास के रूप ज्यों ,
 पंथ के साथ ज्यों लोग लुगाई ।
 संग सुबंधु पुनीत प्रिया ,
 मनु धर्म क्रिया धरि देह सुहाई ।
 राजिवलोचन राम चले ,
 तजि बापको राज बटाऊ की नाई ॥
 यहि घाटते थोरिक दूरि अहै ,
 कटि लौं जलथाह दिषाइ हौं जू ।
 परसे पगधूरि तरै तरनी ,
 धरनी घर का समुझाइ हौं जू ।
 तुलसी अंचलंब न और कछू ,
 लरिका केहि भांति जिआइहौं जू ।
 बरु मारिये मोहि बिना पग धोये ,
 हौं नाथ न नाच चढ़ाइ हौं जू ॥
 रावरे दोष न पाँयन को ,
 पगधूरि को भूरि प्रभाव महा है ।
 घाहन ते बरु बाहन काठ को ,
 कोमल है जल षाइ रहा है ।
 घावन पाव पवारि कै नाच ,

चढ़ाइहौं श्रायसु होत कहा है ।
 तुलसी सुनि केवट के वरबैन ,
 हँसे प्रभु जानकि ओर हहा है ॥
 जलजनयन जलजानन जटा हैं शिर ,
 जोबनउमंग अंग उदित उदार हैं ।
 साँवरे गोरे के बीच भामिनी सुदामिनी सी ,
 मुनिपट धरे उर फूलन के हार हैं ।
 करनि शरासन शिलीमुषनिषंग कटि ,
 अतिही अनूप काहू भूप के कुमार हैं ।
 तुलसी विलोकि कै त्रिलोक के तिलक तीनि,
 रहे नर नारि ज्यों चितेरे चित्रसार हैं ॥
 आगे सोहै सांवरो कुंवर गोरो पाछे आछे ,
 काछे मुनिवेष धरे लाजत अनंग है ।
 बान विशिषासन बसन बनही के कटि ,
 कसे हैं बनाइ नीके राजत निषग है ।
 साथ निशिनाथमुखी पाथनाथनंदिनीसी ,
 तुलसी विलोकि चित लाइ लेत संग हैं ।
 आनँदउमंग मन जोबनउमंग तन ,
 रूप की उमंग उमगत अंग अंग हैं ॥
 सुंदर वदन सरसीरुह सुहाये नैन ,
 मंजुल प्रसून माथे मुकुट जटैनिके ।
 अंशनि शरासन लसत शुचि कर शर ,
 तून कटि मुनिपट लूटक पटनि के ।
 नारि सुकुमारि संग जाके अंग उबटि कै ,
 विधि बिरच्यो बरू थ विद्युतछुटनि के ।
 गोरे को बरन देषे सोनो न सलोनो लागै ,
 साँवरे विलोके गर्व घटत घटनि के ॥
 बनिता बनी श्यामल गोरे के बीच ,

विलोकहु री सषि मोहि सी है ।
 मगजोग न कोमल क्यों चलि हैं ,
 सकुचात मही पद पंकज छुवै ।
 तुलसी सुनि ग्रामवधू विथकी ,
 पुलकी तन औ चले लोचन चवै ।
 सब भाँति मनोहर मोहनरूप
 अनूप हैं भूप के बालक द्वै ॥
 साँवरे गोरे सलोने सुभाय ,
 मनोहरता जित मैं लियो है ।
 बान कमान निषंग कसे ,
 शिर सोहैं जटा मुनिवेष कियो है ।
 सग लिये विधु वैनी बधू
 रति को जिन रंचक रूप दियो है ।
 पायँन तौ पनहीं न पयादेहि ,
 क्यों चलि हैं सकुचात हियो है ॥
 रानी मैं जानी अजानी महा ,
 पवि पाहनहु ते कठोर हियो है ।
 राजहु काज अकाज न जान्यो ,
 कह्यो तिय को जेहि कान कियो है ।
 ऐसी मनोहर मूरति ये ,
 बिछुरे कैसे प्रीतम लोग जियो है ।
 आँषिन में सषि राषिबे जोग ,
 इन्है किमि कै बनबास दियो है ॥
 शीश जटा उर बाहु विशाल ,
 बिलोचन लाल तिरीछी सी भीहैं ।
 दून सराशन बान धरे ,
 तुलसी बनमारग में सुठि सोहैं ।
 सादर बारहि बार सुभाय ,

चितै तुम त्यों हमरो मन मोहैं ।
 पूंछति ग्रामवधू सिय सों कहु ,
 सांवरो सो सषि रावरो को हैं ॥
 सुनि सुंदर वैन सुधारससाने ,
 सयानि हैं जानकी जान भली ।
 तिरछे करि नैन दै सैन तिन्हें ,
 समुझाय कछू मुसक्याय चली ।
 तुलसी तेहि औसर सोहैं सबै ,
 अवलोकत लोचनलाहु अली ।
 अनुरागतड़ाग में भानु उदै ,
 धिकसी मानो मंजुल कंजकली ॥

सुंदरकांड से

लंकादहन

बसन बटोरि बोरि बोरि तेल तमीचर ,
 बोरि बोरि धाय धाय आय बाँधत लँगूर हैं ।
 तैसो कपि कौतुकी डरात ढीलो गात कै कै ,
 लात के अघात सहै जी में कहैं क्रूर हैं ।
 बाल किलकारी कै कै तारी दै दै गारी देत ,
 पाछे लागे बाजन निशान ढोल तूर हैं ।
 बालधी बढ़न लागी ठौर ठौर दीन्हीं आगी ,
 विंध्य की द्वारि कैधों कोटि शत सूर हैं ॥
 लाइ लाइ आगि भागे बाल जात जहाँ तहाँ ,
 लघु ह्वै निबुकि गिरि मेरु ते विशाल भो ।
 कौतुकी कपीश कूदि कनककंगूरा चढ़यो ,
 रावनभवन चढ़ि ठाढ़ो तेहि काल भो ।
 तुलसी विराज्यो व्योम बालधी पसारि भारी ,
 देखे हहरात भट कालसों कराल भो ।

तेज को निधान मानो कोटिक कृशानु भानु
 नष विक्राल मुष तैसो रिस लाल भो ॥
 बालधी विशाल विकराल ज्वाल जाल मानो ,
 लंक लीलिवे को काल रसना पसारी है ।
 कै धौं व्योमबीथिका भरे हैं भूरि धूमकेतु,
 वीररस वीर तरवारि सी उधारी है ।
 तुलसी सुरेशचाप कै धौं दामिर्नाकलाप,
 कै धौं चली मेरु ते कृशानुसरिभारी है ।
 देखैं यातुधान यातुधानी अकुलानी कहैं,
 कानन उजारयो अब नगर प्रजारी है ॥
 जहाँ तहां बुबुकि विलोकि बुबकारी देत,
 जरत निकेत धावो धावो लागि आगि रे ।
 कहाँ तात मात भ्रात भगिनि भामिनी भाभी,
 ढोटा छोटे छोहरा अभागे मोंडें भागि रे ।
 हाथी छोरो घोड़ा छोरो महिष वृषभ छोरो,
 छेरी छेरो सो वैसो जगावो जागि जागि रे ।
 तुलसी विलोकि अकुलानी यातुधानी कहैं,
 बार बार कह्यो पिय कपि सोन लागि रे ॥
 देखि ज्वालाजाल हाहाकार दशकंध सुनि,
 कह्यो धरो धरो धाये वीर बलवान हैं ।
 लिये शूल शैल पाश परिघ प्रचंड दंड,
 भाजन सनीर धीर धरे धनु बान हैं ।
 तुलसी समिध सौंज लंक यज्ञकुंड लषि,
 यातुधान पुंगीफल जव तिलधान हैं ॥
 श्रुवा सो लंगूर बलमूल प्रतिकूल हवि,
 स्वाहा महा हाँकि हाँकि हुने हनुमान हैं ॥
 गाज्यो कपि गाज ज्यों विराज्यो ज्वालजाल युत
 भाज्यो वीर धीर अकुलाइ उठयो रावनो ।

धायो धायो धरो सुनि धाये यातुधानधारि,
 चारिधारा उलचै जलद जौन सावनो ।
 लपट भपट भहराने हहराने बात
 भहराने भट परयो प्रबल परावनो ।
 ढकनि ढकेलि पेलि सचिव चले ले डेलि,
 नाथ न चलैगो बल अनल भयावनो ॥
 बड़ो विकराल वेष देषि सुनि सिंहनाद,
 उठ्यो मेघनाद सविषाद कहै रावनो ।
 वेग जीतो मारुतप्रताप मारतंड कोटि,
 कालऊ करालता बड़ाई जितो बावनो ।
 तुलसी सयाने यातुधाने पछिताने कहैं,
 जाको ऐसो दूत सो तौ साहिब अबै आवनो ।
 काहे की कुशल रोषे राम बामदेवहु की,
 धिषम बली सों वादि बैर को बड़ावनो ॥
 पानी पानी पानी सब रानी अकुलानी कहैं,
 जाती हैं परानी गति जानी गजचालि है ।
 बसन बिसारे मनि भूषन संभारत न,
 आनन सुषाने कहैं क्यों हूं कोउ पालि है ।
 तुलसी मंदोवै मींजि हाथ धुनि माथ कहै,
 काहू कान कियो न मैं कह्यों केलो कालि है ।
 बापुरो विभीषन पुकारि बार बार कह्यो,
 बानर बड़ी बलाय घने घर घालि है ॥
 कानन उजारयो तौ उजारयो न बिगारयो कहु,
 बानर बिचारो बांधि आयो हठि हार सों ।
 निपट निडर देषि काहू न लख्यो विशेषि ,
 दीन्हो न छुड़ाय कहि कुलके कुठार सों ।
 छोटे और बड़े मेरे पूतऊ अनेरे सब ,
 सांपनि सो पेलैं मेले गरे छुराधार सों ।

तुलसी मँदोवै रोइ रोइ कै बिगोवै आणु ,
 बार बार कहयो मैं पुकारि दाढ़ीजार सों ॥
 रानी अकुलानी सब डाढ़त परानी जाहि ,
 सकैं न बिलोकि वेष केशरीकुमार को ।
 मीजि मीजि हाथ घुनि माथ दशमाथतिय ,
 तुलसी तिलो न भयो बाहिर अगार को ।
 सब असबाव डाढ़ो मैं न काढ़ो तैं न काढ़ो ,
 जिय की परी सँभारै सहन भँडार को ।
 पीभूत मँदोवै सविषाद वेषि मेघनाद ,
 बयो लुनियत सब याही दाढ़ीजार को ॥
 रोवन की रानी बिलषानी कहै यातुधानी ,
 हाहा कोऊ कहै बीसबाहु दसमाथ सों ।
 काहे मेघनाद काहे काहे रे महोदर तू ,
 धीरज न देत लाइ लेत क्यों न हाथ सों ।
 काहे अतिकाय काहे काहे रे अकंपन ,
 अभागे तिय त्यागे भोंडे भागे जात साथ सों ।
 तुलसी बढ़ाय बाद शाल ते विशाल बाहैं ,
 याही बल बालिशौ विरोध रघुनाथ सों ॥
 हाट बाट कोट ओट अटनि अगार पौरि ,
 बोरि बोरि दूरि दूरि दीन्हीं अति आगि हैं ।
 आरत पुकारत सँभारत न कोऊ काहू ,
 व्याकुल जहां सो तहां लोग चले भागि हैं ।
 बालधी किरावैं बार बार झहरावैं झरें ,
 बुँदिया सो लंक फधिलाइ पाम पागि हैं ।
 तुलसी बिलोकि अकुलानी यातुधानी कहैं
 चित्रहू के कपि सो निशाचर न लागि हैं ॥
 लागि लागि आगि भागि भागि चले जहां तहां ,
 धीय को न माय बाप पूत न सँभारही ।

छूटे बार वसन उधारे धूमधुंध अंध ,
कहैं बारे बूढ़े बारि बारि बार बारही ।
हय हिहिहिनात भागे जात घहरात गज ,
भारीभीर ठेलि पेलि रौंदि पौंदि डारहीं ।
नाम लै चिलात बिललात अकुलात अति,
तात तात तौंसियत भौंसियत भार हीं ॥
लपट कराल ज्वालजालमाल दहूं दिशि ,
धूम अकुलाने पहिंचानै कौन काहि रे ।
पानी को ललरत बिललात जरे गात जात ,
परे पायमाल जात भ्रात तू निबाहि रे ।
प्रिया तू पराहि नाथ नाथ तू पराहि बाप ,
बाप तू पराहि पूत पूत तू पराहि रे ।
तुलसी विलोकि लोक व्याकुल विहाल कहैं ,
लेहि दशशीश अब बीस चष चाहि रे ॥
बीथिका बजार प्रति अटन अगार प्रति ,
पँवरि पगारि प्रति बानर विलोकिये ।
अर्द्ध उर्द्ध वानर विदिशि दिशि बानर हैं ,
मानहुँ रह्यो है भरि बानर तिलोकिये ।
मूँदे आँषि हीय में उधारे आँषि आगे ठाढो ,
धाइ जाइ जहां तहां और कोऊ को किये ।
लेहु अब लेहु तब कोउ न सिषाओ मानो ,
सोई सतराइ जगइ जाहि जाहि रोकिये ॥
एक करैं धौज एक कहैं काढ़ौ सौज एक ,
औज पानी पीकै कहैं बनत न आवनो ।
एक परे गाढ़े एक डाढ़त ही काढ़े एक ,
देखत हैं टाढ़े कहैं पावक भयावनो ।
तुलसी कहत एक नीके हाथ लये कषि ,
अजहुं न छांडै बाल गाल को बजावनो ।

धावरे बुझावरे कि बावरे जिआवरे हों
 औरै आगि लागी न बुझावै सिंधुसावनो ॥
 कोपि दशकंध तब प्रलयपयोद बोले ,
 रावनरजाय धाय आये जूथ जोरिकै ।
 कहयो लंकपति लंक बरत बुताओ वेग
 बानर बहाय मारो महावारि बोरि कै ।
 भले नाथ नाय माथ चले पाथप्रदनाथ ,
 वरषेँ मुशलधार बार बार धोरि कै ।
 जीवन ते जागि आगि चपरि चौगुनी लागी
 तुलसी भभरि मेघ भागे मुख मोरि कै ॥
 यहां ज्वाल जरे जात वहां ग्लानि गरे गाल ,
 सूर्य सकुचात सब कहत पुकार हैं ।
 जुगषट भानु देखे प्रलयकृशानु देषे ,
 शेषमुषअनल विलोके बार बार हैं ।
 तुलसी सुन्यो न कान सलिलसर्पी समान ,
 अति अचरज किये केशरीकुमार हैं ।
 चारिदवचन सुनि धुने शीश सचिवन ,
 कहै दशशीसईशवामताविकार हैं ॥
 पावक पवन पानी भानु हिमवान यम ,
 काल लोकपाल मेरे डर डावाँडोल हैं ।
 साहब महेश सदा शंकित रमेश मोहि ,
 महातप साहस विरंचि लीन्हें मोल हैं ।
 तुलसी त्रिलोक आजु दूजो न बिराजै राज ,
 बाजे बाजै राजन के बेटा बेटा वोल हैं ।
 को है ईश नाम को जो वाम होत मोहू से को ,
 मालवान रावरे के बावरे से बोल हैं ॥
 भूमि भूमिपाल ब्याल पालक पताल नाक-
 पाल लोकपाल जेते सुभट समाजु है ।

कहैं मालवान यातुधानपति रावरे को ,
 मनहुं अकाज आनै ऐसों कौन आजु है ।
 रामकोहपावक समीर सीयश्वास कीश ,
 ईशबामता विलोकि बानर को व्याजु है ।
 जारत प्रचारि फेरि फेरि सो निशंक लंक ,
 जहां बांको वीर तोसो शूरसिरताजु है ॥
 पान पकवान विधि नाना कै सँधानो सीधो ,
 विविध विधान धान बरत बखारही ।
 कनक किरीट कोटि पलंग पिटारे पीठ ,
 काढ़त कहार सब जरे भरे भारही ।
 प्रबल पावक बाढ़े जहां काढ़े तहां ठाढ़े ,
 झपट लपट भरे भवन भँडारही ।
 तुलसी अगार न पगार न बजार बच्यो ,
 हाथी हथिसार जरे घोड़े घोरसारही ॥
 रावन सो राजरोग बाढ़त बिराट उर ,
 दिन दिन बिकल सकल सुषराँक सो ।
 नाना उमचार करि हारे सुरसिद्ध मुनि ,
 होत न विशोक औ तपावै न मनाक सो ।
 राम की रजाय ते रसायनी समीरसुनु ,
 उतरि पयोधि पार शोधि सरबाक सो ।
 यातुधानबुट पुटपाक लंक जातरूप ,
 रतन जतन जारि कियो है मृगांक सो ॥

लंकाकांड सै

बड़े बिकराल भालु बानर विशाल बड़े ,
 तुलसी बड़े पहार लै पयोधि तोपि हैं ।
 प्रबल प्रचंड बरिवंड बाहुदंड षंडि ,
 मंडि मेदिनी को मंडलीकलीक लोपि हैं ।

लंकदाह देषे ब उछाह रहयो काहुन को ,
कहैं सब सचिव पुकारि पांव रोपि हैं ।
बाचि हैं न पाछे त्रिपुरारिह मुरारि ह के ,
कोहै रनरारि को जो कोशलेश कोपि हैं ॥
त्रिजटा कहत बार बार तुलसीश्वरी सौं ,
राघौबान एकही समुद्र सातौ सोषि हैं ।
सकुल संहारि यातुधानधारिजंबुकादि ,
योगिनीजमात कालिकाकलाप तोषि हैं ।
राज दे निवाजिबो बजाइ कै बिभीषनै
बजेंगे व्योम बाजने बिबुध प्रेम पोषि है ।
कौन दशकंध कौन मेघनाद बापुरो को
कुम्भकर्णकोट जब राम रन रोषिहैं
तुलसी सबल रघुवीरजी को बालिसुत ,
घाहि न गनत बात कहत करेरी सी ।
बषशोश ईशजीकी पीश होत देषियत ,
रिस काहे लागत कहत हौ मैं तेरी सी ।
चढ़ि गढ़ मढ़ हढ़ कोट के कंगूरे कोपि ,
नेक धका दैहैं ढैहैं ढेलन की ढेरी सी ।
सुनु दसमाथ नाथ साथ के हमारे कपि,
हाथ लंका लाय हैं तो रहैगी हथेरी सी ॥
दूषन विराध-धर त्रिशिरा कबंध बधे ,
तालऊ त्रिशाल बधे कौतुक है कालिको ।
एकही विशिष वश भये वीर बाँकुरो सो ,
तोहूँ है विदित बल महाबली बालि को ।
तुलसी कहत हित मानत न नेकु शंक ,
मेरो कहा जैहै फल पैहै तू कुचालि को ।
बीरकरिकेशरी कुठारपानि मानी हारि ,
तेरी कहा नली बूड़े तोसे गने घालिको ॥

रौप्यो पाँव पैज कै विचारि रघुबीरबल ,
 लागे भट सिमिट न नेकु टसकतु है ।
 तज्यो धीर धरनि धरनिधर धसकत ,
 धराधर धीर भार सहि न सकतु है ।
 महाबली बालि को दबत दलकत भूमि
 तुलसी उछलि सिंधु मेरु मसकतु है ।
 कमठकठिनपीठि ढड्ढा परो मंदर को ,
 आयो सोई काम पै करेजा मसकतु है ॥
 कनकगिरिशृंग चढ़ि देषि मर्कटकटक ,
 घदत मंदोदरी परमभीता ।
 सहसभुजमत्तगजराजरनकेशरी ,
 परशुधर गर्व जेहि देषि बीता ।
 दास तुलसी समर सबल कौशलधनी ,
 प्याल ही बालि बलशालि जीता ।
 कंत तुन दंत गहि शरन श्रीराम कहि ,
 अजहुं यहि भांति लै सौंपु सीता ॥
 अंग अंग दलित ललित फूटे किंशुक से ,
 हने भट लाषन लषन यातुधान के ।
 मारिकै पछारिकै उपारि भुजदंड चंड ,
 षंडि षंडि डारे ते बिंदारे हनुमान के ।
 कूदत कबंध के कदंब बंबसी करत ,
 धावत देषावत हैं लाघो राघौवान के ।
 तुलसी महेश विधि लोकपाल देवगन ,
 देषत विमान चढ़े कोतुक मशान के ।
 लोथिन सों लोह के प्रवाह चले जहां तहां ,
 मानहु गिरिन गेरुभरना भरत हैं ।
 शोनित सहित घोर कुंजर करारे भारे ,
 कूलते समूल वाजिविटप परत हैं ।

सुभट शरीर नीरचारी भारी भारी तहाँ ,
 शूरन उछाह कूर कादर डरत हैं ।
 फेकरि फेकरि फेरु फारि फारि पेट घात ,
 काक कंकबालक कोलाहल करत हैं ॥

उत्तरकांड से

शोक समुद्र निमज्जत काढ़ि ,
 कपीश कियो जग जानत तैसो ।
 नीच निशाचर बैरि को बंधु ,
 बिभीषन कीन्ह पुरंदर जैसो ।
 नाम लिये अपनाय लियो ,
 तुलसी सो कहाँ जग कौन अनैसो ।
 आरत आरतिभंजन राम ,
 गरीबनिवाज न दूसर ऐसो ॥
 मीत पुनीत किये कपि भालु को ,
 पाल्यो ज्यों काहु न बाल तनूजो ।
 सज्जनसीव बिभीषन भो ,
 अजहुं बिलसै घरबंधुबधू जो ।
 कौशलपाल बिना तुलसी ,
 सरनागत पाल कृपाल न दूजो ।
 कूर कुजाति कपूत अघी ,
 सब की सुधरै जो करै नर पूजो ॥
 तीय सिरोमनि सीय तजी ,
 जेहिं पावक की कलुषाई दही है ।
 धर्म धुरंधर बन्धु तज्यो ।
 पुर लोगन की विधि बोलि कही है ।
 कीश निशाचर की करनी ,
 नैसुनी न विलोकि न चित्त रही है ।
 राम सदा सरनागत की ,
 अनषोही अनैसी सुभाय सही है ॥

अपराध अगाध भये जनते ,
 अपने उर आनत नाहिन जू ।
 गनिका गज भीध अजामिल के ,
 गनि पातक पुंज सिराहिं न जू ।
 लिये बारक नाम सुधाम दिये ,
 जेहि धाम महामुनि जाहिं न जू ॥
 तुलसी भजु दीनदयालहि रे ,
 रघुनाथ अनाथनदाहिन जू ॥
 प्रभु सत्य करी प्रह्लादगिरा ,
 प्रगटे नरकेहरि षंभ महा ।
 भूषराज प्रस्यो गजराज कृपा ,
 ततकाल विलंब कियो न तहां ।
 सूर साषी दै राषी है पांडुवधू ,
 पट लूटत कोटिक भूष जहां ।
 तुलसी भजु सोचुबिमोचन को ,
 जनको प्रन राम न राख्यो कहां ॥
 तेरे बिसाहे बिसाहत औरनि ,
 और बिसाहि कै बेचनहारे ।
 ध्योम रसातल भूमि भरे नृप ,
 कूर कुसाहब से तिहुं पारे ।
 तुलसी तेहि सेवत कौन मरै ,
 रजते लघु को करै मेरु ते भारे ।
 स्वामि सुसील समर्थ सुजान सो ,
 तोसौं तुहीं दशरत्थदुलारे ॥
 सूर सिरताज महाराजन के महागज ,
 जाको नाम लेत ही सुषेत होत ऊसरो ।
 साहब कहां जहान जानकीस सो सुजान ,
 सुमिरे कृपाल के मराल होत घूसरो ।

केवट पषान यातुभान कपि भालु तारे ,
 अपनायो तुलसी सो धींग धमधूसरो ।
 बोल को अटल बांह को पगार दीनबंधु ,
 दूबरो को दानि को दयानिधान दूसरो ॥
 नाम लिये पून को पुनीत किये पातकीश
 आरति निवारी प्रभु पाहि कहे पील की ।
 छलिन की छौड़ी सो निंगोड़ी छोटी जाति पाँति ,
 कीन्हीं लीन आपु में भामिनी भौंड़े भील की ।
 तुलसीओ तारिबो बिसारिबो न अंत मोहूं
 नीके है प्रतीत रावरे सुभाव शील की ।
 देव तौ दयानिकेत देत दादि दीनन की
 मेरी बार मेरे ही अभाग नाथ ढील की ॥
 आगे परे पाहन कृपा किरात कोलिनी ,
 कपीस निसिचर अपनाये नाये माथ जू ।
 साँची सेवकाई हनुमान की सुजान राय ,
 ऋनियाँ कहाये हौ बिकाने ताके हाथ जू ।
 तुलसी के षोटे षरे होत ओट नामही की ,
 भैगी माटी मगहू की मृगमद साथ जू ।
 बात चले बात को न मानिबो बिलग बलि ,
 काकी सेवा रीझि को निवाजो रघुनाथ जू ॥
 कौसिक की चलत पषान की परस पाइ
 दूटत धनुष बनगई है जनक की ।
 कोल पसु शवरी बिहंग भालु रातिचर ,
 रतिन के लालचिन प्रापति मनन की ।
 कोटि कला कुशल कृपाल नतपाल बाल ,
 बातहू कितेक तृन तुलसी तनक की ।
 राय दशरथ के समर्थ राम राजमनि ,
 तेरे हरे लौपै लिपि बिधिहू गनक की ॥

भीत बालिबंधु पूत दूत दशकंधबंधु,
 सचिव सराध कियो शवरी जटाय को ।
 लंक जरी जोहै जिय शोच सो विभीषन को,
 कहौ ऐसे साहब की सेवा न षटाय को ।
 बड़े एक एकते अनेक लोक लोकपाल,
 अपने अपने को तौ कहै गो घटाय को ।
 सांकरे के सेइवे सराहबे सुमिरबे को,
 राम सो न साहब न कुमतिकटाय को ॥
 भूमिपाल व्यालपाल नाकपाल लोकपाल,
 कारन कृपाल में सबै के जी की थाह ली ।
 कादर के आदर काहू के नाहिं देखियत,
 सबनि सुहात है सेवा सुजान टाहली ।
 तुलसी सुभाय कहै नही कछु पक्षपात,
 कौने ईस किये कीस भालु पास माहली ,
 रामही के द्वार पै बोलाय सनमानियत
 मोसे दीन दुबरो कपूत कूर काहली ॥
 सेवा अनुरूप फल देत भूप कूप ज्यों,
 बिहीन गुन पथिक पियासे जात पत्थ के ।
 लेवे जोवे चोखेचित तुलसी स्वारथहित,
 नीके देखे देवता देवैया घने गत्थ के ।
 गीध मानो गुरु कपि भालु भानो भीत कै,
 पुनीत गीत साके सब साहब समर्थ के ।
 और भूप परषि सुलाषि तौलि ताइ लेत,
 लसम के खसम तुहीं पै दशरथ के ॥
 रीति महाराज की निवाजिये जो माँगनो सो,
 दोष दुष दारिद दरिद्र कै कै छोड़िये ।
 नाम जाको कामतर देत फल चारि ताहि,
 तुलसी विहाइ कै बबूर रेंड गोड़िये ।

याचै को नरेश दैस देस को कलेस करै,
 देहैं तो प्रसन्न ह्वै बड़ी बड़ाई बोड़िये ।
 कृपापाथनाथ लोकनाथनाथ सीतानाथ,
 तजि रघुनाथ हाथ और काहि जोड़िये ॥
 सो जननी सो पिता लोइ भ्रात,
 सो भामिनि सो सुत सो हित मेरो ।
 सोई सगो सो सखा सोइ सेवक,
 सो गुरु सो सुर साहब चरो ।
 सो तुलसी प्रिय प्रान समान,
 कहो लो बनाइ कहौ बहुतेरो ।
 जो तजि देह को गेह को नेह,
 सनेह सो राम को होय सबेरो ॥
 राम है मातु पिता सुत बंधु
 और संगि सखा गुरु स्वामि सनेही ।
 राम की सौहैं भरोसो है राम को
 राम रगी रुचि राचौ न केही ।
 जीवत राम मुये पुनि राम
 सदा रघुनाथहि की गति जेही ।
 सोई जिये जग में तुलसी न ते
 डोलत और मुये धरि देही ॥
 सिय-राम-स्वरूप अगाध अनूप
 विलोचनमीनन को जलु है
 श्रुति रामकथा मुख राम को नाम
 हिये पुनि रामहि को थलु है
 मति रामहि सो गति रामहि सो
 रति राम सोँ रामहि को बलु है
 सबकी न कहै तुलसी के मते
 इतनो जग जीवन को फलु है ॥

काम से रूप प्रताप दिनेस से
 सोम से सील गनेस से माने
 हरिचंद से सांचे बड़े विधि से
 मधवा से महीप विषयसुषसाने ॥
 सुक से मुनि सारद से बकता
 चिरजीवन लोमस ते अधिकाने ॥
 ऐसे भये तो कहा तुलसी
 जोपै राजिवलोचन राम न जाने ।
 भूमत द्वार अनेक मतंग
 जंजार जरे मदअबु चुचाते ।
 तीषे तुरंग मनो गति चचल
 पीन के गौनहुं ते बढ़ि जाते ।
 भीतर चद्रमुखो अवलोकति
 बाहर भूप षड़े न समाते ।
 ऐसे भये तौ कहा तुलसी
 जो पै जानकोनाथ के रंग न राते ॥
 कृसगात ललात जो रोटिन को
 घर बात धरे घुरपा परिया ।
 तिन सोने के मेरु से ढेर लहे
 मन तौ न भरो घर पै भरिया ।
 तुलसी दुष दूनो दसा दुहुं देष
 कियो मुष दारिद को करिया ।
 तजि आस भो दास रघूपति को
 दसरत्थ को दानि दयादरिया ॥
 जबै यमराज रजासु ते मोहिं
 लै चलिहैं भट बांधि नटैया ।
 तात न मात न स्वामि सषा
 सुत बंधु विशाल विपत्ति बटैया ।

शासति घोर पुकारत आरत
 कौन सुनै चहुं ओर डटैया ।
 एक कृपालु तहां तुलसी
 दशरथ को नंदन बंदि कटैया ॥
 जहां यमयातन घोर नदी भट
 कोटि जलचर दंत टेवैया ।
 जहँ धार भयंकर वार न पार
 न घोहित नाव न नीक पेवैया ।
 तुलसी जहँ मात पिता न सषा
 नहिं कोऊ कहुँ अवलंब देवैया ।
 तहाँ बिनु कारन राम कृपालु
 विशाल भुजा गहि काढ़ि लेवैया ॥
 पातक पीन कुदरिद दीन
 मलीन धरे कथरी करवा है ।
 लोक कहै विधि हू न लिप्यो
 सपनेहुं नहीं अपने बर वाहै ।
 राम को किंकर सो तुलसी
 समुझे ही भलो कहबो नरवा है ।
 ऐसे को ऐसे भयो कबहुं न
 भजे बिन बानर के चरवाहै ॥
 मात पिता जन्म जाय तज्यो
 विधि हू न लिखो कछु भाल भलाई ।
 नीच निरादरभाजन कादर
 कूकुरदूकन लागि ललाई ।
 रामस्वभाव सुन्यो तुलसी
 प्रभु सां कह्यो बारक पेट खलाई ।
 स्वारथ को परमारथ को
 रघुनाथ सो साहब पोरि न लाई ॥

शतग कोन साज न विराग योग थाग जिय
 कायर न छांडि देत ठाटिबो कुठाट को ।
 मनोराज करत अराज भयो आहु लभि
 चाहै चारु चीर पै लहै न टुक टाट को ।
 भयों करतार बड़े कूर को कृपालु अति
 पायों नाम पारस हों लालची बराट को ।
 तुलसी बनी है राम रावरे बनाये नातौ
 धोबी कैसो कूकुर न घर को न घाट को ॥
 ऊंचो मन ऊंची रुचि भाग नीचो निपटही
 लोक रीति लायक न लंगर लबारु है ।
 स्वारथ अगम परमारथ की कहा चली
 पेट की कठिन जग जीव को जवारु है ।
 चाकरी न आकरी न चेती न बनिज भीष
 जानत न कूर कलू किसम कबारु है ।
 तुलसी की बाजी राषी रामही के नाम नतु
 भेंट पितरन कों न मूंडहू में बारु है ॥
 जाति के सुजाति के कुजाति के पेटागि वश
 पाये टुक सब के विदित बात दुनी सो
 मानस वचन काय किये पाप सतिभाय ।
 राम को कहाय दास दगाबाज पुनी सो ।
 राम नाम को प्रभाव पाव भहिमा प्रताप
 तुलसी सो जग मानियत महामुनी सो ।
 अति ही अभागे अनुरागत न रामपद
 मूढ़ एनो बड़ो अचरज देशी सुनी सो ॥
 जायो कुल मंगन बधायो न बजायो सुनि
 भयो परिताप पाप जननी जनक को ।
 बारे ते ललात बिललान द्वार द्वार दीन
 जानत हों चारि फल चारिहि चनक को ।

तुलसी सो साहब समर्थ के सुसेवकहि
 सुनत सिहात शोच विधिहु गनक को ।
 नाम राम रावरो सयानो किधौ बावरो जो
 करत गिरी ते गरू तृन ते तनक को ॥
 बबुर बहेरे को बनाय बाग लाइयत
 कूँधिबे को सोऊ सुरनरु काटियतु हैं ।
 गारी देत नीच हरिचंद दधीचहु को
 आपने चना चबाय हाथ चाटियत हैं ।
 आप महापातकी हँसत हरि हरहु को
 आपु हैं अभागी भूरि भागी डाटियतु हैं ।
 कलिकी कलुष मन मलिन किये महत
 मशक की पाँसुरी पयोधि पाटियत हैं ॥
 देवसरि सेवों वामदेव गांव रावरे ही
 नाम रामही के माँगि उदर भरत हौं ।
 दीबे योग तुलसी न लेत काहु को कबु
 लिषी न भलाई भाल पोच न करत हौं ।
 पते परहु कोऊ जो रावरे हूँ जोर करै
 ताको जोर देवदीन द्वारे गुदरत हौं ।
 पाय कै उराहनो उराहनो न दीजै मोहिं
 कालि कला-काशीनाथ कहे निबरत हौं ॥
 चेरो राम राय को सुयश सुनि तेरो हर
 पायँतर आप रह्यो सुरसरितीर हौं ।
 वामदेव राम को सुभाव सील जानियत
 नातो नेह जानियत रघुवीरभीर हौं ।
 अधिभूत वेदन विषम होत भूतनाथ
 तुलसी विकल पाहि पचत कुपीर हौं ।
 मोरिये तौ अनायास कासीबास बासफल
 ज्याइये तौ कृपा करि निरुज सरीर हौं ॥

जीवे की न लालसा दयालु महादेव मोहिं
 मालुम है तोहिं मरिबेई को रहत हौं ।
 कामरिपु राम के गुलामनि को कामतरु,
 अवलंब जगदंब सहित चहत हौं ।
 रोग भयो भूत सौं कुसूत भयो तुलसी को
 भूतनाथ पाहि पदपंकज गहत हौं ।
 ज्याइये तो जानकीजीवनजन जानि जिब
 मारिये तौ मांगी मीच सुधिये कहत हौं ॥



विनयपत्रिका

भाइये गनपति जगबंदन ।
शंकरसुवन भवानीनंदन ॥
सिद्धिसदन गजबदन विनायक ।
कृपासिंधु सुंदर सब लायक ॥
मोदकप्रिय मुदमंगलदाता ।
विद्यावारिधि बुद्धिविधाता ॥
मँगल तुलसीदास कर जोरे ।
बसहिँ राम सिय मानस मोरे ॥
कबहुँक अंब अवसर पाय ।
मेरिऊ सुधि दायबी कछु करुनकथा चलाय ॥
दीन सबअंगहीन छीन मलीन अघी अघाय ।
नाम लैभरै उदर एक प्रभुदासीदास कहाय ॥
बूझिहैं सो है कौन कहिवौ नाम दशा जनाय ।
सुनत राम कृपाल के मेरी बिगरिउ बनि जाय ॥
जानकी जगजननि जन की किये बचन सहाय ।
तरै तुलसीदास भव तब नाथ गुन गन गाय ॥
कबहुँ समय सुधि दायबी मेरी मातु जानकी ।
जन कहाय नाम लेत हों पन
चातक ज्यों प्यास प्रेमपान की ॥
सरल प्रकृति आप जानिये,
करुनानिधान की ।
निज गुन अरिभूत अनहितौ दासदोष
सुरति चित रहत न दिये दानकी ॥
बानि बिसारनशील है,
मानद अमान की ।

तुलसिदास न बिसारिये मन क्रम बचन
 जाके सपनेहुं गति नहिं आनकी ॥
 जयति सदसतचित्तव्यापकानन्दपद,
 ब्रह्मविग्रह व्यक्त लीलावतारी ।
 विकल ब्रह्मादि सुरसिद्ध संकोच वश,
 विमल गुन ग्रहे नरदेहधारी ॥
 जयति कौशलाधीश कल्याण कौशलसुता
 कुशल कैवल्य फल चारु चारी ।
 वेदबोधित कर्म धर्म धरनीधेनु,
 विप्र सेवक साधु मादकारी ॥
 जयति ऋषिमणपाल शमन सज्जनमाल,
 शापवश मुनिबधू पापहारी ।
 भंजि भवचाप दलि दाप भूपावली सहित
 भृगुनाथ नतमाथ भारी ॥
 जयति धर्मिक धुर धीर रघुबीर
 गुरु मातु पितु बन्धु बचनानुसारी ।
 चित्रकूटादि विंध्यादि दंडक विपिन,
 धन्यकृतपुण्यकाननबिहारी ॥
 जयति पाकारिसुतकाककरतूति-
 फलदानि षनि गर्वगोपितविराधा ।
 दिव्य देवीवेष देषि लषि मिश्ररी,
 जनु बिडंबित करी विश्वबाधा ॥
 जयति पर त्रिशिर दूषन चतुर्दश सहस,
 सुभट मारीच संहारकर्ता ।
 गृद्धशबरीभक्तिविवस करुनासिंधु,
 चरित निरुपाधि त्रिविध ताप हर्ता ॥
 जयति मदग्रंथ कुकबंध बधि चालि-
 बलशालिवध करन सुग्रीव राजा ।

सुभट मर्कट भालु कटक संघट सजत,
 नमत पद रावनानुज निवाजो ॥
 जयति पाथोधिकृत सेतु कौतुक हेतु,
 कालमनअगम लइ ललकि लंका ।
 सकल सानुज दल दलित दशकंठ,
 रन लोक लोकप किये रहित शंका ।
 जयति सौमित्र सीता सचिव सहित चले ,
 पुष्पकारुढ़ निज राजधानी ।
 दास तुलसी मुदित अवधवासी सकल
 राम भए भूप वैदेहि रानी ॥
 जयति राजराजेन्द्र राजीवलोचन राम,
 नाम कलिकामतरु श्यामशाली ।
 अनयअंबोधिकुंभजनिशाचरनिकर-
 तिमिरघनघोर षरकिरनमाली ॥
 जयति देव मुनि देवनर देव दशरथ के,
 देवमुनिबंध किय अवधवासी ।
 लोकनाथक कोकशोकसंकटशमन,
 भानुकुलकमलकाननबिकासी ॥
 सकल सौभाग्य सौंदर्य सुषमारूप,
 मनोभव कोटि गर्वापहारी ।
 जयति सुभग-सारंग सुनिषंगशायक,
 शक्ति चारु चर्मासिवरवर्मगारी ।
 जयति कलधौतमनिमुकुट कुंडल,
 तिलक छलक भलि भाल विधुवदनशोभा ।
 दिव्य भूषन वसन पीतउपवीत किये ,
 ध्यान कल्याण भाजन न कोभा ॥
 जयति भरत सौमित्र शत्रुघ्न सेवित सुमुख ,
 सचि सेवक सुषद सर्व दाता ।

अधम आरत दीन पतित पातक पीन ,
 सकृत् नतमात्र कहैं पाहि पाता ॥
 जयति भुवनदशचारि यश जगमत ,
 पुन्यमय धन्य जय राम राजा ।
 चरित सुरसरित कवि मुष्यगिरिनिःसरित ,
 पिवत मज्जत मुदित सह समाजा ॥
 जयति वर्नाश्रमाचारपर नारि नर ,
 सत्य शम दम दया दानशीला ।
 विगत दुख दोष संतोष सुष सर्वदा ,
 सुनत गावत रामराजलीला ॥
 जयति वैराग्यविग्यानवारांनिधे
 नमन नर्मद पापतापहर्ता ।
 दास तुलसी चरनशरन संशय-
 हरन देहि अवलंब वैदेहिभर्ता ॥
 श्रीरामचन्द्र कृपाल भजु मन हरन भवभयदारुन ।
 नव कंज लोचन कंज मुष कर कंज पद कंजारुन ॥
 कंदर्प अगनिन अमित छवि नव नील नीरज सुंदर ।
 पट पीत मानहुं तड़ित रुचि शुचि नौमि जनकसुतावरं ॥
 भजु दीनबंधु दिनेश दानवदैत्यवंशनिकंदन ।
 रघुनंद आनंदकंद कौशलचंद दशरथनंदन ।
 शिर मुकुट कुंडल तिलक ज्वार उदार अंग बिभूषन ।
 आजानु भुज शर चापधर संग्रामजित परदूषन ॥
 इति वदत तुलसीदास शंकर शेषमुनिमनरंजन
 मम हृदयकज निवास कर कामादि षलदलगंजन ॥
 सदा राम जपु राम जपु राम जपु राम ,
 जपु राम जपु मूढ़ मन बार बार ।
 सकल सौभाग्य सुषणानि जिय जानि
 शठ मान विश्वास वद वेदसारं ।

कौशलेन्द्र नवनीलकंजाभतन ,
 मदन रिपुकंजहृदचंचरीकं ।
 ज्ञानकीरमन सुषभवन भुवनैकप्रभु ,
 समरभंजन परम कारुणीकं ॥
 दनुजवनधूमध्वज पीन आजातु ,
 भुजदंड कोडकर चंडवानं ।
 अरुन कर चरन मुष नयन राजीव ,
 गुनअयन बहु मयनशोभानिधानं ॥
 वासनावृंद कैरव दिवाकर ,
 काम क्रोध मद कंज कानन तुषारं ।
 लोभ अभिमत्त नागेंद्र पंचाननं ,
 विप्रहित हरन संसारभारं ॥
 केशवं क्लेशहं केशवंदितपदद्वन्द्व ,
 मदाकिनीमूलभूतं ।
 सर्वदानंदसंदोह मोहापह
 घोरसंसारपाथोधिपोतं ॥
 शोक संदोहपाथोदपटलाविलं ,
 पापपर्वतकठिनकुलिशरूपं ।
 संत जन कामधुक धेनु विश्रामप्रद
 नाम कलिकलुषभंजनमनूपं ॥
 धर्म कलपद्रुमग्रामहरिधामपथ ,
 संबल मूलमिदमेवमेक ॥
 भक्ति वैराग्य विग्यान समदान दम ,
 नाम आधीन साधन मेकं ॥
 तेन तप्तं हुतं दत्त मेवाषिलं ,
 तेन सर्वं कृतं कर्मजालं ।
 येन श्रीरामनामामृतं पान कृत ,
 मनिशमनवद्यमवलोककालं ॥

श्वपच षल भील यमनादि हरिलोकगत ,
 नामवल विपुल मति मलिन परसी ।
 त्याग सर्वास संत्रास भवपास अस्ति-
 निसित हरिनाम जप दास तुलसी ॥
 देव दनुजवनदहन गुनगहन गोविंद
 नंदादिआनंददाता ऽविनाशी ।
 शंभु शिव रुद्र शंकर भयंकर भीम ,
 घोर तेजायतन क्रोधराशी ॥
 नांत भगवंत जगदंत अंतक-
 त्रास शमन श्रीरमन भुवनाभिरामं ।
 भूधराधीश जगदीश ईशान विग्यान ,
 घनग्यानकल्याणधामं ।
 बामनाव्यक्त पावन परावर विभो ,
 प्रगट परमात्मा प्रकृतिस्वामी ।
 चन्द्रशेखर शूलपानि हर अनघ ,
 अज अमित अविच्छिन्न वृषभेशगामी ।
 नील जलदाभतनु श्याम बहु काम छुबि ,
 राम राजीवलोचन कृपाला ॥
 कंबुकरपूरवपु धवल निर्मल मौलि ,
 जटा सुरतटिनि सित सुमनमाला ।
 वसन किंजल्कधर चक्र सारंग दर ,
 कंज कौमोदकी अति विशाला ।
 मारकरिमत्तमृगराज त्रयनयन हर ,
 नौमि अपहरनसंसारज्वाला ॥
 कृष्ण करुणा भवन दवन कालीय ,
 षल विपुल कंशादि निरवंशकारी ॥
 ब्रह्म व्यापक अकल सकल पर
 परम हित ग्यानगोतीत गुनवृत्तिहर्ता ।

सिंधुसुतगर्वगिरिवज्र गौरीश भव
 दक्षमषअभिलविध्वंसकर्ता ॥
 भक्तिप्रिय भक्तजनकामधुकधेनु
 हरि हरन दुर्घट विकट विपति भारी ।
 सुषद नर्मदवरद विरज अनयद्य ,
 षिलविपिन आनन्द बीथिन्हविहारी ॥
 रुचिर हरिशंकरी नाम मंत्रावली ,
 द्वंदुषहरनि आनंदषानी ।
 विष्णुशिवलोकसोपान सम सर्वदा ,
 वदत तुलसीदास विशद वानी ॥
 देव भानुकुलकमल रविकोटिकंदर्प ,
 छवि काल कलिव्यालमिव वैनतेयं ।
 प्रबल भुजवंड परचंड कोवंडधर ,
 तून वर विशिष बलमप्रमेयं ।
 अभिललावन्यगृह विश्वविग्रह ,
 परम प्रौढ गुणगूढ़ महिमा उदारं ॥
 दुर्द्धर्ष दुस्तर दुर्ग स्वर्ग अपवर्ग-
 पति भग्न संसारपादपकुठारं ॥
 शापवस मुनिवधू मुक्तकृत विप्रहित
 थग्यरत्ननदक्षपक्षकर्ता ।
 जनकनृपसदसि शिवचापभञ्जन ,
 उग्रभार्गवगर्वगरिमापहर्ता ॥
 गुरुगिरागौरव अमर सुदुस्त्यज ,
 राज्यत्यक्त सहित सौमित्र भ्राता ।
 संग जनकात्मजा मनुजमनुसृत्य अज
 दुष्ट बध निरत त्रैलोक्यभ्राता ॥
 दंडकारन्य कृत पुन्यपावन ,
 चरनहरन मारीचमाया कुरंगं ।

बालि बलमत्तगजराज इव केशरी
 सुहृदसुग्रीवदुषराशिभंगं ॥
 रिच्छ मर्कट विकट सुभट उदभट समर ,
 शैलसंकास रिपुत्रासकारी ।
 बद्ध पाथोधि सुरनिकरमोचन सकुल
 दलन दसशीश भुजबीस भारी ॥
 दुष्ट विबुधारिसंघात अपहरन
 महिभार अवतारकारन अनूपं ।
 अमल अनवद्य अद्वैत निर्गुन सगुन ,
 ब्रह्म सुमिरामि नरभूपरूपं ॥
 शेष श्रुति शारदा शंभु नारद सनक ,
 गनत गुन अंत नहि तव चरित्रं ।
 राम कामारिप्रिय अवधपति सर्वदा ,
 दासतुलसी त्रासनिधिवहित्रं ॥
 जानकीनाथ रघुनाथ रागादि तम
 तरनि तारुण्य तम तेजधामं ।
 सच्चिदानन्द अनन्दकंदाकरं ,
 विश्वविश्राम रामोभिरामं ॥
 नीलनववारिधरसुभग शुभकांति कर ,
 पीत कौशेयवर वसनधारी ।
 रत्नहाटकजटित मुकुट मंडित मौलि ,
 भानु शत सदृश उद्योतकारी ॥
 श्रवन कुंडल भालतिलक भ्रू रुचिर अति,
 अरुन अंभोजलोचन विशालं ।
 वक्र अवलोक त्रैलोकशोकापहं,
 माररिपुहृदयमानसमरालं ॥
 नासिका चारु सुकपोल द्विज बल्लभ ति,
 अधर बिंबोपमा मधुर हासं ।

कंठदर चिबुक बर बचन गंभीर तर ,
 सत्यसंकल्प सुरत्रासनाशं ॥
 सुमन सुविचित्र नव तुलसिकादलयुतं ,
 मृदुल बनमाल उर भ्राजमानं ।
 भ्रमत आमोद बस मत्त मधुकर निकर ,
 मधुरतर मुषर कुर्वति गानं ॥
 सुभग श्रीवत्स केयूर कंकन हार ,
 किंकिनी रटति कटितट रसालं ।
 घामदिशि जनकजासीन सिंहासनं ,
 कनक मृदुबल्लिवत तरु तमालं ॥
 आज्ञानु भुजदंड कोदंड मंडित ,
 घामबाहु दक्षिण पानि बानमेकं ।
 अषिल मुनिनिकर सुर सिद्ध गंधर्ववर ,
 नमत नर जाग अवनिष अनेकं ॥
 अनघ अनछिन्न सर्वग्य सर्वेश षणु ,
 सर्वतोभद्र दाता ऽसमाकं ।
 प्रनतजन षेदबिच्छेद विद्यानिपुन ,
 नौमि श्रीराम सौमित्रसाकं ।
 युगलपदपद्म सुषसन्न पद्मालयं ,
 चिन्ह कुलिशादि शोभातिभारी ॥
 हनुमन्तहृदिविमलकृतपरम मन्दिर सदा ,
 दास तुलसी शरन शोकहारी ॥
 कौशलाश्रीश जगदीश जगदेकहित ,
 अमित गुन विपुल विस्तार लीला ।
 गायंति तव चरित सुपवित्र श्रुति शेष शुक ,
 शंभु सनकादि मुनि मननशीला ॥
 बारिचरवपुषधर भक्त निस्तार पर
 धरनिकृत नाव महिमातिगुर्वी ॥

सकल यक्षांशमयउग्र विग्रह क्रोड,
 मर्दि दनुजेश उद्धरन उर्वी ।
 कमठ अति विकट तनु कठिन पृष्ठोपरी,
 भ्रमत मन्दर कंडु इव सुख मुरारी ।
 प्रगटकृत अमृत यो इन्दिरा इन्दु,
 वृन्दारकावृन्द आनन्दकारी ।
 मनुज मुनि सिद्ध सुर नाग त्रासक,
 दुष्ट दनुज द्विजधर्ममर्यादहर्ता ।
 अतुल मृगराजबपु धरित बिहरित
 अरिभक्तप्रह्लाद अह्लादकर्ता ॥
 छलन बलि कपट बटुरूप बामन ब्रह्म ,
 भुवन पर्यन्त पद तीनि करनं ।
 चरननष नीर त्रैलोक्यपावन परम ,
 विबुधजननीदुसहशोकहरनं ,
 क्षत्रियाधीशकरिनिकर वर केशरी,
 परशुधर बिप्रससि जलदरूपं ,
 बीसभुजदंड दसशीशषंडन चंड
 बेग शायक नौमि रामभूपं ॥
 भूमिभरभारहर प्रगट परमातमा,
 ब्रह्म नररूपधर भक्तहेतू ।
 वृष्णिकुलकुमुद राकेश राधारमन,
 कंसवंशाटवीधूमकेतू ॥
 प्रबल पाषंड महिमंडलाकुल दिषि,
 निन्दकृत अषिल मषकर्मजालं ।
 शुद्धबोधैकघनग्यान गुनधाम
 अज बुद्ध अवतार बंदे कृपालं ॥
 कालकलिजनितमलमलिनमन सर्वनर ,
 मोहनिशि निबिड यवनान्धाकरं ।

विष्णुयशपुत्र कलकी दिवाकर उदित ,
 दास तुलसी हरन विपतिभारं ॥
 सकल सौभाग्यप्रद सर्वतोभद्र निधि ,
 सर्व सर्वेश सर्वाभिरामं ।
 शर्वद्विदिकज्जमकरंदमधुकर रुचिर
 रूप भूपालमनि नौमि रामं ॥
 सर्व सुषधाम गुनग्राम विश्रामप्रद ,
 नाम सर्वासपदमति पुनीतं ।
 निर्मलं शान्त सुविशुद्ध बोधायतन ,
 क्रोधमदहरन करुनानिकेतं ॥
 अजित निरुपाधि गोतीतमव्यक्त ,
 विभुमेकमनवद्यमज्जमद्वितीयं ।
 प्राकृतं प्रगट परमातमा परमहित ,
 प्रेरकानन्त वंदे तुरीयं ॥
 भूधरं सुन्दरं श्रीवरं मदनमद ,
 मथनसौंदर्यसीमातिरम्यम् ।
 दुःप्राप्य दुःप्रेक्ष्य दुःस्पर्क्य दुःपार
 संसारहर सुलभ मृदु भावगम्यम् ॥
 सत्यकृत सत्यरत सत्यव्रत सर्वदा ,
 पुष्ट संतुष्ट संकष्टहारी ।
 धर्मवर्मनि ब्रह्म कर्मबोधैक ,
 द्विजपूज्य ब्रह्मण्यजनप्रिय मुरारी ॥
 नित्य निर्मम नित्यमुक्त निर्मानहरि ,
 ग्यानघन सच्चिदानंद मूलं ।
 सर्वरक्षकं सर्वभक्षकाध्यक्ष ,
 कूटस्थगूढार्चि भक्तानुकूलं ॥
 सिद्धसाधक साध्यवाच्यवाचक ,
 रूपमंत्र जापक जाप्य सृष्टिस्रष्टा ।

परमकारन कंजनाभ जलदाभतनु ,
 सगुन निगुन सकल दृश्य द्रष्टा ॥
 व्योम व्यापक बिरज ब्रह्म वरदेश,
 बैकुण्ठ बामन विमल ब्रह्मचारी ।
 सिद्ध बृदारकावृन्द वदित सदा ,
 षण्डि पाषण्डनिर्मूलकारी ।
 पूरनानन्दसदोह अपहरन ,
 संमोह अग्यान गुनसन्निपातं ।
 बचनमनकर्म गत शरन ,
 तुलसीदासत्रासपाथोधि इव कुम्भजातं ॥
 देव विश्व विष्यात विश्वेस विश्वायतन ,
 विश्व मरयाद् व्यालादगामी ।
 ब्रह्म वरदेश वागीश व्यापक विमल ,
 विपुल बलवान निर्वानस्वामी ॥
 प्रकृति महत्तत्त्व शब्दादि गुन देवता ,
 व्योम मरुदग्निअमलांबु उर्वी ।
 बुद्धि मन इन्द्रियप्रान चित्तात्मा ,
 कालपरमानु चिच्छक्ति गुर्वी ॥
 सर्वमेवात्र त्वद्रूप भूपालमनि ,
 व्यक्तमव्यक्त गतभेद विष्णो ।
 भुवनभवदंग कामारिवन्दिन पद-
 छन्द मन्दाकिनीजनक जिष्णो ॥
 आदि मध्यान्त भगवंत त्वं सवर्गत
 मीश पश्यन्ति ये ब्रह्मवादी ।
 यथा पट तंतु घट मृत्तिका सर्पं सृग
 दारु करि कनक कटकान्गद दी ॥
 गूढ गंभीर गर्वज्ञ गूढार्थवित ,
 गुप्त गोतीत गुरु ग्यानगयाता ।

ग्येय ग्यानप्रिय प्रचुरगरिमागार ,
 घोरसंसारपरपारदाता ॥
 सत्यसंकल्प अतिकल्प कल्पान्तकृत ,
 कल्पनातीत अहितल्पबासी ।
 बनजलोचन बनजनाभ बनदाभबपु ,
 बनचरध्वजकोटिलावण्यरासी ।
 सुकर दुष्कर दुराराध्य दुर्व्यसनहर
 दुर्ग दुर्धर्ष दुर्गार्तिहर्ता ।
 वेदगर्भाभिर्कादन्न गुणगर्व ,
 अर्वाकपर गर्बनिर्वापकर्ता ॥
 भक्तअनुकूल भवशूलनिर्मूलकर ,
 तूलअघ नाम पावकसमानं ।
 तरलतृष्णातमीतरनि धरनीधरन ,
 शरन भयहरन करुनानिधानं ।
 बहुल वृन्दार वृन्दारकावृन्द
 पदद्वन्द्व मंदारमालोरधारी ।
 पाहि मामीश संतापसंकुल सदा,
 दासतुलसी प्रनत, रावनारी ॥
 देव दनुजसूदन दयार्सिंधु दम्भापहन ,
 दहन दुर्दोष दुःपाप हर्ता ।
 दुष्टतादमन दमभवन दुःषौघहर,
 दुर्गदुर्वासनानाशकर्ता ॥
 भूरि भूषण भानुभंत भगवत ,
 भवभंजनाभयद भुवनेश भारी ।
 भावनातीत भवबध भव भक्तहित,
 भूमिउद्धरन भूधरनधारी ॥
 वर बदन बनदाभ वागीश विश्वायतन,
 बिरज बैकुण्ठमंदिरबिहारी ।

व्यापक व्योम वृन्दारु वामन विभो ,
 ब्रह्मविन ब्रह्म चिन्तापहारी ॥
 सहज सुंदर सुमुष सुमन शुभ सर्वदा ,
 शुद्ध सर्वग्य स्वच्छन्दचारी ।
 सर्वजित सर्वभृत सर्वकृत सर्वहित ,
 सत्यसंकल्प कल्पान्तकारी ॥
 नित्य निर्मोह निर्गुन निरंजन,
 निजानंद निर्वाण निर्वाणदाता ।
 निर्भरानंद निष्कम्प निस्सीम
 निर्मुक्त निरुपाधि निर्मम विधाता ॥
 महामंगलमूल मोदमहिमायतन,
 मुग्धमधुमधन मानद अमानी ।
 मदनमर्दनमदातीत मायारहित
 मंजु मानाथ पाथोजपानी ॥
 कमललोचन कलाकोश कोदंडधर,
 कोशलाधीश कल्याणराशी ।
 यातुधानप्रचुरमत्तकरिकेशरी ,
 भक्तमन पुन्य आरन्यवासी ॥
 अनघ अद्वैत अनवद्य अव्यक्त अज ,
 अमित अविकार आनंदसिन्धो ।
 अचल अनिकेत अविरल अनामय,
 अनारम्भ अभोदनाद्गन्धर्वो ॥
 दास तुलसी पेदषिन्न आपन इह ,
 शोकसंपन्न अतिशय सभीतं ।
 प्रनतपालक राम करुणाधाम,
 पाहि मामुर्विपति दुर्विनीतं ॥
 देव देहि अवलंब कर कमल,
 कमलारमन दमन दुषशमन संताप भारी ।

अग्यःनराकेशग्रासनविधु'तुद गर्व,
 कामकरिमत्तहरि दूषनारी ।
 वपुष ब्रह्माण्ड सुप्रवृत्ति लंकादुर्ग
 रचित मन दनुजमय रूपधारी ।
 विविध कोशौघ अति रुचिर मंदिर निकर
 सत्यगुन प्रमुषत्रयकटककारी ॥
 कुनपअभिमानसागर मयंकर घोर,
 विपुल अवगाह दुस्तर अपारं ।
 नक्रागादि सकुल मनोरथ सकल
 संग संकल्प बीचीबिकारं ॥
 मोह दशमौलि तदभ्रात अहंकार,
 पाकारिजित काम विश्रामहारी ।
 लोभ अधिकाय मत्सर महोदर दुष्ट,
 क्रोध पापिष्ठ बिबुधान्तकारी ॥
 द्वेष दुर्मुष दंभ पर अकंपन कपट
 दर्प मनुजाद मद शूलपानी ।
 अमितबल परमदुर्जय निशाचरनिकर ,
 सहित षड्बर्ग गो यातुधानी ॥
 जीव भवदंघ्रिसेवक बिभीषन वसत ,
 मध्य दुष्टाटवी असितचिन्ता ।
 नियमयम सकल सुरलोक लोकेश
 लंकेश बश नाश अत्यंत भीता ॥
 ग्यान अवधेश गृह गेहनी भक्ति शुभ,
 तत्र अवतार भू भारहर्ता ।
 भक्त संकष्ट अवलोक पितुवाक्य कृत,
 गमन किय गहन बैदेहिभर्ता ॥
 कैवल्य साधन अषिल भालु मर्कट विपुल ,
 ग्यानसुग्रीवकृत जलधिसेतु ।

प्रबल बैराग्य दारुण प्रभंजनतनय ,
 विषयवनभवनमिव धूमकेतू ॥
 दुष्टदनुजेशनिर्वशकृत दासहित,
 बिश्वदुषहरन बोधैकरासी ।
 अनुज निज जानकी सहित हरि सर्वदा
 दास तुलसीहृदयकमलवासी ॥
 देव दीनउद्धरन रघुवर्य करुणाभवन,
 शमनसंताप पापौघहारी ।
 विमल बिग्यानविग्रह अनुग्रहरूप,
 भूपवर बिबुधनर्मद शरारी ॥
 संसारकान्तार अति घोर गंभीर घन ,
 गहन तरुकर्मसंकुल मुरारी ।
 बासनाबल्लिषरकंटकाकुल विपुल ,
 निबिड बिटपाटवी कठिन भारी ॥
 बिबिध चितवृत्ति षण निकर सेनोलूक ,
 काक बक गृद्ध आमिषअहारी ।
 अथिल षल निपुन छलछिद्र निरषत सदा ,
 जीवजनपथिकमन षेदकारी ॥
 क्रोध करिमत्त मृगराज कंदर्प मद
 दर्प वृक भालु अति उग्रकर्मा ।
 महिष मत्सर क्रूर लोभ शूकररूप ,
 फेरु छल दंभ मार्जारधर्मा ॥
 कपट मरकट बिकट व्याघ्र पाषंड
 मुष दुषद मृगवात उत्पातकर्त्ता ।
 हृदय अवलोकि यह शोक शरनागतं
 पाहि मां पाहि भो विश्वभर्त्ता ॥
 प्रबल अहकार दुर्घट महीधर महा,
 मोह गिरिगुहा निबिडांधकारं ।

चित्त बेताल मनुजाद मन प्रेतगन
 रोगभोगौघ वृश्चिकविकारं ॥
 विषयसुषलालसा दंशमसकादि,
 षल झिल्लिल रूपादि सब सर्पस्वामी ।
 तत्र आक्षिप्त तव विषम मायानाथ ,
 अंध मैं मंद व्यालादगामी ॥
 घोरअवगाह भवआपगा पाप ,
 जलपूर दुःप्रेक्ष दुस्तर अपारा ।
 मकरषड्बर्ग गोनकचक्राकुला ,
 कूल शुभ अशुभ दुष तीव्र धारा ॥
 सकल संघट पोच शोच बस सर्वदा ,
 दासतुलसी विषमगहनग्रस्तं ।
 आहि रघुवंशभूषण कृपाकर
 कठिनविकरालकलित्रासग्रस्तं ॥
 बंदौ रघुपति करुनानिधान ।
 जातैं छूटै भवभेदग्यान ॥
 रघुवंशकुमुद सुषप्रदनिशेष ।
 सेवित पदपंकज अज महेश ॥
 निज भक्तहृदय पाथोजभृंग ।
 लावन्यबपुष अगनित अनंग ॥
 अति प्रबल मोहतम मारतंड ।
 अग्यानगहन पावक प्रचंड ॥
 अभिमानसिंधु कुम्भज उदार ।
 सुररञ्जन भंजनभूमिभार ॥
 रागादि सर्पगन पन्नगारि ।
 कन्दर्पनाग मृगपति सुरारि ॥
 भवजलधि पोत चरनारविद ।
 जानकीरमन आनंदकंद ॥

हनुमंतप्रेमबापीमराल ।

निष्काम कामधुक गो दयाल ॥

त्रैलोक्यतिलक गुनगहन राम ।

कह तुलसिदास निश्चामधाम ॥

देव, दीन को दयाल दानि दूसरौ न कोई ।

जाहि दीनता कहों हों दीन देखौ सोई ॥

सुनि सुर नर नाग असुर साहब तौ घनेरे ।

पै तौलों जौलों रावरे न नेकु नयन फेरे ॥

त्रिभुवन तिहुं काल बिदित बहत बेद चारी ।

आदि अंत मध्य राम साहिबी तिहारी ॥

तोंहि मांगि मांगनो न मांगनो कहायो ।

सुनि स्वभाव शील सुजस याचक जन आयो ॥

पाहन पशु बिटप बिहंग अपने करि लीन्हे ।

महाराज दशरथ के रंक राव कीन्हे ॥

तूं गरीब कौ निवाज हों गरीब तेरौ ।

बारक कहिये कृपाल तुलसिदास मेरौ ॥

देव, तू दयाल दीन हों तू दानि हों भिषारी ।

हों प्रसिद्ध पातकी तू पापपुंजहारी ॥

नाथ तू अनाथ कौ अनाथ कौन मो सौ ।

मो समान आरत नहि आरतिहर तो सौ ॥

ब्रह्म तू है जीव हों तू ठाकुर हों चेरौ ।

तात मातु गुरु सखा तू सब बिधि हित मेरौ ॥

तोहि मोहि नाते अनेक मानिये जो भावै ।

ज्यों त्यों तुलसी कृपाल चरनशरन पावै ॥

देव, और काहि मांगिये जो मांगिबो निवारै ।

अभिमतदातार कौन दुष दरिद्र दारै ॥

धर्मधाम राम कामकोटरूपरुरौ ।

साहिब सब बिधि सुजान दानपङ्क सूरौ ॥

सुसमय दिन द्वय निशान सब के द्वार बाजै ।
 कुसमय दशरथ के दानि तैं गरीबनिवाजै ॥
 सेवा बिनु गुन बिहीन दीनता सुनाये ।
 जे जे तैं निहाल किये फूले फिरत पाये ॥
 तुलसिदास याचकरुचि जानि दान दीजै ।
 रामचंद चंद तू चकोर मोहि कीजै ॥
 दीन बन्धु सुषसिंधु कृपा कर कारुणीक रघुराई ।
 सुनहु नाथ मन जरत त्रिविधज्वर
 करत फिरत बौराई ॥
 कबहुं योगरत भोगनिरत शठ
 हठ बियोगवश होई ॥
 कबहुं मोहवश द्रोह करत बहु,
 कबहुं दया अति सोई ॥
 कबहुं दीन मतिहीन रंक रत
 कबहुं भूप अभिमानी ।
 कबहुं मूढ़ पंडित बिडंबरत,
 कबहुं धर्मरत ग्यानी ॥
 कबहुं देश जग धनमय रिपुमय,
 कबहुं नारिमय भासै ॥
 संसृतिसन्निपातदारुनदुषु,
 बिनु हरिकृपा न नासै ॥
 संयम जप तप नेम धर्म व्रत ,
 बहु भेषज समुदाई ।
 तुलसिदाम भवरोग रामपद
 प्रेम हीन नहि जाई ॥
 मोहजनित मल लाग बिबिध
 बिधि कोटिहुँ जतन न जाई ।
 जनम जनमअभ्यासनिरत चित

अधिक अधिक लपटाई ॥
 नयन मलिन परनारि निरषि ,
 मन मलिन विषय संग लागे ।
 हृदय मलिन बासना मानमद,
 जीव सहज सुष त्यागे ॥
 परनिंदा सुनि श्रवन मलिन भये ,
 बचन दोष पर गाये ।
 सब प्रकार मलभार लाग
 निज नाथचरन बिसराये ॥
 तुलसिदास व्रत दान ग्यान ,
 तप शुद्धि हेतु श्रुति गावै ।
 रामचरनअनुरागनीर बिनु ,
 मल अति नाश न पावै ॥
 मेरौ मन हरि हठ तजै ।
 निशिदिन नाथ देउ सिषि ,
 बहु बिधि करत सुभाव निजै ॥
 ज्यों युवती अनुभवतिप्रसव,
 अति दारुन दुष उपजै ।
 ह्वै अनुकूल बिसारि शूल ,
 शठ पुनि पल पतिहि भजै ॥
 लोलुप भ्रमत गृहपशु ज्यो.
 जहँ तहँ सिर पदभान बजै ।
 तदपि अधम बिचरत तेउ
 मारग कबहुं न मूढ़ लजै ॥
 हों हारथौ करि जतन बिबिध बिधि ,
 अतिशय प्रबल अजै ।
 तुलसिदास बस होय तबहिं
 जब प्रेरक प्रभु बरजै ॥

जो पै जिय धरिहौ अवगुन जन के ।
 तौ क्यों कटत सुकृतनष तैं मोपै ,
 बिपुल बृंद अघबन के ॥
 कहि है कौन कलुष मेरे कृत ,
 कर्म बचन के मन के ।
 हारहि अमित शेष शारद श्रुति ,
 गिनत एक एक छिन के ॥
 जो चित चढ़े नाममहिमा निज ,
 गुनगन पावन पन के ।
 तौ तुलसिहि तारिहौ बिप्र ज्यों ,
 दसन तारि यमगन के ॥
 जो पै हरि जनके अवगुन गहते ।
 तौ सुरपति कुरुराज बालि सौं ,
 कत हठि बैर बिसहते ॥
 जो जप याग योग व्रत बर्जित ,
 केवल प्रेम न चहते ।
 तौ कत सुर मुनिवर बिहाय ,
 ब्रजगोपगेह बसि रहते ॥
 जो जहँ तहँ प्रन राषि भगत कौ ,
 भजनप्रभाव न कहते ।
 तौ कलि कठिन कर्ममारग जड़ ,
 हम केहि भांति निबहते ॥
 जो सुतहित लिय नाम अजामिल
 के अघ अमित न दहते ।
 तौ यमभट सांसतिहर हमसे ,
 बृषम षोज षोज नहते ॥
 जो जगबिदित पतितपावन ,
 अति बांकुर बिरद न बहते ।

तौ बहु कल्प कुटिल तुलसी से ,
 सपनेहु सुगति न लहते ॥
 ऐसी हरि करत दास पर प्रीति ।
 निज प्रभुता बिसारि जनके ,
 बस होत सदा यह रीति ॥
 जिन बांधे सुर असुर नाग नर ,
 प्रबल कर्म की डोरी ।
 सोइ अविच्छिन्न ब्रह्म यशुमति,
 बांध्यौ हटि सकत न छूरी ॥
 जाको माया बस बिरंचि शिव
 नाचत पार पायौ ।
 करतल ताल बजाइ ग्वाल—
 युवतिन सोई नाच नचायौ ।
 विश्वंभर श्रीपति त्रिभुवनपति ,
 बेदबिदित यह लीष ।
 बलि सों कछु न चली प्रभुता
 बरु है द्विज भांगी भीष ॥
 जाके नाम लिये छूटत ,
 भवजन्ममरण दुषभार ।
 अम्बरीष हित लागि कृपानिधि ,
 सोइ जन्मौ दश बार ।
 योग बिराग ध्यान जप तप करि
 जेहि षोजत मुनि ग्यानी ।
 बानर भालु चपल पशु पावर
 नाथ तहां रति मानी ॥
 लोकपाल यम काल पवन ,
 रवि शशि सब अग्याकारी ।
 तुलसिदास प्रभु उग्रसेन के

द्वार बैतकरधारी ॥
 जाँउं कहां तजि चरन तुम्हारे ।
 का कौ नाम पतितपावन जग ,
 केहि अति दीन पियारे ॥
 कौने देघ बराइ बिरदहित
 हठि हठि अधम उधारे ।
 बग मृग व्याध पषान बिटप ,
 जड़ जमन कवन सुर तारे ॥
 देव दनुज मुनि नाग मनुज,
 सब माया बिबस बिचारे ।
 तिनके हाथ दासतुलसी,
 प्रभु कहा अपनपौ हारे ॥
 हरि तुम बहुत अनुग्रह कीन्हो ।
 साधनधाम बिबुधदुर्लभ'
 तनु मौहि कृपा कर दीन्हो ॥
 कोटिहुं मुष कहि जाहि न
 प्रभु के एक एक उपकार ।
 तदपि नाथ कछु और,
 मांगिहों दीजे परम उदार ।
 बिषयवारि मनमीन भिन्न नहिं,
 होत कबहुं पल-एक ।
 ताते सहिय बिपति अति दारुण,
 जन्मत योनि अनेक ॥
 कृपाडोरि बंसी पद अंकुश
 परम प्रेम मृदु चारो ।
 यह बिधि बेधि हरहु मेरौ
 दुष कौतुक राम तुम्हारो ॥
 है श्रुतिबिदित उपाय सकल

सुर केहि केहि दीन निहोरे ।
 तुलसिदास एक जीव मोहरजु,
 जोइ बांध्यो साइ छोरे ॥
 जो पै कृपा रघुपति कृपालु की
 बैर अवर के कहां सरै ।
 होय न बांकौ बार भक्त कौ,
 जो कोउ कोटि उपाय करै ॥
 तकै नीच जो मीच साधु की,
 सो पावर तेहि मीच मरै ।
 वेदविदित प्रह्लाद कथा,
 सुनि कौन भक्तपथ पावँ धरै ॥
 गज उधारि हरि थप्यौ विभीषन,
 ध्रुव अबिचल कबहुँ न टरै ।
 अम्बरीष की श्राप सुरति करि,
 अजहुँ महामुनि ग्लानि गरै ॥
 सो धौं कहा जु न कियौ सुयोधन,
 अबुध आपने मान जरै ।
 प्रभुप्रसाद सौभाग्यबिजय,
 यश पांडव ने बरिआइ बरै ॥
 जो जो कूप षनेगो पर कहँ, .
 सो शठ फिरि तेहि कूप परै ॥
 सपनेहुँ सुष न संतद्रोही कहँ,
 सुरतरु सोउ बिष फरनि फरै ॥
 है काके द्वै शीश ईश के,
 जो हरि जन की सीम चरै ।
 तुलसिदास रघुबीर बाहुबल,
 सदा अभय काहू न डरै ॥
 दीन दयाल दुरति दारिदुष

दुनी दुसह तिहुं ताप तई है ।
 देवदुआर पुकारत आरत,
 सब की सब सुषहानि भई है ॥
 प्रभु के बचन वेदबुधसम्मत,
 मम मूरति महिदेवमई है ।
 तिन्ह की मनि रिस रोग मोह,
 मद लोभ लालची लीलि लई है ॥
 राज समाज कुसाज कोटि कटु,
 कल्पत कलुष कुचाल नई है ।
 नीति प्रतीति प्रीति परमिति,
 पति हेतुबाद हठि हेरि हई है ॥
 आश्रम बर्न न, धर्मरहित जग
 लोक बेदमर्याद गई है ।
 प्रजा पतित पाषण्डपापरत,
 अपने अपने रंग रई है ॥
 शान्ति सत्य शुभ रीति गई घटि,
 बढ़ी कुरीति कपट कलई है ।
 सीदत साधु साधुता शोचति,
 षल बिलसत हुलसति षलई है ॥
 परमारथ स्वारथ साधन भये,
 अफल सकल नहि सिद्धि सई है ।
 कामधेनु धरनी कलिगोमर
 विवश बिकल जामति न बई है ॥
 कलिकरनी बरनिये कहां लौं,
 करत फिरत बिन टहल टई है ।
 तापर दांत पीसि कर मीजत,
 को जानै चित काह ठई है ॥
 त्यों त्यों नीच चढ़त शिर ऊपर,

ज्यों ज्यों शील बश ढील दई है ।
 सरुष बरजि तरजिये तरजनी,
 कुम्हिलैहै कौहड़े की जई है ॥
 दीजें दादि देषि नातौ बलि,
 मही मोद मगल रितई है ।
 भरे भाग अचुराग लोग कहैं
 राम अवधि चितवनि चितई है ॥
 बिनती सुनि सानंद हेरि हँसि,
 करुनाबारि भूमि भिजई है ।
 रामराज भयो काज सगुन शुभ,
 राजा राम जगतविजई है ॥
 समरथ बड़ो सुजान सु साहिब
 सुकृतसैन हारत जितई है ।
 सुजन स्वभाव सराहत सादर
 अनायाम सांसनि बितई है ॥
 उथपे थपन, उजारि बसावन,
 गईबहोरि बिरद सदर्ई है ।
 तुलसी प्रभु आरत आरतिहर,
 अभयबांह केहि केहि न दई है ॥
 कहां जाउं कासों कहों और और न मेरे ।
 जन्म गवायों तेरेही द्वार किंकर तेरे ॥
 में तो बिगारी नाथ सों आरात के लीन्हें ।
 तोहि कृपानिधि क्यों बनै मेरीसी कीन्हें ॥
 दिनदुरदिन दिन दुरदशा दिन दुष दिन दूषन ।
 जब लों तू न बिलोकि है रघुवंशविभूषन ॥
 दई पीठ बिनडोठ में तुम विश्वबिलोचन ।
 तो सों तुही न दूसरो नतशोचबिमोचन ॥
 पराधीन देव दीन हो स्वाधीन गोसांई ।

बोलनिहारे सों करै बलि विनय कि भाँई ॥
 आपु देषि मोहि देषिये जन मानिये सांचो ।
 बड़ी ओट रामनाम की जेहि लयौ सो बांचो ॥
 रहनि रीति राम रावरी नित हिये हुलसी है ।
 ज्यों भावै त्यों कर कृपाल तेरो तुलसी है ॥
 पेमो को उदार जग माहीं ।
 बिनु सेवा जो द्रवै दीन पर,
 राम सरिस कोउ नाहीं ॥
 जो गति योग बिराग यतन कर,
 नहि पावत मुनि ब्रह्मानी ।
 सो गति देत गीध शबरी कहं,
 प्रभु न बहुत जिय जानी ॥
 जो संपति दश शीश साधि कर,
 रावन शिव पहं लीन्ही ।
 सो सम्पदा बिभीषन कहं
 अति सकुच सहित हरि दीन्ही ॥
 तुलसिदास सब भाँति सकल सुष
 जो चाहसि मन मेरो ।
 तो भजु राम, काम सब पूरन .
 करै कृपानिधि तेरो ॥
 जानत प्रीतिरीति रघुराई ।
 नाते सब हाते कर राषत,
 राम सनेहसगाई ॥
 नेह निवाहि देह तजि दशरथ,
 कीरति अचल चलाई ।
 ऐसेहुं पितु तैं अधिक गीध पर
 ममता गुनगरुआई ॥
 तिशबिरही सुग्रीव सखा लषि,

प्रानप्रिया बिसराई ।
 रन परथौ बन्धु बिभीषन ही कौ,
 शोच हृदय अधिकाई ॥
 घर गुरुगृह प्रियसदन सासुरे
 भई जब जहँ पहुनाई ।
 तब तहँ कहे शवरी के फलनि की
 रुचि माधुरी न पाई ॥
 सहज स्वरूप कथा मुनि बर्नत
 रहत सकुचि शिर नाई ।
 केवट मीत कहत सुष मानत,
 बानर बंधु बड़ाई ॥
 प्रेम कनौड़ौ राम सौँ प्रभु,
 त्रिभुवन तिहुं काल न भाई ।
 तेरौ रिनी हौँ कह्यौ कपीश सौँ,
 पेसी मानि है को सेवकाई ॥
 तुलसी रामसनेह शील लषि,
 जो न भगति उर आई ।
 तौ तोहि जन्मि जाय जननी
 जड़ तन तरुनता गँवाई ॥
 रघुबर रावगि यहै बड़ाई ।
 निदरि गनी आदर गरीब प्रर
 करत कृपा अधिकाई ॥
 थके देव साधन अनेक करि,
 सपनेहुं नहिं दर्ई दिषाई ।
 केवट कुटिल भालु कपि कौनप
 कियौ सकुल संग भाई ॥
 मिलि मुनिवृंद फिरत दंडक बन,
 सो चरचौ न चलाई ।

बारहिं बार गीध शवरी की,
 बरनत प्रीति सुहाई ।
 श्वान कहैं तैं किये पुर बाहर ,
 तजो गयंद चढ़ाई ।
 सियनिंदक मतिमंद प्रजा
 रज निज नय नगर बसाई ॥
 यह दरबार दीन को आदर
 रीति सदा चलि आई ।
 दीनदयाल दीन तुलसी की
 काहुन सुरत कराई ॥
 पेसे राम दीनहितकारी ।
 अति कोमल करुनानिधान ,
 बिनु कारन परउपकारी ॥
 साधनहीन दीन निज अघबस
 शिला भई मुनिनारी ।
 गृह तैं गवनि परसि पदपावन
 घोर थाप ते तारी ॥
 हिंसारत निषाद तामसबपु,
 पशु समान बनचारी ।
 भेट्यौ हृदय लगाय प्रेमबस,
 नहिं कुल जांत बिचारी ॥
 यद्यपि द्रोह कियो सुरपतिसुत,
 कहि न जाय अति भारी ।
 सकल लोक अवलोकि शोकहत,
 शरन गये भय टारी ॥
 बिहंगयोनि आमिष अहार बस,
 गीध कवन व्रतधारी ।
 जनक समान क्रिया ताकी,

निज कर सब बात संधारी ॥
 अधम जाति शबरी योषित शठ ,
 लोक बेद तैं न्यारी ।
 जानि प्रीति दै दरश कृपानिधि ,
 सोड रघुनाथ उवारी ॥
 कपि सुग्रीव बन्धु भय व्याकुल ,
 आयौ शरन पुकारी ।
 सहि न सके दारुन दुष जनके
 हत्यौ बालि सहि गारी ॥
 रिपु कौ बन्धु बिभीषन निशिवर,
 कौन भजनअधिकारी ।
 शरन गये आगे हँ लीन्हो,
 भेद्यो भुजा पसारी ॥
 अशुभ होय जिन्ह के सुमिरन ते
 बानर रीछु बिकारी ।
 वेदबिदित पावन किये ते सब,
 महिमा नाथ तुम्हारी ॥
 कहँ लग कहों दीन अगनित ,
 जिन्ह की तुम विपति निवारी ।
 कलिमलप्रसित दासतुलसी, .
 पर काहे कृपा बिसारी ॥ ..
 जो पै रामचरनःरति होती ।
 तौ कत त्रिविधि शूल निशि बासर,
 सहितैं विपति निसोती ॥
 जो संतोषसुधा निशि बासर,
 सपनेहुं कबहुंक पावै ।
 तौ कत विषय बिलोकि भूँठ
 जल मन कुरंग ज्यों धावै ॥

जो श्रीपतिमहिमा बिचार
 उर भजते भाव बढ़ाये ।
 तौ कत द्वार द्वार कूकर ,
 ज्यों फिरते पेट षलाये ॥
 जे लोलुप भये दास आस के,
 ते सबही के चेरे ।
 प्रभुविश्वास आश जीती जिन्ह,
 ते सेवक हरि करे ॥
 नहि एकौ आचरन भजन कौ,
 बिनय करत हौं तारें ।
 कीजे कृपा दासतुलसी पर,
 नाथ नाम के नारें ॥
 जाके प्रिय न राम बैदेही ।
 सो छांडिये कोटि बैरी सम,
 यद्यपि परम सनेही ॥
 तज्यौ पिता प्रह्लाद, विभीषन
 बंधु, भरत महतारी ।
 बलि गुरु नज्यौ, कंत ब्रजबनितन्हि,
 भये जगमंगलकारी ॥
 नाते नेह राम के मनियत
 सुहृद सुसेव्य जहां लों ।
 अंजन कहा आंषि जेहि फूटे,
 बहुतो कहों कहां लों ॥
 तुलसी सो सब भांति परमहित,
 पूज्य प्राण ते प्यारो ।
 जासो होय सनेह रामपद,
 एतो मतो हमारो ॥
 जो पै रहनि राम सों नाही ।

तौ नर षर कूकर शूकर से,
 जाय जियत जग माही ॥
 काम क्रोध मद लोभ नीद भय ,
 भूष प्यास सबही के ।
 मनुजदेह सुर साधु सराहत,
 सो सनेह सियपीके ॥
 सूर सुजान सपूत सुलक्षन,
 गनियन गुनगरुआई ।
 बिन हरिभजन इंद्रायन के फल
 तजत नही करुआई ॥
 कीरति कुल करतूति भूति भलि,
 शील स्वरूप सलोने ।
 तुलसी प्रभुअनुरागरहित जस,
 सालल साग अलोने ॥
 कहां जाउँ कासों कहों को सुनै दीन की ।
 त्रिभुवन तुही गति सब अंगहीन की ॥
 जग जगदीश घर घरनि घनेरे हैं ।
 निराधार को अधार गुनगन तेरे हैं ॥
 गजराज काज षगराज तजि धायो को ।
 मोसे दोषकोषपोसे तोसे मायजायो को ॥
 मोसे कूर कायर कपूत कौड़ी आध के ।
 किये बहु मोल तैं करैया गीधआध के ॥
 तुलसी की तेरे ही बनाए बलि बनैगी ।
 प्रभु को बिलंबअंब दोष दुष जनैगी ॥
 राम कहत चलु, राम कहत चलु ,
 राम कहत चलु माई रे ।
 नाही तौ भवबेगारि महँ परिहौ
 छूटत अति कठिनाई रे ॥

बांस पुरान साज सब अठकठ ,
 सरल तिकोन खटोला रे ।
 हमहिं दिहल करि कुटिल कर्मचंद ,
 मंद मोल बिनु डोला रे ॥
 बिषम कहार मारमदमाते ,
 चलहिं न पाँव बटोरे रे ।
 मंद बिलंद अमेरा दलकन ,
 पाइये दुष भकभोरे रे ॥
 काँट कुराय लपेटन लोटन,
 ठाँवै ठाँवै बभाऊं रे ।
 जस जस चलिय दूरि तस तस,
 निज बास न भेंट लगाऊं रे ॥
 मारग अगम संग नहिं संबल ,
 नांव गांव कर भूला रे ।
 तुलसिदास भवत्रास हरहु अब,
 होहु राम अनुकूला रे ॥
 बलि जाऊं होय राम गुसाईं ।
 कीजिये कृपा आपनी नाई ॥
 परमारथ सुरपुरसाधन सब ,
 स्वारथ सुषद भलाई ।
 कलि सकोर्य लोपी सुचाल, निज
 कठिन कुचाल चलाई ॥
 जहँ तहँ चित चितवत हित तहँ
 नित नव बिषाद अधिकाई ।
 रुचि भावती भभरि भागहिं ,
 समुहाहिं अमित अनभाई ॥
 आधिमगन मन व्याधिविकल तन ,
 बचन मलीन झुठाई ।

एतेहुं पर तुमसों तुलसी की
 सकल सनेहसगाई ॥
 मन पछितैहै अवसर बीतें ।
 दुर्लभ देह पाइ हरिपद भजु,
 करम बचन अरु ही तैं ॥
 सहसबाहु दसबदन आदि नृप
 बचे न काल बली तैं ।
 हम हम करि धन धाम संवारे,
 अंत चले उठि रीतैं ॥
 सुत वनितादि जानि स्वारथरत
 न करु नेह सबही तैं ।
 अतहु तोहिं तजैगे पामर ,
 तू न तजहि अब ही ते ।
 अब नाथहि अनुराग जाग जड़ ,
 त्याग दुराशा जी तैं ।
 बुझै न कामअग्नि तुलसी कहुं
 बिषयभोग बहु घी तैं ॥
 कबहुं रघुवंशमनि सो कृपा करहुगे ।
 जेहि कृपा व्याध गज विप्र षल नर तरे,
 निनहि सम मानि मोहि नाथ आदरहुगे ॥
 योनि बहु जन्म किय कर्म षल बिबिधि बिधि ,
 अधम आचरन कलु हृदय नहिं धरहुगे ।
 दीनहित अजित सर्वज्ञ समरथ प्रनतपाल
 चित मृदुल निज गुननि अनुसरहुगे ॥
 मोह मद मान कामादि षलमंडली ,
 सकुल निर्मूल करि दुसह दुष हरहुगे ।
 योग जप ज्ञान विज्ञान ते अधिक अति ,
 अमल दढ भक्ति दै परम सुष भरहुगे ॥

HINDI SELECTIONS

मंदजनमौलिमनि सकल साधनहीन ,
कुटिल मनमलिन जिय जानि जो डरहुगे ।
दासतुलसी बेदबिदित बिरदावली
विमल जस नाथ केहि भांति बिस्तरहुगे ॥
ऐसी कौन प्रभु की रीति ।
बिरद हेतु पुनीत परिहरि ,
पांवरनि पर प्रीति ॥
गई मारन पूतना कुच कालकूट लगाइ ।
मातु की गति दर्ई ताहि कृपाल यादवराइ ॥
काम मोहित गोपिकनिः पर कृपा अतुलित कीन्ह ।
जगतपिता बिरंचि जिन्ह के चरन की रज लीन्ह ॥
नेम ते शिशुपाल दिन प्रति देत गनि गनि गारि ।
कियौ लीन सो आपु में हरि राजसभा मभारि ॥
ब्याध चित दै चरन मारथो मूढमति मृग जानि ।
सो सदेह स्वलोक पठपो प्रगट करि निज बानि ॥
कौन तिन्ह की कहै जिन्ह के सुकृत औ अघ दोड ।
प्रगट पातकरूप तुलसी शरन राख्यो सोड ॥
श्रीरघुबीर की यह बानि ।
नीचहूँ सों करत नेह सुप्रीति मन अनुमानि ॥
परम अधम निषाद पांवर कौन ताकी कानि ।
लियो सो उरलाइ सुत ज्यों प्रेम की पहिचानि ॥
गीध कौन दयालु जो विधि रच्यो हिंसा सानि ।
जनक ज्यों रघुनाथ ता कहँ दियौ जल निज पानि ॥
प्रकृतिमलिन कुजाति शयरी सकल अवगुनषानि ।
षात ताके दिये फल अति रुचि बषानि बषानि ।
रजनिचर अरु रिपु बिभीषण शरन आयौ जानि ।
भारत क्यों उठि ताहि भेंट्यो देह दशा भुलानि ॥
कौन लुभग सुशील बानर जिन्हहि सुमिरत हानि ।

किये ते सब सषा पूजे भवन अपने आनि ॥
 राम सहज कृपालु कोमल दीनहित दिनदानि ।
 भजहि ऐसे प्रभुहि तुलसी कुटिल कपट न ठानि ॥
 प्रन करिहौं हठि आज नैं रामद्वार परथौ हौं ।
 तू मेरो यह बिन कहे उठिहौं न जन्म भरि ,
 प्रभु की सों करि निबरथौ हौं ॥
 दै दै धक्का यमभट थके टारे न टरथौ हौं ।
 उदर दुसह सांसति सही बहु बार ,
 जन्म जग नर्क निदरि निकरथौ हौं ॥
 हौं मचला लै छाड़ि हौं जेहि लागि अरथौ हौं ।
 तुम दयाल बनि है दिये बलि बिलंब ,
 न कीजिय जात गलानि गरथौ हौं ॥
 प्रगट कहत जों सकुचिये अपराध भरथौ हौं ।
 तौ मन में अपनाइय तुलसिहि कृपाकर
 कलि बिलोकि हहरथौ हौं ॥
 जैसौ हौं तैसौ हौं राम रावरौं,
 जन जनि परिहरिये ।
 क्षमासिन्धु कौशलवनी शरनागत—
 पालक ढरनि आपनी ढरिये ।
 हौं तौ बिगरायल ,
 ओर कौ बिगरो न बिगरिये ।
 तुम सुधारि आये सदा सबकी सबही बिधि
 अब मेरीयो सुधरिये ॥
 जग हंसि है मेरे सग रहे कत यहि डर डरिये ।
 कपि केवट कोन्हे सषा जेहि शील ,
 सरलचित तेहि सुभाव अनुसरिये ॥
 अपराधी तउँ आपनो तुलसी न बिसरिये ।
 दूटियो बांह गरे परै फूटे हूं बिलोचन ।

HINDI SELECTIONS

पीर होत हित करिये ॥
तुम जानि मन मैजो करौ
लोचन जनि फेरौ ।
सुनहु राम बिन रावरे लोकहुं
परलोकहुं कोउ कहुं हित मेरौ ॥
अगुन अलायक आलसी
जानि अधम अनेरौ ।
स्वारथ के साथिन्ह तज्यो तिजरा कैसो ,
टोटक अवचट उलटि न हेरौ ॥
भक्तिहीन बेद बाहिरौ ,
लखि कलिमलघेरौ ।
देवन्ह हूँ देव परिहर्यौ अन्याव न ,
तिन्हकौ अपराधी सबकेरौ ॥
नाम की ओट लै पेट भरत हों ,
पै कहावत चेरौ ।
जगतविदित बात है परी समुझिये
धौ अपने लोक की बेद बडेरौ ॥
हूँ है जब तब तुमइहि ते'
तुलसी कौ भलेरौ ॥
दीन दिन हूँ दिन बिगारि है बलि जाउ'
बिलब लिये आपनाइये सबेरौ ॥
तुम तजि हों का सों कहों
और को हित मेरे ।
दीन बन्धु सेवक सखा आरत अनाथ पर
सहज छोह केहि करे ॥
बहुत पतित भवनिधि
तरे बिन तरि बिन बेरे ।
कृपा कोप सति भायहु धोषेहुं

तिरछेहु राम तिहारेहुं हेरे ॥
 जो चितवनि सौंधी
 लगे चितइये सबेरे ।
 तुलसीदास अपनाइये कीजे न ढोल
 अब जीवनअवधि अति नेरे ॥

दोहावली

राम बाम दिसि जानकी लषन दाहिनी ओर ।
 ध्यान सकल कल्याणमय सुरतरु तुलसी तोर ॥
 सीता लषन समेत प्रभु सोहत तुलसीदास ।
 हर्षत सुर वर्षत सुमन सगुन सुमंगलबास ॥
 पंचवटी बट विटप तरु सीता लषन समेत ।
 सोहत तुलसीदासप्रभु सकल सुमंगल देत ॥
 चित्रकूट सब दिन बसत प्रभु सिय लषन समेत ।
 रामनामजप जापकहि तुलसी अभिमत देत ॥
 रामनाम मनिदीप धरु जीह देहरीद्वार ।
 तुलसी भीतर बाहिरहु जो चाहसि उजियार ॥
 हिय निगुन नयनन सगुन, रसना राम सुनाम ।
 मनहुं पुरट संपुट लसत तुलसी ललित ललाम ॥
 एक छत्र एक मुकुटमनि सब बर्नन पर जोइ ।
 तुलसी रघुबरनाम के बरन बिराजत दोइ ॥
 नाम राम को कल्पतरु कल कल्याण निवास ।
 जो सुमिरत भयो भांग ते तुलसी तुलसीदास ॥
 मीठो अरु कटिवतिभरो रौताई अरु प्रेम ।
 स्वारथ परमारथ सुलभ रामनाम के प्रेम ॥
 रामनाम सुमिरत सुयशभाजन भयो कुजात ।
 कतरकु सुरपुर राजमग लहत भुवनविख्यात ॥
 स्वारथ सुष सपनेहु अगम परमारथ परबेश ।

रामनाम सुमिरत मिटहि तुलसी कठिन कलेश ॥
 मोर मोर सब कह कहसि तूँ को कह निज नाम ।
 कै चुप साधहि सुनि समुझि कै तुलसी जपु राम ॥
 तुम लषु हमहि हमार लषु हम हमार के बीच ।
 तुलसी अलषहि का लषहि रामनाम जप नीच ॥
 राम नाम अवलब बिनु परमारथ की आश ।
 बर्षत वारिदबूँद गहि , चाहत चढ़न अकाश ॥
 दंपति रस रसना दशन परिजन बदन सगेह ।
 तुलसी हरहित वरन शिगु सपति सहज सनेह ॥
 वर्षाऋतु रघुपतिभगति तुलसी शालि सुदास ।
 रामनाम बर बरन युग सावन भादौ मास ॥
 राम नाम नरकेशरी कनककशिपुकलिकाल ।
 जापक जन प्रह्लाद जिमि पालहि दलि सुरसाल ॥
 रामनाम कलि कामतरु राम भक्ति सुरधेनु ।
 सकल सुमंगलमूल जग गुरुपदपंकजरेनु ॥
 रामनामपरताप ते, प्रीति प्रतीति भरोस ।
 सो तुलसी सुमिरत सकल सगुन सुमंगलकोस ॥
 तुलसी प्रीति प्रतीति सौ रामनाम जप जागु ।
 किये होय विधि दाहिनो देइ आगेही भागु ॥
 रामनामरति रामगति रामनामविश्वास ।
 सुमिरत शुभ मंगल कुशल चहुं दिशि तुलसीदास ॥
 रामहि सुमिरत रन भिरत देत परत गुरुपाय ।
 तुलसी जिनिहि न पुलकतनु ते जग जीवत जाय ॥
 भवै न सलिल सनेहु , तुलसी सुनि रघुबीरयश ।
 ते नयना जनिदेहु , राम करहु बर आंधरे ॥
 तुलसी रामहि आपुते सेवक की रुचि भीठ ।
 सीतापति से साहिबहि , कैसे दीजे पीठ ॥
 प्रभु तरु तर कपि डार पर ते किये आपु समान ।

तुलसी कहैं न राम सों साहिब शीलनिधान ॥
 हरो चरहिं तापहिं बरत, फरे पसारहि हाथ ।
 तुलसी स्वार्थमीत सब परमार्थ रघुनाथ ॥
 स्वार्थ परमार्थ सकल, सुलभ एकही ओर ।
 द्वार दूसरे दीनता उचित न तुलसी तोर ॥
 रामप्रेम बिन दूखरो रामप्रेमही पोन ।
 रघुबर कबहूँ करहिंगे, तुलसी ज्यों जलमीन ॥
 जे जन रूये विषयरस चिकने रामसनेह ।
 तुलसी ते प्रिय राम के कानन बसहिं कि गोह ॥
 यथालाभसंतोषसुख रघुवरचरनसनेह ।
 तुलसी ज्यो मन मूढ सो जस कानन तस गोह ॥
 तुलसी रामहि परिहरे निपट हानि सुनिबे उ ।
 सुरसरिगत सोई सलिल सुरासरिस गगे उ ॥
 बिंध न ईधन पाइये, सागर जुरै न नीर ।
 पड़ै उपास कुबेरघर जो विपक्ष रघुबीर ॥
 है तुलसी के एक गुन अवगुननिधि कहैं लोग ।
 भला भरोसो रावरो राम रीझिबेजोग ॥
 सत्य वचन मानस विमल कपटरहित करतूति ।
 तुलसी रघुवरसेवकहि सकै न कलियुग धूति ॥
 हित सो हित रति राम सो रिपुसों वैरतिहाऊ ।
 उदासोन सबसों सरल तुलसी सहजसुभाऊ ॥
 तुलसी राम जो आदरो षोढो षरो षरोइ ।
 दीपककाजर सिर धरो धरो सुधरो धरोइ ॥
 भक्तहेतु भगवान प्रभु राम धरो तनुभूष ।
 किय चरित्र पावन परम प्राकृत नर अनुरूप ॥
 हिरण्याक्ष भ्राता सहित मधु कैटभ बलवान ।
 जेहि मारे सो अवतरयो कृपासिधु भगवान ॥
 शुद्ध सच्चिदानन्दमयकंद भानुकुलकेतु ।

चरित करत नर अनुहरत संसृतिसागरसेतु ॥
 अनुदिन अवध बधावने नित नव मंगल मोद ।
 मुदित मातु पितु लोग लषि रघुवर बालबिनोद ॥
 राजअजिर राजत रुचिर, कोशलपालकबाल ।
 जानुपानिचर चरित बर , सगुन सुमंगलमाल ॥
 नाम ललित लीला ललित ललित रूप रघुनाथ ।
 ललित बसन भूषन ललित ललित अनुज शिशु साथ ॥
 बालक कोशलपाल के सेवक बाल कृपाल ।
 तुलसी मनमानस बसत मंगल मंजु मराल ॥
 निज इच्छा प्रभु अवतरै सुर गोद्विज हित लागि ।
 सगुन उपासक संग तहँ रहे मोक्ष सब त्यागि ॥
 तुलसी दिन भल साह कहँ भली चोर कहँ राति ।
 निशि धासर ता कहँ भलो मानै रामइताति ॥
 सेवा शील सनैह धस करि परिहरि प्रिय लोग ।
 तुलसी ते सब राम सौ सुपद सुयोग वियोग ॥
 चारि चहत मानस अगम चनक चारि को लाहु ।
 चारि परिहरे चारि को दानि चारि चष चाहु ॥
 बचन वेष ते जो बनै सो बिगरै परिनाम ।
 तुलसी मनते जो बनै बनी बनाई राम ॥
 बंधुबधूरति केहि कियो बचन निरुत्तर बालि ।
 तुलसी प्रभु सुग्रीव की चितै न कछू कुचालि ॥
 कहा विभीषन लै मिलो कहा बिगारो बालि ।
 तुलसी प्रभु शरनागतहि सब दिन आयो पालि ॥
 विनहीं ऋतु तरुघर फरहि शिला द्रवहि जल जोर ।
 राम लषन सिध करि कृपा जब चितवहि जेहि ओर ॥
 तुलसी बिलसत नषत निशि शरदसुधाकर साथ ।
 मुका भालर भलक जनु राम सुजस शिशु हाथ ॥
 रामकथा मंदाकिनी चित्रकूट चित चारु ।

तुलसी सुभग सनेह बन सियरघुबीरबिहार ॥
 श्याम सुरभि पथ विशद अति गुनद करहिं तेहि पान ।
 गिराग्राम सियरामजस गावहिं सुनहिं सुजान ॥
 प्रेमसरी परपचरुज उपजी अधिक उपाधि ।
 तुलसी भलो सबै दर्ई बेगि बांधिये व्याधि ॥
 अंक अगुन आषर सगुन समुझिय उभय अपार ।
 षोये राषे आप भल तुलसी चरु बिचार ॥
 परमारथ पहिचानि मति लसति विषय लपटानि ।
 निकसि चिता ते अधजरति मानहुं सती परानि ॥
 शीश उधारन किन कहेउ बरजि रहे प्रिय लोग ।
 घरही सती कहावती जरती नाहवियोग ॥
 घर कीन्हे घर जात है घर छोड़े घर जाइ ।
 तुलसी घर बन बीचही रामप्रेमपुर छाइ ॥
 एक भरोसो एक बल एक आस विश्वास ।
 एक रामघनश्याम हित चातक तुलसीदास ॥
 जो घन वरषै समय सिर जो भरि जनम उदास ।
 तुलसी चातकयाचकहि तऊ तिहारी आस ॥
 चातक तुलसी के मते स्वातिहु पियै न पानि ।
 प्रेमतृषा बढ़ती भली घटे घटैगी कानि ॥
 चढ़त न चातकचित कबहुं प्रिय पयोद के दोष ।
 तुलसी प्रेमपयोधि की ताते नाप न जोष ॥
 बरषि परुष पाहन पयद पंष करौ टुक टुक ।
 तुलसी परी न चाहिये चतुर चातकहि चूक ॥
 उपल बरषि गरजत तरजि डारत कुलिश कठोर ।
 चितव कि चातक मेघ तजि कबहुं दूसरी ओर ॥
 पवि पाहन दामिनि गरज भरि झकोर षरि षीझि ।
 रोष न प्रीतमदोष लषि तुलसी रागहिं रीझि ॥
 मान राषियो मांगियो पिय सौं जित नव नेहु ।

तुलसी तीनिहु तब फवै जो चातकमत लेहु ॥
 तुलसी चातक मांगनो एक एक घन दानि ।
 देत जो भूमाजन भरत लेत जो घुंठक पानि ॥
 प्रीति पपीहा पयद की प्रगट नई पहिचानि ।
 याचक जगत कनाउड़ो कियो कनौड़ो दानि ॥
 नहि याचत नहि संग्रही शीश नाइ नहि लेइ ।
 ऐसे मानी मांगनेहि को चाग्दि बिनु देइ ॥
 साधन सांसति सब सहत सबहि सुपद फललाहु ।
 तुलसी चातक जलद की रीति बूझि बुझ काहु ॥
 चातक जीवनदायकहि जीवन समय सुरीति ।
 तुलसी अलप न लपि परै चातकप्रीति प्रतीति ॥
 जीव चराचर जहँ लगे हैं सब को हित मेह ।
 तुलसी चातकमन घस्यो घन सों सहज सनेह ॥
 डोलत विपुल बिहंग बन पियत पोपरिन वारि ।
 सुयश धवल चातक नवल तुही भुवन दश चारि ॥
 मुख मीठे मानस मलिन कोकिल भोर चकोर ।
 सुयश धवल चातक नवल रह्यो भुवन भरि तौर ॥
 बास वेष बोलनि चलनि मानसमंजुमराल ।
 तुलसी चातकप्रेम की कीरति विशद विशाल ॥
 प्रेम न परषिय परुषपन पयद मिषावन पह ।
 जग कहै चातक पातकी ऊसर बरपै मेह ॥
 गरज आपनी सबन को गरज करत उर आनि ।
 तुलसी चातक चतुर भो याचक जानि सुदानि ॥
 चरगचंगुगत चातकहि नेम प्रेम की पीर ।
 तुलसी परबस हाड़ पर पम्है पुहुमी नीर ॥
 बध्यो बधिक परयो पुन्य जल उलटि उठाई चौंच ।
 तुलसी चातकप्रेमपट मरतहु लगी न पौंच ॥
 अंड फोरि कियो चेदुवा तुष परयो नीर निहारि ।

गहि चंगुल चातक चतुर्ग डारथो बाहिर वारि ॥
 तुलसी चातक देत शिष सुतहि बागही वार ।
 तात न तर्पन क्रीजियो विना वारिधरधार ॥

सोरठा

जियत न नाई नारि चातक घन तजि दूसरहि ।
 सुरसरिहूँ को वारि मगत न मांगेउ अरघजल ॥

दोहा

तुलसी के मत चातकहि केवल प्रेमपियास ।
 पियत स्वातिजल जान जग याचक बारहमास ॥
 आल बाल मुकुताहलनि हिय सनेह तरुमूल ।
 होउ हेतु चित चातकहि स्वातिसलिल अनुकूल ॥
 उष्णकाल अरु देहपित मगपंथी तन ऊष ।
 चातक बतियां ना रुच्यी अनजल सींचे रूष ॥
 अनजल सींचेरूष की छाया ते बरु घाम ।
 तुलसी चातक बहुतहै बह प्रवीन को काम ॥
 आपु बधिक को रूपधरि कियो कुरगहि राग ।
 तुलसी जो मृगमन मुरै परै प्रेमपट दाग ॥
 ज्ञान अनभले को सबहि भलो भलेहूँ काउ ।
 सींग सूँड़ रद लूम नष करत जीवजड़ घाउ ॥
 तुलसी जग जीवन अहित कतहूँ कोउ हित जानि ।
 शोषक भानु कृशानु महि पवन-एक घन दानि ॥
 गुरुसंगति गुरु होइ सो लघुसंगति लघुनाम ।
 चारि पदारथ में गनै नरक द्वार हूँ काम ॥
 तुलसी किये कुसंग थिति होइ दाहिनो बाम ।
 कहि सुनि सकुचिय सूम षल गत हरिशंकर नाम ॥
 बसि कुसंग चह सुजनता ताकी आस निरास ।
 तीरथ हूँ को नाम भो गया मगह के पास ॥
 रामकृपा तुलसी सुलभ गंग सुसंग समान ।

जो जल परै जो जन मिलै कीजै आपु समान ॥
 होइ भले के अनमलो होइ दानि के सुम ।
 होइ कुपूत सुपूत के ज्यों पावक में धूम ॥
 लोक वेदहं लोदगी नाम भले को पोच ।
 धर्मराज यम गाज पवि कहत सकोच न शोच ॥
 लषि गयंद लै चलत भजि श्वान सुषानो हाड़ ।
 गजगुन मोल अहार बल महिमा जान कि राड़ ॥
 बड़े विबुध दरबार ते भूमि भूपदरबार ।
 जापक पूजक पेषियत सहत निरादरभार ॥
 जौक सूधिमन कुटिलगति षल विपरीत बिचार ।
 अनहित सोनित सोष सो सो हितसोषनहार ॥
 नीच गुड़ी ज्यों जानिबो सुनि लषि तुलसीदास ।
 ढीलि दिये गिरि परत महि बैचत चढ़त अकास ॥
 सहबासी काचो मिलहि पुरजन पाकप्रवीन ।
 कालछेप केहि मिलि करहि तुससी खग मृग मीन ॥
 साहसही सिष कोप बस किये कठिन परिपाक ।
 शठ संकटभाजन भये हठि कुजाति कपि काक ॥
 मधुर बचन कट्टु बोलिबो बिनु श्रम भाग अभाग ।
 कुह कुह कलकंठरव काका कररत काग ॥
 बचन कहे अभिमान के पारथ पेषत सेतु ।
 प्रभुतिय लूटत नीच नर जय न मीचु तेहि हेतु ॥
 षग मृग मीत पुनीत किय बनहु राम नरपाल ।
 कुमति बालिदशकंठघर सुहृद बंधु किये काल ॥
 रवि हरि दिशि गुनरस नयन मुनि प्रथमादिक बार ।
 तिथि सब काज नसावनी होइ कुयोग बिचार ॥
 नकुल सुदरशन दरशनी छेमकरी चष चाष ।
 दश दिशि देषन शकुन शुभ पूजहि मन अभिलाष ॥
 सुधा साधु सुरतरु सुमन सफल सुहावनि बात ।

तुलसी सीतापतिभगति सगुन सुमंगल सात ॥
 सहि कुबोल सांसति सकल अंगइ अनट अपमान ।
 तुलसी धरम न परिहरिय कहि करि गये सुजान ॥
 दोहा चारु बिचारु चलु परिहरि बाद बिवाद ।
 सुकृतसीव स्वारथ अवधि परमारथ मरजाद ॥
 दूटहिं निज रुचि काज करि रूठहिं काज बिगारि ।
 तीय तनय सेवक सषा मन के कंटक चारि ॥
 धाय लगै लोहा ललकि षींच लेइ नइ नीचु ।
 समरथपापी सो बयर जानि बिसाही मीचु ॥
 सोचिय गृही जो मोह वश करै कर्मपथ त्याग ।
 सोचिय यती प्रपंचरत बिगत बिवेक बिराग ॥
 जोपै मूढ उपदेश को होतो जोग जहान ।
 क्यों न सुयोधन बोधि कै आये श्याम सुजान ॥
 बहुमुष बहुरुचि बहु बचन बहु अचार व्यवहार ।
 इनको भलो मनाइबो यह अग्यानअपार ॥
 अपजन्मयोग कि जानकी मनि चोरी कब कान्ह ।
 तुलसी लोग रिभाइबो कर्षि कातिबो नान्ह ॥
 मांगि मधुकरी घात ते सोवत गोड़ पसारि ।
 पाप प्रतिष्ठा बढ़ि परी ताते बाढ़ी रारि ॥
 लही आँषि कब आँधरे बाँझ पूत कब ल्याय ।
 कब कोढ़ी काया लही जग बहराइच जाय ॥
 त्रिविध एक विधि प्रभु अनुग अँवसर करहिं कुठाट ।
 सूधे टेढ़े सम विषम सबमहँ बारह बाट ॥
 व्यालहु ते बिकराल बड़ व्यालफेनु जिय जानु ।
 ओह के षाये मरत है ओह षाये बिनु प्रानु ॥
 काल बिलाकत ईशरुष भानु कालअनुहारि ।
 रविहिं राउ राजहि प्रजा बुध व्यवहरहिं बिचारि ॥
 बर्षत हर्षत लोग सब कर्षत लषै न कोइ ।

तुलसी प्रजासुभागते भूप भानु सो होइ ॥
 रीझि बीझि गुरु देत शिष सषा सुसाहब साध ।
 तोरि प्राय फल होइ फल तरु काटे अपराध ॥
 चढ़े बधूरे चंग ज्यों ग्यान ज्यों शोक समाज ।
 कर्म धर्म सुष सम्पदा त्यों जानिये कुराज ॥
 गोली बान सुमंत्र शर समुझि उलटि मन देषु ।
 उत्तम मध्यम नीच प्रभु बचन विचारि विशेषु ॥
 रैयत राज समाज घर तन धन धर्म सभाहु ।
 शांत सुसचिवन सौपि सुष विलसहि नित नरनाहु ॥
 सुधा सुनाज कुनाज फल आम अशन सम जानि ।
 सुप्रभु प्रजाहित लेहि कर सामादिक अनुमानि ॥
 पाके पकए विटपदल उत्तम मध्यम नीच ।
 फल नर लहै नरेश त्यों करि बिचार मन बीच ॥
 धरनि धेनु चारित चरित प्रजा सुबद्ध पन्हाइ ।
 हाथ कछू नहिं लागिहै किये गोड़ की गाइ ॥
 कंटक करि करि परत गिरि शाषा सहस पजूरि ।
 मरहि कुनृप करि करि कुनप सों कुचाल भवभूरि ॥
 सुषिया सुष सो चाहिये षान पान को एक ।
 पालै पोषै सकल अंग तुलसी सहित चिवेक ॥
 साषी शब्दी दोहरा कहि केहनी उपषान ।
 भगति निरूपहि भगत कलि निंदहिं बेदपुरान ॥
 बीज राम गुनगन नर्यन, जल, अंकुर पुलकालि ।
 सुकृती सुतन सुषेतवर विलसत तुलसी सालि ॥
 पुरषारथ स्वारथ सकल परमारथ परिनाम ।
 सुलभ सिद्ध सब साहिबी सुमिरत सीताराम ॥

